




Narodna in univerzitetna knjižnica  
v Ljubljani

138745







D. ZEGERI BERNARDI VAN-ESPEN

Celeberrimi Jurisconsulti Lovaniensis

# IVS ECCLESIASTICVM

IN EPITOMEN REDACTVM

AC SVBJVNCTIS

BREVIBVS SENTENTIIS,

ATQVE

ARGVMENTIS STVDII PATRISTICI

INSTRVCTVM

A

Plurimum Reverendo, Religiosissimo atque Eximio

D. P. BENEDICTO OBERHAVSER,

I. V. D. Reverendissimi ac Celsissimi S. R. I. Principis  
ac Archiepiscopi Salisburgensis Consiliario  
ecclesiastico.

P A R S T E R T I A.

---

*Editio novissima et correcta.*

---

CILLEJAE,

apud Franciscum Josephum Jenko.

M DCCXCV.

138745

138745



2. 1865 / 1957

3h

030028532

## BENEVOLO LECTORI.

---

Pars tertia et quarta continent ea, quae clarissimus D. Van - Espen scripsit de bonis, et Judiciis ecclesiasticis. Integrum ergo hujus Auctoris Jus ecclesiasticum est quatuor partibus nunc excusis, modo undequaque perfecto, comprehensum. Quinimo Epitomator, ut opus istud fieret omnibus numeris absolutum, nonnulla supplevit ex Fleurianis Juris ecclesiastici institutionibus.

Ast ubi sunt novissima Pontificum Decreta, et Principum Statuta, quibus hoc opus supplendum promittebat circumvolans folium, quo illius editio annuntiabatur? Quod fuit promissum, id et fuit ad-

impletum, et fides liberata. Epitomator non quidem suo huic compendio inferuit talia Decreta, et Statuta expressis nominibus Pontificum, et Principum: in obviis tamen locis, uti eruditus Lector facile perspiciet, indicavit novissimos mores, qui sensim invalescunt, praxin, quae vigeere incipit, leges, juxta quas nunc vivere oportet. Nil ergo omissum, quod ad ecclesiasticam Jurisprudentiam conducere posset.

Compendium istud est, ut reapse tale sit, non patitur integra et operosa adducere Statuta etc. D. Van-Espen sua monumenta, quae sparsim citavit, in speciali tractatu collegit. Idem fieri potest, si alia istius Auctoris opera, quae in epitomen redigenda adhuc restant, publicam lucem aspicient, ubi haec Statuta in unum tractatum collecta perlegere dabitur. Interim vale.

---

# PROE M I U M.

## V A N - E S P E N I I

*Commentarius in Jus Canonicum NO-  
VISSIMUM animadversionibus ad  
statum Germaniae accommodatus.*

Cum jam hujus operis index sub prelo sudaret, et propediem publicam lucem esset aspecturus, in manus meas venit quoddam opusculum: cui titulus: *Van-Espenii Zegeri Bernardi Presbyteri J. V. D. SS. Canonum Professoris in Academia Lovaniensi Commentarius in Jus Canonicum novissimum animadversionibus ad statum Germaniae accommodatus.* Quemnam scopum sibi praefixerit Auctor harum animadversionum, indicat titulus. Modus, quo totum opusculum adornavit, erat hic. Praeprimis integrum Van-Espenii Commentarium in Jus Canonicum novissimum fideli manu, quantum per temporis angustias desumere potui, descripsit, et quidem, ut ajunt, de verbo ad verbum. Praemissis singulis istius Commentarii Paragraphis subjunxit suas animadversiones, quae an praescriptum scopum attigerint, aliis dijudicandum relinquo. Animadversionum istarum dare juvat synopsin per modum Proemii brevissimam, retentis plerumque Auctoris etiam verbis. Additio haec non displicebit Epitomatori juris hujus ecclesiastici, neque Auctori animadversionum illarum, minus Lectori. Epitomatoris opus praeclarum appositis his animadversionibus nec mutatur, neque interpolatur, sed magis illustratur, et ad statum Germaniae accommodatur. Auctor Animadversionum in publicam lucem eas edidit, ut prodessent orbi litterato, quem finem eo melius assequentur, si in synopsin contractae pluribus innescant. Animadversiones non abs re auguror profuturas Lectori, cui facilis, et expedita aperitur via, planiorem Juris ecclesiastici novissimi praesertim germanici notitiam acquirendi.

*De Jur.  
eccles. no-  
viss.*

Juri Canonico , seu ecclesiastico *novissimo* in genere quidem omnia illa passim adscribi solent , quae disciplinam ecclesiasticam vel publicam , vel privatam , tam res , quam personas ecclesiasticas , aut processum judiciorum concernunt , et post evulgatas Decretalium , ac **Canonum Collectiones Corporis canonico insertas** auctoritate publica emanarunt . Inter has collectiones tempore postrema est illa sub nomine *Extravagantium communium* edita , cui inserta legitur **Constitutio Sixti IV.** anno 1483. promulgata : unde cum alia recentior Decretalis in **Collectionibus corpori canonico inclusus** non occurrat , juri ecclesiastico *novissimo* adscribuntur ea omnia , quae post illud tempus Pontifices in materia ecclesiastica sive per modum Constitutionis , sive sub nomine Bullae , aut Brevis , vel *moto proprio* , aut interrogati , seu interpellati ediderunt , vel responderunt .

*De Jur.  
eccles. no-  
viss Germ.*

Praeter illa omnibus nationibus communia in Germania speciatim juri ecclesiastico *novissimo* adnumerantur (1) auctoritas , et usus juris ecclesiastici (2) Concilia generalia , et particularia Germaniae (3) Concordata Nationis germanicae (4) Constitutiones germanici Imperii generatim (5) Praerogativae , seu libertates Ecclesiarum germanicarum .

*De usu  
et auct.  
Decret.  
Grat. in  
German.*

Quod ad usum , et auctoritatem Decreti Gratiani in Germania spectat , adiutandum id venit . Cum Decretum hoc ex Conciliorum Canonibus , Bullis , et Pontificum Decretis , Patrum sententiis , praeclarissimis Imperatorum , et Regum Constitutionibus conflatum , atque in Ordinationibus Imperii germanici sub Friderico II. anno 1236. et Rudolpho anno 1281. emanatis , aliisque Sanctionibus Imperii publicis corroboratum sit , nec non disciplinam veteris Ecclesiae , et primaevum illius systema omnium optime exhibeat , vere dignissimum est , ut usui Germaniae , praeprimis deficientibus propriis Diaecesium Statutis , Juris ad instar subsidiarii , inserviat . Habet quoque istud Gratiani Decretum singularem usum , auctoritatem , et aestimationem apud Protestantes , prout constat ex testimoniosis Strickii , Matthaei Pfaffii , Speneri etc. et praesertim Boehmeri in *Praef. ad tit. de constit.* §. 21. Germanis quoque non est rejicienda sententia , quae Decreto Gratiani vim legalem tantummodo per aversionem tribuit . Sunt enim plures tex-

tus spurii, vel certe suspecti ex Decreto hoc de-  
sumpti, et in Decretales Gregorii IX. relati, nec  
non *in praxi* in vim legis assumpti, adeo, ut ad  
hujusmodi Canones haud secus, quam ad genuinos,  
sinceros, et authenticos, provocari soleat.

Inter causas, ob quas Jus canonicum in Ger- De caus.  
recept.  
maniae terris eo citius fuerat receptum, Auctor  
*Principiorum Juris ecclesiastici publici Catholicorum Jur. Can.*  
*ad statum Germaniae accommodatorum Cap. IV. §. in Germ.*  
12. primario assignare contendit multitudinem Cle-  
ricorum, et Monachorum, qui ob Laicorum insci-  
tiam adhibeantur a Principibus ad negotia publica,  
privataque. Fors melius quis diceret, Juris cano-  
nici receptionem in Germania fuisse promotam ex  
eo, quod Saeculo XI. et XII. quo Jus civile, et  
Canonicum in Scholis tradi caepit, processus judi-  
ciarius in tribunalibus ecclesiasticis ad normam ju-  
ris civilis et in Germania passim introductus fuerit,  
cum antea per saecula decem, quod maximam sal-  
tem Ecclesiae occidentalis partem, simplex Judi-  
ciorum ecclesiasticorum forma fuerit, et causae  
ecclesiasticae sine strepitu forense, et processu for-  
mulario ab Episcopis tanquam arbitris fuerint di-  
scussiae.

Primus, qui legitur Bullas Pontificias extra cor- De collect.  
pus juris canonici vagantes collegisse, fuit Petrus Bullar.  
Matthaei Iætus Lugdunensis, cuius collectio anno  
1491. prodiit sub hoc titulo: *Collectio constitutionum,*  
*et Bullarum post SEXTUM, CLEMENTINAS,*  
*ET EXTRAVAGANTES usque in hodiernum di-*  
*em.* Collectio haec dicta fuit *septimus Decretalium,*  
et divisa in V. libros: libri vero in titulos, inter  
quos quidam reperiuntur in antiquioribus Collectionibus ignoti. Circa idem tempus Laërtius Che-  
rubicinus pleniorum, ac ampliorem collectionem con-  
fecit ex omnibus Bullis, et Constitutionibus, quas  
reperire potuit, a tempore Leonis I. usque ad Sixti  
V. Pontificatum secundum ordinem temporum  
distributis, inditoque *Bullarii* titulo, illam sub au-  
spiciis Sixti V. 1588. evulgavit. Bullarium istud  
plurimis Pauli V. Gregorii XV. Urbani VIII. et In-  
nocentii X. Bullis et aliorum Pontificum praeced-  
entium antea omissis Constitutionibus fuit au-  
ctum, et ab Angelo Maria Cherubino Monacho  
cassinensi Laërtii filio typis Romanis in quatuor  
tomis anno 1633. publicatum sub nomine *Magni*  
*Bullarii Romani.* Quatuor illis tomis adjectus est

quintus cura P. Augeli a Lantusea, et P. Joannis Pauli a Roma Ord. Min. S. Francisci Strict. Observ., in quo continentur reliquae Urbani VIII. et Innocentii X. Bullae in priori tomo desideratae, item Constitutiones Alexandri VII. Clementis IX. et Clementis X. Quarta Bullarii editio prodiit anno 1727. quae constat tomis majoribus octo, vel potius quatuordecim, et incipit a Leone I: usque ad Benedictum XIII. Anno 1749. nova Bullarii editio facta est, quae cum supplementis se ad novemdecim tomos in folio extendit, sub titulo : *Bullarium magnum a beato Leone magno usque ad S. D. N. Benedictum XIV. Luxenburgi.* Praeter Bullarium istud magnum habemus etiam Collectionem operum, Bullarum, et Brevium Clementis XI. 1729. editam sub titulo : *Clementis XI. Pontificis M. opera, scilicet epistolae, Brevia selectiora, et Bullarium.* Benedictus quoque XIV. Pontifex M. suas Constitutiones successive imprimi typis curavit, easque more antiquo Doctoribus Bononiensibus inscripsit.

*De auct.  
Bullar.* Juxta communem Doctorum opinionem omnes Bullae, quae, antequam erant in Bullarium relatae, per viam legis universalis editae, ac legitime publicatae, et acceptatae fuerant, vim legis, quam olim extra Bullarium habuerunt, etiam hodie Bullario inclusae retinent, nisi vel lege posteriori, vel contraria consuetudine fuerint abrogatae. Id quoque certum apud juris canonici peritos habetur, quod, ut Bulla Pontificia fidem faciat in iudicio, sive pro lege suspiciatur, debeat ante omnia constare *authentice in forma probante*, hanc Bullam *re ipsa* a Pontifice emanasse. Porro Bullarum Collectiones non possunt ipsi simet Bullis in se contentis dare auctoritatem publicam, praeter eam, quam hae Bullae per se, et citra insertionem in has Collectiones habent: cum enim istarum Collectionum Auctores nulla publica auctoritate essent instructi, sed duntaxat privato studio, et opera Decretales alibi a se repertas in unum collegerint, plenam fidem et publicam auctoritatem nec suis Collectionibus, nec Bullis ibi contentis dare posuerunt. Interea fides pro Bullis in Bullario contentis semper firma manet, nisi justa, et sufficiens adsit de illarum auctoritate dubitandi, vel contradicendi ratio, cuius probatio illi, qui fidem impugnare praesumeret, de contrario injungenda foret. Inquit Cl. Zallwein Tom. II. q. 3. c. 3. §. 5.

Quod, si aliquis errorem docere, et authentiam Bullae impugnare vellet, sine dubio audiendus sit, vel maxime autem similium Bullarum auctoritas elidi possit, si quis ostenderet, eas nunquam legitime fuisse promulgatas, vel non receptas vel usu contrario abrogatas.

Indubitati apud Germanos quoque juris est, *De requis.* Bullas, et constitutiones Pontificias pro iis terris *ad oblig.* non obligare, quibus non per expressam Pontificis *Bullas* declarationem datae, et ubi non legali modo pub-*Pontif.* licatae fuerunt. Sunt, qui ejusmodi publicationem ad obligationem producendam essentialiter non requirunt, putantes sufficere publicationem Romae factam. Alii contrarium probant ex Justiniani Novella VI. Item Conciliis Arelatensi I. et Sardicensi, quae suos Canones ad Rom. Pontifices Sylvestrum, ac Julium miserunt, ut eos in Provinciis publicari curarent. Synodus quoque Lateranensis sub Innocentio III. suam de medicis constitutionem c. 13. de Poen. et Remiss. relatam tunc obligare voluit, *postquam per Praelatos locorum fuerit publicata.* Exstat demum novissimum exemplum in Bulla suppressiois Ordinis Jesuitici, quae antequam legaliter Episcopis, et Germaniae Principibus innotuerat, executioni non fuit mandata.

Ut proditionibus Belgii, et vicinarum regio- *De Pla-*  
num Bullae Pontificum, Brevia, Decreta, alteri-*cit. reg.*  
usve nominis diplomata vim legis adipiscantur, *circa re-*  
Espinus requirit, omnia illorum genera prius ju-*cept. Bul.*  
re Placiti regii esse recognoscenda, disquirenda, *in Ger-*  
et approbanda. Ut dignoscatur, quid circa rece-*man.*  
ptionem Bullarum in terris Germaniae moris sit,  
genuinam dabimus definitionem libertatum Ecclesiae Germanicae, quae describuntur, ut immunitates intuitu Romani Pontificis, et Curiae Romanae partim in usu juris antiqui, et novi, ac novissimi universalis, et particularis, prout contrapositi Decretis Pontificum, aut nunquam receptis, aut postea ferendis, partim in pactis, et conventionibus fundatae, et quibusdam Ecclesiis particularibus cum Ecclesia Romana tanquam centro unitatis mutuo consilio - - communicantibus competentes. Germanicarum igitur Ecclesiarum libertates respiciunt triplicem inter Pontifices, Imperatores, et Ecclesiarum Praesules nexum, qui juxta regulas juris naturalis, divini, et humani interpretandus erit, unde libertates Ecclesiarum germanicarum sequentes patiun-

tur reflexiones. 1. Juxta libertatem Ecclesiae germanicae non est in usu directe refragari Bullis, et Constitutionibus a summa Sedis ordinatis. 2. Ea enim inter germanicas Ecclesias, et Pontificem Romanum intercedit firmiter stabilita unio, quae Germanos securos reddit, Pontificem jura, privilegia et consuetudines omnium germanicarum Ecclesiæ salvæ, et intactas conservare, et Concordatis Nationis germanicae non contravenire. 3. Sin autem de acceptatione Bullæ Pontificiae, quæ moribus, et consuetudinibus Germaniae non apta, aut ex aliis circumstantiis, et nonnunquam politici rationibus non accommoda videtur, agitur, tunc Episcopi, et Principes laici Germaniae Bullam quidem debita cum reverentia recipiunt, summo tamen Pontifici, servata reverentia, et submissione, inconvenientiam tamdiu mutuis consiliois remonstrant, donec exinde aut mutatio insequatur, aut obligatio vel directe, vel per indirectum solvatur. Sic plurimæ Bullæ per oblivionem, aut usum contrarium in desuetudinem abiisse videntur, maxime quatenus paenas dictant, prout testatur Zallwein Princip. Juri Eccles. cap. 5. §. 1. 4. Ad quod plurimum conducit, quod attendantur Jura Ecclesiæ Germaniae particularia, et praecipue Synodorum nationalium, et provincialium Canones, qui, si longo usu, observantia, et consuetudine fuerint roborati, omni jure Pontificum Bullis, et Decretis, veluti innocuae libertates in usu juris particularis, debito cum respectu opponi possunt praesertim. 5. Cum Concordata, ut pacta, et foedera inter summos Pontifices, et Nationem germanicam inita eam obligationem ex jure naturali, et divino fortiantur, ut summa Sedes per nova Decreta, praesertim si sunt pacta publica pro salute Ecclesiae, aut Reipublicæ inita, tam facile contravenire non possit. 6. Proin libertates Ecclesiæ Germaniae eo certius custodiuntur, cum Episcopi Germaniae insimul principatus saeculares regant, ipsique id, quod ditionibus subditis convenit, perbene dignoscant, et eo magis pervenire, et contraria avertere valeant. 7. Si Bulla, vel Decretum Pontificium bonum notabile politicum concernit, tunc fit, ut etiam civilis potestatis afferus merito requiratur. 8. Solummodo civilis Potestatis moderata cognitio circa Bullas, et Constitutiones admittitur, quando materiam politicam,

aut cum ea connexam oro obiecto habent, nam et in eo casu raro dici poterit, quod aliqua Bulla, vel Decretum omnibus Provinciis totius Christiani orbis sit accommodatum, et non pro diversitate Nationum mutationem patiatur. Per ejusmodi usum moderatum libertatum germanicarum circa receptionem Bullarum, et Decretorum nullo modo contrariatur auctoritati summi Pontificis, quia tam a Principibus ecclesiasticis, quam saecularibus semper reverentia, et obedientia pro comite habetur.

Unice adhuc restat differere, queminam Bulla in *De Bulla Coena Domini in Germania* habeat usum, et auctoritatem, cum *Espenius* huic Bullae pro terris Belgii, et Galliae omnem vigorem simpliciter admit, quia ibidem, nec admissa, nec unquam publicata fuit. Quod ad hujus Bullae in Germaniae Provinciis auctoritatem attinet, illa in omnibus locis, ubi publicata, et acceptata fuit, eandem, quam caeterae Bullae, et Decreta Pontificia, fidem, et auctoritatem praefefert: ratio vero illius non - usus in certis articulis neutiquam consistit in despectu, sed in vera Politia, cum singulis Germaniae Provinciis, earumque legibus, consuetudinibus, moribus, genio, et ingenio non sit accommoda, in multis objectis contradicit Concordatis Nationis Germanicae, et in nonnullis locis etiam Politiam saecularem, quam in Germania Proceres laici sibi vendicant, vehementer attingat, quo circa libertates Ecclesiarum Germaniae per indirectum quodammodo impugnatur. Hujus Bullae publicationi jam dicitur Rudolphus II. Imp. anno 1586. strenue se opposuisse. August. Imperatrix, et Regina Maria Theresia per edictum de 10. Octob. 1766. usum hujus Bullae in Provinciis Lombardiae interdixit, quod exemplum etiam alii Status saeculares fecuti sunt. Immo etiam Romae jam a tempore Clementis XIV. ab annuali hujus Bullae publicatione desistitur.

Regulas Cancellariae in Germania describimus, et agnoscimus, ut Constitutiones pontificias a quovis Pontifice ad initium sui regiminis praescriptas, quae normam, et ordinem, potissimum Cancellariae Apostolicae, res beneficiales, resignationes, et dispensationes concernunt. Pro usu Germaniae serviunt sequentia. 1) Exspirant hae regulae unacum quovis Pontifice. 2) Et hinc Sede vacante non obligant saltem extra Curiam. 3) Quapropter ordina-

*De Reg.  
Cancellar.  
pro usu  
German.*

iii Collatores possunt conferre beneficia, quae vi regularum sunt Pontifici reservata. 4) Ista regulas solent Pontifices neo-electi post unum, alterumve diem de novo reassumere, et prout libuerit, restringere, limitare, augere, et multiplicare. 5) Praesumunt adeo legalem insinuationem in Germania. 6) Ubi nun obligant, nisi a die rite, et legaliter factae insinuationis, et 7) in quantum sunt receptae, et promulgatae, quamvis Romae jus locale faciant, aut 8) in quantum non contrariantur observantiae locorum, aut juribus particularibus, et Concordatis Nationis germanicae. 9) Potissimum vero stringunt Germanos agentes in Curia Romana 10) hinc etiam earum in Germaniae Provinciis circa numerum diversimodus est usus, immo 11) quaedam regulae, ut leges patriae, perpetuantur, et de jure constanter, ut in Gallia recipiuntur potissimum, quae ad fraudes in beneficiorum provisionibus occurrentes amoliendas inseruiunt. Haec sunt generaliora capita, in quibus regularum Cancellariae usus pro terris Germaniae consistit.

*De Concil.  
Trid. in  
German.*

Espenius memorat difficultates circa publicationem et per eam quodammodo receptionem Concilii Tridentini quoad articulos disciplinae in Belgio, et Gallia ortas. Receptum tandem et in Belgio fuit etiam in materia disciplinae, seu reformationis, salvis tamen restrictionibus, praecipue iura regia, et regiorum Consiliorum, ac Magistratum, nec non privilegia, et consuetudines, regimen politicum, et externum harum Provinciarum concorrentibus. In Gallia plures sunt ordinationes regiae, quibus praincipia Concilii Tridentini Decreta Disciplinae probantur, nulla tamen illius Concilii facta mentione, eoquod regii Magistratus noluerint Concilium istud in materia disciplinae agnoscere. In pluribus quoque Galliae Conciliis vix non pleraque illius concilii Decreta circa reformationem fuerunt admissa, quatentis non derogant libertatibus gallicanis. In Germania cum Praelati et Principes catholici Decreta Concilii Tridentini receperint, illud ibi uti in universa Ecclesia catholica jus novum statuit. Germani fere circa Decreta reformatoria eundem modum, quem Galli, aliaeque Nationes catholicae, secuti sunt, ea tantummodo recipiendo, in quantum concordatis Nationis, aut libertatibus Ecclesiarum germanicarum non adver-

santur. Quinimo ipsi etiam Protestantes quaedam capita Concilii Tridentini libenter agnoscunt, et statim recurrunt ad ea, si ipsos inter, et Catholicos ratione Decimarum, Juris Patronatus, aut redditum ecclesiasticorum lis moveatur. Casus dubios in materia reformationis observantes decidit Congregatio speciatim desuper erecta, ita tamen, ut inconsulto Pontifice nulla fieret declaratio: Dogmatica vero illi soli sint reservata. Germani quidam Jureconsulti in materia circa sponsalia clandestina imprudenter provocant in decidendo ad regulam, *utrum in loco, ubi quaestio oritur, Concilium Tridentinum sit receptum.* Nam illud Concilium equidem matrimonia clandestina declaravit invalida, non autem ex eo evertit per indirectum etiam validitatem sponsalium clandestinorum, sed haec reliquit intacta et juxta dispositionem juris communis, unde certum est, isthaec esse valida, et servari debere. Cur autem circa clandestina sponsalia nonnunquam alia expositio, vel interpretatio requiratur, provenit ex diversis tum causarum, tum personarum, et nonnunquam locorum circumstantiis.

Decretum Concilii Tridentini circa annum, De Sy-  
vel saltem triennalem Synodi provincialis celebra- nod. Ger-  
tionem Sess. XXIV. cap. 2. de Reform. in Germa- man.  
nia strictissimae erat observantiae, ita, ut, quae  
ad materiam disciplinae ecclesiasticae restaurandam,  
et conservandam requiruntur, sedulo provisum fu-  
erit. Probant illud partim Concilia Germaniae pro-  
vincialia, et Synodi Diaconiae post Concilium  
Tridentinum celebratae, partim Ordinationes,  
Mandata, et Constitutiones synodales. Haec omnia  
Concilia provincialia, et Synodi habuerunt pro-  
basi Concilium Tridentinum. Decreta in ipsis Sy-  
nodis ad ecclesiasticam disciplinam restaurandam,  
ac fultiendam edita merito ut notabilis moderni  
juris ecclesiastici portio reputanda sunt, utpote e  
quibus optima disciplinae ecclesiasticae norma pree-  
fenti Ecclesiae statui accommodata hauriri potest,  
quapropter et merito expendenda per eos, quibus  
cura conservandae, aut restaurandae disciplinæ in-  
cumbit. Non tamen Synodorum provincialium ob-  
ligandi auctoritas ultra Provinciarum singularium  
respective fines se extendit, neque diaconiarum  
extra fines singularium respective Diaconium. Cu-  
tarunt nonnunquam Synodi, sua Decreta firmari

au<sup>r</sup>oritate regia, praesertim si bona temporalia attingerent, aut saltem externam disciplinam a Lai-  
cis observandam. Hisce Decretis Laici difficulter se submitterent, nisi au<sup>r</sup>oritas regia accederet. Quinimo Magistratus regii publicationem synoda-  
lium Decretorum in simili materia sine p<sup>re</sup>evio con-  
fensu suo vix permitterent, timentes, ne forte in his quidquam occurrat, quod juribus regiis p<sup>re</sup>-  
judicaret.

*De collect.  
Concil.* Omnia Germaniae Concilia collegit clar. P. Harzheimius. Ad sunt quidem antiquiores Conci-  
liorum collectiones, quae autem non solum Ger-  
maniae, sed aliarum Frovinciarum Concilia com-  
pleteuntur. Ex his prima est illa Jacobi Merliai  
Doct. Paris. de anno 1523. Altera est P. Petri La-  
bei Ordinis S. Francisci sub titulo: *Goncilia omnia  
tum generalia, quam particularia ab Apostolorum  
temporibus in hunc usque diem a SS. Patribus cele-  
brata: Coloniae 1538. et 1557.* Hanc insecura est illa Laurentii Surii Carthus. Parisiis anno 1567. e-  
dita sub titulo: *Concilia omnia tam generalia, quam  
provincialia, atque particularia.* Hanc imitatus est Severinus Binius Colon. Canonicus, a quo tres Collectiones de annis 1606. 1618. et 1638. Coloniae prodierunt. Pro maxima autem Conciliorum Col-  
lectione habetur illa, quae Parisiis edita fuit. La-  
beus pariter collectionem novam inchoavit, sed morte p<sup>re</sup>eventus eam ultra prosequi non poterat, adeoque eam Gabriel Gossart compleverat sub in-  
scriptione: *Sacrosancta Concilia ad regiam editio-  
nem exacta, quae nunc quarta parte aucta prodiit  
Parisiis Anno 1674.* et postea additamentis a Ste-  
phano Balucio illustrata fuit. Praestantissima collec-  
tio est Joannis Harduini sub titulo: *Collectio ma-  
xima Conciliorum generalium, et Provincialium,  
Decretalium, et Constitutionum SS. Pontificum 12.  
volum. Parisiis 1715.* Collectionem P. Harzheimii adhuc praecedit illa, quae curis Nicolai Coleti sub  
titulo: *Sacrosancta Concilia ad regiam editionem  
exacta. Venetiis 1728.* adscribitur, et a Joanne Do-  
minico Mansi anecdotois in VI. Tomos divisis ex-  
ornata fuit. Reliquae Conciliorum collectiones vi-  
deantur apud clariss. P. Zallwein in princip. Jur.  
Eccles.

Inter Synodos regia auctoritate firmatas Espenius speciatim pro novissimis temporibus refert Cameracensem, et Mechlinensem, quarum, sicut et regiorum editorum desuper editorum articulos simul adducit. In illis praeprimis agitur de professione fidei emittenda ab assumendis ad Magistratum, nec non ab omnibus Officiariis iustitiae tam civitatum, quam pagorum, uti et a Ludimagistris, et Ludimagistratibus, Typographis, Librariis, ac Bibliopolis, qui ultimi etiam teuebantur praestare jumentum in sua admissione de non invehendis libris prohibitis, nec secreto distrahendis. Agitur quoque ibi de ordinatione Scholarum, celebratione Festorum etc. Supersedeo referendis aliis articulis, cum adducentur, ubi oportunitas tulerit in hoc ipso met Espenii jure ecclesiastico in epitomen redacto. In Germania nostra circa ejusmodi articulos, qui mixtam aliquam cum Politia ecclesiastica, et civili connexionem patiuntur, attendere oportet ad diversimodas consuetudines, et Provinciarum observantias, prout et ad ordinationes provinciales, per quas sufficienter ubivis locorum provisum est, ne tam facile inter Magistratum ecclesiasticum, ac civilem aliqua dissensio, aut turbatio suboriri posset.

Inter res cum Politia ecclesiastica, et civili conexas reputatur materia Decimarum, cuius cognitio juxta Espenium in Gallia, et alibi vi edicti regii ad Consilia regia pertinet. In Germania usu, et observantia potissimum introductum est, ut in Curiis saecularibus Decimarum laicarum casus litigiosi decidantur. Videntur in Germaniae terris complures Decimae originetenus esse saeculares, et ideo per bene ad differentiam inter Decimas ecclesiasticas, et saeculares quoad reparandas Ecclesias attendi solet, ita, ut Laici Decimis investiti eas in qualitate Decimarum saecularium possideant, et exinde ad reparationem Ecclesiarum non possint obligari, nisi ad hanc ex observantia, aut aliunde ex pacto speciali, aut vi anni normalis teneantur. Unde et circa perceptionem Decimarum Pax Westphalica diversimode disponit. Sic Instrument. Pacis Osnabrug. Art 5. §. 15. statuitur de Decimis Novalium: Fundationes, quae die 1. Januarii 1625. in possessione, vel quasi juris decimandi e bonis novalibus in alieno territorio fuerunt, etiam in posterum sint, et nihil novi juris quaeratur. Inter caeteros Imperii

De rebus  
cum Polit.  
Civil. et  
eccles. con-  
nexis in  
German.

De mater.  
Decima-  
rum in  
German.

*status, et subditos id juris esto, quod jus commune, vel cuiuscunque loci consuetudo. et observantia de Decimis ex bonis novalibus constituunt, aut per pactiones voluntarias conventum est. Ex hoc inferri nequit, perceptionem Decimarum novalium, vel ad Decimatorem universalem, vel ad Dominum territoriale, vel ad Ecclesiam pertinere, cum illa per pacta, aut jus commune, aut cuiusvis loci consuetudinem, et observantiam passim terminetur, unde patet, per pacem Westphalicam immutatum in pluribus capitibus fuisse Jus canonicum: istud enim praescribit, ut Decimator universalis eo certius, cum id, quod majus est, percipiat, etiam novales Decimas possit exigere cap. 27. de Decimis.*

*Amorti-  
zat. in  
German.  
usus.*

Amortizationem quod attinet, de qua Espenius incidenter tractat, haec quidem in nonnullis Germaniae ditionibus non incognita, sed non in omnibus introducta est. Sic et in exstructione novorum Monasteriorum, Ecclesiarum, aut in aedificatione aedium ad pios usus destinandarum juxta observantiam, et exigentiam cuiuscunque loci partim ad iura Domini territorialis, partim ad possessionem anni normalis, aut singularia conuenta, praesertim in locis mixtae Religionis attendi solet, cum sine praescitu, et speciali licentia Domini territorialis juxta communia Juris publici principia nova aedificia non possint exstrui. Quamvis in Germania ad evitandas contentiones in hisce casibus, et rebus ad politiam saecularem pertinentibus non parum conferat, quod Principes ecclesiastici etiam insimul iurium territorialium sint capaces.

*De Con-  
stit. Imperii cum  
jure ec-  
clesiast.  
connex.*

Status ecclesiasticus Germaniae non a solo Jure canonico normam sortitur, sed insuper legibus pecuniaribus Imperii, pactisque conventis Imperatoris tam cum ipsis Statibus, quam cum exteris innititur. Auctor libri sub titulo: *Principia Juris eccles. ad usum German. accommod.* Constitutiones Imperii, quae connexionem cum jure ecclesiastico habent, in tres classes, nempe *antiquas, medias, et novissimas* dividit. *Antiquae* incipiunt a Carolo M. usque ad Carolum IV. Huc referuntur: 1. Capitularia Regum Francorum. 2. Constitutiones Imperii, quas collegit Melchior Goldastus, suspectus tamen hinc inde, prout citatus ait Auctor, imposturae litterariae. 3. Diplomata Imperatorum. 4. Concessa Ecclesiis, ac Monasteriis Statuta, privilegia, et libertates Collegiorum ab Imperatoribus confirmatae, Litterae solemnes

fundationum etc. Mediis adnumerantur constitutio-  
nes a Carolo IV. usque ad Carolum V. Eo speciali-  
ter pertinent aurea Bulla, in qua proëdria, aliaque  
jura Electorum ecclesiasticorum, nec non ritus fa-  
cri in electione Caesaris, et alias observandi descri-  
buntur. *Novissimae* sunt, quae inde a Carolo V. us-  
que ad nos emanarunt. Huc spectant 1. *Transactio Passaviensis*, ubi juxta citatum *Princip. eccles* etc.  
Auctorem de solo vitae, ac conversationis exter-  
ternae pacifico commercio transactum, nil vero de  
visceribus causae Religionis, nec de controversis  
fidei articulis. 2. *Pax Religiosa*, in qua conditiones,  
et fines inter utriusque Religionis partes, Cath. et  
A. C. addictos terminantur. 3. *Pax Westphalica*. Vi  
instrumenti hujus pacis Pax religiosa tam in pun-  
ctis Religionem, quam Politiam concernentibus pro  
basi habetur, et tolerantia trium religionum, liber-  
tas mutandi eas, cessio bonorum ecclesiasticorum,  
mutua, et exacta aequalitas in utraque Religione  
stabilitur, haecque omnia per Capitulationes Cae-  
sareae iterato confirmantur. 4. *Pax Ryswicensis*,  
in qua instrumentum pacis Westphalicae pro fun-  
damento ponitur, et de permanente Religionis ca-  
tholicae statu in locis restitutis agitur. 5. *Pax Ba-  
densis*, ubi singularia quaedam ad jus ecclesiasticum  
Germaniae pertinentia capita delibata fuerunt. Sic  
ibi Art. 17. nonnulla de beneficiis ecclesiasticis et  
personis capacibus non revocandis, nec non de Re-  
ligionis statu custodiendo inferta sunt. 6. *Recessus*  
imperii. Ex his de Concordato, Annatis, et officio  
Papae in bello turcico agit R. J. 1500. tit. 43. Tui-  
tionem S. Sedis Romanae, nescumque Ecclesiae ger-  
manicae cum illa docet R. J. 1512. De jure convo-  
candi Concilia agunt R. J. 1524. §. 28. 1529. §. 7.  
1532. Art. 1. §. 2. et 6. De honestate, et vita Cleri-  
corum tractant R. J. 1530. §. 32. 1548. tit. 14. §. 5.  
1557. De alienatione bonorum Ecclesiae R. J. 1530.  
De Collectis Cleri ad bellum turicum 1542. De im-  
munitate Ecclesiarum, et Ministrorum ab oneribus  
belli R. J. 1577. tit. 6. §. 1. Advocatiae, quam ge-  
rit Caesar pro Ecclesia, jura, et officia designant  
Recessus Imperii passim etc. 7. Capitulationes Cae-  
sareae, inter quas una ex novissimis art. 14. §. 5.  
tractat de separatione causarum ecclesiasticarum a  
saecularibus, evitandoque conflictu potestatis laicæ,  
et sacerdotalis etc. 8. *Constitutiones Imp.* Ut est

celebris constitutio Friderici II. a Statibus Imperii  
subscripta , quae exstat post libros feudorum etc.

*De usu  
Juris  
Justinian.  
in Discip.  
Eccles.*

Differte probat *Espinus*, quod non parum utilitatis disciplinae ecclesiasticae accedat per Jus Justinianeum, quia leges Imperatorum Christianorum, quae circa statum Ecclesiae publicum, ejusque Ministros, ac bona saecularia in corpore Justinianeo comprehenduntur, semper magni olim habitae fuerunt, l. 8. Cod. de SS. Trinit. Scimus enim, leges civiles, vel secundum praemambulos Canones l. 12. c. de SS. Eccles. vel saltem de consensu Episcoporum l. 7. et 8. Cod. de SS. Trinit. passim conditas fuisse, et Praefules ecclesiasticos semper hunc pium zolum Principum orthodoxorum collaudasse. Immo si veterem Ecclesiae statum propius indagamus, patet, quod Principes saeculares jam multum pro conservando bono ordine in Ecclesia, et amplianda politia externa in ecclesiasticis egerint ex Episcoporum assensu, ut hodieum adhuc per exercitium iuris circa sacra fieri solet. Interdum tamen constat, quod leges civiles Romanae multum auctoritatis hodieum per revolutiones temporum, atque immutatam status ecclesiastici faciem, et praesertim per saeculares ecclesiasticorum Principum possessiones perdidenterint: solent enim hi ipsimet saluberrimis constitutionibus, ac remediis in promptu prospicere cunctis Fidelium morbis.

*Regul.  
pro di-  
gnosc. in-  
ter leg. et  
canon. dif-  
ferent.*

Ut exactius possit dignosci, quae legem inter, et Canonem intercedant differentiae, sequentes adnotabimus regulas. 1) In causis spiritualibus, et ecclesiasticis attenditur solum jus Canonicum. 2) Inter personas ecclesiasticas in causis profanis lites secundum jus civile deciduntur. 3) Si de peccato, et conscientia agitur, jus canonicum a civili discrepans servabitur ab omni Catholico. 4) Lex civilis per expressos Canones, vel observantiam, ut ajunt, canonizata, obtinet etiam in foro ecclesiastico. 5) Ubiunque in causis profanis deficit jus canonicum, aut obscuritate, aut praeteritione casus, decisio de promitur ex jure civili. 6) Vicius ubi deficit jus civile, suppletur a canonico. 7) Quodsi vero reputatur antinomia inter leges, et Canones, atque materia sit indifferens, sequi oportet jus quodque in suo foro. 8) Delictis mixti fori quodque jus suam peculiariter poenam dictat.

Civiles leges neutiquam aspernantur S. Canones. *De harm.*  
Sancivit Justinianus. *Sacros autem Canones non mi-*  
*nus, quam leges valere, etiam nostrae volunt leges.* *inser leg.*  
*Sancimus obtinere in illis, et quae sacris visa sunt*  
*Canonibus, perinde ac si civilibus inscriptum esset*  
*legibus, l. 45. C. de Epis.* *Nimirum maxime in ho-*  
*minibus sunt dona Dei a superna collata Clementia*  
**SACERDOTIUM, ET IMPERIUM,** et illud  
quidem *Divinis ministrans, hoc autem humanis praefi-*  
*sidens, ac diligentiam exhibens, ex uno, eodemque*  
*principio procedentia humanam exornant vitam.* *Novel.* *VI. in Praef.* unde colligitur, quam singularis  
inter Caunes, et leges, Sacerdotium inter, et Imperium detur harmonia.

Juxta Espenium pro assequenda perfecta Cano- *De subsid.*  
num notitia, eorumque genuino sensu conveniens *pro asseq.*  
est inspicere textum originalem, sive graecum, si-  
ve latinum. Quin et variae Canonum Versiones  
subsilio sunt ad assequendum sincerum Canoeis sen-  
sum. Recurrere quoque oportet non tantum ad pri-  
mas Canonum collectiones, sed et ad harum Decre-  
taliū fontes, ubi perpendendum, quid condendo  
Canoni occasionem dederit: e. g. quis fuerit error,  
aut abusus, cui Canon opponitur. Cum Decretales  
Gregorii IX., maximam partem desumptae sint *ex*  
*epistolis Rom. Pontificum, inspiciendus est status*  
*difficultatum, et quaestionum, ad quas illi interro-*  
*gati responderunt. Cum vero status quaestioneis pro-*  
*positae, omnesque illius circumstantiae saepius ne-*  
*que ex Decretali, neque ex integra Pontificis epi-*  
*stola haberi queant, sed ex temporum illorum Hi-*  
*storici haurienda sint, hinc pro Canonum scientia*  
*plurimum conductit historiarum praeferim occiden-*  
*talium notitia, non ex vulgatis quibusvis, sed co-*  
*aetaneis repetenda. Demum pro Canouum intelle-*  
*ctu servit scire varitas pro temporum, et locorum*  
*diversitate vocum, et verborum significaciones,*  
e. g. Paroecia, seu Parochia, quae hodie districtum  
uni Presbytero, quem dicimus Parochum, commis-  
sum significat, olim significavit integrum Episco-  
porum districtum, quem nunc *Diaeceſin* dicimus.  
Diaeceſis autem pro districtu plurium Provinciarum  
ecclesiasticarum accipiebatur etc. Unde opus est,  
ut studium juris a titulis de verborum significatione  
inchoetur, et legantur virorum eruditorum obser-  
vationes, notae, vel Glossaria, quibus obscurorum,

aut obsoletorum verborum, saepius in Decretalibus  
occurentium, significaciones exponunt.

**Regulae  
pro asseq.  
Can. not.**

Praemissis subsidiis addere juvat regulas, ex quibus potissimum mensuranda est Canonum auctoritas. 1) Ad fontes originarios, nempe ad Conditores Canonum est recurrentum. 2) Canones Conciliorum, tam generalium, quam particularium in vim legis universalis adprobatorum, et receptorum, ut et Pontificum, dummodo in vim legis emanaverint, ac sufficienter promulgati, et recepti fuerint, habent auctoritatem legalem pro universo orbe catholico. 3) Canones Synodorum particularium pollent auctoritatem pro suis Ecclesiis, pro quibus condeban- tur. 4) Canones improprietas, quales vocantur sententiae SS. Patrum, vel etiam aliorum Doctorum in Corpus juris relatae, vel Canones omnino ex fontibus incertis, supposititiis, et spuriis deprompti, per se auctoritatem non habent, nisi vel per relationem in corpus, vel ex usu, et praxi acceperint. His regulis unanimis Doctorum orthodoxorum assensus affluit.

**De De-  
cretal.  
Interpret.**

Espenius Decretalium Interpretates in tres dividit classes. Prima complectitur eos, qui explanationi Juris canonici, et Decretalium intermiscent Ecclesiae disciplinam ex SS. Canonibus, et sanctis Patribus haustam, ac insuper ex Decretalium fontibus, atque historiis genuinum earum sensum desumunt. Interpretes hi sunt eruditione, atque utilitate prae- cipui. Secunda classis comprehendit illos juris canonici, aut ecclesiastici Scriptores, qui juri communi non tantum aliquid de pristina disciplina im- miscent, sed insuper jus patrium, et consuetudina- rum adjiciunt, illudque variis tribunalium, prae- cipue regiorum sententiis, ac decisionibus confir- mant. Tertia classis continet illos, qui omnino ipsis Decretalibus, sive juri canonico scripto inhaerent, nec nisi raro ex ipsis Decretalium primis fontibus, vel historiis sensum Decretalium quaerunt, vel in- vestigant. Hujus generis famosissimi sunt, qui vulgo Glossographi dicuntur, eoquod ad singula Capitula suas Glossas, sive breves adnotationes, aut expositiones apposuerint. In Germania nostra novis- simi Juris canonici Scriptores Decretalium ordinem nullatenus sequuntur. Juri canonico historiam, et jus publicum ecclesiasticum immiscent: introduc- tiones vero, et Praecognita solum compendio exhibent. Student quoque pro locis Germaniae eo ma-

gis inservire, cum plurimum de Provinciarum, in qua unusquisque horum Auctorum scripsit, usu, observantia, consuetudinibus, et juribus singularibus immisceant.


Espenius facit quasdam reflexiones in Decretalium Commentatores, quas hic apponere non incongruum duco. 1) Cum omnes Corporis canonici partes potissimum forensia prosequantur, et pro decidendis causis judicialibus promulgatae sint, adeoque et ipsimet Decretalium Commentarii praecipue circa judicialia, ac forensia occupentur, suadendum Clericis, ut illorum lectioni adjungant lectionem SS. Scripturae SS. Patrum etc. ut non plane aridi, totique forenses, ac veri spiritus ecclesiastici expertes reddantur. 2) Commentatores hi dum potissimum circa judicialia, et forensia occupantur, non satis distingunt inter forum internum, et externum, saepius licita pronuntiantes, quae quidem in foro fori impugnari, aut irritari nequeunt: at in foro poli, seu in foro conscientiae saepius illicita sunt. Sic institutio in favorem, seu gratificationem unius ex duobus praesentatis, si is alias est capax, pro foro fori impugnari nequit. Ast in foro poli, seu conscientiae nullus *gratificationi* locus est. 3) Decretalium Interpretes, tum materiam beneficiorum unice fere considerant in ordine ad judicium forense, beneficia potissimum attendunt quoad temporalia, de quibus pene solis moventur lites, quasi primum, ac principale in beneficiis esset ipsum temporale: ideo nonnunquam de beneficiis non secus, ac de re aliqua profana, et temporali, ratiocinantur. Sic docent, quod in permutatione beneficiorum, si unum praeponderat alteri, ratione inaequalitatis fructuum pinquiori beneficio possit imponi pensio. Item beneficia non sat considerant tanquam ministeria Ecclesiae, quae Clericos ad laborandum, et militandum in militia Christi adstrinquent. Unde ea omnia, quae Clerici acquirunt alia ratione, quam respectu beneficiorum, veluti celebrando, concionando, confessiones audiendo, Vicariae temporali deserviendo, aut alias similes actiones spirituales exercendo, reputant inter propria Clericorum bona *quasi - patrimonalia*, adeo, ut de iis, quidquid volunt, donare, testari etc. possint. 4) Laxiorum Theologorum opinionem sequi tradunt nonnulli praefatorum Commentatorum, quod in praxi, si utrinque sint dubiae multorum

Reflex.  
in Decret.  
comment.

sententiae, liceat sequi utramlibet pro libitu, ac si jus clarum esset. Per hanc sententiam aperiuntur pessimae laxitatis portae. Videndum ergo potius, ut in dubiis sententiis tutior, et probabilior semper eligatur opinio, nec non inter Jurisprudentialm ecclesiastico - juridicam, et politicam caute discernatur, et utraque ad facta emergentiae sedulo applicetur: per illam utpote docemur, qua arte actiones nostrae secundum leges juris ecclesiastici justa interpretatione ad casus obvios sint applicandae: per hanc autem instruimur, quomodo actiones justae salvis legibus juris, et justitiae in utilitatem Reipublicae ecclesiasticae dirigantur.

Haec sunt, quae ex praenominato opusculo defumenda, seu potius transferibenda duxi. Pertractavit in eo Auctor animadversionum gravissimas materias, sed eas non juxta ipsarum dignitatem explanavit. Quid ergo mirum, si et in hac nostra synopsi, in qua illius Auctoris sententiis pene ad omnia verba inhaesi, plura desiderentur. Juvat interim haec tetigisse, ut Lectoris intellectus excite tur ad ea magis disquirenda, quae Germaniae usibus hae in re convenientia.

---



D. VAN-ESPEN  
IVS ECCLESIASTICVM.  
P A R S III.  
*DE BONIS ECCLESIASTICIS.*

---

---

T I T V L V S I.

*De Beneficiis.*

C A P V T I.

*De Origine, et Natura Beneficiorum.*

1. **N**ostris moribus multiplex religionis officium incumbit Parochis, quia titulo ipsius beneficii, quod possident, tenentur ad Sacrorum administrationem, et celebrationem in suis Ecclesiis. Beneficium enim datur propter officium.  
*c. 15. de Rescr. in 6.*

2. Beneficii nomen ex jure feudali transcribere placuit. Jure novo praetendit Innocentius II. Papam, veluti jure feudi, omnium Beneficiorum ecclesiasticorum Dominum, aut Auctorem

Racin.  
Tem. 5.  
Art. 12.  
§. 7.

esse. Constat, inquit, *Romam esse Metropolin orbis; inde recipiuntur dignitates ecclesiasticae per gratiam, et licentiam Romani Pontificis; veluti jure feudi.*

3. Primis saeculis et ipsi Clerici ex bonis Ecclesiae vivebant. Bona erant communia, quorum dispensatio ex nutu Episcopi fiebat inter pauperes, et Clericos. Fuere Clerici non pauci, qui extra communitatem vixerant, vel quod uxores essent fortiti, vel aliis de causis. His stipendia vel hebdomadatim, vel menstrue, aut in pecunia numerata, aut in certa ciborum portione, quae proinde instar erogationum militarium Praebenda dicitur, suppeditabantur. Hujus generis stipendia pro navata opera augeri, minui, suppressive poterant. Nonnulli Ecclesiae Ministri, qui ex bonis illis alendi aequa fuissent, ut tamen populo exemplum praeberent, jure suo saepe neglecto, pauperibus cuncta ad mensu, vel ex suo patrimonio, vel ex labore manuum, exemplo S. Pauli, et praecepto Canonum vitam sustentarunt. Refert nonnullas veteres auctoritates hujus argumenti Gratianus. *c. 25. et passim XII. q. 1.*

4. In hac disciplina absoluta administrationis potestas penes Episcopum fuit. Quum tamen Episcoporum nonnulli sua auctoritate non raro abuterentur, con-

sultius visum fuit, eorum arbitrium ad operam Oeconomorum restringere, ut testes suae administrationis haberent. c.

21. et 22. XVI. q. 7.

5. In Occidentali Ecclesia saeculo V. mos invaluit, quod tres aut quatuor partes fierent, quarum prima Episcopo, et ejus familiae ad hospitalitatem exhibendam relicta est. Secunda pars Clero: tertia vero pauperibus, et demum quarta fabricae assignata est. Haec divisio non fuit determinatio certorum fundorum, sed nuda redditum assignatio, quae pro re nata mutari potuit. c. 23. et 26. XII.

q. 2.

6. Inter ea saecula nonnunquam Episcopi Clericis, qui vitam ruri in officio ecclesiastico exegerunt, fundos, et fundorum proventus assignarunt, quibus fruerentur, quoisque spiritum ducerent. Post obitum enim ad Ecclesiam revocabantur illi agri, ut nullum jus in eos sibi successor arrogare potuerit. c. 32. XII. q. 2. c. 61. XVI. q. 1.

7. Quum haec oeconomia morem Romanorum, quo quid simile in praemiis militum, quae beneficia vocabantur, est observatum, aemulari videretur, labentibus saeculis eo passim deuentum est, ut singuli Ecclesiarum Rectores tum oblationum, tum et Fundorum redditus illius loci, cui praeerant, nanciscerentur, de quibus nemini hominum ratio-

nem reddere tenebantur. Novo jure hu-  
jusmodi reditus officio ecclesiastico jun-  
ctus, beneficium dici caepit. Hinc Be-  
neficium ecclesiasticum definitur, quod  
sit jus perpetuum percipiendorum fru-  
ctuum ex bonis ecclesiasticis acquisiti ti-  
tuli propter officium spirituale auctori-  
tate Episcopi constitutum. Ait Anno  
1549. Synodus Coloniensis: *Quia, uti  
divini juris est, ut, qui servit alta-  
ri, de altari vivat, ita nec bono ju-  
re is, qui non servit altari, de altari  
vivit: sicut stipendium non debetur,  
nisi militandi.*

Conc.  
Colon.  
Tit. 9.  
c. 3.

8. Quippe jure novarum Decretalium  
jus hoc, quod antehac non nisi precarium  
fuit, ad solum usumfructum, quamdiu  
Posseffor viveret, restrictum, perpetu-  
um evasit, quod ad instar feudi velut  
reale, ad quemque tituli Possefforem  
transiret: unde axioma ortum dixit; vi  
tituli jus haberi quaesitum ad fructus ec-  
clesiasticos percipiendos. Arg. c. 1. de  
*Decim. in 6.*

9. Supereft tamen ex veteri jure,  
quod Beneficium ecclesiasticum haud cen-  
seatur, nisi ut tale auctoritate Episcopi  
fuerit institutum. Veteri more nemo  
Clericus fiebat, nisi simul ab Episcopo  
certae Ecclesiae ministerio adscribere-  
tur, relatus in catalogum ecclesiasticum,  
ut ex illa Ecclesia, cui ministrabat, ra-

tam oblationem ad vitae subsidium mereretur.

10. Juxta modernam disciplinam redditus per erectionem beneficij auctoritate Episcopi ipsi titulo ita uniuntur, ut ipse Beneficiatus, quisquis sit, vigore ipsius tituli jus percipiendi illos provenitus, durante sua vita, consequatur propter sacrum Ministerium. Hinc supereft et hodie illa fixa, perpetuaque observantia, ut, cum quis alicui Ecclesiae, veluti titulo, legitima auctoritate, et vocatione adscriptus est, in ea per omnem vitam subsistere debeat, suis muneribus functurus. *Trid. sess. 23. c. 16.*

11. Novo jure ad exemplum feudi diversa Benficiariorum divisio innotuit. Primitus Ecclesiae saeculis per solam ordinationem Clerici diversis muneribus ecclesiasticis applicabantur, ut illa ipsa officia ipsis Ordinibus cohaerere censerentur. Sic et per ipsam ordinationem quisque jus percipiendi provenitus ecclesiasticos nactus est. Omnis enim praerogativa reliqua stetit a dignitate, et prioritate Ordinum.

12. Quousque in Ecclesiis Cathedralibus, Collegiatisque convictus communis placuit, diversa in eis officia erant simplicia munia, et ministeria, quae a Superioribus pro arbitrio committebantur, et adimebantur. At deserta vita

Cap. 2.  
De Di-  
gnit. et  
Personat.

communi haec in beneficia, et denique in Dignitates degenerarunt.

13. Hoc auspicio succedit, et in aliis Ecclesiis, quod quibusdam beneficiis vel ex consuetudine, vel ex institutione quaedam praeeminentia obtingeret, quia beneficia separatim a collatione Ordinum conferri caeperant.

14. Hac occasione Dignitates, et Personatus inclarerunt. Dignitates dictae sunt illa Beneficia, quibus quaedam praeeminentia vi suae administrationis, seu jurisdictionis cohaeret. Personatus communiter a Canonistis dicitur, quaedam praerogativa in Ecclesia sine jurisdictione administratione. Labente saeculo XI. nonnulli Clerici Ecclesiarum Personae dici consueverunt, qui Ecclesias Parochiales nacti, earum curam Vicariis reliquerant, ita tamen, ut sibi titulum, procul ab officio, aliosque nonnullos proventus, atque certam praerogativam in illis Ecclesiis reservarent.

15. Reliquis argumentis novi juris non infrequens est, quod Dignitates, et Personatus pro synonimis habeantur. c. 8. *de Constit.* c. 8. *de Rescr.* Alibi tamen Dignitates a Personatis clare distinguuntur. c. 28. *de Praeb.* c. 11. *de Rescr. in 6.*

16. Nostris moribus diversa est Ecclesiarum consuetudo. Quaedam enim beneficia in una Ecclesia Dignitates, aut

Personatus censentur, quae in alia Ecclesia pro simplici beneficio, aut officio reputantur. Quippe dubium haud est, consuetudinem, aut institutionem cujusque Ecclesiae in eo argumento spectandam esse. Jura honorifica, quae hodie quodammodo indicia sunt Dignitatum, plerumque consistunt in loco honorabiliore Chori, praecedentia in processibus, et reliquis conventibus publicis, atque aliquando in vestium quadam distinctione.

17. Exortis tantis titulis Dignitatum evenit, quod multi externum potius splendorem sectarentur, quam rem pensarent. Ait S. Bernardus: *Gravari profecto metuerent, nec cum tanto labore, et periculo quarumlibet affectarent infulas dignitatum. Nunc vero, quia sola attenditur gloria, et non poena, purum esse Clericum erubescit in Ecclesia; seque viles aestimant, et inglorios, qui quocunque in eminentiori loco non fuerint sublimati.* Quid verius? *Meditantibus (Dignitates) honores blandiuntur, sed onera pensantibus taedio sunt, atque formidini. Non autem omnes capiunt hoc verbum.*

18. Quid clarius Decreto Concilii Tridentini? *Cum dignitates, inquit, in Ecclesiis, praesertim Cathedralibus ad conservandam; augendamque ecclesiasticam disciplinam fuerint institutae,*

S. Bern.  
ad Henr.  
Sen. c. 7.

Trid. sess.  
24. c. 12.

*ut qui eas obtinerent, pietate praecelerent, aliisque exemplo essent, atque Episcopos opera, et officio juvarent: merito, qui ad eas vocantur, tales esse debent, qui suo muneri respondere possint etc.*

19. Hinc in stylo Curiae Dignitates vulgari nomine beneficiorum haud continentur. Sic Rescriptum, pro beneficio curato, et quocunque alio obtentum, non suffragatur pro obtainenda dignitate, nisi illa qualitas exprimatur. Arg. c. 16. de Praeb. in 6.

20. Est quoque juxta stylum Curiae differentia inter Dignitates, quia aliae majores, et principales; reliquae minores, et inferiores censentur. Majores respectu Ecclesiarum Cathedralium, et Metropolitanarum illae dicuntur, quae in his Ecclesiis post Episcopalem, Archiepiscopalemque sunt primae; uti Archidiaconatus, aut alibi Archipresbyteratus. Quippe cujusque Ecclesiae spectanda est consuetudo.

21. Principales dicuntur in Ecclesiis Collegiatis, quae sunt in illis Ecclesiis primae, ut in ea Ecclesia major dignitas haud sit, spectata scilicet loci consuetudine. Alibi enim Decanatus, alibi Praepositura principalis Dignitas habetur. Oportet ergo et hanc qualitatem pro rescripto exprimi.

22. Re-

22. Reliquo jure beneficia dividuntur in saecularia, et Regularia. Nam et ipsa officia claustralia, quae olim mera officia, et simplicia ministeria erant, caeperunt sensim, et successive in titulos beneficiorum, et dignitatum erigi, quia Regulares ad functiones hierarchicas caeperant assumi.

Cap. 3.  
De Benef.  
Regul. et  
Saecul.

23. Beneficia ergo regularia hodie censentur, quae Religiosis addicta sunt, aut per Regulares administrantur. Contingit autem pluribus titulis, quod beneficia Regularibus addicantur. Et quidem vel ex vi institutionis, seu ipsa conditione, et natura beneficiorum, eoquod ipsa Regularium disciplinam, et regimen spectent; hujusmodi beneficia sunt Abbatiae, Prioratus etc. Aliquando beneficium est regulare ex speciali fundatione: quia Fundator diserte statuit, ut beneficium per Regularem regeretur. Denique beneficium saeculare evadit Regulare praescriptione, *si tanto tempore (utpote per quadraginta annos) ab uno, vel pluribus Religiosis extitit continue, et pacifice gubernatum, ut praescriptio legitima sit completa.* Refert. c. 5. de Praeb. in 6.

24. Juxta Gloffam ad praescriptionem requiritur, ut Beneficium illud tanto tempore continue, ac pacifice per unum, pluresve Regulares fuerit possedium, et tanquam beneficium regulare ipsis Re-

*Van-Espen J. Eccl. P. III.*

Gloff.  
ibi.

C

gularibus in titulum beneficii collatum. Quippe si ipsis Regularibus fuisset collatum ex dispensatione tanquam saeculare, aut forsan ob defectum saecularium commendatum; haec, quantumvis longissimi temporis possessio non sufficeret ad immutandam naturam beneficii.

25. Beneficium saeculare dicitur, quod Clericis saecularibus est addictum, quia vel curam populi spectat, vel ad officium ecclesiasticum refertur. Juxta Interpretes omne beneficium ex primae-va sua institutione praesumitur saecula-re, nisi quoad Capellas in Monasteriis fundatas. Hae enim praesumuntur Regulares, nisi per saeculares teneri con-sueverint.

26. Hac occasione fixa est regula, Be-neficia saecularia Clericis saecularibus, regularia Regularibus esse conferenda.  
*c. 5. et 32. de Praeb. in 6. Praecipit Clemens V., ut Diacones negligenti-am Praelatorum in conferendis benefi-ciis suppleant, Prioratus, Ecclesias, Adminis-trationes, et Beneficia hujus-modi, illa videlicet, quae consueverunt per SAECULARES Clericos gubernari, SAECULARIBUS Clericis:* Alia vero, quae RELIGIOSIS duntaxat committi sunt solita, vel conferri, RELIGIOSIS Mon-a-steriorum, quorum Praelati hujusmo-di negligentes fuerint, conferendo.  
*Ref. Clem. un. de suppl. Negl. Praelat.*

27. Hoc exemplo statuit Concilium Tridentinum: *Regularia beneficia in titulum Regularibus professis provide ri consueta, cum per obitum, aut resignationem, vel alias illa in titulum obtinentis vacare contigerit, Religiosis tantum illius Ordinis, vel iis, qui habitum omnino suscipere, et professionem emitteri teneantur, et non aliis, ne vestem lino, lanaque contextam induant, conferantur.*

Trid. sess.  
14. c. 10.

28. Hodie distinguunt duo genera regularium beneficiorum; utpote illa, quae administrationem, aut regimen regulare spectant, veluti Abbatiae, Prioratus etc. Quippe haec aliis conferri nequeunt, nisi professis. Sic alibi Concilium dicit, quod *confidat, Pontificem pro sua pietate, et prudentia curatum, ut, quae imposterum vacabunt* (id est, Abbatiae, Prioratus, Praepositurae, quae suos conventus habent) *non nisi regularibus spectatae virtutis, et sanctitatis conferantur.* Ait enim Pontifex, *quod in Magistratum assumi non debeat, qui formam discipuli non assumpit, nec sit praeficiendus, qui subesse non novit.* Refert. c. 49. de Elect.

Sess. 25.  
de Regul.  
c. 21.

29. Refert Fagnanus Ann. 1585. sacram Congregationem decidisse, posse etiam ordinarios Collatores portiones

monachales, et canonicales, et similia beneficia Regularibus provideri consueta, nedum ejus Ordinis professis, sed et Saecularibus, qui habitum suscipere, et professionem emittere teneantur, conferre.

30. Quantum ad beneficia saecularia, si quidem cura destituantur, v. g. Canonicatus, Capellanias, aliaque his similia, Regulares sine dispensatione Papae obtinere nequeunt. c. 9. *de Regul.* et late Fagnanus.

31. Sed quid? An beneficia curata Regularibus sine dispensatione conferri queunt? Juxta Innocentii III. rescriptum per antiquos Canones etiam Monachi possunt ad Ecclesiarum paraecclタルium regimen in Presbyteros ordinari. Refert. c. 5. *de Stat. Monach.*

32. Utrum olim Monachi in Presbyteros ad regimen populi assumpti desinenterent esse Monachi, non ita constabat. Ex sententia Chalcedonensis Concilii Monachi est, *quietem amplecti, jejunio, et orationi tantummodo vacare, nec ecclesiasticis, nec saecularibus negotiis se ingerere, aut communicare.*

33. Ast quidquid sit, certum habetur, quod labentibus saeculis Monachi etiam ad curam animarum, et functiones Hierarchicas, salvo Monachatu applicarentur de Abbatis consensu, si saltem eis

Fagn. ad  
c. 5. de  
Stat. Mo-  
nach.

Conc.  
Chalced.  
c. 4.

alius socius cohabitaret. Arg. c. 2. et 5.  
de Stat. Monach.

34. Concilium Provinciale Camera-  
cense Ann. 1565. abhinc declarat: *Quot-*  
*quot habent curata beneficia unita suis*  
*Ecclesiis, ut Capitula, et Abbates, non*  
*prius committant Pastores Regulares*  
*iisdem beneficiis curatis, quam prae-*  
*sentati Ordinario fuerint, et ab eo*  
*accepti; quoniam populus ejus curae*  
*commendatus est, a quo iidem Recto-*  
*res potestatem, quam curam anima-*  
*rum vocant, accipient, nec possint Ab-*  
*bates, aut Capitula admissos, et ap-*  
*probatos ab Ordinario Rectores revo-*  
*care, nisi consenserit Episcopus: et*  
*iidem Rectores constituti mandatis E-*  
*piscoporum omnino pareant, ab iisque*  
*corrigantur, siquid deliquerint.*

35. Superest vulgaris divisio, qua Be-  
neficia curata a simplicibus beneficiis di-  
stinguuntur. Beneficia curata dicuntur,  
quae vi ipsius tituli curam animarum in  
ordine ad forum internum per admini-  
strationem Sacrorum, et Sacramento-  
rum ordinariam commendant, et con-  
tinent. Enimvero illa beneficia, quae  
curam animarum in ordine ad forum ex-  
ternum per distinctionem, et absolutio-  
nem censoriarum exhibent, improprie  
nostro usu beneficia curata vocantur.

36. Spectat beneficia curata in ordine  
ad forum internum illud Decretum Con-

Cone.  
Camer.  
de Minist.  
Eccl. c. 6.

Cap. 4.  
De Benef.  
Curat. et  
simplic.

cilii Lateranensis, quod praecipit, ut  
cum sit ars artium regimen animarum,  
*Episcopi promovendos in Sacerdotes*  
*diligenter instruant, et informent, vel*  
*per se ipsos, vel per idoneos viros su-*  
*per divinis officiis, et ecclesiasticis Sa-*  
*cramentis, qualiter ea rite valeant*  
*celebrare.* Refert. c. 14. de Ætat. et  
Qualit. et Ord. praefic.

Trid. sess.  
23. c. 1.

37. Quid uberioris Decreto Concilii Tri-  
dentini ad explicanda beneficia curata?  
*Praecepto divino, inquit, mandatum*  
*est omnibus, quibus cura animarum*  
*commissa est, oves suas agnoscere, pro*  
*his sacrificium offerre, verbique divini*  
*praedicatione, Sacramentorum admi-*  
*nistratione, ac bonorum omnium ope-*  
*rum exemplo, pauperum, aliarumque*  
*miserabilium Personarum curam pater-*  
*nam gerere, et in caetera omnia pa-*  
*storalia munera incumbere.*

38. Reliqua beneficia, quae nec in fo-  
ro exteriore, nec in foro interiore, ut-  
pote quia grege, et plebe propria ca-  
rent, in quam illa officia exerceant,  
curam ullam, aut administrationem ha-  
bent, beneficia simplicia appellantur.  
c. 38. de Praeb. et ibi interp.

39. Hoc sensu et Canonicatus Cathe-  
dralium, Collegiatarumque Ecclesiarum  
inter beneficia simplicia recensentur:  
quamquam in materia odiosa Canonica-  
tus Cathedrales propter suam emineu-

tiam a vulgari numero, et nomine beneficiorum simplicium discernantur. Quippe novo jure quasi Dignitatibus propterea comparantur. c. 11. *de Rescr. in 6.* et *ibi Interp.*

40. Sat vulgariter simplicibus beneficiis annumerantur Capellaniae, et Capellae tam in Ecclesiis Cathedralibus, et Collegiatis, quam in particularibus locis, Sacellis, et Oratoriis fundatae. In stylo Curiae Capellaniae a Capellis distinquantur. Nam Capellam vocant, quando est corpus per se, ac quaedam Ecclesia per se: tunc enim litterae diriguntur ad Rectorem illius Ecclesiae: si vero Altare, vel Sacellum sit in aliqua Ecclesia, tunc Capellania dicitur, et vocari solet perpetua, inscribiturque Rescriptum tali N. perpetuo Capellano.

41. Capellae, quatenus peculiares Ecclesiae, seu domestica Oratoria, medio aevo in Palatiis Principum, et Regum effulserant, quae inde Capellae Palatinae dici consueverant. His plerumque selectus Clerus praeyerat, ut in aedibus regiis divinum officium persolveret, cui Principes cum suis Familiis possent, solerentque assistere. Hic Clerus dictus est Palatinus, seu Regius.

42. Hoc exemplo caeperant et alii fidèles ad honorem alicujus Sancti extruere aediculas, sive Oratoria; idque subinde separatim ab Ecclesia Parochia-

li, vel Cathedrali, Collegiatave; etiam subinde dote pro Sacerdote, et fabrica, aliisque ad Missarum celebrationem, aliqua divina officia peragenda necessariis, assignata. Haec Oratoria Capellae, postmodumque Sacella dicebantur, et Presbyteri iis praepositi Capellani, vel Sacellani.

43. Qui insufficientes ad extruendum hujusmodi Sacellum separatum cum congruente dote erant, caeperant in Ecclesiis majoribus, Cathedralibus, Collegiatis, vel Parochialibus aediculas quasdam laterales, vel etiam altaria quae-dam in honorem hujus, illiusve Sancti, vel in memoriam cujusdam mysterii, miraculi, beneficiique erigere, eisque annexetere annuos proventus pro Presbyteris, qui his aediculis, vel altariis praeeffent.

44. In Capitularibus Regum Francorum vetus Decretum relucet: *Ne Capellae in nostro Palatio, vel alicubi fine permisso Episcopi, in cuius est Parochia, fiant.* Hinc omnia illa Sacella ubique Episcopi consensu constructa, ejusque auctoritate in titulum beneficij erecta reperiuntur. Si aliunde laici aliquas Missas, etiam cum onere functiones Hierarchicas obeundi, fundaverint, hae tamen fundationes auctoritate Episcopi in titulum beneficij erectae non fuerint, nequaquam beneficia reputan-

Capit.  
lib. 5.  
c. 182.

tur, sed bona laicalia censemuntur, quae, praeterita Episcopi institutione, vel ad tempus, vel in perpetuum, secundum tenorem fundationis cum onere imposito, Presbytero a Fundatoribus, eorumque haeredibus conferri, adimique possunt.

45. Auctoritate Episcoporum Sacellorum, Altariumque numerus crevit et in Ecclesiis Cathedralibus, Collegiatisque. Quippe crediderunt eorum Fundatores, hoc institutum, et augmentum non parum ad decorem Domus Dei, et cultum divini officii facere, quia hi Capellani non tantum Altaribus, et Sacellis praeesse, sed et una cum Canonicis diurno, nocturnoque officio adesse ex lege fundationis tenebantur. Ait Molanus: *Nulla tunc erat distinctio, (quo usque vetus disciplina Canonicorum vigebat) Canonicorum a Sacellanis, neque nomine, neque functione.* Auctis proventibus Canonicorum Sacellani veluti minores Sacerdotes et famuli illorum spectari caeperunt. Hinc illorum Capellanorum nomen viluit, ut, irruente morum remissione, illud officium tenuioris, et vilioris conditionis Clericis saepius obtingere videretur, qui, quod dolendum, saepe etiam sordido, ac mercenario plane modo divina officia frequentant; Sacra, quasi pro stipendio celebranda, unde vivant, con-

McLau. de  
Canon.  
lib. 2. c. 3.

quirunt, seu verius emendant; et extra tempus officii divini cum maximo scandalo populi, et Cleri opprobrio otium, aliaque vitia, quae otium consequuntur, sectantur. Quid aequius horum Sacellanorum, aut et Mercenariorum alibi reformatione, et restrictione? Praefstat enim paucos, et bonos, dignos justo stipendio, quam multos, et malos per quaestum alere ministros Ecclesiae.

c. 14. *de Ætat. et Qual. et Ord. praef.*

46. Corruptis saeculis remissio disciplinae et in illa beneficia simplicia penetravit, quae in Parochialibus Ecclesiis, aut in aliis Oratoriis ad nudum officium celebrandi Missas redacta sunt. Veteri more Missa divini officii celebrationem, Evangeliique praedicationem complectebatur. Invalescentibus Missis privatis fundatio, et obligatio Missas celebrandi ad frequentiam simplicis sacrificii, praeteritis aliis veteris Missae functionibus, recidit. Atque hac occasione creditum est, posse illius beneficii Possefforem suae obligationi satisfacere, si eas Missas faceret per alium Sacerdotem justo stipendio celebrari. Haec ergo beneficia tum a personali residenzia exempta, tum fere ab omni officio soluta antonomastice beneficia simplicia dici eaeperant. In Concilio Tridentino Oratores Galliae horum beneficiorum

abolitionem, aut reductionem, reformationemque exposuerunt. Cumque, inquiunt, plura sint beneficia, in quibus contra beneficiorum omnium institutionem invaluit depravata consuetudo, ut, qui ea possident, nullo teneantur cocationandi, Sacra menta administrandi, aut alio onere ecclesiastico, Episcopus cum consilio Capituli his beneficiis curam aliquam spiritualem imponat, aut, si utilius videatur, ea beneficia vicinioribus Parochialibus Ecclesiis uniat: beneficium enim sine officio esse neque debet, neque potest.

47. Synodus Tridentina unionem<sup>3</sup> hujusmodi beneficiorum tum ad sublevamen tenuiorum Parochialium Ecclesiarum, tum ad Seminariorum erectionem, tum ad augendas tenues Praebendas in Ecclesiis Cathedralibus, et Collegiatis, tum ad alterius beneficii, quod alendo Clerico impar est, supplementum Episcopo cum consensu Capituli commendat, exceptis beneficiis Regularibus.

48. De caetero dubium non est, quin Ecclesiae, et Fundatorum ea intentio sit, ut et ea beneficia conferantur iis, qui se tanquam ministros Ecclesiae exhibeant, quia ab omni ratione cuiuscunque disciplinae alienissimum foret, proventus ecclesiasticos otio consumi. Patroni ergo, et Collatores aequi in his, ac in aliis beneficiis invigilare de-

Trid. sess.  
14. c. 13.  
Sess. 23.  
c. 18.  
Sess. 24.  
c. 15.  
ibi: c. 17

bent, ut ea hujusmodi Clericis obtin-gant, de quibus verisimilis saltem spes fit, quod operam suam utiliter Ecclesiae impendant, ut digni sint, qui de proventibus Ecclesiae vivant.

\*49. In cultiore morum doctrina quid exploratius, quam hanc dignitatem nullibi firmius, quam per virtutem humilitatis Clero conciliari? Ecce ait diser-te Dominus in Evangelio: *Discite a me, quia mitis sum, et humilis corde.* Jux-ta S. Augustinum: *Non se existimet potestate dominante; sed charitate serviente felicem.* Ex sententia S. Gregorii: *Cuncti, qui praesunt, non in se potestatem debent Ordinis, sed aequalitatem pensare conditionis: ne praeesse hominibus gaudеant, sed prodesse.* Inquit S. Prosper: *Hi sunt, qui non ambiendo, sed spiritualiter vivendo Sacerdotium meruerunt: quique non favoris humani suffragio, sed divino munere sublimati, nihil sibi de praestantia sui principatus, aut abundantia proventus applaudunt, quos non inflamat honor acceptus, sed exercet labor impositus.* Qui non excellentiam suam cogitant proiecti, sed sarcinam. *Nec gloriантur de officii dignitate, sed sudant potius constituti sub onere.* Quid salubrius monito S. Bernardi? *Vigilanter, inquit, discerne, qualis exte, et qualis sis dono Dei, et non sit*

Matth. ii.  
v. 29.

S. Aug.  
Ep. 109.

S. Greg.  
Past. P. 2.  
c. 6.

S. Prosp.  
vulg. de  
vit. con-  
templ.  
lib. 2. c. 2.

S. Bern.  
de Confid.  
lib. 2.  
c. 11.

*in spiritu tuo dolus. Erit autem, ubi fideliter partiens, tua tibi, et, quae sunt Dei, Deo sine fraude resignes. Ex te mala, bona a Domino. En justae humilitatis rationes.*

---

## T I T V L V S II.

*De aetate, et Qualitate Beneficiando-rum.*

### C A P V T I.

*De Aetate praescripta.*

1. In vigore, et flore cultioris veteris disciplinae beneficia ipsi Ordini cohaerebant, ut ipsa ordinatio instar collationis esset. Hac occasione ajebat S. Leo: *Quid est cito manus imponere, nisi ante maturitatem aetatis, ante tempus examinis, ante meritum laboris, ante experientiam disciplinae Sacerdotalem honorem tribuere non probatis?* Refert. c. 5. §. 2. D. 61.

2. Quum labentibus saeculis invalueret, quod beneficiorum collationes ab ordinationum susceptione divellerentur, non raro frequens fuit, quod spretis Ordinibus pueri, et adolescentuli beneficiis, et dignitatibus inhiarent. Quere- S. Bern.  
ep. 48.batur S. Bernardus: *Scholares pueri, et impuberis adolescentuli ob sanguinis*

*dignitatem promoventur ad ecclesiasticas dignitates, et de sub ferula transferuntur ad principandum Presbyteris: laetiores interim, quod virgas evaserint quam quod meruerint principatum: nec tam illis blanditur adeptum, quam ademptum magisterium.*

3. Inde a saeculo X. instaurata est regula, *ut nullus Episcopus in Ecclesia sua, nisi Diaconus sit, Archidiaconum instituere, nec Archipresbyterum, aut Decanum, nisi Presbyteri sint, ordinare praesumat.* Hoc exemplo statuit in Concilio Romano Innocentius II. *Prohibemus autem, ne adolescentibus, vel infra sacros Ordines constitutis, sed qui prudentia, et merito vitae clarescunt; praedicti honores concedantur.* Supereft utraque Decretalis. c. 1. et 3. D. 60.

4. Saeculo XII. quasi pro lege inolevit, beneficia, tametsi majora, concedi posse illis, qui saltem infra tempus legitimum praescriptum ordinem suscipierent. Hac occasione Dignitatibus, et curis certam aetatem praefigere placuit, ne pueri, aut alii, qui ob defectum aetatis intra longum tempus Ordinibus illis initiari non possent, obreperent. In Concilio Lateranensi III. decretum est, *ut nullus in Episcopum eligatur, nisi qui jam trigesimum aetatis annum complete exegerit.* — Inferiora etiam mi-

nisteria, utpote Decanatum, et Archidiaconatum, et alia, quae curam animarum in foro externo habent anexam, nullus omnino suscipiat, sed nec Parochialis Ecclesiae regimen, utpote curam animarum pro foro interno, nisi qui jam vigesimum quintum annum aetatis, ut infra annum Presbyteratu initiari possit, attigerit, et scientia, et moribus commendandus existat. Cum autem assumptus fuerit, si Archidiaconus in Diaconum, et Decanus, et reliqui admoniti, non fuerint pruefixo a Canonibus tempore in Presbiteros ordinati; et ab isto removeantur officio, et aliis conferatur, qui possint, et velint illud convenienter implere. Ecce primum Decretum, quod nonnullis beneficiis independenter ab Ordinibus, certos aetatis annos praescripsit. Inde censem Interpretes, eum, qui per dispensationem ante legitimos annos Presbyter ordinatus est, non posse ad beneficium curatum promoveri, nisi vigesimum quintum aetatis annum inchoaverit. c. 6. de Ele<sup>t</sup>. et ibi Interp.

5. Synodus Tridentina hoc Decretum Trid. sess.  
et suum fecit. Nemo, inquit, deinceps <sup>24. c. 12.</sup>  
ad dignitates quascunque, quibus animarum cura pro foro exteriore, interioreque subest, promoteatur, nisi saltem vigesimum quintum suae aetatis annum attigerit.

Ibi.

6. Quid ergo de Dignitatibus, et Personatibus, quibus nulla animarum cura subest. Ait S. Synodus: *Ad caeteras autem Dignitates, et Personatus, quibus animarum cura nulla subest, tum in Collegiatis, tum et praesertim in Cathedralibus Ecclesiis, Clerici alioquin idonei, et vigesimalis secundis annis non minores, utpote quos completos habere oportet, adscribantur.*

Trid. sess.  
23. c. 6.

7. Quid de Capellaniis, et aliis beneficiis simplicibus? S. Synodus decernit, *ut nullus prima tonsura iniciatus, aut etiam in minoribus Ordinibus constitutus, ante decimum quartum annum (saltem inchoatum) beneficium obtinere possit.*

Trid. sess.  
22. c. 4.

8. Quid de Canonicatibus Collegiarum Ecclesiarum? Censentur hi ex suo genere simplicia beneficia, nisi his vel ex fundatione, vel alio titulo cohaereat officium vel Missas, vel Epistolam, vel Evangelium cantandi: tunc enim illos ea aetate recipi oportet, ut infra annum praescripto Ordine donari queant. Inquit S. Synodus: *Quocunque ii privilegio, exemptione, praerogativa, generis nobilitate sint insigniti, tenentur, justo impedimento cessante, infra annum Ordines recipere requisitos.*

Trid. sess.  
24. c. 12.

9. De Canonicatibus Cathedralibus statuit Concilium: *Ut in omnibus Cathedralibus Ecclesiis omnes Canonicatus, ac*

ac portiones habeant annexum Ordinem Presbyterii, Diaconatus, vel Subdiaconatus. Episcopus autem cum consilio Capituli designet, ac distribuat, prout viderit expedire, quibus quisque Ordo ex sacris imposterum annexus esse debeat. Canonicatus, aliaeque Praebendae Cathedrales ex suo genere beneficia simplicia censentur, ut post annum decimum quartum conferri queant. Si autem, et postquam Episcopus cum Consilio Capituli singulis Ordinem sacram praescriperit, oportet ea esse aetate candidatos, ut infra praescriptum tempus illum Ordinem suscipere queant.

10. Gregorius IX. ad Argentinensem Episcopum hanc rationem, quod pueri non debeant reputari idonei, praescripsit: *Cum illi sint in Ecclesia idonei reputandi, qui servire possunt, et volunt in Ecclesia.* Ref. c. 35. de Praeb.

11. Sic et Synodus Tridentina ex ea ratione, quod Dignitates in Ecclesiis praesertim Cathedralibus ad conservandam, augendamque disciplinam ecclesiasticam fuissent institutae, ait, illos, qui ad eas vocantur, esse debere tales, qui suo muneri respondere possint. Et quid inde? *Nemo igitur, inquit, deinceps ad Dignitates quascunque, quibus animarum cura subest, promoveat*

Ibi.

*tur, nisi qui saltem vigesimum quintum suae aetatis annum attigerit.*

12. Veteri more sat frequens fuit, quod Episcopi pueros Tonsura, aliove minore Ordine donarent, ut eo susceppto munere ex bonis Ecclesiae viverent. Supereft in Cathedralibus, Collegiatisque Ecclesiis frequens usus, quod pueri, quos pueros Chori dicunt, ad functiones Psalmodie, aliorumque minorum Ordinum assumantur, alendi ex stipendiis ecclesiasticis. Haud tamen inde haec stipendia jure beneficiorum censerunt, quia perpetua non sunt, nec in titulum perpetuum ab Episcopo erecta cernuntur. Si tamen erigerentur, nihil (supposita lege positiva) obstat, morigeros, et bonae indolis, expectationisque pueros, tametsi decimis quartis annis minores, ad ea assumi.

S. Bern.  
in vit. S.  
Malah.  
assum-  
ptum.

13. Supereft et locus justa dispensationi pro defectu aetatis. S. Bernardus refert, B. Malachiam ante completam aetatem, eo aevo praescriptam, in Diaconum, Presbyterumque fuisse ordinatum. *In qua*, inquit, *ejus utraque ordinatione, siquid praeter Canonum formam processisse videtur, ut vere videtur, donandum tum zelo ordinantis, tum meritis ordinati.* Ego vero illud nec in Sancto redarguendum; nec usurpandum consulere ei, qui sanctus non fuerit.

14. Nostris moribus invaluit, quod tum ad Ordines, tum ad beneficia etiam simplicia dispensatio super defectum aetatis reservetur Papae. Juxta Pragmaticos tamen hodie Papa super defectum aetatis nunquam, aut raro dispensat, nisi simul et Provisio beneficii ab eo pertatur, *ratione cuius*, ait Pyrrhus Corradus, *solvuntur jura camerae Apostolicae consueta: unde si hujusmodi fructus beneficii excedant valorem 24. Ducatorum auri de Camera, solvenda etiam erit Annata Annatiss; perinde, ac si beneficii hujusmodi collatio spectaret simpliciter ad Papam. Non enim poterit hoc casu beneficium conferri per Ordinarium, et dispensatio peti ad partem a Papa; sed utrumque scilicet, et provisionem, et dispensationem unico contextu, unica supplicatione, et unica Bulla concedit Papa.*

15. Postquam provisionem beneficiorum ab Ordinum collatione novo jure divellere placuit, necesse visum est, ut ipsis beneficiis quidam major, aut minor Ordo annexetur, cuius functionibus Clerici proventus illos ecclesiasticos mereri possent, et deberent.

16. Juxta modernam illam disciplinam Ordo beneficio annexus interdum actu dicitur; interdum habitu, et potentia; utpote, ut infra legitimum tempus

Pyrrhus  
Corrad.  
in Prax.  
dispens.  
lib. 4. c. 2.

Cap. 2.  
De Ordin.  
Benefic.  
annex.

suscipiatur. Si enim verba fundationis exprimunt, ut praesentandus, vel instituendus sit actualiter hoc, illove Ordo insigntus; aut praecipiunt, ut praesentetur, instituaturque Sacerdos; aut vetant, ne beneficium alteri, quam Sacerdoti conferatur, tunc Ordo beneficio annexus actu censetur, quia ipsa verba actu presentationis, collationis, aut institutionis spectant. Si vero verba referantur ad functiones, et exercitium beneficii, annexio Ordinis censetur facta respectu aptitudinis, ut is, qui recipit beneficium, infra tempus praescriptum recipiat hunc, illumve Ordinem.

17. En exempla! Praecipit Synodus Tridentina, ut in omnibus Cathedralibus Ecclesiis omnes Canonicatus, ac portiones habeant annexum Ordinem sacram; prout Episcopo cum Consilio Capituli expedire videbitur. Si ergo his Canonicatibus Episcopus Ordines annexuerit, hi tantum aptitudine annexi vividebantur, quia Concilium Tridentinum supra diserte ita explicat, ut *ii*, qui *Dignitates, Personatus, officia, praebendas, portiones, ac quaelibet alia beneficia in dictis Ecclesiis obtinent; aut im posterum obtinebunt, quibus onera varia sunt annexa; videlicet, ut alii Missas celebrent, alii Evangelium, alii Epistolam cantent, seu dicant: quocunque *ii* Privilegio, exem-*

Trid. sess.  
22. c. 4.

*ptione, praerogativa, generis nobilitate sint insigniti, teneantur justo impedimento cessante, infra annum Ordines suscipere requisitos.*

18. Quantum ad Capellanias, aliaque beneficia Cathedralium, Collegiatarumque Ecclesiarum, quae ad Missas dicendas adstringuntur, distinguit Fagnanus, inter illa beneficia, quae spectant sole-  
mne officium, Missasque conventuales, et ista, quae Missas privatas exigunt. Fagn. ad  
c. 4. §. 80.  
de Ætat.  
et Qual.  
Sic priora censet esse ex suo genere Sacerdotalia, ut nemini conferri queant, nisi sit in aptitudine suscipiendi infra legitimum tempus Ordinem Presbyteratus, quia officium divinum oportet per se impleri. Reliqua autem beneficia, quae Missus privatas duntaxat praescribunt, beneficia simplicia habentur, ut simplici Clerico conferri queant, quia illas Missas ex recepta praxi per alium potest facere celebrari. Videtur tamen id a mente Fundatorum, et legibus Ecclesiae valde alienum: Quippe haud datur beneficium quocunque, nisi propter personale officium. *c. 15. de Rescr. in 6.*

19. Statuit Concilium Lateranense III.: si assumpitus Archidiaconus in Diaconum, et Decanus, aliquique admoniti, non fuerint praefixo a Canonibus tempore in Presbyteros ordinati, ab isto removeantur officio, et aliis conferantur. Quid

clarius? Et his tantum aptitudine Ordo annexus est? c. 7. §. 2. de Elec<sup>t.</sup>.

Cap. 3.  
De tem-  
pore re-  
cip. Ord.

20. Quod ergo illud est tempus a Canonibus praefixum, intra quod recipere praescriptum Ordinem oportet? Decer-  
nit Concilium Lugdunense: *Intra an-  
num a sibi commissi regiminis tempore  
numerandum, se faciat ad Sacerdo-  
tium promoveri.* Refert. c. 14. de E-  
lec<sup>t.</sup> in 6.

21. In Concilio Viennensi statutum est, ut *ii*, qui *Dignitates, Personas,  
officia, vel Praebendas*, quibus certi Ordines sunt annexi, pacifice nunc obtinent in *Cathedralibus, vel  
Collegiatis saecularibus, vel regula-  
ribus Ecclesiis, vel obtinuerint in fu-  
turum, ad ejusmodi Ordines se pro-  
moveri faciant intra annum.* Refert. Clem. 2. de *Ætat. et Qual.*

Trid. sess.  
22. c. 4.

22. Sic et Concilium Tridentinum declarat, ut *ii*, qui — quaelibet alia beneficia in dictis Ecclesiis obtinent, aut impostorum obtinebunt, quibus onera varia sunt annexa — quoctunque *ii* privilegio, exemptione, praerogativa, generis nobilitate sint insigniti, tene-  
antur, justo impedimento cessante in-  
fra annum Ordines recipere requisi-  
tos.

23. Consultus est Bonifacius VIII., unde ille annus computandus sit? Hinc rescripsit: *Annus autem hujusmodi —*

*a tempore illo incaepit, quo ipsius Ecclesiae regimen commissum est, et pacificam ejus possessionem habuisti, vel per te stetit, quo minus haberes eandem, nisi promoveri, justo impedimento detentus, intra tempus hujusmodi nequivisti.* Refert. c. 35. de Ele<sup>c</sup>t. in 6.

24. Si obtainens officium Parochiale intra annum acquisitae pacificaे possessionis ad Sacerdotium promotus non fuerit, Ecclesia sibi commissa ipso jure privatus declaratur, tametsi monitus haud fuerit. Et decernit Bonifacius VIII., ut nec ipsi ea vice iterato id beneficium conferri possit. c. 35. ibi. Hinc anno illo, cessante legitimo impedimento, elapso provisus quidem ipso titulo beneficii excidit: possessione tamen dejici non potest, nisi citatus, et auditus; non quidem, sicut ajunt, ut privetur, sed ut sciatur, an vere privatus sit, quia potuit subesse legitimum impedimentum, quod eum a poena privationis excusat.

25. Haec poena privationis ipso jure spectat Ecclesias Parochiales, et Prioratus Conventuales. Inquit Clemens V.: *Qui autem Prioratus istos habuerint, intra annum computandum a tempore collationis, seu commissionis sibi factae de eis, et possessionis eorum adeptae— se faciant ad sacerdotium promoveri.* Quod si cessante rationabili

Rebut.  
ad c. 28.  
de Praeb.  
in 6.

*causa non fecerint, eo ipso, nulla etiam monitione praemissa, praedictis Prioratibus sint privati, qui ipsis iterum ea vice nullatenus conferantur.*  
Refert. Clem. I. §. 7. de Stat. Monach.

26. Quid ergo de fructibus perceptis elapsi anni? Declarat Bonifacius VIII.: si promoveri ad Sacerdotium non inten-dens paraecialem receperit Ecclesiam, ut fructus per annum ex ea percipiat, ipsam postmodum dimissurus, tenebitur ad restitutionem, cum eos receperit fraudulenter, nisi mutata voluntate pro-motus fuerit. En rationem generalem, quae pro omni beneficio, Ordinem re-quirente, facit ad extundendam fraudu-lentae perceptionis restitutionem! Ho-die in Curia Romana stylus inolevit ex-i-gendi juramentum a petente beneficium, quod illud non accipiat animo dimitten-di. c. 35. de Elect. in 6.

27. Statutum Concilii Lugdunensis, in ordine ad poenam privationis ipso ju-re, restrinxit Bonifacius VIII. ad pro-prias Ecclesias Parochiales, ut ab eo ri-gore eximeret Ecclesiarum Collegiata-rum Rectores, et si alias Parochiales ex-titerint; quia in eis antiqua jura potius servari debere censuit; utpote ut el-apso anno non sint privati, nisi moniti recipere praescriptum Ordinem negle-xerint, quia illae Ecclesiae non censem-tur simpliciter Parochiales. c. 22. ibi. in 6.

28. Ex Decreto Bonifacii VIII. poterat Episcopus cum obtinente Parochialem Ecclesiam dispensare, ut per septennium litterarum studiis insistens, promoveri minime teneretur, nisi, ut infra annum Ordinem Subdiaconatus susciperet. c. 34. *de Elect. in 6.*

29. Synodus Tridentina facultates de non promovendo, praeterquam in causibus a jure expressis concessas, ad unum tantum annum reduxit. *Inde hoc Decreto sublatam esse facultatem concedendi ratione studii dispensationem ad septennium juxta Barbosam decidit S. Congregatio.*

30. Gregorius XIII. abhinc, veteribus Privilegiis abolitis, declaravit, *quod hi, qui ad beneficia, curam animarum habentia, nominati fuerint, non admittantur, nisi prius ab Ordinario locorum, praevio examine, absque concursu faciendo, fuerint approbati: quodque in eis personaliter residere teneantur, nec se eo nomine excusare possint, quod in dictis Universitate, et Facultate artium scholares sint, seu docentes, aut Magistri.*

31. In Gallia Regiae leges de Anno 1742. vetant imposterum cuiquam Parochiam, aut aliud beneficium curatum conferri, nisi 25. annorum sit, et Presbyter. Inquit Ludovicus XV.: *Voulons, et nous plait, que nul Ecclésiastique*

Trid. sess.  
7. c. 12.

Barbos.  
de Offic.  
Paroch.  
P. I. c. 5.

ne puisse être pourvu d'orenavant, d'une cure, ou autre benefice à Charge d'ames, soit sur la Praesentation des Patrons, soit en vertu de ses degres, soit a quelque autre titre, ou par quelque collatuer, que ce soit, s'il n'a atteint l'age de 25. ans accomplis; faute de quoi, voulons, quae sans avoir ègard aux provisions obtenues, qui seront regardées, comme nulles, et de nul effet, soit en jugemus, ou autrement, la dite cure, ou le dit benefice, soient censés vacans, et impetrables etc.

**Cap. 4.** 32. Supersunt et aliae qualitates, quae De scient. ad impetrandum beneficium praescriptae et aliis qual. Be- sunt. Harum prima est justa scientia sui officii. Ait S. Leo: *Si in laicis vix tolerabilis videtur inscitia: quanto magis in iis, qui praesunt, nec excusatione digna est, nec venia?* Ref. c. 3. D. 38.

**Trid. sess. 24. c. 12.** 33. Ait Synodus Tridentina: *Cum Dignitates in Ecclesiis Cathedralibus praesertim ad conservandam, augendamque ecclesiastam disciplinam fuerint institutae, ut, qui eas obtinerent, pietate praecellerent, aliisque exemplo essent, atque Episcopos opere, et officio juvarent. Nemo igitur deinceps ad Dignitates quoscunque, quibus animarum cura subest, promoveatur, nisi — in clericali Ordine versatus doctrina ad suum munus exequen-*

dum necessaria, ac morum integritate commendetur.

34. In tanta diversitate beneficiorum, quid aequius, quam ut diversi gradus scientiarum distinquantur? Juxta Decretum Concilii Tridentini: *Quicunque posthac ad Ecclesias Cathedrales erit assumendus, scientia ejusmodi polleat, ut muneric fibi injungendi necessitati possit satisfacere.* — Ideoque antea in Universitate studiorum Magister, sive Doctor, aut Licentiatus in sacra Theologia, vel jure Canonico merito sit promotus, aut publico Accademiae testimonio idoneus ad alios docendos ostendatur. Ergo ex sententia Petri Tholosani, multum nocet, quod Professores aliqui reperiantur, parum timoratae conscientiae, et non considerant, quale arcadium pecus introducant Ecclesis, et subseliis, ad gratiam saepe gradus profanis concedentes: nec considerant, se reddituros rationem coram Deo, et hominibus de tanta in probandis studiis negligentia.

35. Ex reliquis Decretis Ecclesiae spectat scientia ecclesiastica fidei dogmata, legem dominicam, et Scripturam sacram, Canones Conciliorum, et Sacramentorum ritus. Licet hanc comparare, non vana profanorum lectione, non temeraria Mysteriorum perscrutatione, non subtili disputationum ambage, sed

Trid. sess.  
22. c. 2

Petr.  
Tholos.  
lib. 18. de  
Republ.  
c. 9.

S. Bern.  
Declam.  
c. 15.

studio sancto, et oratione. Inquit S. Bernardus: *Utilis proinde lectio, utilis eruditio est, sed multo magis unctionis necessaria: quippe quae sola decet omnibus.*

36. Sunt et aliae nonnullae qualitates vel ex privilegio, aut consuetudine regni, Ecclesiaeve, aut ex speciali beneficii fundatione requisitae. Sic alibi omnia beneficia regni Regnicolis reservantur: ad quaedam nonnisi Canonici admittuntur: saepe fundationis leges praecipiunt, ut illa beneficia consanguineis Fundatorum tribuantur, quae inde et beneficia patrimonialia vocantur. Procul dubio omnes et hae leges saluberrimae sunt, in quantum particulari delectui habiliorum Personarum consulunt.

\* 31. Quid funestius Ecclesiae, quam imperfectiores, et indigniores in beneficia ecclesiastica, praeterito justo deletu, penetrare? Ait S. Chrysostomus: *Undenam, quae so! existimas, tam multas in Ecclesiis turbas nasci?* Equidem non aliunde opinor, quam ex Antistitum electionibus casu potius, at temere, quam diligenter, atque accurate factis. Ex sententia S. Gelasii: *quia utique convenientia Ecclesiae ministeria reparanda sunt, non inconvenientibus meritis ingerenda?* ne per occasionem virtutia potius divinis cultibus intulisse judicemur, non legitimae familiae Do-

S. Chrys.  
l. 3. de  
Sacerd.  
c. 10.

S. Gelas.  
ep. 9.  
ad Episc.  
Luc.

*nini computemur procurasse compen-  
dia. Juxta S. Leonem misso delectu mi-  
nistrorum magis habilium non est hoc  
consulere populis, sed nocere; nec pae-  
stare regimen, sed augere discrimen.*

S. Leo  
ep. 87.  
ad Episc.  
Afric.  
c. I.

*Queritur Ann. 1536. Concilium Colo-  
niense: Quia ejusmodi ostium, per ju-  
stum delectum provisionum, diligenter  
custoditum non est, factum est, ut tan-  
ta mala, quae sentimus, agminatim  
in Ecclesiam Dei irruperint.*

Cone.  
Colon.  
P. I. c. I.

---

## TITVLVS III.

### *De Pluralitate Beneficiorum.*

#### CAPVT I.

*De Rationibus, quibus vetatur Pluralitas  
Beneficiorum.*

I. Ait Synodus Chalcedonensis: *Non  
licet Clerico in duarum civitatum Ec-  
clesis eodem tempore in Catalogum  
referri, et in ea, in qua principio or-  
dinatus est, et in ea, ad quam tan-  
quam majorem configuit, propter ma-  
gnae gloriae cupiditatem: eos autem,  
qui hoc faciunt, propriae Ecclesiae re-  
stitui, in qua ab initio ordinati sunt;  
ut illic solum ministrent. — Eos au-  
tem, qui ausi fuerint post magnae hu-  
jus Synodi definitionem aliquid eorum,*

quae sunt prohibita, facere, statuit S.  
Synodus proprio gradu dejicere. Re-  
fert fragmentum Gratianus c. 2. XXI.

q. I.

Conc. Ni-  
caen. II.  
c. 15.

2. Concilii Nicaeni II. tale est Decre-  
tum: *Clericus ab hoc deinceps tempore  
in duabus Ecclesiis non collocetur.* En-  
rationes: *Negotiationis enim, et tur-  
pis lucri proprium est, et ab ecclesiasti-  
ca consuetudine alienum. Ab ipsa enim  
Domini voce audivimus, non posse  
quempiam duobus Dominis servire:  
vel enim unum odio habebit, et alter-  
um diligit, vel unum amplectetur,  
et alterum negliget; unusquisque er-  
go secundum dictum Apostolicum in eo,  
in quo vocatus est, debet manere, et  
in una Ecclesia assidere. Quae enim pro-  
pter turpe lucrum fiunt in ecclesiasti-  
cis negotiis, ea a Deo sunt aliena.  
Sed quid, an non excusat paupertas pro-  
ventuum? Nam et tunc Iconoclastarum  
furor bona ecclesiastica valde imminuit?  
Subdit Concilium: *Ad hujus autem vi-  
tae usum sunt diversa studia: ex iis  
ergo, si quis velit, ea, quae sunt cor-  
pori necessaria, comparet. Dixit enim  
Apostolus: usui meo, et iis, qui me-  
cum sunt subministraverunt manus  
meae.**

3. Refert Gratianus sententiam S. Gre-  
gorii, qui juxta relationem Joannis Dia-  
coni dicere solebat: *singula juris ec-*

clerici officio singulis quibusque personis singulatim committi debere, quia sicut in uno corpore multa membra habemus, omnia autem membra non eundem actum habent: Ita in Ecclesiae corpore, secundum veridicam Pauli sententiam, in uno, eodemque spiritu alii conferendum est hoc officium, alii committendum est illud: neque enim quantumlibet exercitatae personae, uno tempore duarum rerum officia committenda sunt. Haec leguntur c. 1. D. 89. et ibi Corr. Rom.

4. Novo jure pronuntiat Alexand. III.: *Istud esse omni rationi contrarium, ut unus Clericus in una, vel diversis Ecclesiis plures dignitates, vel Personatus obtineat. Et quare? Quum, inquit, singula officia in Ecclesiis assiduitatem exigant personarum.* Refert. c. 13. de Praeb.

5. Conqueritur Concilium Lateranense, quod nonnulli modum avaritiae non ponentes Dignitates diversas ecclesiasticas, et plures Ecclesiias parochiales, contra SS. Canonum instituta, nitantur accipere; ut, cum unum officium vix implere sufficient, stipendia sibi vindicent plurimorum: ne id de caetero fiat, districte prohibemus. Legit. c. 3. de Cleric. non resid.

6. Bonifacius VIII. consuetudinem, quae alicubi inolevit, quod Canonici

duos Personatus, aut duas Dignitates, vel Praeposituras, seu administrationes, aut duo officia etc. obtinerent, corruptelam declaravit. *Cum sacris sit, inquit, inimica Canonibus, et de ambitionis radice processerit — cum unum officium vix digne valeat aliquis adimplere.* Refert. c. 1. de Consuet. in 6.

7. Quid funestius reliquis corruptellis, quas Joannes XXII. recenset ex pluralitate beneficiorum subnatas? Inquit inter caetera: *Habentibus ipsa (plura beneficia) paratur vagandi materia; divini cultus minuuntur. Hospitalitas in ipsis beneficiis debita non servatur. Supereft querelarum series Extrav. 4 de Praeb. int. Com.*

8. Inter articulos, quos Oratores Galliae Concilio Tridentino pro reformatio-ne obtulerunt, vigesimus quartus hic est: *Unum tantum beneficium uni conferatur, sublata (quod attinet pluralitatem) compatibilium, et incompatibilium beneficiorum differentia, quae distinctio, ut et nova, et antiquis Decretis incognita, ita Ecclesiae Catholicae magnam calamitatem attulit.*

9. Praevaluit tamen remissio disciplinae. Synodus Nicaena II. propter hominum inopiam duas jungi Ecclesias permisit. *In iis autem, inquit, quae extra sunt, locis propter hominum inopiam*

Cap. 2.  
Progref.  
Plur. be-  
nef. Sy-  
nod.  
Nicaen.  
II. c. 15.

*opiam permittatur.* Sensus Canonis est, quod unus, idemque Sacerdos duabus vicinis Ecclesiis, quae extra civitatem sunt, deservire possit, dum ea est hominum in iis Ecclesiis inopia, ut singulae singulos Sacerdotes habere nequeant, quo casu, ut hominum illorum necessitati, quantum possibile est, succurratur, permittitur, ut idem Sacerdos duabus Ecclesiis vicinis ministret.

10. In Concilio Emeritenii Ann. 666. Decreti hic tenor est: *In Parochiis multae sunt Ecclesiae constitutae, quae a fidelibus factae, aut parum, aut nihil de rebus habere videntur: sacerdotali ergo Decreto Presbytero uniplures extant commissae: unde cendum est, ne occurrente paupertate, ordo ibidem non impleatur Missae.* Absit, ut vel hoc exemplum suffragetur recentiori beneficiorum pluralitati. Agitur hic de Ecclesiis in eadem Parochia parum, vel nihil fundatis, in quibus Missae per certos dies celebrari debeant; ideoque incongruum haud habebatur, uni Sacerdoti earum Missarum celebrationem urgente praesertim illarum Ecclesiarum paupertate, committi. Hoc sollicite Canon cavet, ut Presbyter ille juxta mandatum Episcopi in iis Ecclesiis Missarum solemnia congruo tempore perfolvat.

Synod.  
Parisi.  
c. 49.

11. Sequiorem usum, vel obtentum, qui tunc forte gliscebat, Ann. 829. repressit Synodus Parisiensis. Sicut, inquit, unicuique civitati convenit proprium habere Episcopum, ita et unamquamque Basilicam, Deo dicatam, decet, et oportet proprium habere Presbyterum. Avaritia sane, quae est idolorum servitus, quod non sine magno pudore prosequimur, quosdam invasit Presbyteros, suisque retinaculis adeo vinxit, captivosque effecit, ut instar caecorum effecti, nesciant, quo eant, nesciantque, quid esse, vel quid agere debeant. Hi namque ignibus avaritiae aestuantes, sacerdotalisque Dignitatis immemores, curam Basilicarum, in quibus promoti sunt, postponentes, datis quibusdam Xeniis, aut pollicitis non solum a Clericis, verum etiam a laicis alias Basilicas contra fas ad Christi famulatum peragendum suscipiunt. Et quo exitio? Religio Christiana obfuscatur, et sacerdotalis ordo confunditur, immo avaritia Sacerdotum a subditis denotatur, locaque Deo dicata cultu sibi debito privantur, et animarum pericula generantur.

12. Corruptis saeculis p[re]e multitudine delinquentium abusus fere omnem medelam alicubi respuit. Rescripsit Alexander III. ad Genuensem Archiepisco-

pum: *Cum non ignores, quod una Ecclesia unius debeat esse Sacerdotis, mirabile gerimus et indignum, quod uni Personae locum in pluribus Ecclesiis velis concedere, vel in Episcopatu tuo inducere consuetudinem Ecclesiae Gallicanae: quae, cum unum ad plurarecipiat beneficia, contra SS. Canonum instituta, non approbatur a nobis, licet non possit PRAE MULTITUDINE DELINQUENTIUM emendari.* Refert. c. 15. integr. lect. de Praeb.

13. In reliquis novi juris argumentis sat frequens locus supereft, quo illa pluralitas beneficiorum damnatur, tametsi p[re]a multitudine delinquentium emendari penitus, vel abrogari nequeat. *Cum multa per patientiam tolerentur, quae, si deducta fuerint in judicium, exigente justitia non debeant tolerari.* Haec est sententia Innocentii c. 18. ibi.

14. Quum hoc moderamine propter praesumptiones, et quorundam cupiditates nullus ha[ec]tenus, aut rarus de p[re]dicto statuto fructus proyeniret, pronuntiavit Innocentius III.: *ut, quicunque receperit aliquid beneficium, habens curam animarum annexam, si prius tale beneficium obtinebat, eo sit jure ipso privatus: et, si forte illud retinere contenderit, alio etiam spoliatur etc.* Hoc idem in Personatisbus

*decernimus observandum: addentes,  
ut in eadem Ecclesia nullus plures Di-  
gnitates, Personatusve habere piae-  
sumat, etiam si curam non habeant ani-  
marum. Refert. c. 28. d. t.*

15. Huic tamen Pontifici tribuitur,  
quod primus Sedi Apostolicae liberta-  
tem, et facultatem dispensandi super  
pluralitate beneficiorum reservaverit.

16. Dispensationes frequentiores Jo-  
annes XXII. resecandas, aut moderan-  
das censuit. *Nos itaque, inquit, tot  
malis, tantisque discriminibus occur-  
rere cupientes omnes, et singulas Di-  
spensationes super receptione, ac re-  
tentione Dignitatum, Personatum,  
Officiorum, Prioratum, beneficiorum-  
que, quibus sit animarum cura an-  
nexa, sub quacunque forma, vel ex-  
pressione verborum a nobis, vel dictis  
antecessoribus concessas — deliberatio-  
ne super hoc cum fratribus nostris ha-  
bita diligenti, de ipsorum consilio, et  
ex certa nostra scientia in forma sub-  
scripta duximus taliter moderandas.  
Superest integra lectio Extrav. 4. de  
Praeb. int. Com.*

17. Sed nec hoc moderamine restin-  
gui malum potuit. Invaluit illud novis  
titulis Commendarum, et Unionum.  
Olim vacante aliqua Ecclesia, cui ob-  
bellorum, aliarumque calamitatum tem-  
pestatem provideri de Pastore non sta-

tim poterat, interdum vicino Pastori alteri commendabatur, ut ejus curam gereret, donec ei de proprio Pastore provideri posset. Vetus exemplum non absimile est illi provisioni, qua hodie deservitura committitur. Commenda enim nonnisi necessitatem, utilitatemque Ecclesiae spectabat. c. 3. XXI. q. 1.

18. Progressu temporis Commendatarii varios titulos obtenderunt, ut fructus Ecclesiarum occuparent; et, ut tanto diutius occupare possent, varia impedimenta injecerunt, ne illi Ecclesiae de proprio Pastore provideri posset. Huius fraudi ut occurreretur, novo jure statutum est, ut Commenda ultra sex menses non duraret. c. 15. *de Elect.* in 6.

19. Superfuit, quod Commendatarii, qui fructus Ecclesiarum ambiebant, super hoc dispensationem a Sede Apostolica variis artibus extorquerent, ut ea mediante non tantum ad vitam, sed etiam cum pleno jure percipiendi fructus, subtractis duntaxat impendiis Vicarii, Commendas plurium Ecclesiarum consecrarentur, freti illo exemplo juris, quod a pluralitate beneficiorum excusarentur, qui unam Ecclesiam intitulatam, alteram commendatam, *utpote ad tempus*, haberent. c. 54. *de Elect.*

20. Adeo hac interpretatione, quae temporales commendas in perpetuas

Synod.  
Londin.  
c. 31.

convertit, regula juris eversa videba-  
tur, Synodus Londinensis de Ann. 1268.  
diserte conqueritur: *Quidam rationis  
expertes, vel regulas juris contemnen-  
tes, dum ad plurium Ecclesiarum oc-  
cupationem velamen aliud non haben-  
tes, quomodo ditari festinant, vacan-  
tes Ecclesias sibi commendari procu-  
rant, amplectentes Juris verba, non  
sensum, quod aliquando permittit,  
unam habere Ecclesiam intitulatam,  
alteram commendatam. Et cum juxta  
sanum intellectum, propter necessita-  
tem, vel utilitatem vacantis Ecclesiae,  
jus commendationis non tam pae-  
ceptive, quam permissive fuerit intro-  
ductum; ipsi ad cupiditatis suae lu-  
crum omnia convertentes, in ipsarum  
Ecclesiarum dissipationem, non solum u-  
nam, sed plures recipiunt commendatas.*

21. Tam infelici omine praevaluuit et  
sequior interpretatio illius regulae, qua  
pluralitas beneficiorum excusatur in illis  
Ecclesiis, quarum una ab altera per  
unionem dependet. cit. c. 54. de Elect.

22. Quidni duae Ecclesiae vicinae,  
quae ob devastationem, vel aliam oc-  
casionem duos Presbyteros alere neque-  
unt, neque duos ob incolarum paucita-  
tem requirunt, uniri possent, ut per  
modum unius uni conferantur. En ve-  
tus exemplum. c. 2. §. 2. D. 70.

23. Absit vero, ut veteri illo exemplo excusari possent sequiores uniones ad vitam, quibus, neglecta omni necessitate, vel utilitate Ecclesiarum, plures Ecclesiae, quandoque et remotissimae, et opulentissimae uniri caeperant in favorem Personae, eousque, quoique ipsa viveret. Praelati pro articulis Reformationis Tridentinae a Paulo III. delecti exclamabant: *Quid de unionibus beneficiorum ad vitam unius, ne scilicet obstat illa beneficiorum pluralitas ad obtainenda incompatibilia, nomine est, nisi mera fraus legis?*

24. In Concilio Tridentino praecipuus erat Episcopus Claromotensis, Guilielmus de Prato, qui in Congregatione mox post sessionem secundam habita, ad abolendam omnem pluralitatem beneficiorum Patres provocavit. *Primo, ajebat, tollatur ab omnibus beneficiorum, et maxime Episcopatum pluralitas funditus.* Quod ita necessarium censeo, inquiebat, ut optem memoriam illius pluralitatis oblivione sempiterna deleri, tanquam avaritiae Clericalis (ob quam tam male audit Ordo Sacerdotum) primogenitam, et omnium malorum lernam. Hanc sententiam et alii Patres suam fecere, quae tamen multis rigidior videbatur.

25. Hac occasione Concilium Tridentinum varia edidit Decreta. Sanxit pri-

Cap. 3.  
De Trid.  
Decret.

Trid. sess.  
7. c. 2.

mo: Ut nemo, quacunque etiam dignitate, gradu, aut praeeminentia præfulgens, plures Metropolitanas, seu Cathedrales Ecclesiæ in titulum, sive commendam, aut alio quovis nomine — recipere, et simul retinere præsumat.

Trid. ibi.  
c. 4.

26. Et inferius: Quicunque de cætero plura curata, aut alias incompatibilia beneficia ecclesiastica, sive per viam unionis ad vitam, seu commendæ perpetuae, aut alio quoque nomine, aut titulo, contra formam SS. Canonum — recipere, ac simul retinere præsumperit, beneficiis ipsis — ipso jure, etiam præsentis Canonis vigore, privatus existat. Haec Decreta beneficiorum incompatibilium pluralitatem spectant.

Trid. fest.  
24. c. 17.

27. Quid de reliquis? Mandat S. Synodus in quibuscumque personis, quo cumque titulo, etiam si Cardinalatus fulgeant honore, observari, ut impostorum unum tantum beneficium ecclesiasticum singulis conferatur. Quod quidem, si ad vitam ejus, cui conferatur, honeste sustentandam non sufficiat, liceat nihilominus aliud simplex sufficiens, dummodo utrumque personalem residentiam non requirat, eidem conferri. Haecque non modo ad Cathedrales Ecclesiæ, sed etiam ad alia omnia beneficia, tam saecularia, quam

*Regularia, quaecunque etiam commenda pertineant, cujuscunque tituli, ac qualitatis existant.*

28. Ecce hoc Decreto diserte excipiuntur beneficia simplicia, veluti incompatibilia, quae personalem residentiam requirunt, idque vel ratione curae animarum, vel ratione servitii. Ratione curae animarum censetur incompatibile beneficium, et illud, cui annexum est onus adjuvandi Pastorem in cura animarum; aut alendi Vicarium amovibilem, per quem cura animarum foret exercenda. Ratione servitii censentur incompatibles Canonicatus non modo cum beneficio curato, sed etiam aliis Canonicatibus Cathedralium, Collegiarumque Ecclesiarum, quia propter servitium personalem residentiam exigunt. *Trid. sess. 24. c. 12.*

29. Sequiore interpretatione nonnullorum invaluit, quod hodie distinguunt inter residentiam praecisam, et simplicem nec non illam, quae causativa dicatur. Vocatur residentia simplex, et praecisa, quae requiritur sub poena privationis tituli. Residentia causativa audit, quae spectat privationem nudam fructuum, si quis residentiam negligat. Inde communis praxis declarat, quoad incompatibilitatem beneficiorum simplicium inspiciendam esse residentiam praecisam. Quid alienius a mente Fundato-

rum, Canonibusque Ecclesiae hac vel excusatione, vel distinctione? Quippe iniquum est, eum retinere beneficium, qui illi deservire non intendit, tametsi aliquando fructibus carere velit, quia quodvis beneficium personale servitium ex suo genere, et instituto requirit.

30. Concilium Tridentinum diserte distinguit inter beneficium, quod quis obtinet, nimurum id, quod sufficiens est, et quod alendo Clerico insufficiens est. Si enim beneficium adeptum sufficiens est, locus haud est secundo acquirendo, quantumvis hoc simplex, et ab omni lege residentiae liberum sit. Si vero primum ad vitam ejus, cui conferatur, insufficiens est, tunc liceat ei aliud simplex beneficium, a personali residentia exemptum, conferre. Hodie hac occasione sat frequens est, quod cujusque conscientiae relinquatur, ut aestimet sufficientiam, insufficientiamque sui beneficii. Queritur Ruremondensium Antistes: *Sustentationem sui, quam in Clericis omnibus, ipsisque etiam Episcopis, ex Tridentini Concilii sententia, oportet esse frugalem, hospitalitatis, et beneficentiae velamine, illi volunt esse magnificam, vitae hujus impendia non pro necessitate, aut eo, quod naturae satis esse queat (quae parvo est contenta) sed pro affectu privato, et habendi libidine metientes;*

Henric.  
Cnikius  
Rure-  
mond.  
Episc. ad  
Cler.

*et ex cuiusque beneficij accessione proventu aucto, aliquid etiam ad familie splendorem, ad vestium luxum, ad praediorum, aliarumque sive fixarum, sive mobilium rerum proventum accedere volunt: et ut in plures benefici esse possint, aut ad sui nominis memoria celebrandam opulentas erigere fundationes, domum domo, et agrum agro e beneficiorum proventibus semper conjungentes; et hoc satis esse arbitrantur ad palliandam, aut excusandam inexplicabilem avaritiam suam, si hunc sibi scopum propositum habeant.*

31. Quid his obtentibus, aut artibus alienius a Decreto Tridentino? Enim vero Concilium Tridentinum priori beneficio, quod vere insufficiens est ad vitam ejus honeste sustentandam, non nisi unum beneficium adjungi, pro replenda insufficientia, concedit. Declarat S. Carolus in Concilio Mediolanensi V.: *Id ita locum habeat, ut ne tamen eo praetextu, causave vitae honeste sustentandae plura, quam duo beneficia simplicia uni, eidemque conferri liceat.*

Conc.  
Mediol,  
V. P. 3.  
Tit. quae  
ad Benef.  
collat.  
attin.

32. In reliquis Concilium Tridentinum eo Decreto, quod declaravit incompatibilia plura beneficia cujuscunque conditionis, aut qualitatis, quorum utrumque personalem residentiam requirit, praecipue respexisse censetur ad impossibilitatem satisfaciendi oneribus u-

triusque beneficii: inde enim illa impossibilitas resultat ex requisita personali residentia. Cum igitur illa impossibilitas onerum, quae utriusque beneficio inhaerent, saepe cefset, si beneficia sint in eadem Ecclesia, quibus officia diversi ordinis, et generis incumbunt, etiam illa incompatibilitas eorum beneficiorum, quae inde difformia dicuntur, ceffare censetur. Sic S. Congregatio decidisse refertur, quod Concilium consuetudini, quae permittit in eadem Ecclesia Dignitates cum Canonicatibus teneri, haud derogaverit. Et vero sat vulgaris hodie est consuetudo, quod beneficium curatum, aut etiam Dignitas cum Canonicatu in eadem Ecclesia retinetur; immo in aliquibus Ecclesiis Dignitates conferri non possunt, nisi Canonicis, ita, ut nulla dispensatione eapropter opus sit.

33. Quid, si Canonicatus sit ipsi Dignitati annexus, ita, ut ipsa Dignitas nullos habeat proventus praeter praebendam; an cum hoc Canonicatu, annexaque Dignitate alia difformis Dignitas in eadem Ecclesia citra dispensationem obtineri potest. Et vero, si Canonicatus Dignitati per viam suppressionis cohaereat, tunc revera, suppresso titulo Canonicatus, nonnisi simplex Dignitas supereft, ut cum hac Dignitate aliis Canonicatus sine ulla dispensatione con-

jungi possit; non autem alia Dignitas, quia pluralitas Dignitatum in Ecclesia eadem vetatur, cui hactenus consuetudo haud derogavit. c. 28. *de Praeb.*

34. Si autem Canonicatus per unionem cohaereat, ut possessor et Canonicus sit, et in Dignitate constitutus sit, non poterit in eadem Ecclesia alium Canonicatum, aut Dignitatem sine dispensatione S. Sedis, vigore cujusdam consuetudinis, quae corruptela declaratur; obtinere. c. 1. *de Consuet.* in 6.

35. Hodie duplex incompatibilitas beneficiorum distinguitur. Incompatibilia primi generis dicuntur, inter quae intercedit tanta incompatibilitas, ut ob tenta pacifica possessione secundi primum ipso jure vacet. Explicant hanc incompatibilitatem auctoritate novi juris Interpretes in beneficiis curatis, Dignitatibus, et Personatibus, sive in una, siue in diversis Ecclesiis. c. 28. *de Praeb.* Tum et in beneficiis simplicibus in eadem Ecclesia uniformibus, id est, quorum utrumque ad eundem finem, et munus sub eodem tecto est institutum, et si residentiam non requirant in uniformibus titulis. c. 9. *de Concess.* *Praeb.*

Cap. 4.  
De var.  
benef. in-  
compatib.  
spec.

36. Incompatibilia secundi generis vocantur, quae simul retineri non possunt, et si per affectionem pacificam secundi primum IP SO JURE non vacet. Hujusmodi censentur duo Canonicatus, aut

duae Capellaniae, aut Canonicatus et Dignitas, vel beneficium curatum in diversis Ecclesiis.

Garc. de  
Benef.  
P. 2. c. 5.

37. Censem et hodie post Concilium Tridentinum superesse utrius incompatibilitati locum, ad eum effectum, ut incompatibilia primi generis ipso jure, alia vero seu secundi generis per sententiam judicis vacent. Atque ita a SS. Congregatione responsum fuisse saepius referunt.

38. Incompatibilitas in ordine ad vacationem beneficii prioris inducitur per affectionem pacifica posseffionis alterius beneficii incompatibilis. Non ergo sufficit secundi collatio, vel acceptatio; sed requiritur ejus pacifica posseffio, aut saltem quod penes eum steterit, quo minus eam acceperit. Clem. 6. de Praeb. et alibi.

39. Quandoquidem nullum tempus in jure praefixum est, intra quod Beneficiatus teneatur realem, et corporalem beneficii posseffionem accipere: idcirco communi interpretum sententia, et praxi receptum est, ob acceptum beneficium secundum non induci vacationem primi, ante adeptam ejus corporalem posseffionem, tametsi per ipsum Beneficiatum stetisset, posseffionem corporalem secundi accipere: enimvero ajunt, illam clausulam, qua Joannes XXII. declarat, beneficium vacare, si per Be-

neficiatum steterit, quo minus pacificam possessionem habeat, referendam esse, non ad possessionem, sed ad vocem pacificam, et per eum slet, quo minus haec possessio sit pacifica, quia vel item finxit, vel alias fraudes supposuit. *Extrav. 4. de Praeb. int. Com.*

40. Hinc concluditur, quod demum inducatur vacatio primi per assecutionem secundi, si assecutio, et possessio secundi sit pacifica, non solum de facto, sed etiam de jure; id est, non litigiosa, sed absque omni controversia judiciali, extrajudicialique. Quippe ante adeptam possessionem pacificam Beneficiatus nullos proventus potest ipsius beneficii percipere, ut inde videatur ante captam possessionem beneficium perfecte non habere.

41. In usu Galliae, neglecta privationis poena, vetus optio viget. Rescripsit Alexander III., quod Episcopo licet, habentes plures Ecclesias, quae ex una non pendent, appellatione postposita cogere ad unam ipsarum, quam maluerint, dimittendam. Refert. c. 4. de AEtat. et Qual.

42. Inde, quemadmodum privatio primi beneficii per assecutionem secundi non inducitur, nisi post adeptam pacificam hujus possessionem; ita nec necessitas optionis inducta censetur, nisi post pacificam assecutionem secundi. Et vero,

quia in Gallia nemo propriae pacificus Possessor, nisi post annalem pacificam possessionem censetur, hinc provisus de duobus beneficiis incompatibilibus habet annum, et diem ad faciendam suam optionem, ita, ut, si fit pacificus Possessor, possit unum ex duobus dimittere ad manus Collatoris ordinarii.

43. Et ne locus fraudi sit, Ann. 1681. Regio edicto cautum est: *ut cum uni, eidemque personae collata sunt duo beneficia curata, aut Canonicatus, aut Dignitas, et beneficium curatum, aut duo alia beneficia incompatibilia, sive sit lis, sive pacificus Possessor sit, provisus non gaudebit fructibus, nisi illius beneficii, in quo actualiter resdebit, et servitium per se exsolvet.* Quodque fructus alterius beneficii, aut etiam utriusque, si in neutro resederit, et praestiterit servitium per se, impendentur in solutionem Vicarii, aut Vicariorum, qui servitium praesterint, vel in reparationes, ornamenta, aliquumque usum Ecclesiae ipsius beneficii; idque juxta ordinationem Episcopidiae cesani.

44. Superest frequentior usus incompatibilium beneficiorum per dispensationes Papales. Ita enim Innocentius III. pronuntiat: *Circa sublimes tamen, et litteratas Personas, quae majoribus bene-*

Journal.  
des Au-  
diences  
Tom. 4.  
lib. 4. c. 6.

Cap. 5.  
De di-  
spens.  
Pap.

*beneficiis sunt honorandae, cum ratio postulaverit, per Sedem Apostolicam poterit dispensari.* Ref. c. 28. de Praeb.

45. Praecipit Bonifacius VIII., ut in supplica utriusque beneficij qualitas diserte exprimatur. Non potest, inquit, dispensatio super pluralitate beneficiorum concessa, impetranti prodeesse, qui aliquod quantumcunque modicum beneficium subticuit in eadem. Et vero: Illud Apostolicae Sedis indultum, ut quis duo beneficia curam animarum habentia, si alias canonice eidem conferantur, possit recipere, ac simul retinere, intelligitur de duobus primis beneficiis, quae cum cura post dictum indultum obtainere contingit eundem. Ita diserte rescripsit Papa. c. 21. de Praeb. in 6.

46. Decreto Gregorii X.: *Ordinarii locorum subditos suos, plures Dignitates, vel Ecclesias, quibus animarum cura imminet, obtinentes, seu Personatum, aut Dignitatem cum alio beneficio, cui similis cura est annexa, discente compellant, dispensationes, auctoritate quarum hujusmodi Ecclesias, Personatus, seu Dignitates canonice tenere se afferunt, intra tempus profacti qualitate ipsorum Ordinariorum moderandum arbitrio, exhibere. Quod si forte, justo impedimento cessante,*

*nullam dispensationem intra idem tempus contigerit exhiberi; Ecclesiae beneficia, Personatus, seu Dignitates, quae sine dispensatione aliqua eo ipso illicite detineri constabit, per eos, ad quos eorum collatio pertinet, libere personis idoneis conferantur.* Refert. c. 2. de Offic. Ordin. in 6.

Trid. sess.  
7. c. 5.

47. Hoc exemplo et Concilium Tridentinum mandat: *Ut Ordinarii locorum quoscunque plura curata, aut alias incompatibilia beneficia obtinentes, dispensationes suas exhibere districte compellant; et alias procedant juxta constitutionem Gregorii, in generali Concilio Lugdunensi II. editam.*

48. Et quis, quaeso! finis, aut effectus est hujus exhibitionis? Ait Pontifex: *Si dispensatio exhibita sufficiens evidenter appareat, exhibens nequam in beneficiis hujusmodi, quae canonice obtinet, molestetur.* Quid ergo, si evidenter insufficiens appareat? Procul dubio rejicienda est, ut ei nec suffragetur regula Cancellariae de triennali possessione, eoquod haec possessio abusum non absterget. Quid vero, si de sufficientia dispensationis dubitetur? Oportet desuper S. Sedem consulere, cuius est aestimare, quem modum esse velit sui beneficii. c. 3. de Offic. Ord. in 6.

49. In analysi ad Constitutionem Gre-  
gorii X. in Concilio Lugdunensi editam,  
contendit Weymesius, quod Possesso-  
res incompatibilium beneficiorum non  
tantum dispensationum suarum litteras,  
sed et possessionum titulos ipsis Ordina-  
riis exhibere teneantur. *Cum Ordina-  
rii, inquit, recte judicare vix possint  
de dispensationibus, nisi simul etiam  
videant titulos, quorum vigore plu-  
ra beneficia incompatibilia possidentur*  
— adeo, ut titulorum exhibitio cen-  
seatur de substantia actus, et absque  
illa non intelligantur Beneficiati satis-  
fecisse suis Ordinariis, etiam si maxi-  
me affirment, se juste, et canonice pos-  
sidere: quia tituli necessario exhiberi  
debent, et in scriptis probari, nec  
sufficiunt testium dicta, quod scriptu-  
ram titulorum ipsi viderint: neque et-  
iam de eo solo dispiciendum est, an ti-  
tulus aliquis subfit, sed etiam, an bo-  
nus, et validus; quod non nisi ex ejus  
*inspectione cognosci potest.*

50. Rescripsit Alexander III. cuidam  
Ordinario: *Si mandatum nostrum su-  
per alicujus provisione receperis, qui  
aliud beneficium habeat, de quo valeat  
commode sustentari — si non potest ei  
fine scandulo provideri, aequanimitate  
sustinemus, si pro eo mandatum no-  
strum non duxeris exequendum. Ref.  
c. 6. de Praeb.*

Weymes.  
n. 11.

§1. Hac occasione invaluit alibi, quod litterae dispensationis super pluralitate beneficiorum executionem habere nequeant, nisi praehabito Principis placito: non solent enim similes dispensationes e Curia Romana emanentes in executionem deduci, si appareat, illas sine scandalo, aliisque incommodis executioni mandari non posse. Neque enim litterae placiti super simili dispensatione dari solent, nisi prius auditis Ordinariis, e quibus si intelligant, eam dispensationem sine scandalo, aliisque incommodis executioni mandari non posse, aut id aliunde consiliis regiis notum sit, Placitum haud facile concedetur: solum enim scandalum, quod praevideatur ex oriturum ex litterarum Apostolicarum executione, justam, et sufficientem causam esse negandi Placitum, certum est.

§2. Veteri exemplo S. Ludovicus nulli habenti beneficium indulsit alterum conferri, nisi priore dimisso. Si Principes sanctum hunc Regem aemularentur, vix dubium, quin in suis ditionibus magna ex parte hunc abusum eliminarent; praeferentim, si super litteris dispensationum in Curia Romana obtentis, litteras placiti concedi vetarent, saltem super pluralitate majorum beneficiorum: vel nisi manifesta esset, aut rite probaretur sufficiens ratio dispensationis.

\* 53. Novit Deus, quam frequentes,  
et varias ineat hypocrisis vias, et ar-  
tes, obtinendi dispensationes Pontificias.  
Queritur S. Bernardus: *Malum in corde*  
*conceperunt, opere tamen ausi non sunt*  
*implere, nisi cum licentia.* *Concepe-*  
*runt dolorem, sed non pepererunt ini-*  
*quitatem, donec iniquo Papa conce-*  
*ptui praebeuisset assensum — quod ta-*  
*men SS. fecisse Pontificem nequaquam*  
*crediderim, nisi aut circumventum*  
*mendacio, aut importunitate victum.*

S. Bern.  
ep. 7.

\* 54. Hinc in morali doctrina degene-  
ris Cleri hypocrisi quid exitiosius? Ait  
S. August.: *Simulata innocentia non est*  
*innocentia: simulata aequitas non est*  
*aequitas, sed duplex iniquitas, quia*  
*et iniquitas est, et simulatio.* Juxta sen-  
tentiam S. Chrysostomi: *Nulla res sic*  
*exterminat bonum, sicut bonum simu-*  
*latum. Nam manifestum malum; quasi*  
*malum cavitur: malum autem sub spe-*  
*cie boni celatum, quasi bonum suscipi-*  
*tur.* Ecce inquit S. Ambrosius: *Bonis*  
*artibus, et sincero proposito nitendum*  
*ad honorem arbitror, maxime ecclae-*  
*sisticum — ad omnia abundat animi*  
*directa simplicitas, satisque se ipsa*  
*commendat.* Absit, ut hypocrisi locus  
sit supplicationibus, et excusationibus?

S. Aug.  
in Ps. 61.

S. Chrys.  
hom. 19.  
oper. im-  
perf.

Quid B. Laurentii Justiniani querela gra-  
vius? *Sunt, inquit, viri subdoli, ma-*  
*litia pleni, dolo astuti, Ministri dia-*

S. Ambr.  
de Offic.  
lib. 2.  
c. 24.

B. Laur.  
Just. de  
cast.  
conn.  
c. 20.

boli, iniquitatis Magistri, semper prava mendacia componentes, hypocrisim sub tegmine sanctitatis tegentes, quorum perditio festinat, et confusio prope est. Quae sum pietatem putant, hominibus placere anhelant. Honores, Dignitates, et ecclesiastica omni cum studio quaeritant beneficia. Quis ab hypocrisi excusaret artes, et mores eorum, qui dispensationes ad excusandas excusationes tam passim obtendunt? Non satis, inquit S. Bernardus, de propria causu confidentes, remorsas, ac remordentes conscientias Apostolica conati estis delinire licentia: frivolum satis remedium, quod non est aliud, nisi more Protoplastorum, cauteriatis conscientiis texere perizomata, videlicet ad velamentum, non ad medicamentum. Apostolicam, inquiunt, licentiam quaefvimus, impetravimus. Utinam non licentiam quaefissetis, sed consilium; id est, non ut liceret, sed an liceret? Unde tamen quaerebatis licentiam? ut liceret, quod non licebat.

S. Bern.  
supr.

## T I T V L V S IV.

### *De Ordinaria Beneficiorum Provisione.*

#### C A P V T I.

##### *De Jure Episcopi.*

1. Quousque Ordinationi collatio beneficii cohaesit, solus Episcopus per suam Diaecesis collator omnium beneficiorum fuit, quia Episcopus solus et Collator omnium Ordinum fuit: atque in hac disciplina fere usque ad saeculum XI. stetimus.

2. Fuit tamen vetus mos, quod Episcopi, ut securius in electione ministrorum procederent, consilium sui Clerici adhibere, populique testimonium de Ordinandorum moribus, et conversatione exquirere tenerentur. Juxta Decretum Concilii Carthaginensis IV. *Episcopus sine consilio Clericorum suorum Clericos non ordinet; ita, ut civium conniventiam, et testimonium quaerat.*

3. Novo jure, quod ab Ordinatione collationem beneficiorum, titulo feudi disjunxit, veteris juris Episcopalis superfunt illa vestigia, quod Episcopi sit, eos examinare, et probare, qui ad beneficia ab aliis nominantur; ejus sit, eos et instituere, et curam animarum,

Conc.  
Carth.  
IV. c. 22.

si tale sit beneficium, committere. Rescripsit Alexander III., consuetudinem pravam esse, quod Clerici ecclesiastica beneficia sine consensu Episcopi Diaconiani, vel Officialium suorum recipiunt; minus, quam decet, cogitantes, quomodo id a Patrum sanctorum est institutionibus alienum, et ecclesiasticae contrarium honestati. Refert. c. 3. de Institut.

4. Ad exemplum veteris Cleri successit, quod Episcopus et novo jure in institutione Ministrorum, collationeque beneficiorum aliquando consilium Capituli Cathedralis, quod Senatus Episcopi censetur, expetere teneatur. Est et Alexandri III. illud Decretum, quod Apostolica auctoritate prohibet, ne Episcopus Abbates, vel Abbatissas, vel alias personas ecclesiasticas sine assensu, vel consilio Canonicorum suorum instituere, vel destituere praesummat. c. 4. de his, quae fiunt a Praelat.

5. Quantum ad Praebendas Cathedrales hodie supereft frequentius, quod eorum Canonicorum electio ad Episcopum, et Capitulum spectet. Sed non ubique eodem modo. In aliquibus Ecclesiis Episcopi suffragium aequivalet votis totius Capituli, ut Episcopus singulariter, Capitulum vero collegialiter suffragium ferat. Hinc alibi usus invaluit, quod hujusmodi juris exercitium divideretur

per alternativam, seu per menses, et tempora, ut quilibet nomine confortis totum jus absque hac discrepantia exerceat. Plerumque haec electio communis est Episcopo, et Capitulo, soletque Episcopus tanquam caput Capituli proponere, et concludere, ut ei nonnisi in paritate votum decisivum sit; nisi aliunde ei et votum absolutum competit. Meminit Pontifex alterius consuetudinis, quod Episcopus Capitulo non nunquam interveniat, ut Canonicus, ut ei proinde aliud votum non sit, quam alterius Canonici. *c. 15. de Concess.*  
*Praeb.*

6. Exortis recentioribus exemptionibus Capitulorum Episcopus ab electione Canonicorum, quam totam Capitulum suam fecit, exclusus est. Innocent. III. et hanc consuetudinem allegat, probatque. *c. 31. de Elect.*

7. Econtra in nonnullis aliis Ecclesiis soli Episcopo jus est, conferendi Praebendas Cathedrales, ut in hac electione nec ad consensum, nec ad Consilium Capituli adstringatur.

8. Quantum ad Ecclesias collegiatas jure communi eorum Canonicorum electio spectare videtur ad Capitulum una cum Decano, aut illo, qui Capitulo praesidet. Quum vero plures earum aliquando fuere regulares, electio Canonicorum in multis illarum mansit apud

solum Praepositum, tanquam qui tempore regularitatis erat Caput Congregationis, idque ad normam regulae monasticae S. Benedicti, et canonicae S. Chrodegangi.

9. Dignitates tam in Ecclesiis Cathedralibus, quam Collegiatis, quae ipsum Capituli regimen, ac disciplinam canoniam spectant, ad electionem Capituli ordinarie spectant, nisi quod hodie fere primae Dignitates in Collegiatis, et majores post Pontificalem in Cathedralibus nominationi Regiae, aut induito Pontificio alicubi sint subjectae. In Concordatis Germaniae tamen et hae illis accensentur, quibus jure ordinario providetur. Reliquae Dignitates in Cathedralibus, quae ad regimen Hierarchium referuntur; uti sunt Archidiaconus, Archipresbyteratus, ad solius Episcopi collationem plerumque pertinent.

10. Collatio beneficiorum, quo usque Ordinationi cohaesit, actus ordinis videbatur. Novo jure vero, actus jurisdictionis censetur. Vetat tamen Bonifacius VIII. Sede vacante Capitulum, ne liberas collationes Episcopisibi arroget. *c. un.*  
*Ne Sed. Vacant. in 6.*

Cabassut.  
Theor.  
et Prax.  
Jur. Can.  
lib. 2. c. 3.

11. Refert Cabassutius, quoad curata beneficia posse Capitulum Sede vacante saltem in Francia providere Parochias, conferendo eas potius in titulum, quam commendam. In Belgio passim

Capitula Cathedralia Sede vacante instituunt concursum ad replendas Ecclesias Parochiales, sive ad Episcopi, sive ad aliorum Patronorum, Collatorumque ecclesiasticorum dispositionem spectantes.

12. Collatio, proprie dicta, communiter definitur, quod sit assignatio, seu concessio beneficii vacantis facta ab eo, qui potestatem habet. Haec quidem, si sit solo jure Collatoris, ut non restrin-gatur ad aliquam personam nominatam, et praesentatam, proprie collatio, ve-luti libera dicitur. Quippe si fiat alicui personae quasi ex necessitate praesenta-tionis, institutio, aut collatio necessa-ria appellatur.

13. Collatio libera differt ab electio-ne, et praesentatione, quod, postquam acceptata fuit, etiam ante adeptam pos-sessionem jus in re tribuat. Quippe per electionem, et praesentationem etiam acceptam nihil plus acquiritur, quam jus ad rem. c. 17. *de Praeb. in 6.*

14. Collatio alia est verbalis, alia realis: illa titulum, haec possessionem spectat. Prior diversis nominibus in jure novarum Decretalium insignitur: modo enim vocatio, alibi donatio, denique provisio appellatur. c. 6. *de Praeb. et alibi.*

15. Juxta receptum stylum collatio fieri, aut probari nequit, nisi per litte-

Cap. 2.  
De Collat.  
Form.

Fleur.  
Instit.  
c. 21.

ras patentes in forma consueta expeditas. His testatur Collator, quod proprio motu, sola perspecta hominis habilitate, et merito processerit; nec mentio fit petitionis, vel intercessionis, quae disciplinae adversaretur, cuius externam speciem servare laboramus. Si vero collatio coacta sit, quia vel nominacioni Patroni debita est, et hoc exprimentum est: caeterum Collator et hanc personam satis explorasse censetur.

16. In ipsis litteris oportet abhinc exprimi Ecclesiam, in qua beneficium est situm, ipsumque modum, quo illud beneficium est vacuum. His subjiciendae sunt ad calcem subscriptiones duorum testium fide dignorum, quas insequitur subsignatio Notariorum duorum, aut Secretarii, et diei, qua facta collatio est, annotatio. Dies maximi momenti est in concessionibus, quae non raro ex jure praeventonis pendent. In provisionibus Romanis necesse est, ut dies illa conveniat cum regula Cancellariae, quae est *de verisimili notitia.*

Reg. Can-  
cell. 30.

17. Concurrentibus duabus collationibus, ex data (id est, die adscripta) de validitate subinde cognosci debet. Si ab eodem duae collationes factae; nec de prioritate constet, neutra valet. Si a duobus factae sint collationes duabus, is prior est, qui possidet. Si neuter est in possessione, collatio Pontificia prae-

fertur provisioni Ordinarii. c. 31. de  
*Praeb.* in 6.

18. Collatio saepe restricta est ad elec-  
tionem, quae personam, cui confe-  
rendum est beneficium, Collatori desi-  
gnat. Electionis nomen dupliciter sumi-  
tur; utpote vel specialiter, prout a re-  
liquis modis provisionum distinguitur,  
vel generaliter, prout et eos modos,  
veluti presentationes, nominationes,  
quatenus et ipsae delectum personae con-  
notant, complectitur.

Cap. 3.  
De Elect.

19. Elec<sup>tio</sup> proprie dicta est designa-  
tio personae ad certum beneficium plu-  
riū suffragiis collegialiter, Capitulari-  
terque facta. Est et hujus duplex spe-  
cies: alia enim est elec<sup>tio</sup> confirmativa,  
alia elec<sup>tio</sup> collativa. Est utriusque gran-  
dis differentia. In electione enim con-  
firmativa oportet servare praescriptam  
formam. In Gallia regias nominationes  
admittit, praeventiōnem autem Ponti-  
ficiam ibi excludit etc.

20. Nihilominus utriusque electioni  
multa supersunt communia: imprimis,  
si elec<sup>tio</sup> ad Capitulum spectat, soli ii  
suffragium habere possunt, et vocandi  
sunt, qui Capitulum constituunt, seu  
vere de Capitulo sunt, nisi ex speciali  
consuetudine, fundatione, aut Privile-  
gio, vel praescriptione extranei, utpo-  
te non Capitulares, ad electionem vo-

etandi forent. c. 3. de Caus. Poss. et Propr.

21. Ad electionem nemo vel Capitularium, vel extraneorum admittendus est, tametsi id ab eis aliis effet concessum, nisi saltem, et ad minus in Ordine Subdiaconatus sit constitutus per Clem. 2. de AEtat. et Qual.

22. Qui jure suffragii gaudent, vocandi sunt per signa solita, sive campanae, sive vivae vocis, si praesentes sint; absentes vero per litteras, et Nuntios, si in Provincia sint. c. 35. de Elect. Absentium citatio facienda est singulariter, si sciatur, ubi degant, et commode, et sine periculo fieri possit, per litteras, aut Nuntium, nisi de consuetudine alter servetur. Quod si nesciatur, ubi commorentur, citatio facienda est per edictum publicum in Ecclesia, vel ubi soliti sunt commorari etc.

23. Si vocati intra terminum praefixum, modo competens sit, non venerint, non sunt de caetero expectandi, poteritque iis absentibus ad electionem a praesentibus, tametsi pauciores sint, procedi; nisi absque periculo, et incommodo expectari possent absentes, qui aliqua causa necessaria, vel utili in vicinia detinentur. c. 18. et 19. de Elect.

24. Concilium Lateranense IV. penitus interdixit, ne quis in electionis negotio Procuratorem constituat, nisi sit

*absens in loco, de quo debeat evocari, justoque impedimento detentus venire non possit, super quo, si opus fuerit, fidem faciat juramento, et tunc, si voluerit, uni committat de ipso Capitulo vicem suam.* Refert. c. 42. §. I. de Elect.

25. Juxta Constitutionem Bonifacii VIII. nedum uni, sed et pluribus vices suas absens, legitimo detentus impedimento, committere potest, ita tamen, ut cuique in solidum ea commissio fiat. Si nullus ipsorum in solidum fuerit constitutus, ipsorum aliquis non debet admitti. Mandatum absentis suscipere nullus Capitularium cogitur, nec extraneus Procurator invito Capitulo obtrudi potest. Ait Pontifex: *Cum unus est Procurator ex Capitularibus simpliciter constitutus, si is unum suo, alterum domini sui nomine, in scrutinio nominandum duxerit, nihil agit, nisi de certa eligenda persona sibi Dominus speciale dederit mandatum;* tunc enim in illam ejus, et in aliam suo nomine licite poterit consentire. Hic est tenor c. 46. de Elect. in 6.

26. Nonnullibi tamen diversa consuetudo viget, ut absentes nec vocandi, ne expectandi sint. Ait Pontifex: *Cum in Ecclesiis Canonicorum Praebendarum, vel beneficiorum collatio Capitulariter est facienda, absentes Canonici sunt vocandi; nisi consuetudo habeat,*

*eos ad talia non vocari.* Refert. c. 33.  
*de Praeb. in 6.*

27. Meminit Gregorius IX. veteris consuetudinis in Ecclesiis Galliae, quod oporteret de toto regno Galliae absentes vocari: haec ubique fere desiit, adeo, ut non vocentur, nisi qui sunt in civitate, vel oppido, ubi Capitulum congregatur. c. 55. *de Elect. et ibi Interp.*

28. Si unus ex Electoribus sive praesentibus, sive absentibus, qui vocari debuit, praeteritus est, de contemptu agere potest ad rescindeundam electionem, tametsi unanimis fuisset, nisi postea amore pacis tacite, vel expresse consentire, aut acquiescere velit. c. 28. *ibi.*

29. Vota ipsa electionis in communi Congregatione conferenda, et colligenda, ubi praesentes adsint omnes Electores, sunt, quia non valet, nisi sit communiter celebrata. Nam ea, quae fiunt ab aliqua Universitate, nomine Universitatis debent fieri per congregatos in unum. c. 55. *de Elect.*

30. Abhinc collata vota numerantur, ut a pluralitate suffragiorum, si respectu totius Capituli majora sint, concludatur, tametsi alii sint, qui dissentiant, vel contradicant. c. 36. *d. t.*

31. Passim invaluit consuetudo, quod, praeterita veteri collatione zeli ad

ad zelum, meriti ad meritum, sola ratio ineatur numeri ad numerum, ut plurimae lites, et oppositiones refescuntur. Praescripsit Pontifex quondam hanc formam in electionibus Monialium. c. 43. *de Elect. in 6.*

32. Meminit alibi Bonifacius veteris statuti, aut consuetudinis, cuius vigore hodie passim in Cathedralibus Ecclesiis receptum est, ut Praebendae, aliave iuferiora beneficia, quae ad electionem, collationemque spectant Capituli, per Hebdomadarium, seu Turnarium, ut vocant, conferantur, seu quod is, in cuius hebdomada beneficium vacare contingit, unum praesentet Capitulo, cui tanquam a toto Capitulo electo, beneficium conferatur. c. 41. *de Praeb. in 6. et ibi Gloss.*

33. In electionibus confirmativis, quae spectant provisionem Ecclesiarum viduatarum, triplex forma praescripta est, utpote per compromissum, per inspirationem quasi divinam, et scrutinium. c. 42. *de Elect.*

34. Per compromissum dicitur fieri electio, quando eligendi potestas unanimi consensu Electorum committitur aliquibus viris idoneis, ut vice omnium provideant Ecclesiae viduatae de Pastore. Compromissarii nihil agunt, si terminos mandati expresse vel tacite; v.g.

Cap. 4.  
De forma  
Elect.

eligendo indignum, excesserint. c. 37.  
*de Elect. in 6.*

35. Quot debeant esse Compromissarii, quasve qualitates habere, in jure expressum haud est. Etenim et in unum compromitti potest. c. 8. *de Elect.* Potest et compromitti in plures tum Capitulares, tum extraneos. c. 21. *ibi.*

36. Altera forma est per quasi inspirationem. In antiquitate celebrantur plures electiones, veluti S. Ambrosii, S. Nicolai, S. Severini per veram inspirationem Spiritus S. factae, quia communi suffragio, et ab omnibus concorditer, quasi divini spiritus motu, nullo discrepante, absque ullo praevio tractatu electi sunt. Dicitur electio quasi per inspirationem Spiritus sancti celebrari, si praevio tractatu praemisso, aliisque solemnitatibus servatis Electores unanimiter in unum consentiant. c. 42. *de Elect.*

37. Tertia forma electionis per scrutinium his verbis exprimitur: *Praesentibus omnibus, qui debent, et volunt, et possunt commode interesse, assumantur tres de Collegio fide digni, qui secrete, et sigillatim vota cunditorum diligenter exquirant, et in scriptis redacta mox publicent in communi — ut in collatione habita eligatur, in quem omnes, vel major, et senior pars Capituli consenserit.* Refert. *ibi.*

38. Quantum ad Scrutatores oportet, eos esse tres, et ex ipso Collegio, ut pote ex iis, qui jus eligendi vel jure, vel privilegio, et consuetudine habent, quia et hi, in ordine ad actum electionis, de Capitulo censentur. In electionibus Regularibus et frequens est, quod illi Scrutatores ab Ordinario nominentur.

39. Scrutatorum est, vota electorum secrete, id est, seorsim ab aliis, exquirere, ut sic quisque liberius votum suum exprimere valeat, et vel per schedulam, vel per vivam vocem, ut aliquis Scrutatorum nomen electi scripto excipiat.

40. Enimvero et sigillatim quisque Electorum ad deponendum votum ad vocandus est, ut vitetur omnis confusio. Ergo bini, et terni simul admitti non possent, nec vel ultimus, vel unus praeteriri, aut contemni.

41. Singulorum vota oportet esse certa, et absoluta. Rejiciuntur enim vota conditionalia, alternativa, et incerta, ut pro non adjectis habeantur. Si inter schedulas quedam appareat alba, tunc et ea abjecta, ac si non esset, caeterae numerantur. *c. 2. de Elect. in 6.*

42. Votis in scripturam a Notario, vel Tabellione redactis, ea publicantur in communi, non exprimendo, in quo-

rum favorem data sunt, vel quot ex Electoribus in eam personam consenserint, sed tantum explicando numerum eorum, qui vota tulerunt. Nam abhinc nulli variare licet. c. 58. de Elect.

48. Ait Pontifex: *Ut is collatione habita eligatur, in quem omnes, vel major, et senior pars, relative ad totum Capitulum, consenserit.* Desit illa collatio zeli ad zelum, meritique ad meritum, ut hodie sola illa numeri ad numerum comparatio superfit, quia vota oportet esse secreta.

43. Hac collatione absoluta Praeses ab Electoribus petit: *Placetne vobis electionem publicari?* Respondentibus illis: *Placet.* Nomine omnium dicit: *talem eligo, electumque pronuntio, et in communi coram vobis promulgo.* His formulis in Germania fere solus locus est, quia ex Concordato Germaniae Capitulis Electionis jus tum in Cathedralibus, tum in Regularibus Ecclesiis reservatur, quo aliae nationes exciderunt.

Cap. 5.  
De Jur.  
Devol.

44. Juxta Decretum Concilii Lateranensis IV. *Ultra tres menses Cathedralis, vel regularis Ecclesia non vacet Praelato, intra quos (justo impedimento cessante) si electio celebrata non fuerit, qui eligere debuerunt, eligendi potestate ea vice careant, ac*

*ipsa eligendi potestas ad eum, qui proximo praeesse dignoscitur, devolvatur.*  
Refert. c. 41. de Elect.

45. In inferioribus beneficiis Concilium Lateranense III. semestre praescripsit: *Cum Praebendas ecclesiasticas, seu quaelibet officia in aliqua Ecclesia vacare contigerit, — intra sex menses personis, quae digne administrare valeant, conferantur: si autem Episcopus, ubi ad eum (collatio independenter a Capitulo) spectat, conferre distulerit, per Capitulum ordinetur. Quod si ad Capitulum privative pertinuerit, et infra praescriptum terminum hoc non fecerit, Episcopus secundum Deum cum religiosorum virorum consilio hoc exequatur (tametsi solus Turnarius in culpa fuerit) vel si omnes forte (quia communis est collatio Episcopi, Capitulique) neglexerint, Metropolitanus de ipsis secundum Deum absque aliorum contradictione disponat.* Refert. c. 2. de Concess. Praeb.

46. Semestre autem hoc, intra quod provisio beneficiorum ex Decreto Concilii Lateranensis fieri debet, non simpliciter a die vacationis ipsorum beneficiorum; sed a die notitiae computandum est. c. 5. ibi.

47. Sicut justa ignorantia, ita et aliud quodvis impedimentum juris, factive jus devolutionis tollit. Sic Inno-

centius III. rescripsit, suspensionem Episcopi in sex illis mensibus nullatenus computari; cum illa Lateranensis Concilii Constitutio contra negligentes tantum fuerit promulgata. Ref. ibi.

48. Sex mensibus a notitia vacationis elapsis, ni justum impedimentum probetur, Collatores, et Electores ea vice jure providendi beneficio exciderunt; adeo quidem, ut inspecta juris dispositione, ipsa collatio, aut electio post lapsum sex mensium sit nulla. Non enim omnibus placet, Glossae, aliorumque nonnullorum Interpretum sententia, qui afferunt, moram purgari in electionibus, nisi ultro Superior connivere velit. c. 5. de Suppl. Negl.

49. Post lapsum sex mensium collatio ab inferiore devolvitur ad immediatum ejus Superiorum, utpote illum, in cuius diaeclesi situm est beneficium, quod conferendum per jus devolutionis hic, et nunc est, quia neglectum fuerat. c. 3. ibi.

50. Si autem et ipse Episcopus negligens fuerit tanto tempore, devolvitur provisio ad Archiepiscopum, et ab hoc ad Primatem, si alicubi est, et hinc ad ipsum Pontificem. c. 5. d. t.

51. Quoad Exemptos devolutio immediate fit ad Pontificem, utpote exemptorum immediatum Superiorum. Juxta Decretum Concilii Viennensis, si Praelati regulares Prioratus, Ecclesias,

administrationes, aut quaevis alia beneficia, ad eorum collationem spectantia, intra tempus, a Concilio Lateranensi praescriptum, conferre negligent — Diaecesani locorum in non exemptis sua, in exemptis vero Apostolica auctoritate negligentiam super hoc suppleant eorundem. Clem. un. de Suppl. Negl. Prael.

§ 2. Praecipit tamen Concilium Diaecesani locorum, ut, supplendo negligentiam Praelatorum, conferant beneficia, servata eorum conditione, et qualitate; illa videlicet, quae consueverunt per saeculares Clericos gubernari, saecularibus Clericis: alia vero, quae duntaxat Religiosis committi sunt solita, vel conferri, Religiosis Monasteriorum, quorum Praelati negligentes fuerint, conferendo, quia juxta receptam regulam: *devolutio fit cum qualitatibus, et Personis, quae in prima erant collatione.* Nam ipse Superior, quantum supplendo negligentiam intrat in jus inferioris Collatoris, et eodem jure, iisdemque legibus uti debet. *ibi.*

§ 3. Huic regulae et justus locus est in devolutione ex electione indigni. Bonifacius VIII. provisiones Cathedralium S. Sedi reservavit, si Electores in hujusmodi Ecclesiis vel ipso jure, cum eligunt scienter indignum, vel per sententiam, cum formam traditam in Con-

cilio generali non observant, eligendi potestate privantur. c. 18. de Elect. in 6.

Univ. Pa-  
ris. in  
Appel.

§4. Querebatur Ann. 1517. Universitas Parisiensis: *Quod saepe Dignitates, ac beneficia nobilia, et opulentiora personis conferentur incognitis, et indignis, quae minime residebant.*

\* §5. Praevalente remissione disciplinae, quid in morum doctrina consultius, quam SS. Patrum sententias contra electiones indignorum relegere? Ensentiam B. Caelestini: *Qui non per singula stipendia, merito virtutum creverit, ad emeritum stipendii ordinem non potest pervenire. Solum Sacerdotium inter ista, rogo, vilius est, quod facilius tribuitur, cum difficilius impleatur.*

S. Caelest.  
I. ep. ad  
Episc.  
Gall. c. 3.

Inquit S. Leo: *Si ad honores mundi sine suffragio temporis, sine merito laboris indignum est pervenire, et notari ambitus solent, quos exploratae probitatis documenta non adjuvant; quam diligens: et quam prudens habenda est dispensatio divinorum munierum, et caelestium dignitatum?* Ne in aliquo Apostolica, et Canonica Decreta violentur, et his Ecclesia Domini regenda credatur, qui legitimarum institutionum nescii, e totius humilitatis ignari, non ab infimis sumere incrementum, sed a summis volunt habere principium. Juxta S. Gregorium Naz. *Quis est; qui veritatis propugnatorem*

S. Leo.  
ep. 87.  
ad Episc.  
Afr. c. 1.

S. Greg.  
Naz.  
Orat. I.

unius dieculae, veluti e luto statuam fingit? Illum inquam, qui cum Angelis stabit, cum Archangelis glorificabit, cum Christo sacerdotio fungetur, ut, quod majus est, dicam, qui Deus erit, aliosque Deos efficiet. Quid verbis S. Chryſtomi gravius? Per quam enim, inquit, ineptum, et absurdum est, si, cum emptitum servum introducimus domum, non prius illi aliquid domesticae suppellectilis tradimus, quam longo experimento sententiae suae, atque voluntatis plurima indicia dederit, in Ecclesia Dei non utature eadem diligentia. Caeterum novitium adhuc in primo constituimus ordine, antequam fidei suae, atque vitae dederit documenta.

S. Ghrys.  
hom. 10.  
in Epist.  
I. ad Ti-  
moth. c. 3.

---

## TIT VL VS. V.

### De Concursu ad Parochiales Ecclesias.

#### CAPVT I.

Explicatio Tridentini Decreti.

I. Concilium Tridentinum, ut, mis-  
sis incognitis, et indignis, justo dele- Trid. less.  
ctui habiliorum, et probatiorum Mini- 24. c. 18.  
ſtrorum consuleret, alicubi statuit, ut,  
cum Parochialis Ecclesiae vacatio —  
quomodounque contigerit, etiam si  
Ecclesia Parochialis reservata, vel af-

*fœcta fuerit generaliter, vel specialiter — debeat Episcopus statim habita notitia vacantis Ecclesiae, si opus fuerit, idoneum Vicarium — constituerre. — Porro Episcopus, et qui jus Patronatus habet, intra decem dies, vel aliud tempus ab Episcopo praescribendum, idoneos aliquot Clericos ad regendam Eccleſiam, coram deputandis Examinatoribus nominet. Liberum sit autem et aliis, qui aliquos ad id aptos noverint, eorum nomina deferre, ut possit postea de cuiuslibet aetate, moribus, et sufficientia fieri diligens inquisitio. Et si Episcopo, aut Synodo Provinciali pro regionis more videbitur magis expedire, per edictum etiam publicum vocentur, qui volent examinari.*

2. Hinc patet, Concilium nonnisi in subsidium, si Episcopo, aut Synodo Provinciali pro regionis more magis expedire videbitur, concessisse, ut per edictum etiam publicum vocentur, qui volent examinari; utpote quibus tum per externae, tum internae vocationis signa aliunde constat, se a Deo ad curam animarum vocatos.

3. Abhinc edictum ita affigendum est, ut finis illius obtineatur; id est, ut per illud vocentur omnes, qui examini se sistere volent. Unde arbitrio Episcoporum relictum est, locum, et tempus,

quo comparendum sit ad examen, praefigere. Sic saepe usus habet, quod editum Episcopi ad scholas publicas mittatur, ut hoc pacto ad notitiam Clericorum ibidem studentium pervenire queat, quoniam saepe et multo securius a pio, docto, et zelofo Praeside vocationem suam discere possunt, quam ab Episcopo ipso, cui plerumque eorum vita, et conversatio minus perspecta est.

4. S. Carolus in Concilio Mediolanensi I. statuit, *ut cum primum Episcopus Parochiale Ecclesiam vacare cognoverit, intra triduum ad Cathedralis, et vacantis Ecclesiae januam publicum edictum per totos decem dies, vel aliud longius tempus, ejusdem Episcopi arbitrio, propositum esse jubeat.* Enimvero et ita Synodus Tridentina expressit, tametsi Pius V. singulari Constitutione vetuerit prorogationem ultra alios decem dies. Bulla enim Pii V. ubique recepta, saltem quoad hoc punctum, haud est, quia Concilii Decretum, prout sonat, praeferre alibi placet.

5. Concilii Decretum, prout sonat, amplissimum, in ordine ad Parochiales Ecclesias est. En tenorem: *Cum Parochialis Ecclesiae vacatio, etiam si cura Ecclesiae alteri, vel Episcopo incumbere dicatur, et per unum, vel plures administretur, etiam in Ecclesiis patri-*

Pius V.  
Bull. 33.  
in Bull.  
Rom.

Cap. 2.  
De Pa-  
roch. a  
concur-  
exempt.

monialibus, seu receptivis nuncupatis, in quibus consuevit Episcopus uni, vel pluribus curam animarum dare, quos omnes ad infra scriptum examen teneri mandat, per obitum, vel resignationem, etiam in Curia, seu aliter, quomodocunque contigerit, etiam si ipsa Parochialis Ecclesia reservata, vel affecta fuerit generaliter, vel specialiter, etiam vigore indulti in favorem S. R. E. Cardinalium, seu Abbatum, vel Capitulorum etc.

6. Invaluit tamen alicubi sequiore interpretatione, quod a concursu eximantur Parochiae, quarum cura spectat ad Ecclesiam collegiatam, ita, ut id officium exerceatur per Canonicos, aut Hebdomadarios, vel alios Clericos ad nutum amovibiles. Hoc exemplo et receptum est, concursum non habere locum, si cura sit penes Capitulum, aut Monasterium, aut aliquam Dignitatem, tametsi officium stet penes Vicarium ad nutum amovibilem. Recentior Constitutio Pii a concursu absolvit et Vicarias perpetuas, quae tamen alibi concursui subjiciuntur, quia Vicariae perpetuae instar beneficiorum censemur.

7. Si Ecclesia Parochialis annexa sit Dignitati accessorie, ita, ut ipse Dignitatem obtinens per se exerceat curam animarum, a concursu eximitur, quia tunc potius conferri Dignitas, quam Ec-

Pius V.  
Bull. 46.  
in Bull.  
Rom.

clesia Parochialis videtur: si autem Parochiae ipsi sit Canonicatus, aut aliud beneficium via suppressionis, vel accessionis unitum dubitari nequit, vacante Ecclesia Parochiali locum esse concursui, quia tunc Parochia supereft in suo integro, ac naturali statu.

8. Quantum ad Ecclesias Patrimoniales concursui ita locus est, ut tamen qualitati beneficiorum non derogetur. Hinc, si plures quidem se examini sifstant, praferendus caeteris paribus ille est, qui praescriptam qualitatem v. g. cognationis habeat. Id ipsum et locum habet in Parochiis, quae graduatis, ac nominatis Academicis debentur.

9. Usu invaluit, quod et Parochiae, quae per resignationem in favorem, vel per permutationem conferuntur, a concursu excusentur, quia proprie vacare non censentur.

10. Quid de Ecclesiis juris Patronatus? Concursui locus est, si jus Patronatus sit ecclesiasticum: si vero id jus fit laicum, a concursu excusatur. Si alternativum fit, pro turno ecclesiastico concursui subjicitur, pro turno laicali a concursu eximitur. Quid, si mixtum fit, et simultaneum? Juxta declarationes Cardinalium concursu opus est, etsi pro duabus partibus pertineat ad laicum. Alibi tamen pro jure Patronatus mixti concursus exulat, quia Tridentinum De-

cretum nonnisi cum illa clausula admis-  
sum est: *Salvo jure Patronatus Regii,*  
*eiusque Vasallorum.*

Cap. 3.  
De Exa-  
min. et  
Exam-  
nat.  
Trid.  
supr.

11. Praecipit Concilium Tridentinum:  
*ut transacto constituto tempore con-*  
*cursus, omnes, qui descripti fuerunt,*  
*examinentur ab Episcopo, sive eo im-*  
*pedito, ab ejus Vicario Generali, at-*  
*que ab aliis Examinatoribus, non pau-*  
*cioribus, quam tribus.*

12. Episcopi est, examini per seipsum  
adesse et praesidere, quia de causa sum-  
mi momenti, utpote cura animarum a-  
gitur. Absit, ut Episcopus ab ea pree-  
sentia, et assistentia obtentu cuiusvis  
alterius negotii excusari posset. Quid e-  
nim illa querela S. Bernardi funestius?  
*Optimi, inquit, videlicet aestimatores*  
*rerum, qui magnam de minimis, par-*  
*vam, vel nullam de maximis curam*  
*gerunt. Sed, ut liquido datur intelli-*  
*gi, patientius ferimus Christi jactu-*  
*ram, quam nostram.*

13. Si legitime tamen per graviores  
causas impeditus est Episcopus, examen  
coram ejus Vicario generali peragen-  
dum est, assistentibus aliis Examinato-  
ribus, non paucioribus, quam tribus.  
Inquit S. Synodus: *Examinatores au-*  
*tem singulis annis in Diaecea na Sy-*  
*nodo ab Episcopo, vel ejus Vicario ad*  
*minus sex proponantur, qui Synodo*  
*satisfiant, et ab ea probentur. Ad-*

S. Bern.  
lib. 4. de  
confid.  
c. 6.

venienteque vacatione cuiuslibet Eccliae, tres ex illis eligat Episcopus, qui cum eo examen perficiant, indeque succedente alia vacatione, aut eosdem, aut alios tres, quos maluerit, ex predictis illis sex eligat. Enimvero quotannis Synodus diaecesanam haberi, S. Trid. sess.  
24. c. 2.

Synodus preecepit.

14. nostris moribus, quibus annuae Synodi exoleverunt, superest, quod Episcopus illos Examinatores assignare, et nominare soleat. Juxta Tridentinum Decretum, *sint vero illi Examinatores Magistri, seu Doctores, aut Licentiati in Theologia, aut jure Canonicō, vel alii Clerici seu Regulares, etiam ex Ordine Mendicantium, aut etiam saeculares, qui videbuntur magis idonei ad id.* Delectus ergo habiliorum Examinatorum praescriptus est.

15. Delectis Examinatoribus praecipitur, ut omnes ad SS. Dei Evangelia jurent, se, quacunque humana affectione postposita, fideliter munus executuros. Solet id juramentum hodie ab Examinatoribus semel, utpote in ingressu officii, praestari. Utinam vero hujus juramenti semper data occasione meminerint illi.

16. Monet S. Synodus Examinatores: Trid. sess.  
24. c. 18.  
Caveant, ne quidquam prorsus occasione hujus examinis, nec ante, nec post accipient; alioquin simoniae vi-

tium tam ipsi, quam alii dantes incurvant; a qua absolvi nequeant, nisi dimissis beneficiis, quae, quomodo cunque etiam antea obtinebant, et alia imposterum inhabiles reddantur. Nec excusantur, si vel minimum stipendum Examinatoribus pro concurso constituisset in ipsa Synodo etiam Ordinarius.

17. Examen dirigi debet in aetatem, in mores, reliquamque sufficientiam, ut possit postea de cuiuslibet aetate, moribus, et sufficientia fieri diligens inquisitio. Inquit S. Synodus: *Peraēto deinde examine renuntientur, quotquot ab his idonei iudicati fuerint aetate, moribus, doctrina, prudentia, et aliis rebus ad vacantem Ecclesiam gubernandam opportunis.* Quantum aberrant ab hoc Decreto illi, qui omne examen pro concurso ad quaestiones quasdam, aut disputationes scholae reducunt.

S. Carol.  
in Conc.  
Mediol.  
P. 3. Tit.  
de Exam.  
tit.

18. Statuit S. Carolus in Concilio Mediolanensi, ut, cum initur examen illius, cui in curam certa Ecclesia Parochialis tradenda est, videant ante Examinatores, qui, qualis, et quam numerosus populus sit, cuius Parochalem curationem is suscipiet. Quare sane diligenter explorata, in examine, quod inibunt, sibi proponant accurate

*accurate perspicere, an ad eam curam gerendam suscipiendamve idoneus omnino ille sit.* Ergo non vacat corruptella, quod concursus ad vacantiam plurium Ecclesiarum reservetur.

19. En articulos, ad quos S. Carolus examen revocat. Sunt horum alii generales, qui Candidatorum totum vitae statum, et genus spectant. Hinc interalia queri vult: an in orationis sanctae studio, usque versatus? Quibus meditationibus instructus? Qui orandi modus, qui illius fructus, et profectus? Quae Regulae praeparationis ad orationem etc.

20. Speciali examine quaeri oportet. An sermones contexere, habereve sci-ant? An quos habuerint? Unde hos sumpserint? quam illis contexendis, conscribendisque rationem adhibuerint? Et vero, si quos apud se conscriptos tunc habeant; eos ostendant, ac tradant. An in eo genere aliquid ex tempore possint, et tunc brevi sermone periculum fiat, quantum concionando valeant? An alias unquam curam animarum gesserint, et ubi, et cur inde discesserint? An intelligent, quanti illud sit, curam animarum gerere; quae partes, et virtutes illae sint, quibus bonum, ac vigilantem animarum Curatorem praeditum esse oportet?

Cap. 4.  
De Re-  
nunt. et  
Elec.  
Dign.

21. Ait Concilium Tridentinum: *Per acto examine renuntientur, quotcunque ab his (Examinatoribus) idonei iudicati fuerint, aetate, moribus, doctrina, prudentia, et aliis rebus ad vacantem Ecclesiam gubernandam opportunis.* Si inter Examinatores non conveniat de idoneitate, inidoneitateque aliquorum, a pluralitate suffragiorum concluditur; aut, si vota sint paria, vel singularia, accedere poterit Episcopus, aut Vicarius Generalis, qui examini praeest. Oportet enim accessio nem fieri in ipsum et examine, et coram iisdem Examinatoribus simul congregatis. Sic S. Congregatio decidit, *examen esse faciendum coram Episcopo, vel eius Vicario absque eorum voto decisivo; et tantum eos posse accedere, si vota sint paria, vel singularia.*

22. Praecipitur Examinatoribus referre non tantum de doctrina, sed et de caeteris dotibus, quod examinati sint absolute idonei ad regendam vacantem Ecclesiam. Inde resolvit S. Congregatio, *Decreto Tridentino non esse satisfactum per relationes Examinatorum, quorum aliqui renuntiaverunt, examinatum idoneum esse quoad litterataram; quoad reliqua dicentes, onus esse Episcopi.*

23. Supereft abhinc, quod ex his (ab Examinatoribus tanquam idoneis re-

nuntiatis) *Episcopus eum eligat, quem caeteris magis idoneum judicaverit,* ut praeelectioni dignioris locus sit. Quippe a peccato mortali excusari non posset Episcopus, nisi, quem dignorem, et Ecclesiae magis utilem, non quidem precibus, vel humano affectu, vel ambientium suggestionibus sed eorum exigentibus meritis ipse judicaverit, praefaci diligenter curaverit.

23. In Curia locus est appellationi, nisi Episcopus dignorem praefecerit. Declarat Pius V.: *Volumus, et decernimus, quod si Episcopus minus habilem, posthabitum magis idoneis elegerit; possunt ii, qui rejecti fuerint, a mala electione hujusmodi ad Metropolitanum, vel si ipse Metropolitanus, aut exemptus fuerit eligens, ad vicinorem Ordinarium, uti nostrum, et Sedis hujusmodi delegatum, aut alias ad ipsam Sedem Apostolicam appellare, ad effectum devolutivum, ac praeelectum ad novum examen coram ipso appellationis judice, et ejus examinatoribus provocare etc.*

Pius V.  
Bull. 33.  
§. 7.  
in Bull.  
Rom.

24. Refert tamen Fagnanus, novum examen non decerni nisi dato aliquo fundo irrationalitatis, et malae praeelectionis. Hinc S. Congregatio censuit, *concursum novum in urbe instituendum, ubi Orator de veritate nar-*

*torum dederit fumum ; id est, postquam per attestations extrajudiciales, vel alia uniformia documenta, de hujusmodi suspicione, et gravamine aliqualem fecerit fidem, ut sit probabilis, et sufficiens causa eum excusandi a calunnia.* Alibi tamen omnis appellatio ea occasione exulat, ut lites minuantur. Concilium enim Tridentinum simpliciter reliquit Episcopi judicio, ut eum eligat, quem caeteris magis idoneum ipse judicaverit. Restrингitur tamen haec Episcopi libertas ad eos, qui examine peracto idonei ab Examinatoribus aetate, moribus etc. renuntiati fuerint.

Trid. sess. 25. Ulterius statuit Concilium, ut  
24. c. 18. illi, quem Episcopus caeteris, quos  
Examinatores idoneos ad tegendam va-  
cantem Ecclesiam renuntiaverint, di-  
gniorem judicaverit, et non alteri col-  
latio Ecclesiae ab eo fiat ; ad quem spe-  
ctabit eam conferre. Inde in Beneficiis  
reservatis Pontifex ex stylo Curiae pro-  
visionem sibi vindicat. Alibi tamen ipsa  
reservatio Romana sublata censetur, ut  
et collatio ad ipsum Episcopum perti-  
neat.

26. Quantum ad reliquos Patronos  
ecclesiasticos observatur, ut, si institu-  
tio ad Episcopum, et non ad alium per-  
tineat, is, quem Patronus dignorem  
inter probatos ab Examinatoribus judi-  
cabit, Episcopo praesentetur, ut ab eo

instituatur: dum vero institutio ab alio, quam ab Episcopo facienda erit, tum Episcopus solus ex dignis eligat dignorem, quem Patronus ei praesentet, ad quem institutio pertinet. Quippe institutio hoc loco accipitur pro collatione tituli.

27. Jure Decretalium soli Episcopo vindicatur institutio auctorabilis, quatenus curam animarum tribuit. Sic enim Rubrica refert: *Archidiaconus sine mandato Episcopi non committit curam animarum; id est, non habet institutionem auctorabilem.* Refertur haec inscriptio c. 4. de Offic. Archid.

28. Quia tamen Concilium Tridentinum diserte suppōnit, institutionem ab alio, quam Episcopo aliquando esse faciendam; placet institutionem auctorabilem; quatenus titulum confert, distinguere a commissione curae animarum, ut pro ista ad Episcopum remittendus sit, cui Archidiaconus, vel aliis Patronus ecclesiasticus institutionem auctorabilem, id est, tituli, jure proprio contulit.

29. In tanta mora examinis, et provisionis consultum videbatur, ut *debeat Episcopus statim habita notitia vacationis Ecclesiae, si opus fuerit, idoneum in ea Vicarium, cum congrua, ejus arbitrio, fructuum portionis assignatione constituere, qui o-*

Cap. 5.  
De Vicar.  
vacant.  
Eccl. Pa-  
roch.

*nera ipsius Ecclesiae sustineat, donec ei de Rectore provideatur.*

30. Haec provisio, utpote Vicarii, pertinet ad simplex arbitrium Episcopi, independenter a concursu, aut examine, aut jure Collatoris, si quis ab Episcopo aliis est. Sede vacante succedit et in hoc jus Episcopi Capitulum, ut tamen non alteri, quam jam aliunde approbato Sacerdoti curam animarum committere possit per speciem quandam prorogationis. Si Capitulum alium delegat, nonnisi ad custodiam datus censetur, quia cura animarum reservatur Episcopo.

31. Competit haec Vicarii deputatio Episcopo non tantum in Ecclesiis, quae concursui sunt subjectae, sed et aliis, quae a concursu eximuntur: ne alias defectu Sacerdotis, et deservitoris, siue Vicarii populus Sacramentorum usu, aliisque salutis mediis destituatur.

32. Inde et Episcopi est, congruam ex fructibus beneficij portionem Vicario illi assignare, tametsi aliis jus sit, preventus vacantis beneficij percipiendi. Quippe illud jus non intelligitur, nisi deducatis oneribus, inter quae congrua portio, Vicario, vel Deservitori praestanda, juste computatur, quia, qui altari servit, et de altari alendus est.

33. Juxta Tridentinum Decretum Vicarius ita constitutus onera ipsius Eccle-

fiae vacantis interim sustineat. Formula consueta haec onera ita explicat: *Te Vicarium ipsius Ecclesiae S. N. constituius, et deputamus, cum auctoritate Missas, et alia divina officia celebrandi, Sacra menta administrandi, et alias functiones ecclesiasticas obeundi, ad quae tenetur, et quae quilibet animarum Rector, et administrator praestare, et obire solet.*

\* 34. Hoc tenore transeunt in Vicarium, quem et Deservitorem dicunt, quaeque onera Pastoralia, ut praestet omnia, quae ipse Parochus pro administranda cura animarum praestare deberet. Enimvero si illi Beneficio alia jura aliis titulis cohaereant; utpote, quod Parochus, vel Plebanus in Ecclesia Collegiata, vel Cathedrali habeat locum inter Canonicos, haec in Vicarium non cadunt, quia inter functiones Pastorales recenserri haud solent.

\* 35. In morum doctrina ad calcem hujus tituli quid tam facit, quam inter currentes, et renuentes laudare obedientes? Ait B. Augustinus: *Siquam operam vestram mater Ecclesia desideraverit, nec elatione avida suscipiatis, nec blandienti desidia respuatis: sed miti corde obtemparetis Deo; nec vestrum otium necessitatibus Ecclesiae praeponatis: cui parturienti si nulli boni ministrare velent, quomodo na-*

s. Aug.  
ep. 18.

*sceremini, non inveniretis.* Juxta S. Gregorium. Inter haec quid sequendum, quid tenendum est, nisi, ut, virtutibus pollens, coactus ad regimen veniat, virtutibus vacuus nec coactus accedat. Refert S. Cyprianus de S. Cornelio: *Episcopatum nec postulavit, nec voluit, sed pro pudore virginalis conscientiae suae, et pro humilitate ingenitae sibi, et custoditae verecundiae, non, ut quidam, vim fecit, ut Episcopus fieret, sed ipse vim passus est, ut Episcopatum coactus recipere*. En S. Gaudentii verba: *Imparem, inquit, me vestro desiderio per omnia sentiens, onus istud totis viribus conatus sum declinare: sed B. Pater Ambrosius, caeterique Venerandi Antiflites, tales ad me epistolas cum vestra legatione miserunt, ut sine damnō animae meae ultra jam resistere non valerem.* Teste Paulino B. Ambrosius *productus itaque, et adductus Mediolanum, cum intelligeret citra se Dei voluntatem, nec se diutius posse resistere etc.*

S. Greg.  
lib. I.  
Fast. c. 9.

S. Cypr.  
ep. 52.

S. Gau-  
dent.  
Brix.  
ferm. 16.

Paulin. in  
vit. S.  
Ambros.  
c. 3.

## T I T V L V S VI.

### *De Reservationibus Apostolicis.*

#### C A P V T I.

*Origo, et Progressus Mandatorum, et Reservatio-  
nem.*

1. Inter haec saecula invaluerunt pro-  
visiones Papales. Principio Papa Cleri-  
cos Roma venientes, vel meritis gra-  
ves solum commendavit Praelatis. Quum  
vero his religione quadam insita semel,  
atque iterum Episcopi gratificarentur,  
commendationes frequentari caeperant,  
et nonnunquam susque, deque habe-  
bantur. Hac occasione precibus addeban-  
tur mandata; Monitoriis enim (ita pri-  
mas litteras vocant) jungabantur prae-  
ceptoriae, quas excipiebant executoria-  
les, in eum effectum, ut delegatus Ju-  
dex Ordinarium censuris adigeret ad  
conferendum homini Roma misso bene-  
ficium a Papa concessum, aut ipse de-  
putatus Executor, Ordinario tergiver-  
sante, id conferret.

2. Harum litterarum monitoriarum,  
praeceptoriarum, et executoriarum fre-  
quens mentio in Decretalibus novi ju-  
ris occurrit. Quippe saepe uno tenore  
jungabantur exemplo juris civilis, quo  
ali quando Praetor pro conditione cau-

sae, temporis, aut Personae per compendium edicta ita moderabatur, ut statim *Pereemptorium*, quod appellant unum pro omnibus, daret. Vide c. 30, 37, 38, 40. et *passim. de Rescript.*

3. Auspicio his mandatis profitebantur Pontifices, se viris litteratis, et aliquando non habentibus, unde viverent, providere velle. Rescripsit Lucius III.: quod si ille, pro quo scriptum est, beneficium ecclesiasticum, unde honeste valeat sustentari, habeat, cuius in mandato mentio non fit, Ordinarius illi de beneficio providere non teneatur. c. 6. *de Praeb.*

4. Hinc haec mandata dari *in forma pauperum*, vel in forma, prout incipit Decretalis Innocentii III. Cum secundum *Apostolum*, vel *in forma communis* dicebantur, quia defectui sustentationis consultum ibant; qui enim altari servit, de altari et vivere debet. Vide c. 27. *de Rescript.* c. 13. *de Ætat.* et *Qual. Ordin.*

5. Spectabant haec rescripta exspectativas, quibus Papa spem dabat obtinendi beneficium, quandocunque in certa Ecclesia vacaverit. Dicebantur et mandata de providendo, quibus Papa quondam clausulam: *Nisi de mandato nostro eadem Ecclesia foret in alterius receptione gravata*, inferebat. Quia tunc temporis Pontifices plus, quam uno man-

dato, vita sua durante, eandem Ecclesiā gravare haud solebant. c. 2, 30 et 38. *de Rescript. integr. Lect.*

6. Recentius succellere reservationes, per quas declarabant Pontifices, se quibusdam beneficiis providere velle, ut simul Capitulo electionem, vel Collatorī collationem prohiberent. Hoc modo caepit Clemens IV. reservare beneficia in curia vacantia; atque haec reservatio dicitur in corpore juris clausa: Refertur enim c. 2. *de Praebend. in 6.*

7. In Extravagantibus frequentior locus est Papalium reservationum. Bonifacius VIII. eandem reservationem instauravit c. 1. Instauravit et Clemens V. c. 3. Instauravit, ampliavitque eam Joannes XXII. c. 4. Atque inde Pontifex a speciali reservatione transiit ad generalem, quam ampliavit Benedictus XII. c. 13. *de Praeb. in Extrav. Com.*

8. Concilium Basileense tandem omnes reservationes expunxit. *Ipsas omnes, inquit, tam generales, quam speciales (reservationes) de quibus cunque Ecclesiis, seu beneficiis, quibus tam per electionem, quam collationem, aut uliam dispositionem provideri solet, sive per Extravagantes, ad REGIMEN, et EXECRABILIS, sive per Regulas Cancellariae, aut alias Apostolicas constitutiones introductas, haec Synodus abolet, statuens, ut de cae-*

Conc. Basileense  
fil. sess.  
23. c. 6.

tero nequaquam fiant, reservationibus in Corpore juris clausis, et his, quas in terris Romanae Ecclesiae ratione directi, aut utilis dominii media te, vel immediate subjectis fieri con terit, duntaxat exceptis.

9. Adoptarunt tam Galli, quam Germani Decretum istud, illi quidem in Conventu Bituricensi: isti vero in Con ventu Moguntino: ast non adeo diu ambo eidem inhaeserunt. Successere utriusque concordata, quae certis modificationibus illas, aliasque reservationes restituerunt.

Cap. 2.  
De Tit.  
Pap. Prae-  
tens.

10. Decretales, quae Papam absolutam plenitudinem potestatis supra Canones attribuunt, etiam harum reservationum jus firmarunt. Hinc enim in scholis audiebatur veluti axioma, quod Papa per universum orbem omnium beneficiorum, utpote feudorum, Dominus esset. Sie Clemens V. reservaturus suae dispositioni Ecclesiam Senonensem, praefatur: *quod imminente sibi Ecclesiarum omnium sollicitudine generali circa illas salutaris providentiae studium per reservationes adhibere ipsum conveniat.*

11. Per ejusmodi reservationes studebant Pontifices Principibus nonnunquam gratificari, dum illorum familiares ad reservatas Ecclesias promoverent. Clemens V. Philippo Pulchro rescripsit, quod censuisset *hac vice Eccle-*

siam Senonensem *dispositioni Sedis Apostolicae reservandam*, ut per Pontificem illi Metropoli provideretur de persona, *quae suis (Regiis) desideriis grata foret*, et de qua *fiduciam gereret pleniorum.*

12. Passim tamen et post Concordata increvit querelarum numerus, eo quod saepe Personae minus dignae in beneficia etiam majora intruderentur. Hac occasione Principes nonnunquam edictis publicis vtarunt: *ne exequendis ullis litteris expectativis, aut reservativis, processibus, sententiis executorialibus, aut ullis Bullis, aut provisionibus Apostolicis super beneficiis in his Provinciis sitis, locus esset, priusquam dictae Bullae, et provisiones Apostolicae visae essent in supremo Senatu Regio, atque litterae patentes consensu Regis pro earum executione expeditae fuissent.*

13. Tridentinis Patribus visum est, Expectativas, et Reservationes esse expungendas. Narrat Pallavicinus, Bartholomaeum de Martyribus, AntistitemBracarensem prae caeteris aduersus eas acris perorasse. *Id, inquit, quod in dicenda sententia maxime notabile auditum est, acris reprehenso fuit, qua in vectus est in mandata providendi informa pauperum, sicut dicebantur. In proventibus ecclesiasticis distribuendis spectandam esse doctrinam, et virtutem,*

Cap. 3.  
Conc.  
Trid. Decret. adv.  
Expect.  
et Refer.  
Pallavic.  
Hist.  
Conc.  
Trid.  
L 23. c. 7.

*non paupertatem cum oporteat consulere muneribus, non hominibus; egenitibus subveniendum esse per eleemosinas, non per sacerdotia.*

Trid. sess.  
24. c. 19. 14. His , aliisque instantiis excitata  
*S. Synodus decernit, Mandata de providendo, et gratias, quae expectative dicuntur, nemini amplius, etiam Collegiis, Universitatibus, Senatibus, et aliis singularibus personis, etiam sub nomine Indulti, aut ad certam sum-  
mam, vel alio quovis colore concedi,  
nec hactenus concessis cuiquam uti li-  
cere. Sed nec Reservationes mentales,  
nec aliae quaecunque gratiae ad vaca-  
tura, nec indulta ad alienas Ecclesias,  
vel Monasteria alicui, etiam ex S. R. E.  
Cardinalibus concedantur, et hactenus  
concessa abrogata esse censeantur.*

15. Hoc Decreto constat, omnia tolli  
mandata de providendo, Expectativas,  
et gratias quascunque ad vacatura, quae  
olim a Pontifice impetrari solebant de be-  
neficiis, quae ad collationem, vel pro-  
visionem Episcoporum, Capitulorum,  
aut aliorum inferiorum Collatorum spe-  
ctabant. Sublatae sunt et Reservationes  
mentales, quibus Papa reservabat, vel  
in genere, vel in specie per Bullam, vel  
Breve beneficium , ut Personae gratae,  
quam, utpote in mente, donec vacatu-  
ra apparuerit, retentam non exprimebat,  
provideret. Ideo enim dicebatur men-

talis, quasi, quoad provisionem Personae, in mente redenta. Quando autem vacabat beneficium, mandabat fieri provisionem alicui sub data Reservationis, vel antea, vel post, ut sibi placebat.

16. Expunctis his, aliisque vagis gratiis, quibus Pontifices passim jus reliquorum Collatorum imminuisse, vel evertisse videbantur, Concilium Tridentinum intactas illas Reservationes reliquissime censetur, quas Pontifices per Concordata, aut alio juris titulo legitime in diversis Ecclesiis nacti sunt.

17. Inter has prima occurrit, quae spectat beneficia in curia vacantia. Statuit Clemens IV, ut Ecclesias, Dignitates, Personatus, et beneficia, quae apud Sedem Apostolicam deinceps vacare contigerit, aliquis praeter Romanum Pontificem, quacunque sit super hoc auctoritate munitus, sive jure ordinariae potestatis ipsorum electio, proviso, seu collatio ad eum pertineat, sive litteras super aliquorum provisione generales, vel etiam speciales, sub quacunque forma verborum receperit, (nisi ei sit super conferendis eisdem in Curia Romana vacantibus specialis, ac expressa ab ipso S. S. Pontifice auctoritas attributa) conferre alicui, vel aliquibus non praesumat. Quum enim hactenus Papa per Ordinarios, qui Procuratores in Curia, ut mox vacantia ibi bene-

Cap. 4.  
De Reser-  
vat. Be-  
nef. in  
cur. va-  
cant.

ficia conferrent , habebant , saepe prae-  
veniretur , consultius visum est Clemen-  
ti IV , ea S. Sedi reservare , ut nemo  
alius , nisi expressam horum conferendo-  
rum auctoritatem ab ipso Papa nactus ef-  
set , eorum collationem arrogare posset.  
*c. 2. de Praeb. in 6.*

18. Declarat Bonifacius VIII., Decre-  
tum Clementis IV. locum , habere in be-  
neficiis , quae Legati , aut Nuntii Sedis A-  
postolicae , vel quivis alii ad Romanam  
Curiam venientes , vel etiam recedentes  
ab illa habere noscuntur , si eos in locis  
*vicinis ipsi Curiae MORI contigerit;*  
*quemadmodum si in loco , ubi eadem*  
*Curia residet , morerentur — loca vero*  
*intelliguntur vicina eidem Curiae in*  
*praemissis , quae remota ultra duas*  
*dietas legales — a loco , ubi moratur*  
*ipsa Curia , non existunt.* Restringitur  
ergo haec Reservatio ad beneficia per obi-  
tum vacantia , dummodo in illa distan-  
tia , etiamsi ad Curiam erat reversurus  
domicilium , seu domus propria non exi-  
stat. Cessaret enim et tunc reservatio  
*c. 34. ibi.*

19. De his autem beneficiis in Curia  
vacantibus spondet Pontifex intra men-  
sem a die vacationis providere , ita , ut  
elapso eo tempore , veluti sublata reser-  
vatione , collatio ad Ordinarium rever-  
tatur. *c. 3. de Praeb. in 6.*

20. Haec reservatio sola censetur in corpore juris clausa, quam et Concilium Basileense, et Concordatum Galliae integrum reliquit, quia minus odiosa reliquis reservationibus habetur. Id illi tamen cum reliquis reservationibus commune est, quod ad beneficia juris Patronatus laici non porrigitur.

21. Ubi usus est Regularum Cancelleriae, distingui solet inter beneficia in Curia vacantia, et illa beneficia, quae vacant apud Sedem Apostolicam. Vacatio enim in Curia est eorum, qui in Curia Romana, vel intraduas dietas descendunt; vacatio autem apud Sedem Apostolicam est omnium beneficiorum summo Pontifici reservatorum per regulas Cancelleriae aut alias Apostolicas Constitutiones. In Gallia autem, et Germania haec distinctio exigui est momenti.

22. Jure novo jaicitat Bonifacius VIII, omnes Ecclesias per orbem diffusas ad Romanam Ecclesiam pertinere. Inde enim ab Innocentio II. Ann. 1139. in Concilio Lateranensi evulgatum est, *Romanam esse Metropolin orbis; unde recipiuntur dignitates ecclesiasticae per gratiam et licentiam Romani Pontificis; veluti jure feudi.* Procul Dubio hanc sententiam ex Decretalibus, quae Papam omnium graduum, et beneficiorum auctorem proclamat, recipimus. c. 10. de Privil. in 6.

Cap. 5.  
De reliq.  
Reservat.

23. Hoc praejudicio juxta Clementem V. ecclesiarum, Personatum, Dignatum, aliorumque beneficiorum ecclesiasticorum plena, et libera dispositio, ex suae potestatis plenitudine ad Papam noscitur pertinere. Refert. Clem. I. Ut Lit. pend.

24. His, aliisque rationibus successu temporis increvit numerus reservationum Papalium. Jactabant passim Pontifices, se per has personis bene meritis, et pauperibus providere intendere.

25. In Extravagantibus supersunt reservationes Joannis XXII. et Benedicti XII. quas inde nonnulli et clausas in corpore juris censent. Alii vero eas a reservationibus in corpore juris clausis distinguunt, tum, quia ex origine sua ad vitam istorum Pontificum ipsae restringebantur, tum, quia Extravagantes, in quibus hae exhibentur, ad Corpus Juris communis, prout receptum est, haud pertinent.

26. Hae tamen reservationes Extravagantium perpetuae evasere, postquam in Regulas Cancellariae, et in Concordata Germaniae transferunt. Instaurat Regula Cancellariae reservationes Benedicti XII, quibus Papae provisioni vindicantur beneficia vacantia per assecutionem quorumcunque aliorum beneficiorum a Sede Apostolica obtentam: item beneficia, quae ad Episcopatus promoti

auctoritate Apostolica suae promotionis tempore obtinebant. Item beneficia Romanorum quorundam Officialium, qui in Extravagante exprimuntur. Innocentius VIII. reservationem extendit et ad illa beneficia, quae dicti Officiales tempore sui officii obtinebant, et si tempore mortis esse Officiales desissent.

27. Nec tamen his vel additionibus, vel et aliis appendicibus alibi locus est, quia reservationes odiosae censentur. Germani, qui et ipsi Extravagantem Benedicti XII. in sua Concordata receperunt, insistunt modificationibus in veteri pacto expressis.

28. Juxta Pragmaticos reservatio Extravagantis Joannis XXII., quae S. Sedi vindicat provisionem beneficiorum, ob retentionem alterius beneficii incompatibilis vacantium, passim ab usu recessit, tametsi eam tum Regula Cancellariae, tum Concordatum Germaniae instauret.

29. Regula altera Cancellariae declarat omnes Ecclesiās, etiam Patriarchales, Primatales, Archiepiscopales, Episcopales, nec non Monasteria virorum, valorem 200. florenorum auri communī existimatione excedentia, *quotiescumque uti voluerit*, reservationi S. Sedis subjacere. Sed huic Regulæ nec in Gallia, nec in Germania locus est. Quippe Concordatum Galliae provisionem harum Ecclesiarum nominationi Regiae, et Con-

cordatum Germaniae electioni Capitulo-  
rum vindicat.

30. Pius V. anno tertio sui regiminis  
huic Regulae aliam reservationem adje-  
cit dignatum, beneficiorumque omnium  
ad eollationem, praeresentationem, ele-  
ctionem, et quamcunque aliam disposi-  
tionem Patriarcharum, Primatum, Ar-  
chiepiscoporum, Episcoporum, necnon  
Abbatum, ac aliorum quorumcunque  
Collatorum, et Collaticum, saeculari-  
um, et Regularium quomodolibet perti-  
nentium, *quae post illorum obitum, aut Ecclesiarum, seu Monasteriorum, vel aliarum Dignitatum suarum dimissio-*  
*nem, seu amissionem, vel privationem,*  
*seu translationem, vel alias quomodo-*  
*cunque vacaverint, usque ad provisio-*  
*nen Successorum ad easdem Ecclesias etc.* Nec tamen in Gallia, nec in Germa-  
nia locus est huic reservationi. Quin immo-  
et in Belgio locus est juri communi,  
quod beneficia, ad liberam Episcoporum  
collationem spectantia, si Sede vacante  
contingat vacare, futuro Episcopo refer-  
ventur.

Cap. 6.  
De octo  
Mens.  
Reservat.  
Reg.  
Canc. 8.

31. Superest in regulis Cancellariae  
reservationis octo mensium, quae his verbis  
exprimitur: *Cupiens idem D. N. Papa*  
*pauperibus Clericis, et alias bene me-*  
*ritis personis providere, omnia benefi-*  
*cia ecclesiastica cum cura, et sine cura,*  
*saecularia, et quorumvis Ordinum re-*

*gularia, qualitercunque qualificata, et  
ubicunque existentia, in singulis Janu-  
arii, Februarii, Aprilis, Maji, Julii,  
Augusti, Octobris, et Novembris men-  
sibus, usque ad suae voluntatis bene-  
placitum extra Romanam Curiam alias,  
quam per resignationem, quocunque  
modo vacatura, ad collationem, pro-  
visionem, præsentationem, electionem,  
et quamvis aliam dispositionem quorum-  
cunque Collatorum, et Collatricum sae-  
cularium, et quorumvis Ordinum re-  
gularium (non tamen S. R. E. Cardina-  
lium, aut aliorum, sub concordatis in-  
ter Sedem Apostolicam, et alios initis,  
et per eos, qui illa acceptare, et obser-  
vare debuerant, acceptatis, et observa-  
tis, quae laedere non intendit, compre-  
hensorum) quomodolibet pertinentia,  
dispositioni suae generaliter reservavit  
etc.*

32. Menses, quorum meminit regula, computantur, prout jacent, per totum anni circuitum, sive quilibet mensis ha-  
beat 30. dies, sive plus, sive minus. Quo fit mensis Apostolicus incipiat, et desinat  
juxta computum civilem in dimidia no-  
cte ultimi diei, et ex ille dimidia nocte  
imposterum incipiat mensis Ordinarii,  
duretque usque ad dimidiā noctem ul-  
timi diei illius mensis. Proinde quando  
Episcopus confert beneficium vacans ad  
finem, vel initium sui mensis, in illa ul-

tima nocte, quae dat finem mensi Ordinarii, et initium Apostolico, vel e converso, consulte faciet, quod ante collationem faciat examinari testes de hora, et puncto obitus ultimi Possessoris, et in ipso collationis instrumento annotet, ut sic evitentur, quantum possibile est, lites super tempore vacationis. Si dubium supersit, pro Posseffore praesumendum est: si neuter sic Possessor, pro Ordinario pronuntiandum est, quia pro eo jus commune facit. Si agitur de probanda vacatione in certo mense ad effectum reservationis, tunc sepositis particularibus circumstantiis, probatio debet esse plena, et concludens. Sic S. Rota decidit, quod semper impetrans teneatur plene, et concludenter probare narrativam vacationis, in qua principaliter se fundat ad inducendam reservationem. Beneficium vacans per mortem Beneficiati in mense Ordinarii manet ad provisionem Ordinarii, etiamsi vacatio duraverit usque ad mensem Apostolicum; quemadmodum beneficium, cuius vacatio contigit in mense Apostolico, manet reservatum, licet vacatio protrahatur ad mensem Ordinarii.

33. Quum Papa declarat, eam reservationem octo mensium *ad suae voluntatis beneplacitum restringi*, recepta est sententia, eam mortuo Papa,

Sedeque vacante exspirare, tum ex natura Regularum Cancellariae, quod defuncto Papa cessent, tum ex jure communi, quod hanc clausulam ad dies vitae, quibus Papa supereft, revocat. c. 5. de Rescr. in 6.

34. A reservatione excipit et Papa beneficia ad collationem Cardinalium, aut aliorum sub Concordatis inter Sedem Apostolicam, et quoscunque alios initis, et per eos, qui ea acceptare, et observare debuerant, acceptatis, et observatis, quae laedere non intendit, comprehensorum spectantia. Inde in imperio Germaniae nullus locus est reservationi octo mensium.

35. Supersunt alia beneficia, quae alibi ab hac reservatione eximuntur. In Ecclesiis Parochialibus Concilium Tridentinum hanc reservationem expunxisse censetur. Dignitates praesertim electivas passim praxis ab hac reservatione absolvit. Beneficia Patronatus laici, aut mixti, aut et ecclesiastici *ex titulo Fundationis et dotationis* a reservatione octo mensium consuetudo Hispaniae excusat. Beneficia patrimonialia, aut certo generi hominum assignata plerumque reservationem recusant. Juxta nonnullos Interpretes beneficia simplicia, quolibet mense ab Ordinario conferri solent, et possunt; quod intelligendum est de be-

neficiis quae antonomastice simplicia vocantur; ut sunt Capellaniae.

35. In reliquis comprehendit Regula beneficia, non tantum per mortem, sed quocunque modo vacantia, modo revera tamen vacent. Excipit tamen modum per resignationem: unde Interpretes ampliant illum modum per resignationem, ut non tantum resignationem in favorem, aut permutationis gratia, sed et simplex dimissio beneficii, veluti simplex resignationem, illo modo comprehendatur, quia reservationes odiosae habentur, ut exceptionis favorabilis sit interpretatio.

Cap. 7.  
De Alter-  
nat.

36. Huic Regulae subdit Papa: *Insuper Sanctitas sua ad gratificandum Patriarchis, Archiepiscopis, et Episcopis intenta, et ipsis, quamdiu apud Ecclesias, aut diaeceses suas vere, et personaliter* (nam fictae residentiae privilegium hoc haud indulgetur) *resedent duntaxat, de omnibus, et quibus cunque beneficiis ecclesiasticis cum cura, et sine cura, saecularibus, et regularibus, ad liberam ipsorum duntaxat, non autem aliorum cum eis dispositio- nem, seu praeresentationem, vel electionem, nec etiam cum consilio, vel consensu, vel interventu Capitulorum, vel aliorum, (vel alias pertinentibus) quae antea in mensibus Februarii, Aprilis, Junii, Augusti, Octobris, et*

Decembris extra Curiam ipsam vacare contigerit (dummodo alias dispositio- ni Apostolicae reservata, vel affecta non fuerint) libere disponendi facultatem concessit etc. Illi vero, qui gratiam alternativae praedictae acceptare voluerint, acceptationem hujusmodi per litteras patentes, manu propria subscriptas, suoque sigillo munitus, et in sua quisque civitate, vel diaeysi datas, declarare, et litteras ipsas ad Datarium Sanctitatis suae huc transmittere teneantur, quibus ab eo receptis, et recognitis, ac in libro ad id deputato registratis, tunc demum, et non antea, uti incipient gratia supradicta.

37. Refert Gonzalez formulam acceptationis, eo tenore: *Nos N. Dei, et Apostolicae Sedis gratia Episcopus N., volentes observare regulam reservatoriam mensum Apostolicorum SS. Domini N., nec non frui beneficio, et gratia alternativae Episcopis, apud Ecclesias, aut Diaecses suas vere, et personaliter residentibus per eandem regulam concessue. Proinde humiliter, et debita cum reverentia, ac omni meliore modo, quo possumus, et debemus, libenter praefatam alternativae gratiam acceptamus, ac ea uti velle declaramus, in cuius acceptationis, et*

Gonza-  
lez ad  
Reg. Can-  
cell.  
Gloss. 62.  
num. 33.

declarationis fidem, praesentes patentes litteras per nostrum Secretarium, et Notarium scriptas, nostra manu propria subsignatas, sigilique nostri impressione soliti muniri faciamus etc. Stipat has Secretarius ea formula: Et quia ego N. auctoritate Apostolica Notarius, et Secretarius Praed. R. R. Domini mei Archiepiscopi dictas patentes litteras manu propria scripsi, et omnibus supra dictis, una cum dictis testibus interfui: Ideo hoc praesens publicum fidei, ac testimonii instrumentum signavi, et subscripsi meis solitis, et consuetis signo, et subscriptione, in praemissorum fidem.

38. Rescribit, postquam supplices litteras has recognovit, et probavit Datarius, in haec verba: Nos N. S.S. D. N. Datarius, notum facimus omnibus, et singulis, ad quos spectat, qualiter pro parte R.R. in Christo Patris D. N. Episcopi N. praesentatae, et recognitae fuerunt litterae acceptationis gratiae alternativae mensum, Praesulibus apud Ecclesias, aut Diaeceses suas vere, et personaliter residentibus, ab eodem S. S. D. N. Papa concessae. In quorum fidem praesentes litteras manu propria subscriptimus, et sigillo nostro munivimus, et in eodem libro registrari fecimus etc.

39. Abhinc tenore regulae alternativa restringitur ad Patriarchas, Archiepiscopos, et Episcopos, ut inferiores Collatores sibi nullum jus vindicare queant. Episcopis suffragatur, quando, et quamdiu apud suas Ecclesias vere, et personaliter resident. In Britania tamen legitima absentia excusat. Denique alternativa complectitur beneficia, quae ad liberam collationem Episcoporum, independenter a consensu, vel Consilio Capituli, aut interventu alterius spectant. Hinc forsan contigit, quod Episcopi in provisione beneficiorum consilium Capituli adhibere desierint, ut alternativa gaudere possint. Oportet hanc veluti gratiam ab eis postulari, et acceptari. Quo facto eam repudiare non possunt, tametsi ad reservationem octo mensium redire vellent, nisi dispensationem impetraverint, quia acceptatio alternativae est quaedam mensium commutatio, quae instar pacti, et concordati censemur.

40. In Concordatis Germaniae uberior est alternativae interpretatio. Spondet Papa, quod *quamcunque aliam reservationem, gratiam expectativam, aut quamvis aliam dispositionem, sub quamcunque verborum forma, per eum, aut ejus auctoritate factam, non impedit, quo minus de illis, cum vacabunt de mensibus Februarii, Aprilis,*

Conc.  
Germ.  
§. 5.

lis, Junii, Augusti, Octobris, et Decembris, libere disponatur per illos, ad quos collatio, provisio, praesentatio, electio, aut alia quaevis dispositio pertinebit. Reservationibus aliis, aut promissis, ac dispositionibus auctoritate ejusdem D. N. Papae factis, vel faciendis non obstantibus quibuscumque. Quoties vero aliquo vacante beneficio de mensibus Januarii, Martii, Maji, Julii, Septembris, et Novembris specialiter dispositioni Apostolicae Sedis reservatis, non appa- ruerit infra tres menses a die notae vacationis IN LOCO BENEFICII, quod alicui de illo Apostolica auctoritate fu- erit provisum, ex tunc, et non antea, Ordinarius, vel alius, ad quem illius dispositio pertinebit, de illo libere di- sponat.

Cap. 8.  
De Jur.  
praeven.  
et Regul.  
de veri-  
fim. Not.

41. In Provinciis, ubi inter Sedem Apostolicam, et Ordinarios menses divisi sunt, jus praeventionis abolitum censetur. Quippe per illam mensum octo, aut sex divisionem Papa tacite veteri illi juri renuntiasse quoad reliquos menses existimatur. Inde juxta Pragmaticos, hodie nunquam confert Papa illic locis per praeventionem, debetque Datarius respondere: adeat Ordina- rium.

42. Juris praeventionis primus meminit Clemens IV. eo Decreto, quo de-

cudit, quod juxta antiquam consuetudinem Ecclesiarum, Personatum, Dignitatum, aliorumque beneficiorum ecclesiasticorum, *veluti Feudorum*, plenaria dispositio ad Romanum Pontificem, *utpote Ordinarium Ordinariorum*, noscatur pertinere, ita quod ipsa, cum vacant, potest de jure conferre. c. 2. *de Praeb.* in 6.

43. Hoc exemplo Bonifacius VIII. rescripsit, quod super beneficio, diversis personis eodem die a Sede Apostolica, ejusve Legato, et Ordinario collato, spectanda sit prior collatio: si de ea non constet, pro Possessore standum: si neuter possidet, praferendus est, cui Sedes Apostolica, aut ejus Legatus contulit; utpote propter conferentis ampliorem praerogativam. c. 3. *ibi.*

44. Hac occasione gliscentibus fraudibus, quibus praeventiones Papales obtinebantur, obtenebanturque, Joannes XXII. regulam *de verisimili notitia evulgavit*, quae hodie eo tenore exprimitur: *Item voluit, et ordinavit, quod omnes gratiae, quas de quibusvis beneficiis ecclesiasticis, cum cura, et fine cura, saecularibus, et regularibus, per obitum quarumcunque personarum vacantibus, in antea (quamvis motu proprio) fecerit, nullius roboris, vel momenti sint; nisi post (verum, et actualem) obitum, et ante*

Reg.  
Canc. 30.

*Datam gratiarum hujusmodi tantum temporis (aequo arbitrio judicis) effluixerit, quod interim vacationes (pro diversa locorum distantia) ipsae de locis, in quibus praedictae personae decesserint, ad notitiam ejusdem D. N. verisimiliter potuerint pervenisse.* Haec regula quidem juxta litteram scripta est de provisione Papae; ob naturalem tamen aequitatem, et honestatem in Gallia extenditur non tantum ad Legatum Papae, sed et ordinarios Collatores, ut praeceps cursus, quem ambitiosum vocant, et pro his provisionibus cohibeatur.

Conc. Ba-  
sil. sess. 31.  
Decr. 2.

45. Concilium Basileense, abrogatis Expectativis, et reservationibus Papalibus, Jus praeventonis Papae servavit: *Neque etiam collationes, inquit, per praeventionem fiendas, intendit impeditire.*

Synod.  
Frising.  
c. 25.

46. Galli Germanique tunc Concilio supplicandum censuere, ut jus Praeventonis post semestre protraheretur. Synodus Frising. Ann. 1440. statuit: *Supplicetur S. Concilio (Basileensi) ut declarare dignetur, quod vigore horum Decretorum non intenderit tollere inferioribus Collatoribus ordinariis tempus Concilii Lateranensis, quodque ante ipsius lapsum non habeat locum præventio.* Haec, receptis Concordatis Ger-

maniae, per alternativam mensum in imperio hodie penitus sublata censetur, et expuncta.

47. Concordatum Galliae diserte Pontifici jus praeventio*nis* reservat, quod tamen hodie diversim limitant, ut haud admittatur in beneficiis Juris Patronatus laici; excludatur in dignitatibus electivis titulo fundationis, praesertim laicalis; negligatur rebus non integris, utpote si supervenerit, postquam ordinarius Collator fines canonicae institutionis vel levissime attigerit; invertatur, si dubium sit, quis prius contulerit; an Papa, an Ordinarius? In Gallia enim praefertur collatio Ordinarii contra Decretum. *c. 31. de Praeb. in 6.*

\* 48. In Concilio Tridentino suscitata est causa, ut praeventio*n*es, reservatio*n*es, reliqua*que*que provisiones Paparum abolerentur, aut minuerentur. Statuit jam olim Concilium Aurelianense l.: *Cuique Episcopo, cui totius diaecesis animae committuntur, relinquendas esse beneficiorum collationes.* Ait S. Gregorius: *Si qua unicuique Episcopo jurisdictionio non servatur, quid aliud agitur, nisi ut per nos, per quos ecclesiasticus custodiri ille ordo debuit, confundatur.* Refert *c. 39. in fin. XL q. 1.* Rescripsit inde S. Pontifex ad Clerum Mediolanensem: *Quia antiquae deliberationis meae intentio, ad susci-*

*Conc. Gal. de Mandat. Apost.*

*Conc. Au-  
tel. c. 1.*

*S. Greg.  
ep. ad  
Cler. Me-  
diol.*

pienda Pastoralis curae onera, pro nullius unquam miseri persona, orationibus prosequor vestram electionem, ut omnipotens Deus, qui futurorum actuum nostrorum semper est praescius, talem vobis Pastorem praebeat, in cuius lingua, et moribus exhortationis divinæ Pascua valeatis invenire. Quid elegantius crisi S. Bernardi? Si iustitiae est, jus cuique servare suum, auferre cuiquam sua justo quomodo poterit convenire? Erras, si, ut summam ita et solam institutam a Deo vestram Apostolicam potestatem existimas.

S. Bern.  
declam.  
c. II.

---

## TITVLVS. VII.

### De Provisionibus Apostolicis.

#### CAPVT I.

*De Provisione in Forma dignum, et in Forma gratiosa.*

1. Supersunt nostris saeculis provisiones Papales, quae juxta stylum Curiae dupli formula expediri solent. Harum frequentior est, saltem quod ad provisionem de beneficiis curatis, in forma *dignum*, ita dicta, quia Bulla his verbis incipit: DIGNUM arbitramur.

2. Hæc provisiones fere ad mandata de providendo recidunt. Papa enim remittit supplicantem ad Ordinarium, ut ei

ei de beneficio provideat, si praevio examine eum idoneum reperit. *Mandamus, inquit, quatenus, si post diligentem examinationem dictum N. ad obtainendum beneficium N. idoneum esse repereris, super quo conscientiam tuam oneramus, eidem N. dictum beneficium auctoritate apostolica conferas.*

3. Evidens hinc est, provisionem non haberi immediate a Papa, sed obtineri debere ab Ordinario, cui ea conditione committitur provisio, si justo examine eum idoneum repererit. Unde inferunt, supplicantem, ante obtentam collationem ab Ordinario, nec possessionem capere posse beneficii, nec beneficium resignare, quia nullum adhuc titulum beneficii nactus est.

4. Hae litterae vulgo *visa* appellantur. In usu Galliae, si has litteras Ordinarius recuset, ad immediatos Superiores gradatim appellari potest. Haec enim cognitio, quae spectat habilitatem Precistae, ad functiones Hierarchicas, maxime in curatis beneficiis, jurisdictionis ordinariae censetur esse, ut Sede vacante ibi in Capitulum, et ejus Vicarium transeat. Haec tamen consuetudo Galliae adversatur stylo Romanae Curiae, quae in executione hujus provisionis Ordinarium procedere auctoritate delegata, ut diserte formula exprimit, praetendit. Hinc nec solet talis provisio

Sede vacante ad Capitulum, aut ejus Vicarium dirigi, sed ad vicinorem Episcopum, ejusve Vicarium.

5. Hodie ex stylo Curiae Romanae duplex forma *dignum* distinguitur. Una vocatur *forma dignum antiqua*; altera forma *dignum novissima* dicitur, qua expediuntur provisiones de beneficiis Sedis Apostolicae reservatis; praescribuntur Executori triginta dies, intra quos provisionem facere tenetur; alias ad vicinarem Suffraganeum recurrendi facultas conceditur.

6. Si Ordinarius examine facto, Precistam idoneum comperit, tunc, quasi conditione impleta, ad provisionem auctoritate Apostolica procedit, beneficiumque confert ea formula: *Auctoritate Apostolica conferimus, et de illo etiam providemus.*

7. Ordinarius hic reputandus est Episcopus, ejusve Vicarius generalis loci, in quo beneficium est situm, etiamsi esset unitum Monasterio, aut Capitulo exempto. In Gallia, si provisio in forma *dignum*, alteri, quam Ordinario committeretur, tanquam abusiva rejiceretur, nisi Ordinarius esset suspectus, aut legitima causa subesset, quod Ordinario non videtur committenda: tunc enim, Ordinario neglecto, Metropolitae committi posset.

8. Passim invaluit, quod Episcopus examen alteri committere possit, juxta Clem. un. de testib. Opus tamen est, ut

talibus deleget examen, quorum iudicio de idoneitate supplicantis juste acquiescere liceat, quia Papa super eo conscientiam Ordinarii expresse onerat. Absit, ut levius Examinatoribus fidem habere queat Ordinarius! quid salubrissimus, quam ut ipse Ordinarius, praesertim ubi de beneficiis curatis agitur, examini adesse vellet?

9. Si vero Papa praevie per testimonium Ordinarii de capacitate Oratoris sat fit instructus, litterae expediri solent in forma *Gratiosa*, quia Papa sine ulla commissione alterius examinis ipsum beneficium confert, cum expressione, *quod dictus Orator testimonio Ordinarii sui de vita, moribus, et idoneitate commendetur.*

10. Litterae provisionis in forma gratiosa diriguntur ad ipsum supplicantem, cui et inscribuntur, titulusque beneficii, quod jam per provisionem Apostolicam adeptus Orator supponitur, exprimitur. Juxta Signaturam Papae inde Bulla extenditur: *Vitae, et morum honestas, aliaque laudabilia probitatis, et virtutum merita nos inducunt, ut specialibus favoribus prosequamur: cum itaque beneficium etc.* Si Orator sit Doctor, aut Licentiatus in aliqua facultate, tunc incipit: *Litterarum scientia, vitae, et morum honestas etc.* Si nobilis: *Nobilitas generis: si Regularis;*

*Religionis zelus, vitae merita etc.*  
Abhinc narratur qualitas beneficii, modus vacationis aliaeque adduntur clausulae, quibus denique subjicitur provisio hac forma: *auctoritate Apostolica tibi N. conferimus et providemus.*

11. Abhinc nominatur Executor, vel unus, vel plures, quatenus ipse, vel duo, aut unus eorum per se, vel alium, vel alios, ipsum Precistam per se, vel suum Procuratorem in corporalem possessionem auctoritate Apostolica inducant, et defendant inductum. Juxta stylum Curiae Executores oportet esse in dignitate constitutos, solentque esse Officiales Episcopi, modo sint principales, non foranei.

12. Quum tamen nonnulli ad evitandum Examen Ordinarii, provisionem in forma gratiosa sollicitare, aut exhibitis falsis testimoniis, aut certe talibus, quae intuitu aliorum beneficiorum, vel tempore, quo ejusmodi testimonium Orator merebatur, data fuerant, aut interdum aliorum Ordinariorum testimoniis, quam locorum, in quibus beneficia sita erant, impetrasse videbantur, idcirco ad querelas Episcoporum in Gallia Regiis edictis cautum fuit, nullum vigore provisionis in forma *Gratiosa* admitti posse ad possessionem beneficii, cui cura animarum incumbit, nisi praevie examen Ordinarii subeat, sub poena nullitatis.

Neque in Belgio, vel alibi facile quisquam ad possessionem beneficii curati sine examine Ordinarii vigore provisionis in forma *Gratiosa* admitti solet, quia exploratum est, quam multis modis Pontifici, in remotis agenti, imponi possit.

13. In beneficiis reliquis simplicibus, quae nullam curam animarum habent, non difficulter recipitur provisio in forma *Gratiosa*, quia examen circa provisionem in beneficiis simplicibus de idoneitate, aliisque qualitatibus pene defuit, ut ad beneficia simplicia satis idonei credantur, qui saltem Ordine sunt iniciati.

14. In provisionibus Romanis frequentantur diversae formulae ad supplendos defectus, qui in prima provisione irrepererunt, ut priorem provisionem confirment, et, in quantum opus est, reformat. Dicitur inde forma *novae provisionis*; atque si nova provisio petatur ad confirmandam priorem provisionem Papae, oportet omnes defectus exprimere prioris, ob quos nova provisio petitur; quia, nisi nominatim referuntur, nova provisio non conceditur, supponitur enim prior provisio Papae valida. Si autem prior provisio ab Ordinario fuerit facta, sufficit, quod in supplica generatim expouatur clausula: *Cum ex certis causis de primae provisionis viribus haesitetur*, quia Papae est, de-

Cap. 2.  
De re-  
cent.  
claus.

fectus inferiorum Collatorum saltem ad cautelam supplere. Haec nova provisio ad diem ipsius expeditionis restringitur. Nam si interim Jus aliquod tertio fuerit quaeſitum, inutilis erit provisio. Rescribit expreſſe Papa: *Dummodo tempore datae praeſentium non fit in eo (beneficio) alicui ſpecialiter jus quaeſitum.*

15. Siquis metuat, aut ſufpicetur, primam Papae provisionem ex aliqua cauſa impugnari poſſe, peti ſolet rescriptu: *Perinde valere*, ut ſcilicet perinde valeat, ac ſi tempore impetrationis valida fuifſet. Oportet autem in supplica exprimere omnes defectus, quia gratia *perinde valere* ex ſtylo Curiae non ſupplet praeter id, quod eſt in supplica. Nec haec Juri tertii praejudicat; atque eatenus effectus hujus rescripti non retrotrahitur ad datam prime provisionis. Quid brevius? Hoc rescripto: *perinde valere* tolluntur impedimenta, in supplica expreſſa, quae pendent ex nutu Papae aut Legati. Nam ſi collatio ſit nulla defectu mandati ad resignandum, novo mandato opus eſt; ſi juri tertii derogat, inutilis eſt clauſula: ſi collatio ſit contra bonos mores, publicam disciplinam, Concordata, Constitutiones, Regias, Statuta, Consuetudines Eccleſiarum folemniter approbatas, litterae

*perinde valere nec in Gallia, nec in Germania admittuntur.*

16. In stylo Curiae gratia Papae primo facta, si postea fuerit revocata, restituitur per rescriptum, quod vocant: *Perinde, et etiam valere*, ut gratia revocata ad pristinum vigorem reducatur, et restituatur. Hujus rescripti in Gallia, et alibi nullus est usus, quia pro regula receptionis est, Papam non posse gratiam a se semel concessam revocare.

17. Supereft rescriptum, quod vocant: *Rationi congruit*. Spectat hoc gratias ab Antecessoribus impetratas, quae propter velociorem obitum expediti non poterant. Rescribit Papa: *Rationi congruit, et honestati, ut ea, quae de Romani Pontificis gratia seu benignitate, in prosequendo justa desideria petentium, processerant, licet ejus superveniente obitu, Apostolicae super illis litterae non fuerint confectae, suum plenum consequantur effectum*. Regula Cancellariae hoc rescripto medetur soli defectui expeditionis, et probationis gratiae, non modo ab antecessore immediato, sed et mediato factae. Ne autem, inquit rescriptum, *pro eo, quod super collatione, et provisione beneficii, superveniente obitu, Apostolicae litterae confectae non fuerint, collationis, et provisionis frustreris effectu, volumus, et auctoritatem*

tate Apostolica decernimus, quod collatio, et proviso praedictae perinde a dicta die valeant etc. Hujus gratiae in Gallia, et alibi rarer est usus, quia beneficiorum saltem minorum possessio accipi solet vigore solius Signaturae, fine litteris, vel Bullis in forma expeditis.

**Cap. 3.** 18. In usu Galliae hodie et ipsa clausula *motu proprio* negligitur, quia compertum est, illam clausulam motu proprio transisse in styli formulam. Meminit veteris formulae Bonifacius VIII. c. 23. *de Praeb.* in 6.

19. Hodie ergo omnes provisiones Romanae, praeterita illa clausula motus proprii, censentur datae ad petitio- nem partis: Ita enim et plerumque ex- pediuntur, ut in ipsis litteris exprima- tur. Provisum pro tali beneficio sup- plicasse, Pontificemque annuisse.

20. Pontificis gratia refertur ad sup- plicam, seu illa, quae Pontifici sunt ex- posita, unde haec vera esse oportet, quia jure Decretalium omnibus Pontifi- ciis rescriptis tacita illa conditio: *Si preces veritate nitantur, ineſt.* c. 2. *de Rescr.* in 6.

21. Postquam Papa supplicae annuit, conficitur quaedam minuta, veluti Pro- tocollum ipsarum litterarum, quae ex stylo Curiae *signature* dicitur. Haec est brevis scriptura, qua partis supplicatio,

et Pontificis concessio refertur. Papae consensus exprimitur, si ipse signat, per formulam: *Fiat, ut petitur.* Si per Delegatum signat, subscribitur: *Concessum, ut petitur, in praesentia D.N. Papae.* Juxta regulam Cancellariae, si duo harum formularum rescripta in eadem data concurrunt, praefertur signatura: *fiat, ut petitur,* alteri per formulam: *concessum.*

Reg. Can-  
cell. 24

22. Inde patet, quod per ipsam signaturam gratia completa sit, verum tamen de stylo Curiae, quoad exercitium Gratiae, sive illius probationem, et canonizationem, opus est expeditione Bullarum, quia executor non aliter gratiam effectui dare potest, quam expeditis Bullis: cum demum ab illis potestas Executoris, et probatio gratiae dependent. In regulis Cancellariae haec leguntur: *Cum ante confectionem litterarum (Bullarum) gratia Apostolica, quoad effectum probationis, et executionis, sit informis, voluit, statuit, et ordinavit idem Dominus Noster, quod Iudices in Romana Curia, et extra eam pro tempore existentes, etiam si sint S. R. E. Cardinales, causarum Palatii Apostolici Auditores, vel quicunque alii, non juxta supplicationum signaturam super quibusvis impetrationibus (nisi in dicta Curia duntaxat sint commissiones, justitiam concernen-*

Reg. Can-  
cell. 27

tes per placet, vel per S. R. E. Vicecellarium juxta facultatem super hoc sibi concessam signatae) sed juxta litterarum super eisdem impetrationibus, et concessionibus confectarum tenores, et formas judicare debeant. Decernens irritum etc.

23. Juxta Interpretes tamen supereft signaturae aliquoties plena fides; utpote si litterae a signatura tanquam sua minuta discrepent, aut causa circumstan- tias gratiae spectet, aut signatura fuerit per librum registri probata, aut aliis adminiculis; v. g. fide, et testimonio mensulariorum expertorum fulcita. In Gallia, si Bullas obstante legitimo im- pedimento belli, aut alterius calamita- tis, non licet obtinere, impetrari po- sunt litterae Regiae, ut liceat approbare per experientes dictam signaturam, et verificari. Et vero, si impedimentum notorium est, nec his litteris opus est.

24. Postquam Provisiones Pontificiae factae sunt frequentiores ob resignatio- nes in favorem, pensiones, nec non praeventiones in omni genere vacatio- nis, visae sunt Bullae expeditae in Per- gameno, et plumbo sigillatae nimis di- spendiosae respectu minorum beneficio- rum, ideoque inducta est praxis acci- piendi possessionem vigore simplicium signatarum, quae sunt ipsarum Bulla- rum minutae, quia Bullarum necessita-

tem reservare ad provisionem Episcopatum, Abbatiarum, aliorumque majorum beneficiorum, quibus quis caput sit cuiusdam Corporis ecclesiastici, libuit. Est hic usus Galliae.

25. Ad evitandas reliquas fraudes edita Ann. 1667. Rex, ne ulla fides habeatur signaturis, Bullis, aliisque expeditionibus Romanis, nisi duorum Expeditioneerum, seu Bancquariorum certificatione ad calcem Originalis adscripta munitionae fuerint. En formulam! *Nos infra scripti Consiliarii Regii Bancquarii, expeditionarii Curiae Romanae, commorantes in hac civitate Parisiensi, notum facimus omnibus, quorum interest, hanc signaturam esse legitimam, veram, et originalem etc.*

26. In Belgio, aliisque Provinciis locus est Regulae Cancellariae, ut sine litteris, in forma expeditis, possessio beneficii vigore provisionis Romanae obtineri non soleat. Quidquid tamen sit, id reliquum est, quod oporteat utrumque easdem clausulas verificari, quia signatura omnia breviter continet, quae in Bullis, ex signatura tamquam minuta conficiendis, latius exponuntur.

27. Signatura cum illis clausulis plerumque in tres partes dividitur, quarum prima ipsam supplicam, quae inde *corpus signaturae* dicitur, exhibet; altera Papae annutum refert, tertia dispositionem, et

Cap. 4.  
De Part.  
signat.

concessionem Papae explicat, exprimendo singillatim, quae Papa priore parte per formulam: fiat, ut petitur: simpliciter concessit.

28. Prima pars signaturee, ut dictum est, exhibet supplicam. Oportet in ea tum nomen, tum diaecesin Precistae, tum locum, qualitates, nomenque beneficii, modumque vacationis exprimere. Et si aliud aliunde Orator habeat beneficium, oportet illud exprimere. Provisio enim Apostolica foret nulla, si beneficium quantumvis exiguum, ante obtentum taceretur. Neque hic defectus suppleretur, etsi Provisus vellet illud beneficium statim dimitere. c. 23. de Praeb. in 6.

Reg. Can.  
cell. 20.

29. In beneficiis curatis, quae spectant curam populi, exprimenda est et peritia patrii idiomatici. Juxta regulam Cancelariae: *Quod si contingat ipsum (Papam) alicui personae de Parochiali Ecclesia, vel quovis alio beneficio, v. g. succursus, exercitium curae animarum Parochianorum (utpote populi) quomodo libet habente, providere; nisi ipsa persona intelligat, et intelligibiliter loqui sciatur idioma loci, ubi Ecclesia, vel beneficium hujusmodi consistit, provisio seu mandatum, et gratia desuper quoad Parochiam Ecclesiam, vel beneficium hujusmodi, nullius sint roboris, et momenti. Quare hoc? quia Curati est, per patrum idioma populum instruere, confessiones*

ejus audire, aliaque subsidia spiritualia per se ministrare. Hinc in Francia, et alibi contra hanc regulam non admittitur dispensatio, quia juris divini est, oves verbi divini praedicatione, sacramentorumque administratione pascere. *Trid. sess.*

**23. c. I.**

30. In reliquis beneficiis singulorum qualitates oportet exprimere. Praecipit Regula Cancellariae, quod super beneficiis ecclesiasticis, de qualitatibus illorum, videlicet, an dignates, personatus, vel officia sint, eisque immineat cura animarum, et ad illa consueverint qui per electionem assumi, mentio fiat; alias gratiae desuper factae sint nullae. Et si qualitates hujusmodi affirmative, vel conditionaliter non exprimantur, negativa expresse desuper fiat in beneficiis, quae tales qualitates, vel ex eis aliquas consueverint habere.

31. De stylo Curiae exprimendus est et valor beneficii. In Regulis Cancellariae decernitur, quod in gratiis, quas quibusvis personis de beneficiis vacantibus, seu certo modo vacaturis fieri contigerit, illorum, et aliorum quorumcunque beneficiorum, quae dictae personae tunc obtinuerint, seu de quibus eis fuerit provisum, vel concessum, vel mandatum provideri, verus annuus valor per marchas argenti, aut Sterlingorum, vel libras Turonensium par-

Reg.  
Canc. de  
exprim.  
valor.  
benef.

vorum, seu Florenos auri, aut Ducatos, aut uncias auri, seu aliam monetam, secundum communem aestimationem exprimatur; nisi personae praedictae beneficia, quae tunc obtinuerint, aut in quibus, vel ad quae jus eis competit, juxta ipsarum oblationes, aut alias dimittere teneantur. Alioquin gratiae praedictae sint nullae etc. Ple- rique existimant, hanc regulam ad acqui- rendas Annatas natam esse. Hinc usu in- valuit, quod Provisio non expediatur, nisi his solutis, aut sufficienti cautione data.

32. Nomen Annatae, quatenus spe-  
ctat fructus primi anni vacantium bene-  
ficiorum, nomen est generis, quod in IV.  
species dividitur. Annata, veluti prima  
species proprie dicta, est dimidia pars  
veri valoris annui fructuum benefici-  
orum vacantium Episcopatibus, et Abba-  
tiis Consistorialibus inferiorum. Haec so-  
li Pontifici relinquuntur. Altera species  
commune servitium dicitur, quae est cer-  
ta quantitas pro quolibet Episcopatu, vel  
Abbatia Consistoriali secundum antiquam  
taxam solvenda. Hujus dimidium tribui-  
tur Papae: reliquum inter Cardinales pre-  
fentes dividitur. Tertia species consistit  
in minutis serviis, quae sunt quinque  
portiunculae, eaeque secundum portio-  
nem taxae fructuum Episcopatus, vel  
Abbatiae inter certos Papae ministros,

et Officiales distribuuntur. Quarta specie  
es Quindennium appellatur, quia de quin-  
decim in quindecim annos pro beneficiis  
perpetuo unitis exigitur ab iis, in quo-  
rum favorem talia beneficia sunt unita.  
Praelusit annatis Joannes XXII. Extrav.  
11. de Praeb. int. Com. Durante schis-  
mate Bonifacius IX. Ann. 1392. demum  
earum usum vulgarem et perpetuum red-  
didit. Narrat Platina de eodem Papa Bo-  
nifacio: *Annatarum usum Beneficiis ec-  
clesiasticis primus imposuit, hac condi-  
tione, ut, qui beneficium consequeretur  
a Sede Apostolica, dimidium anni  
provintus fisco Apostolico persolveret.*

Platin. is  
vit.

33. Aliquando sat acerbe disputatum  
fuit, an Annatae vitio simoniae vacarent,  
quia veluti pretia provisionum prope spe-  
ctabantur, eoquod Bullae obtineri non  
possent, nisi illis solutis pecuniis, aut cau-  
tione exposita? Successu temporis defer-  
buit tam durum argumentum, quia Con-  
cordata Germaniae diserte Annatas ado-  
ptarunt. Galli hodie eas per modum do-  
ni gratuiti, quod de consensu Regis ex  
libera praefulm voluntate Pontifici con-  
ceditur, explicant. Quid brevius, quam  
quod eas et titulo, exemploque Laudemii  
homagiique excusarent, illustrarentque  
Nostris, quia Beneficia ecclesiastica instar  
feudi novo jure censentur. Hinc enim  
et fit, quod Germani Protestantes anna-  
tas, quas pro majoribus beneficiis Papae

Boehm.  
lib. I.  
Tit. II.  
§. 46.

negaverunt, principibus saecularibus solvant.

34. Concordata Germaniae ab Annatis dispensant beneficia, quorum annui proventus valorem 24. Florenorum auri de Camera non excedunt. Hinc hodie pro omnibus inferioribus beneficiis, et si pinqüissimis, invaluit formula: *Quod illorum proventus valorem annum 24. Ducatorum auri de Camera non excedat.* Nec unquam enim examen, aut inquisitio circa proventus beneficiorum in ordine ad veritatem hujus expressionis fit, ut vigore Concordatorum evitetur solutio Annatae in Curia.

35. Quantum ad Episcopatus, et Abbatias Consistoriales vigore Concordatorum Germaniae debentur Annatae; nihilominus verus eorum valor, qui nunc secundum eorum communem aestimationem est, non exprimitur: sed secundum antiquam taxam Cancellariae Romanae, quae semper retinetur, praestari solet.

36. In tenore litterarum supplicani veluti secunda pars, signatura sequitur, quae subinde ponitur ab ipso Pontifice sub formula: *Fiat, ut petitur*, cum appositione primae litterae nominis baptis malis v. g. *fiat, ut petitur A.* Aliquando signatura ponitur per Commissarium Pontificis sub hac forma: *concessum, ut petitur in praesentia S. D. N. P.* cum appositione sui nominis. Bullae eodem modo confi-

conficiuntur, sive sub hac, sive sub illa formula signatura fuerit posita. Hac occasione aliquando ad Signaturam est recurrendum, ut sciatur, qua forma fuerit expresa.

37. Hodierne Bullae provisionum Romanarum scatent clausulis, conditionibus, derogationibus, absolutionibusque, quibus fit, ut saepe earum defectu rescripta Apostolica in periculum veniant, nisi novis provisionibus per clausulas: *Perinde valere*, vel *perinde etiam valere*, aliisque similibus cautelis restituantur, aut suffulciantur. Veteres Pontificum provisiones aequae, ac Ordinariorum aliorum simplices fuere, ita, ut in Decretalibus Gregorii harum clausularum, aut formularum haud vestigium occurrat.

38. Tertia pars signaturae, veluti conclusio Papalis rescripti incipere solet ab hac clausula: *Et cum absolutione a censuris*. Haec in Bulla ita explicatur: *Te a quibusvis excommunicationis, suspensionis, et interdicti, aliisque ecclesiasticis sententiis, censuris et poenis, a jure, vel homine, quavis occasione, vel causa latis, si quibus quomodolibet innodatus existis, harum serie absolventes, et absolutum fore consentes ad effectum praesentium duntaxat consequendum*. Haec clausula unice respicit impetrantem, qui aliqua censura efficit innodatus, quae ipsum ad beneficium

Cap. 5.  
De claus.  
signat.

obtinendum redderet incapaciem. Hodie reputatur esse meri styli, ut ad graviora delicta, aut justam censuram haud porrigitur, aut duntaxat ad effectum provisionis restringatur, quin provisus vigore hujus absolutionis celebrare, aut et fructibus beneficii frui possit, nisi specialem absolutionem obtinuerit.

39. Saepe signaturae et illa clausula inscribitur: *Et quatenus litigiosum existit, litis status, et nomina judicum, et collitigantium, juraque, et tituli eorum exprimi, vel pro expressis haberi possint.* Jure Decretalium vetitum est, beneficia litigiosa, si collitigantium unus decellerit, per Ordinarios Collatores, lите indecisa, conferri. *c. 2. ut lit. pend. in 6.* Hac clausula declarat Papa, statum litis pro expresso haberi, ut, sublata illa juris communis exceptione, vel dispositione, provisus surrogari in locum defuncti collitigatoris possit. In Galliae, et alibi reputatur et haec clausula esse meri styli, quia in his Provinciis ordinarii Collatores et beneficia litigiosa, si vacant, conferre possunt.

40. Sequitur in signatura: *Et litterae in forma simplicis provisionis, gratiae surrogationis, etiam quoad possessionem expediri possint.* Permittit ergo Papa, ut litterae surrogationis in locum collitigatoris expediantur, sive lis sit super petitorio, sive pollesorio. In Gallia,

et Belgio surrogatio fit apud Judicem, coram quo litigatur, per simplicem libellum supplicem, quin opus sit litteris Papae in forma surrogationis.

41. Abhinc adduntur et hae clausulae: Et gratiae, si neutri, si nulli, si alteri perinde valere, etiam valere, cum gratificatione opportuna, simul, vel separatim *expediri possint*. Cum enim provisiones beneficii litigiosi sint multiplicis formae: intendit Papa per has clausulas provisionem expediri sub una e formis hic expressis, quae Precistae utilior, et opportunior esse potest. In formula, *si neutri*: supponit Papa, esse duntaxat duos colligatores, quorum neutri jus aliquod competit, ut consequenter supplicans possit mereri litteras, *si neutri*, quibus mandatur supplicantiprovideri, si constiterit, neutri collitigantium jus aliquod esse. Si autem plures sint colligatores, quam duo, tunc expediuntur litterae, *si nulli*: eadem in reliquis cum praecedentibus forma. Interdum autem ipse supplicans est unus collitigantium, petitque in locum surrogari collitigatoris; *si alteri jus non competit*. Clausula *cum gratificatione opportuna* supponit, plures esse concurrentes in data, ut hoc casu Papa velit Proviso gratificatum, quatenus aliis preferatur. Per clausulam *anteferri* consequitur Precista praerogativam, ut prioribus in data

praeferatur. Hae clausulae, veluti de stylo Curiae in Gallia, alibique negliguntur, praeterunturque.

42. Subinde apponuntur clausulae derogatoriae Regularum Cancellariae v. g. *de Infirmis resignantibus, de verisimili notitia.* Ac tum subditur: *Cum derogatione Juris Patronatus, si quod sit, contra tamen illius approbationem* (quia Papa per hanc provisionem non intendit illud approbare, si non sit, aut aliunde coram Ordinario verificari nequeat) *videlicet si laicorum tantum, etiam nobilium et illustrium* (Regum et Ducum) *eisque ex dotatione, vel fundatione competat, pro mediate, alias, seu si litigiosum, vel devolutum sit, in totum.*

43. Haec clausula necessario exprimenda est, si beneficium sit juris Patronatus laici: si enim non exprimeretur, provisio censeretur subreptitia, eoquod Papa nunquam derogare soleat Juri Patronatus laicorum. Hinc in signatura ad finem clausulae subjicitur. *Et de consensu Patroni, seu Patronorum.* Si plures sunt Patroni, petitur, concediturque derogatio saltem *pro medietate*, videlicet, ut gratia, si medietas Patronorum consentiat, habeat effectum, quia dissentientibus Patronis, neque in unam Personam saltem pro majore parte consentientibus, Ordinarii, Papaeque est decisio. Et hoc, si jus

Patronatus laicum sit ex *fundatione*, vel *dotatione*. Quippe, si jus Patronatus laicum foret ex privilegio, vel alio titulo, vel non esset laicorum duntaxat, vel sit litigiosum, vel per negligentiam Patronorum devolutum, praetendit Papa ei in totum derogare, ut gratia effectui detur. In Gallia tamen, et alibi nullus est usus harum clausularum.

44. In signatura post has clausulas ponitur: *Ac statutorum primo dictorum, caeterorumque omnium quomodolibet contrariorum latissime in litteris extendendorum*: haec clausula continet derogationem statutorum, consuetudinum, privilegiorum, aliorumque juriū, quae possent provisionis effectum impedire. Quia tamen haec clausula generalis est, haud porrigitur ad statuta, privilegia, aliaque jura solemniter approbata, et si porrigeretur, appellari in Gallia, aliquique posset ab abusu. Quippe Principibus curae est, hujusmodi jura, et statuta integra servare.

45. Si provisio sit expedienda *in forma dignum*, post praedictas clausulas ponitur: *committatur*. Hoc praecipit *Officialibus Curiae*, ut expediant litteras *vel in forma dignum antiqua, vel novissima*; prout materia exigit, ejusque *executio Ordinario, vel alteri juxta stylo pro exigentia causae committatur*.

Reg.

Canc. 18.

46. Haec forma continet clausulam, quae in ipsis litteris, licet in signatura non appareat, exprimi debet: *Dummodo tempore datae praesentium non sit specialiter alteri jus quaesitum.* Regulae Caucellariae: *De non tollendo jus quaesitum*, hic est tenor: *ne per varias, quae pro commissionibus, mandatis, et declarationibus habendis in causis plerumque fiunt, suggestiones justitia postponatur, idem D. N. declaravit, et decrevit, suae intentionis fore, quod deinceps per quamcunque signaturam, seu concessionem, aut gratiam vel litteras Apostolicas pro commissionibus, seu mandatis, aut declarationibus hujusmodi, etiam si motu proprio, ex certa scientia, ac etiam ante motam litem, a Sanctitate sua emanaverint, vel de hujus mandato faciendas, nulli jus sibi quaesitum quomodolibet tollatur.*

47. Cum igitur Papa non velit per suam provisionem tollere jus alteri quomodolibet quaesitum, sequitur altera clausula: *vocatis, qui fuerint vocandi;* ut nimirum cognoscat, an jus alteri quomodolibet sit quaesitum, directe, vel indirecte, quamvis minimum, antequam provisionem faciat, vel provisionem in possessionem inducat. Verum hae clausulae, aliaeque connexae; v.g. *amoto quolibet illicito detentore, qui-*

bus Commissario, vel Executori cognitio sive in possessorio, sive in petitorio tribuitur, in Gallia, et alibi prope sine effectu sunt, quia controversiae super possessorio in causa beneficiali decenda est coram Senatu Regio: idque semper in litteris Placeti exprimitur; in petitorio autem coram Judice ordinario, aut Judicibus synodalibus delegatis in partibus; idque postquam possessorium plene fuerit evacuatum.

48. Hae praecipuae sunt clausulae, qua provisionibus Romanis inferi consueverunt, aut et pro appositis habentur, etsi non exprimantur. Signaturae aequae, ac litterae clauduntur per appositionem *Datae*. Primo solet parva Data poni, quae dein extenditur. Galli peculiare sibi privilegium circa parvam Datam vindicant.

49. Passim in regnis Galliae, Hispaniae, et alibi invaluit, quod litterae Papales cujuscunque argumenti executioni dari vetentur, nisi prius in tribunali Regio fuerint revisae, approbataeque. In Belgio Ann. 1574. promulgavit Philippus II. Rex Hispaniarum, ne quis Bullas, gratias, provisiones, indulta, aliaque mandata ex urbe Roma, aut a Legatis Pontificiis profecta, per Belgium executioni mandare audeat, nisi prius comprobata fuerint, vel in sanctiori Conistorio, vel in Concilio Brabantiae, sub

Cap. 6.  
De Pla-  
cet. Reg.

poena proscriptionis, et publicationis bonorum in contumaces.

50. Hae regiae cautelae necessariae videbantur, postquam ex nonnullis Pontificum Legatorumque concessionibus turbae in Provinciis subnatae credebantur. Hinc inolevit, quod Bullae ac diplomata Pontificis revideri debeant ab iis, qui supremae jurisdictioni vice Regia praesunt, ut cognoscant, an nihil contineant, aut admixtum habeant quod Rempublicam laedere possit. En omniem usum Placeti Regii.

51. Hinc moris est, quod libelli supplices pro impetrandis litteris Placeti super Bullis Romanis communicentur Procuratori Regio, seu Officio Fiscali; utpote cujus partes sunt, nomine Regis invigilare, ne quid admittatur, quod Rempublicam turbare, vel laedere possit. Audito hoc officio Fiscali tum Senatus examinat, an Placetum sit annuendum, an denegandum? si nihil sit, quod iuribus Regiis deroget, aut consuetudines, et jura infringat, executionem decernit: si autem aliquid praeditorum merito suspicetur, Placetum denegat, aut differt, quo usque proprius de sensu Bullae, rerum circumstantiis, ac mente Pontificis constiterit.

52. Placetum Regium eo moderamine consultit integritati Jurium publicorum. Quippe statum tum Ecclesiaruin,

tum Provinciarum publicum spectat. In Germania explicat id genus Protectionis Regiae latius Capitulatio Caesarea.

Capit.  
caef. Art.  
XIV. §. 1.

§3. Siquis privatorum per executionem Bullae jus suum laedi existimat, huic Placetum Regium haud obstat, quin jus suum coram legitimo superiore possit prosequi: solet enim ipsis litteris Placeti Regii saepe adjici illa finalis clausula: *Salvo jure partis, quae opponere poterit, quidquid opponendum judicaverit.* Senatus Brabantiae hanc cautelam Placeto Regio subjicit: quod si occasione hujus provisionis quaestio incidat, ea instituenda, et agitanda est in possessorio quidem coram ipso Senatu Brabantiae; in petitorio autem coram judice ecclesiastico competente, in Brabantia residente. Et si quaestio per appellationem ad Curiam Romanam foret devoluta, tunc ea coram judicibus Delegatis, et competentibus, atque ibidem in Brabantia residentibus prosequenda erit.

§4. Saepe et litteris Placeti Regii alieniae clausulae per modum restrictionis, et modificationis inscribuntur: Edicto Caroli V. praeceptum est, litteras Placeti non concedi in Belgio super privilegio non residendi in beneficiis curatis, nec super dispensatione in aetate, aut imperitia idiomatis; vel concessione Co-

adjutoriae Praebendarum, aliorumque simplicium beneficiorum.

\* 55. Generaliter ergo concludere fas est, quod in facieis provisionibus iusta moderatio sit adhibenda. Querebatur olim S. Chrysostomus: *Id unum non spectant, quod solum spectandum foret, nempe animi virtutem; sed aliae sunt causae, quibus honores conciliantur; v. g. hic, quod genereclaro natus sit: — Ille, quod opibus abundet: — alius, quod ab adversariis ad nos configuerit: aliis fibi genere propinquum necessarium, aliis adulatorem caeteris anteponere mavult; non est, qui eum, qui idoneus sit, spectare velit, aut animi partes explorare curet.*

Juxta S. Hieronymum: Cernimus plurimos hanc rem beneficium arbitrarium facere, ut non quaerant eos in Ecclesiae columnas erigere, quos plus cognoscunt Ecclesiae prodesse, sed quos vel ipsi amant, vel quorum sunt obsequiis deliniti, vel pro quibus Majorum quis rogaverit. Ait S. Bernardus: *Nunquid hac ille Apostolus servitute hominibus inserviebat in acquisitione turpis quaestus? Nunquid cum de toto orbe confluebant ambitiosi, avari, simoniaci, sacrilegi, concubinarii, incestuosi, et quaeque hujusmodi monstra hominum, ut ipsius Apostolica auctoritate vel obtinerent ho-*

S. Chrys.  
de Sa-  
cerd.  
lib. 3. c. I.

S. Hier.  
in Isai.  
c. 57.

S. Bern.  
de Co-  
fid. lib. I.  
c. 4.

nores ecclesiasticos, vel retinerent. Ab-  
sit tanta indiscretio? Quid aequius reli-  
quo monito S. Patris? *Alius pro alio,* Lib. IV.  
*alius et forte pro se rogat.* Pro quo c. 4.  
*rogaris, sit suspectus.* Qui ipse rogat  
*pro se, jam judicatus est: nec interest*  
*per se, an per alium quis roget.*

---

## TIT VL VS. VIII.

### De Jure Patronatus.

#### CAPVT I.

##### De Origine Juris Patronatus

1. Supereft plenior supplicationum usus  
in Ecclesiis Juiis Patronatus, quod in  
Oriente per Oratoria privata caepit. Ur-  
gebat S. Chrysostomus Magnates, ut in  
praediis suis Ecclesias, id est, Oratoria  
erigerent, adscituri Clericum ad Sacra  
quotidiana facienda. *Ideo oro, inquit,*  
*et supplico, et gratiam puto, immo et*  
*legem pono, ut nullus, qui habet vil-*  
*lam, appareat carere Ecclesia.* En pri-  
ma vestigia Patronatus laici in Oriente.

S. Chrys.  
in Ad. hom. 18.

2. In Occidente Concilium Arausica-  
num jus Patronatus ecclesiastici expli-  
cat. *Siquis, ait, Episcoporum in alienae*  
*civitatis territorio Ecclesiam aedi-*  
*ficare disponit, vel pro fundi sui ne-*  
*gotio, vel ecclesiastica utilitate, vel*  
*pro quacunque sua oportunitate, pra-*

Cone.  
Araus.  
c. 10.

*missa licentia aedificandi, quia hoc prohibere votum nefas est, non presumat dedicationem, quae illi omnimodis reservatur, in cuius territorio Ecclesia assurgit, aedificatori Episcopo reservata hac gratia, ut, quos desiderat in re sua Clericos videre, ipsos ordinet is, cuius territorium est, vel, si ordinati jam sint, ipsos habere acquiescat. Et omnis Ecclesiae ipsius ordinatio ad eum, in cuius civitatis territorio Ecclesia surrexerit, pertinebit.*

3. Quum in Oriente nonnunquam Episcopi votis Patronorum deessent, aut et Patroni indebita jura sibi arrogarent: Justinianus jus Patronatus laicum ita moderatus est, ut Fundatoribus, eorumque haeredibus jus praesentandi, nominandique Ministros, administratores, et praefectos eorum locorum integrum esset, reservata Episcopi diaecefani auctoritate, eos justo examine probandi, ordinandique. En hujus argumenti Decreta. L. 46. C. de Episc. et Cler. Nov. 57. c. 2. Nov. 153. c. 18.

4. Hoc exemplo et in Occidente jus Patronatus laicum invaluit. Statuit Concilium Arelatense VI.: *Ut luici Presbyteros absque judicio proprii Episcopi non ejicient de Ecclesiis, nec alios immittere praesumant. Ut Laici omnino a Presbyteris non audeant munera exigere propter commendationem Eccle-*

fiae. Rejectis his corruptelis decernit  
Synodus Parisiensis VI.: *Si Laicus ido-*  
*neum, utilemque Clericum obtulerit,*  
*nulla qualibet occasione ab Episcopo*  
*sine certa ratione repellatur; et, si*  
*rejiciendus est, diligens examinatio,*  
*et evidens ratio, ne scandalum gene-*  
*retur, manifestum faciat.*

Conc. Pa-  
ris. c. 22.

5. Juxta Decretum Concilii Toletani IX.: *Quamdiu Fundatores Ecclesiarum, utpote Patroni, in hac vita superstites extiterint; pro eisdem locis curam permittantur habere sollicitam, et sollicitudinem ferre praecipuam; atque Rectores idoneos in iisdem Basiliis iidem ipsi offerant Episcopis ordinandos.* Quod si tales forsan non inveniantur ab eis, tunc quos Episcopus loci probaverit Deo placitos, sacris cultibus instituat, cum eorum convenientia servituros. Refert. c. 32. XVI.

q. 7.

6. Auctis bonis ecclesiasticis et aliae Ecclesiae aliis Patronis pro tutela priorum proventuum egere videbantur. Sub initium saeculi VI. Patres Africani in Concilio Carthaginensi nomine omnium Provinciarum a gloriofissimis Imperatoribus petendum censuere, ut dent facultatem defensores constituendi scholasticos, qui in actu sunt, vel in munere defensionis causarum: ut, more Sacerdotum Provinciae, iidem ipsi,

qui defensionem Ecclesiarum suscep-  
rint, habeant facultatem pro negotiis  
Ecclesiarum, quoties necessitas postu-  
laverit, vel ad obſtendum obrepenti-  
bus, vel ad necessaria ſuggerenda,  
ingredi judicum Secretaria. En Patronos  
cauſarum, quia a Clericis, et Epi-  
ſcopis alienum existimabatur, pro re-  
bus temporalibus in judicio ſtare. Su-  
pereft fragmentum c. 10. XXIII. q. 3.

7. Successu temporis hi Patroni cauſarum Advocati, Vicedomi, Defen-  
ſores et Custodes dicti ſunt. Quippe non  
amplius ex ſcholasticis, veluti Caufidi-  
ci, ſed ex potentibus, et Optimatibus  
veluti Judices electi ſunt. Juxta leges  
Longobardorum omnibus Epifcopis,  
Abbatibus, cunctoque Clero omnino  
praecipitur, Vicedominoſ Praepoſitos,  
Advocatoſ, ſive Defenſoreſ bonoſ ha-  
bere, non crudeleſ, nec cupidoſ, non  
perjuroſ, non falſitatem amanteſ, ſed  
Deum timenteſ, et in omnibus iuſti-  
am facienteſ.

8. Erat horum Advocatorum, tum  
infestationeſ, et irreptioneſ extraneaſ  
armiſ repellere, tum Ecclesiis ipliſ,  
earumque coloniſ, et ſubditiſ juſ di-  
cere; nec porro gratiaſ haec judi-  
cia, quaे placita dicebantur, tene-  
re videbantur, ſed certa jura affignata  
habebant. Refert Miraeus chartam Con-  
radi Imp. qua Ann. 1145. tertia pars

LL. Lon-  
gob. 1. 2.  
Tit. 42.  
c 54

Mirae.  
Cod.  
Piar. Do-  
nat. c. 95.

bannorum, seu mulctarum Advocato relinquitur: *Tertiam pecuniae partem in talibus generalibus placitis acquifitae recipiet Advocatus.*

9. Plerumque ipſi Fundatores Advocatum nominabant, aut ab Imperatore petebant. Hinc in illa charta Conradus haec verba facit: *Noſtræ discretionis est, legaliter providere tam legitimum Monachis Advocatum, qui potius prodere noverit, quam obesse, potius ulodium tueri, quam vastare.*

10. Inter haec, quia Ecclesiarum aliquando banna, et territoria magis diffusa erant, Advocatis et jus fuit, advocatias illas aliis in beneficium, seu feudum concedendi. Supereft apud Miraueum in diplomaticis Belgicis exempli Balduini Comitis Flandriae, qui Advocatiam Abbatiae Eihamenſis fibita retinuit, ut tamen Subadvocatum fecerit Arnulphum de Aldenarda: *Cui, inquit, injungimus, supplere vicem noſtri, in parvis tantum negotiis, nobis majora reservantes.*

Lib. I.  
c. 35.

11. Irruentibus hac occasione corruptelis, necessarium videbatur has Subadvocatias ad unam restringere, ejusque jura definiire. Otho I. ea conditione Lambertum Comitem Lovanienſem, Monasterii Gemblacensis Advocatum dedit, ut nunquam in Advocacia Gemblacensi, Praeter unum Subadvocatum habeat.

Oth. I.  
diplom.

Tum praecepit, ut Subadvocatus in  
villis, ad Abbatiam pertinentibus,  
nihil aliud juris habeut, nisi per sin-  
gulos annos de unaquaque domo de-  
narium unum, Gallinam unam, et a-  
venae sextarium unum.

12. Novo jure meminit Lucius diver-  
sorum titulorum, quibus nonnulli in Ad-  
vocatias, et Subadvocatias obrepserant,  
ut indebitas exactiones sibi arrogare pos-  
sent. Quid aequius, quam quod Ponti-  
fex eos ad antiquos, et moderatos re-  
ditus, a locorum Episcopis institutos,  
per censuram ecclesiasticam restrinxer-  
it? *c. 23. de Jur. Patr.*

Mirae.  
supr.  
c. 101.

13. Desperatis tam aequis remediis  
consultissimum superfuit, arbitrium eli-  
gendi Advocatum ipsis Ecclesiis addi-  
cere. In notitia Ecclesiarum Belgicarum  
extat instrumentum donationis, quo  
Comes Boloniae Collegio Canonicorum  
Lenseium in Arthesia liberam potesta-  
tem concedit assumendi, quemcunque  
voluerint Advocatum, qui tamdiu,  
et non ulterius eorum rebus, vel eo-  
rum causis praesit, quamdiu eis pla-  
cuerit.

14. Missis abhinc qua pretio, qua  
precibus veteribus Advocatis, res ad  
supremos Principes, veluti Procurato-  
res, et Defensores recidit. Godofredus  
Barbatus, Lotharingiae, et Brabantiae  
Dux

Dux montem S. Guilberti Ann. 1123.  
eo immunitatis privilegio donat: *Uno*,  
inquit, *me excepto, nullus ibi quidquam* Cod, pi-  
*juris haberet; Advocatum nullum, nisi* or.  
*me, susciperet. Per Abbatem, et me, si* Donat.  
*necessitas exigeret, componenda compo-*  
*nerentur, corrigenda corrigerentur.* cap. 78.

15. Explicat Carolus V. vetus id pri-  
vilegium Ducis Brabantiae: *quod ab o-*  
*mni aevo Dux Brabantiae fuit tutor,*  
*et protector omnium Monasteriorum,*  
*et locorum piorum, et bonorum eorum*  
*in Brabantia, et per dictum Venato-*  
*rem (utpote supremum Praefectum syl-*  
*varum) ea defendit, ac protexit; et ideoq*  
*idem Venator omnes injuriantes ejus*  
*punire potest, et de omnibus delictis*  
*in Monasteriis ab aliquibus eo venien-*  
*tibus commissis cognoscere, et punire*  
*excluso loci ordinario Officiario, qui*  
*nequidem, ad effectum mulctarum, per*  
*præventionem punire potest.* Haec ju-  
risdictio Praefecto saltuum ea occasione  
olim obtigisse censetur, quod primi Mo-  
nachi, et Regulares in sylvis; et rure  
habitare confuevissent, ut semoti a stre-  
pitu saeculari divinis contemplationibus  
uberius vacarent.

16. His missis, Jus Patronatus vulga-  
re distinguitur in ecclesiasticum, et lai-  
cum. Statuit Concilium Constantinopo-  
litanum IV: *Si Episcopus convictus*  
*fuerit construxisse Monasterium de redi-* Cap. 2.  
De var.  
spec. Jur.  
Patr.  
Conc.  
Const.  
c. 15.

*tibus ecclesiasticis, tradat ipsum eidem Ecclesiae Monasterium. Si vero de propriis rebus, aut aliis quibusdam conventionibus, habeat id secundum propriam potestatem, et voluntatem, omnivita sua, et post finem vitae dimitat, et conferat hoc, quibuscumque voluerit; non tamen saeculare diversorum fiat.*

17. *Nostris moribus jus Patronatus laicum censetur, quod ratione patrimonii tenetur, sive a laico, sive a Clerico. Ecclesiasticum enim titulo beneficii, sive Ecclesiae competere debet. Neque refert, quod primitus ex patrimonio ortum, postea quovis modo, testamento, aut donatione in Ecclesiam, vel Capitulum regulare, saeculareque translatum fuerit, ut dignitati, vel beneficio, vel Ecclesiae perpetuo cohaereat; abhinc enim ecclesiasticum incipit. Arg. C. un. de Jur. Patr. in 6.*

18. *Interdum contingit, ut idem beneficium sit Juris Patronatus laici, et ecclesiastici. Et siquidem id jus est divisum, seu alternativum, pro turno laico laicum; pro turno ecclesiastico ecclesiasticum reputatur: si vero id jus sit simultaneum, Jus Patronatus mixtum appellatur, tanquam ex duobus compositum. Recepta tunc est regula, quod jura utriusque invicem communicentur, ut spectetur unius, et alterius conditio, quae favorabilior est, quia propter communis*

onem non privilegiatus fortitur naturam  
privilegiati. Et huic praerogativa locus  
est, et si inter Patronos ecclesiasticos vel  
unus foret laicus, et vice versa. *Arg.*  
*cit. cap. in 6.*

19. Sed quo refertur Jus Patronatus  
Confraternitatum laicorum, Ædiliorum,  
Ecclesiarum, Universitatumque studio-  
rum? Laicum esse plerique pronuntiant,  
tametsi haec collegia speciali cuidam Ec-  
clesiae adhaereant; spectantur enim haec  
corpora magis ut laica, quam ut ecclie-  
siastica.

20. Alibi Jus Patronatus in reale, et  
personale dividitur. Jus Patronatus rea-  
le caepit ex Oratoriis, quae Magnates in  
suis praediis ad usum familiae extruxer-  
ant. Successu temporis haec Oratoria in  
Parochias, aliaque beneficia, et ipsa Ca-  
pitula Canonicorum succreverunt, in  
quae inde superest Jus veteris Patronatus.

21. Jus Patronatus personale a reali  
distinguitur, quod hoc praedio, aut fun-  
do ita inhaereat, ut in quemque posse-  
forem illius rei transeat; personale vero  
in haeredes transmittatur. Personale e-  
nim instar crediti, reale ad exemplum  
servitutis aestimatur. *Arg. c. 7. de Jur.*  
*Patr.*

22. Jus Patronatus fundatione ipso ju-  
re constituitur, si modo vera sit, utpote  
talis, quae et sufficientem dotationem  
tribuit. Nam jure Canonum fundatio re-

Cap. 3.  
De modo  
acquir.  
et prob.  
Jus Pa-  
tron.

requirit justam dotem. Rescripsit Clemens III. *Quod si aliquis Ecclesiam cum assensu Diaecefani* (cujus est necessarias impensas pro luminaribus, pro custodia, et ministrorum stipendiis praevie a Fundatore exigere) construxit, ex eo *Jus Patronatus* acquirit. Refert c. 75. de *Jur. Patr. integr. lect.*

23. Si ergo constet, aliquem esse Fundatorem, vel Fundatoris haeredem, ipsi *Jus Patronatus* adjudicabitur; eo quod fundatio secum trahat *Jus Patronatus*; ideoque Fundatori presumatur reservatum, nisi contrarium quodammodo ostendatur; utpote, quod Fundator, ejusque haeres Jure *Patronatus* hactenus usi non sint; ut succelusu temporis illud jus remisisse videri queant. c. 41. de *Testib.*

Trid. sess. 24. Statuit Concilium Tridentinum,  
14. c. 12. quod nemo, etiam cuiusvis dignitatis ecclasticae, vel saecularis, quacunque ratione, nisi Ecclesiam, beneficium, aut Capellam de novo fundaverit per affig-  
nationem justae dotis, et construxerit; seu jam erectam, quae tamen sine suf-  
ficienti dote fuerit, de suis propriis, et patrimonialibus bonis competenter do-  
taverit, *Jus Patronatus* impetrare, aut obtainere possit, aut debeat.

sess. 25. 25. Absit inde, quod omnis constructio,  
c. 9. vel dotatio titulum praebeat juris *Patro-*  
*natus*! Inquit S. Synodus: *Patronatus* quicunque in *Ecclesiis*, et quibuscum-

que aliis beneficiis, etiam dignitatibus antea liberis, acquisiti a quadraginta annis citra, et in futurum acquirendi, seu ex augmento dotis, seu ex nova constructione, vel alia simili causa, etiam auctoritate Sedis Apostolicae, ab iisdem Ordinariis, uti delegatis, ut supra, qui nullius in his facultatibus, aut privilegiis impedianter, diligenter cognoscantur; et quos non repererint ob maxime evidenter Ecclesiae, vel beneficii, seu dignitatis necessitatem legitime constitutos esse, in totum revocent.

26. Enimvero Patronos a reliquis benefactoribus, qui quidquam vel in structuram, vel in dotem contulerint, oportet distinguere. Absit, quod his benefactoribus Episcopus quoddam jus in praejudicium Patroni, nisi ejus accesserit consensus, concedere possit. Sitamen de dotanda Ecclesia interpellatus, officium recuset, non apparet, cur Episcopus Jus Patronatus alteri, qui dotem, vel augmentum dotis ea conditione offerre velit, spondere non posset, saltem ut una cum Fundatore concurrat, si necessitas, aut evidens Ecclesiae utilitas dotem, aut ejus augmentum requirat, eaque haberi nequeat, nisi eam offerenti Jus Patronatus annuat. Quia enim fundatio dotem requirit, censetur dotans quodammodo in fundatione partem ferre. Constructione quippe sine dote ad exhibendum cultum

divinum prope inutilis, aut exigui effe-  
ctus est. Quid ergo? si unus aream, fun-  
dumque praebet, alter expensas structu-  
rae confert: tertius dotem offert? omnes  
in solidum Jus Patronatus assequuntur.

27. Novi juris argumentis Jus Patro-  
natus ex titulo praescriptionis obtineri  
potest. Si tamen agatur de praescriptio-  
ne Juris Patronatus, praesertim laicalis  
adversus Ecclesiam liberam, exigitur  
tanti temporis possessio, cuius memoria  
in contrarium non existat, quia jus com-  
mune ei refragatur. Arg. c. 1. de Rescr.  
in 6.

Trid.  
supr.

28. Juxta Tridentinum Decretum:  
*Titulus Juris Patronatus sit ex fun-  
datione, vel dotatione, qui ex authen-  
ticis documentis, aut aliis jure requisi-  
tis ostendatur: sive etiam ex multiplica-  
tis praesentationibus per antiquissimum  
temporis cursum, qui hominum memo-  
riam excedat.* Quia Concilium numerum  
multiplicatarum praesentationum non  
expressit, censem tres praesentationes  
requiri, sufficereque. Arg. c. 3. de caus.  
Possess. et Propr.

Ibi.

29. Ait praeterea Synodus Tridenti-  
na: *In iis personis, seu Communitati-  
bus, vel Universitatibus, in quibus id  
jus plerumque ex usurpatione potius  
quaesitum praesumi solet, plenior, et  
exactior probatio ad docendum verum  
titulum requiratur: nec immemorialis*

temporis probatio aliter eis suffrageatur, quam si, praeter reliqua ad eam necessaria, praesentationes, etiam continuatae non minori saltem, quam quadraginta annorum spatio, quarum omnes effectum sortitae sint, authenticis scripturis probentur.

30. En reliquum Decretum: Reliqui Patronatus omnes in beneficiis, tam saecularibus, quam Regularibus, seu Parochialibus, vel dignitatibus, aut quibuscumque aliis beneficiis, in Cathedrali, vel Collegiata Ecclesia: seu facultates, et privilegia concessa tam in vim Patronatus, quam alio quocunque jure nominandi, eligendi, praesentandi ad ea, cum vacant (exceptis Patronatibus super Cathedralibus Ecclesiis competentibus, et exceptis aliis, quae ad Imperatorem, et Reges, seu regna possidentes, aliosque sublimes, ac supremos Principes, jura imperii in dominiis suis habentes, pertinent, et quae in favorem studiorum generalium concessa sunt) in totum prorsus abrogata, et irrita, cum quasi possessione inde secuta (tam ad possessorum, quam petitorum) intelligantur, beneficiaque hujusmodi, tanquam libera, a suis Collatoribus conferantur; ac provisiones hujusmodi plenum effectum consequantur.

31. In Gallia tamen, Belgio, aliisque Provinciis veteris juris usus super-

est pro Patronatu laico, quia Tridentinum Decretum receptum non est, nisi expressa illa clausula: *Salvo jure Patronatus laici.* Inde possessio immemorialis pro titulo ipso habetur, probatioque juris Patronatus eadem forma, quam aliorum probatio jurium admittitur, atque possessorum adjudicatur possidenti, sive ei, qui in quasi possessione est. Consequenter praesentatus a Possessore preferitur ei, qui est a proprietario praesentatus juxta Cap. 19. de *Jur. Patr.*

32. Reliquo usu aduersus Jus Patronatus laicum triginta annis praescribitur: desiderant vero quadraginta anni, si de praescriptione Patronatus ecclesiastici agatur. Auctus est numerus Patronatum ecclesiasticorum, postquam Laici, qui inde a saeculo IX. Ecclesias pleno arbitrio usurparunt, ut pro libitu Clericos instituerent, destituerentque, compulsi sunt, Clericos, quos praeficere volebant, Episcopo praesentare. Enimvero ea occasione plerique Dynastrum eas Ecclesias, quas in feudum receperant, Canonicis, et Monachis relinquere eo jure, quo potiti sunt, voluerunt. Inde enim illud Jus Patronatus, quod origine sua laicum erat, ecclesiasticum esse caepit. Refert Gratianus vetus Concilii Cabillonensis Decretum c. 38. XVI. q. 7.

33. Jus novum et Papae privilegium vindicat, concedendi Jus Patronatus, quia eum Ordinarium Ordinariorum ex Decretalibus esse probat. Verum his praetensionibus, quatenus praejudicio essent liberis collationibus Ordinariorum, refragantur Galli, et Germani, quibus persuasum est, Pontificis potestatem, juxta iterata Decreta Concilii Constantiensis, et Basileensis, restringi ad Canonum observantium.

34. Omne Jus Patronatus ecclesiasticum reale est; officio enim, dignitati, beneficioque inhaeret, ut ad quemcunque possessorem illius tituli transeat. Quippe separatum ab ipso beneficio transferri non potest, nisi adhibitis solemnitatibus, quae ad alienationem rerum, iuriumque ecclesiasticorum requiruntur.

35. Jus Patronatus et laicum in quemque Possessorem illius fundi, cui Patronatus inhaeret, transit. Hinc jure novo Hospitalarii, empto feudo: Jus Patronatus acquisisse dicuntur, quia illi feudo adhaeret. c. 13. de Jur. Patr.

36. Declaravit Alexander III. presentationem Clerici, vigore juris Patronatus annexi cuidam villae, competitisse militi, si constiterit, villam illam fuisse militi illi a Monasterio, cui dominium illius fundi competitbat, datam ad firmam, id est, ad longum tempus elo-

Conc.  
Const.  
fess. IV.  
et V.  
Conc. Ba-  
sil. fess.  
II. et III.  
Cap. 4.  
De transl.  
Patron.

eatam; quia dominium utile consecutus censemur. Enimvero tum temporis sat frequenter Monasteria laicis praedia ad firmam, utpote ad longissimum tempus, elocabant, ut eorum, qui per tam diuturnam possessionem dominio utili frui permittebantur, gratiam, et patrocinium mererentur. c. 7. ibi.

37. Bonae fidei Possessor et ipse in jure praesentandi potior superveniente domino habetur, eoquod Possessor B. F. vi utilis dominii irrevocabiliter fructus consumptos suos facit, si ex eis factus non sit locupletior. c. 19. d. t.

38. Sed quid? An in creditorem, cui fundus pignori datus est, jus Patronatus transit? Decidit Ann. 1420. Synodus Salisburgensis: *Ad omnium quoque dubitationem, sive quaestionis materiam amputandam statuimus, ut si quis praedium suum, cui jus attinet Patronatus, cuiquam obligaverit indistincte, jus praesentandi apud ipsum obligantem resideat. Cum tale jus estimari non possit, ac in sortem nequeat computari.*

39. In reliquis jure decisum est, non posse jus Patronatus separatim a fundo, cui veluti servitus inhaeret, distrahi, aut pretium fundi, causa inhaerentis juris Patronatus, augeri. c. 16. de Jus. Patr.

Synod.  
Salisb.  
c. 22.

40. *Jus Patronatus personale*, quia veluti creditum censetur, transit ad haeredes, sive ex testamento, sive ab intestato. Itaque haeredes omnes in solidum ad præsentationem concurrunt; ita tamen, ut ipsa præsentatio, veluti unica, nomine omnium fiat. *c. i. ibi.*

41. Si plures fuerint Patroni, omnes haeredes unum tantum suffragium, quale et defunctus habuit, habebunt. *Sinquit Papa: Ut ergo facilius provideatur Ecclesie, non inconveniens reputamus, Patronos ipsos, et haeredes inter se libere posse convenire de Rectore ab eis alternis vicibus præsentando.* Defert. *Clem. 2. de Jur. Patr.*

42. *Praesentandi* hic modus, utpote alternis vicibus, hodie turnus vocatur, qui duplex est. Aliquando enim nomine proprio competit, ita, ut in eo actu alter Patronus nullas partes habeat. Aliquando vero dividitur, ita quidem, ut unus nomine omnium nominet. In Anglia Ann. 1227. convenit inter Abbatem S. Augustini Cantuariensis, et Barones regni, ut, quotiescumque Ecclesia N. vacaverit, *Abbas, et Conventus S. Augustini Cantuariensis una vice, libere pro sua voluntate conferrent Ecclesiam praenominatam, cui voluerint, et Barones alia vice pro voluntate sua. Praesentabunt autem Abbas, et Conventus per litteras fa-*

Guil.  
Thorn. in  
Chron.

cientes mentionem de Jure Baronum S. et Barones similiter de S. praesentabunt per litteras facientes mentionem de Jure Abbatis.

43. In Gallia Jus Patronatus praesertim laicale, tanquam temporale, et patrimoniale habetur; ut receptum sit, quod sicut de temporalibus laici non sint coram Judice ecclesiastico conveniendi, ita nec de Jure Patronatus laico vel in petitorio, vel in Possessorio. Judex ecclesiasticus cognoscere possit, licet Decretum Alexandri III. diserte refragetur. *c. 3. de Judic.*

Cap. 5.  
De Prae-  
sent.

44. Juris Patronatus frequentior praerogativa in jure praesentandi elucet. Veteri more, quo Ordinationi titulus beneficii adhaesit, Patronus Clericum obtulit ordinandum, si idoneum Episcopus comprobasset. *c. 32. XVI. q. 7.*

45. Postquam invaluit, quod provisio beneficii ab ordinatione separetur, Jus Patroni ad praesentationem recidit, ut Episcopus eum in beneficio, velut Ministrum Ecclesiae instituat. Inquit Gratianus: *Habet Patronus jus providendi, consulendi, et Sacerdotes inveniendi, utpote ad praesentationis effectum.* *Grat. ad c. 30. XVI. q. 7.*

46. Officium Episcopi est, oblatum, praesentatumque a Patrono Clericum, si idoneus appareat, admittere. Inquit Concilium Toletanum IX.: *Quod si pre-*

*tis ejusdem (Ecclesiae) fundatoribus, Rectores ibidem praesumpserit Episcopus ordinare, et Ordinationem suam irritam esse noverit, et ad verecundiam suam alios in eorum loco (quos iidem ipsi Fundatores condignos elegerint) ordinari.* Refert. c. 32. XVI.

q. 7.

47. Novo jure inde haec institutio necessaria dicitur, quia ei, quem Patronus nominavit, necessario beneficium conferri debet, nisi praesentatus absolute inidoneus appareat. Arg. c. 1. de Praeb. in 6. et alibi.

48. Synodus Romana tum sub Eugenio II., tum sub Leone IV. statuit: *Si saecularium hominum sub jure (utpote Patronorum laicorum) sint constituta (Ecclesiae) ab Episcopo illius diaconis admonentur. Et si admoniti (illi Patroni) Presbyteros intra trium mensum spatium ibidem neglexerint constituere, curam exinde habens Episcopus, absque neglectu, id est mora, Principi suggerat, quatenus ejus emendetur sententia.*

Synod.  
Rom. sub  
Eug. c. 24.  
sub Leon.  
c. 24.

49. Alexander III. in Concilio Lateranensi III. decernit, *ut ordinet Antistes, utpote Episcopus, Ecclesiam, sicut viderit melius secundum Deum ordinandam — si de Jure Patronatus quaestio emerserit inter aliquos, et cui*

Conc. La-  
ter. c. 27.

*competat, intra TRES MENSES non fuerit definitum.*

50. Qum nonnulli Codices tribus illis mensibus quatuor substituissent, interpretatione recepimus, Patrono laico quatuor Menses ad praesentationem esse relictos. Nam et in Decretalibus Gregorii IX. lectio quatuor mensium substituta apparet. c. 3. *de Fur. Patr.*

51. Hac interpretatione succrevit differentia inter Patronatum laicum, et ecclesiasticum, cui sex menses relinquere placuit, quia Patronatus ecclesiasticus jure cujusdam Collatoris censetur: atque inde de Patronatu ecclesiastico explicare libuit Decretum Alexandri III. c. 22. *ibi.*

52. Hanc differentiam alterutrius Patronatus posthac probavit Bonifac. VIII. eo Decreto, quo declaravit, quod semestre competit etiam Ecclesiae, vel Monasterio; veluti Patrono ecclesiastico, cui a laico Juris Patronatus cessata est. c. un. *de Fur. Patr. in 6.*

53. Succrevit et alia differentia. Consultus est Lucius III.: si Patronus Clericum idoneum Episcopo praesentaverit, et postmodum, priore non revocato, alium aequem idoneum postulaverit in eadem Ecclesia admitti; quis eorum alteri preferendus sit? Rescripsit Pontifex: *Judicio Episcopi credimus relinquendum, si laicus fuerit, cui jus*

*competit praesentandi. Verum si Col-*  
*legium, vel ecclesiastica Persona, jure*  
*Patronatus ecclesiastici, habeat praesen-*  
*tationem; qui prior est tempore, jure*  
*potior esse videtur. Refert. c. 24. de*  
*Jur. Patr.*

54. Haec Pontificis distinctio axioma  
peperit, Patrono laico variationem  
per accumulationem praesentationum  
esse datam, ut ex praesentatis habilio-  
rem eligat Episcopus; quippe praesen-  
tatio laici veluti supplicatio spectatur,  
quae nullum Jus Praesentato ex suo ge-  
nere tribuit. At vero praesentatio Pa-  
troni ecclesiastici instar collationis ae-  
stimatur, ut jure potior esse mereatur,  
qui prior est tempore.

55. Ex hac differentia nata est et alia,  
quod Patronus ecclesiasticus, si indignum  
praesentavit, ea vice jus praesentandi  
amittat; quod tamen Patronus laicus  
retinere dicitur, ut alium praesentare  
possit, quod probare contendunt per c.  
4. *de Jur. Patr.* Ast olim et laicus, si  
indignum praesentasset, ea vice jure praee-  
sentandi excidit Nov. 123. c. 18.

56. Si laicus infra quadrimestre, Ec-  
clesiasticus infra semestre ab habita no-  
titia vacationis neminem praesentave-  
rit; Episcopus illud beneficium jure Or-  
dinario, quia ea vice liberum appetet  
beneficium, confert. Sic censem, va-  
lidam esse, et praeterita praesentatione

Patroni, collationem Episcopi, si Patronus acquiescere velit, quia collatio proprio jure, non jure devoluto, Episcopi est.

57. Patronus praesentare dicitur, quando Clericum Episcopo, vel alteri collatori instituendum, vel ordinandum exhibit. Jure novo alicubi invaluit consuetudo, *quod ad Ecclesias, in quibus Collegia jus praesentationis habere noscuntur, eorum Abbates, aut per se aut per litteras personas idoneas Episcopo diaecephano pruesentent.* Ref. c. 6. de his, quae fiunt a Prael.

58. Haec consuetudo hodie fere generalis est, quod nulla praesentatio, nisi per litteras admittatur, debentque litterae praelationis in forma authentica, non secus ac litterae collationis expediri. In Gallia Regio Edicto caustum est, ut litterae praesentationis expediatur a Notario Regio Apostolico.

58. Praesentatio, uteunque expedita, non censetur perfecta, nisi realiter exhibita fuerit Ordinario. Praesentationis enim nomen refertur ad alium. Hinc, quamdiu praesentationis litterae non fuerint exhibitae Collatori, praesentatio informis adhuc est, ut possit non tantum Patronus laicus, sed et ecclesiasticus tum per accumulationem, tum per revocationem prioris praesentationis

variare. Arg. 25. de *Jur. Patr.* et ibi.  
*Interp.*

60. Si plures sint Patroni, qui instar corporis habentur, praesentatio collegialiter, exemplo electionis, fieri debet. Si vero Jus Patronatus pluribus divisim sive ut singulis competit, tunc et separatim, et diverso tempore, et per diversa instrumenta praesentare possunt, ut praferatur is, qui majoribus suffragiis juvatur. c. 3. de *Jur. Patr.*

61. Si singuli Patroni plures praesentent, aut a pluribus praesentatus sine scandalo admitti non possit; Episcopo ea vice jus est, Ecclesiam, sicut melius secundum Deum viderit, ordinandi. Consuluit Clemens V., ut ad evitanda incommoda Patroni plures eo modo praesentent, quod unus ex iis per Episcopum eligatur. Clem. 2 d. t.

62. Si controversia de ipso jure Patronatus haereat, quae infra quadrimestre definire non potuit, ex tunc Collator non differat, Ecclesiae de persona idonea providere, quia propter laicorum lites non debet Ecclesiis praejudicium generari. c. 27. de *Jur. Patr.*

63. Huic decisioni locus est, si neuter litigantium sit in possessione juris Patronatus. Quippe si alteruter sit in possessione, hic indubie ad praesentandum admittendus est, quia pendente

lite nemo spoliatur jure. c. 3. *de caus.*  
*Possess. et Propr.*

64. Et vero si constet, Ecclesiam esse patronatam; quaestio tamen sit, utri e duobus jus praesentandi competit; si uterque salvo suo jure in eandem personam consentiat, institutio neganda non erit. Synodus Oxoniensis Anno 1222. inde statuit: *Si ob pendentem litem post quatuor menses nullus fuerit praesentatus, Episcopus nulli Ecclesiam illam conferat pro hac vice, nisi de utriusque Patroni consensu, ne saltем aliquod praejudicium alteri Patronorum videatur generari, si postmodum evicerit Jus Patronatus.*

65. In Gallia et alibi usus viget, quod, Patronis dissentientibus, si a singulis diversi praesententur, omnibus institutio detur sine alterutrius praejudicio; quia, habita institutione, solent sibi in possessorio apud Judices Regios providere.

66. Hinc plures praesentati apud Judices Regios agunt invicem vel interdicto, uti possidetis, vel unde vi, et celeriter, aut alteri ex iis adjudicatur *Recredentia*, ut vocant, possessorium momentaneum: vel Judices illi eum in pleno possessorio tuentur, vel sequentur controversiam Ecclesiam, vel ejus curam alteri extraneo Clerico committunt. c. 15. *de Jud.*

Synod.  
Oxon.  
c. 3.

67. Quantum ad alimentationem Patroni statuit Concilium Toletanum IV. Cap. 6.  
De Jur.  
alim. et  
Inspect.  
*Praebendum est a Sacerdotibus vitae solatium indigentibus; et maxime his, quibus restituenda vicissitudo est gratitudinis — si enim Clericis, vel Monachis, seu peregrinis, aut quamlibet necessitatem sustinentibus, pro solo religionis intuitu, in usum res ecclesiasticae largiuntur, quanto magis his in egestate consulendum est, quibus retributione justa pro fundatione debetur.* Supereft fragmentum c. 30. XVI.

q. 7

68. Hoc exemplo et novo jure praecepit Pontifex: *Pro fundatione quoque Ecclesiae honor processionis fundatori servatur; et si ad inopiam vergat, ab Ecclesia illi modeste (utpote secundum facultates Ecclesiae, et qualitatem personae, amplitudinemque beneficii) succurritur; sicut in sacris Canonibus est institutum.* Refert. c. 25. de Jur. Patr.

69. Exinde patet, fundatori, dotatorique Patrono deberi ipso jure, utpote titulo gratitudinis, justam alimentationem, independenter ab ulla reservacione facta in fundatione. Interim liberum est fundatori vel sibi, vel successoribus, et haeredibus, atque etiam et tertio pensionem, vel censum, vel jus quoddam aliud; v. g. fructus vacantis Eccle-

siae, in fundatione reservare, si modo auctoritate Episcopi probetur. c. 16. de Cens.

70. Interest ergo Patroni, tum integritati bonorum oblatorum, tum observantiae aliarum legum fundationis invigilare. Juxta Decretum Concilii Toletani IV. Constitutum est a praesenti Concilio, Episcopos Diaeceses suas ita regere, ut nihil ex earum jure praesumant auferre — quod si amplius quippiam ab eis praesumptum extiterit, per Concilium restauretur, appellatibus, aut ipsis Conditoribus (utpote Patronis) aut certe propinquis eorum, si jam illi a saeculo discesserint. Refert. c. 60. XVI. q. 1.

71. Ex sententia Concilii Toletani IX.: Filiis, vel nepotibus, honestioribus que propinquis ejus, qui construxit, vel ditavit Ecclesiam, licitum sit, hanc bonae intentionis habere solertia, ut, si Sacerdotem, vel ministrum aliquid ex collatis rebus praeviderint defraudare, aut commonitionis honestae conventione compescant, vel Episcopo, vel Judici corrigenda denuntient. Quod si talia Episcopus agere tentet, Metropolitano ejus, haec insinuare procurent. Si autem Metropolitanus talia gerat, Regiis auribus intimare non differant. c. 31. XVI. q. 7.

72. In reliquis et Patronorum, haeredumque potestas restringenda fuerat, ut sibi nihil indebitum arrogarent. Ait Concilium Toletanum IV.: *Noverint Conditores Basilarum, in rebus, quas eidem Ecclesiae conferunt, nullam se potestatem proprii arbitrii habere; sed juxta Canonum instituta, sicut Ecclesiam, ita et dotem ejus ad ordinationem Episcopi pertinere.* Refert. c. 6.

X. q. I.

73. His argumentis statuit Concilium Tridentinum: *Patroni vero in iis, quae Sacramentorum administrationem spectant, nullatenus se prae sumant, propria auctoritate ingerere?* Neque visitationi ornatorem Ecclesiae, aut bonorum stabilium, seu fabricarum proventibus, veluti judices se immisceant; nisi quatenus eis ex institutione, aut fundatione competit.

74. Supersunt Patronis, qui tales sunt ex fundatione, dotationeque, diversa alia jura, quae honorifica dicuntur: inter haec vulgariter recensentur honor processionis, thuris, precum, Sedis, aquae benedictae, et sepulturae. Quippe hi honores fundatori debentur ipsis, et si presentationi renuntiaverit.

75. Meminit Gelasius I. processionis eo moderamine, quod, dedicatione noviter constructae, et dotatae Ecclesiae peracta, Fundator in ea Basilica ad Mif-

Trid. sess.  
24. c. 3.

Cap. 7.  
De Jur.  
honorif.  
Patr.

farum solemnia procedere possit; sicut fidelibus omnibus conceditur aditus ad Ecclesias publicas ab Episcopo dedicatas.  
c. 26. et 27. XVI. q. 7.

76. Jure novo honor processionis dupli modo Patrono exhibetur; utpote quod ei processionaliter, si ad Ecclesiam venerit, a Clero occurrentum sit, si Patronus talis, et tantus v. g. Princeps sit; atque, quod ei honoratior locus in solemnni, et publica processione cedatur. c. 25. de *Jur. Patr.* et ibi *Interp.*

77. Honor thuris, sive suffitus constitut in speciali, ac honorifica incensatione, quae in signum eminentiae, aut benevolentiae cuiquam exhibetur. Jam pridem Episcopos, et Sacerdotes singillatim, ac separatim a reliquo Clero, et populo suffitum accepisse, sat indicat vetus Ordo Romanus. Jure novo meminit Honorius III., Monasterium S. Georgii Patriarchae Gradenfi honorem incensi exhibuisse. c. 8. de *Caus. Possess. et Propr.*

78. Aspersio aquae benedictae, quod ante alios, et separatim veluti ad notam reverentiae, Patrono impendatur, inter praerogativas recensetur. Vetant tamen recentiores Constitutiones cuiquam vel sacerdotum, vel laicorum aspergillum porrigi, excepto solo Episcopo.

79. Honor precum in speciali recitatione, et commendatione nominum inter preces consistit. Inquit Synodus Emeritensis: *Salubri deliberatione censemus, et pro singulis quibusque Ecclesiis, in quibus Presbyter jussus fuerit per sui Episcopi ordinationem praeesse, pro singulis diebus dominicis sacrificium Deo procuret offerre, et eorum nomina, a quibus eas Ecclesias constat esse constructas, vel qui aliquid his SS. Ecclesiis videntur, aut visi sunt contulisse, si viventes in corpore sunt, ante altare recitentur tempore Missae. Quodsi ab hac decesserint luce, nomina eorum cum fidelibus defunctis residentur in suo ordine.*

Synod.  
Emerit.  
c. 19.

80. Honor sedis refertur ad praerogativam honoratioris loci. Censetur enim in Ecclesia honoratior sedes, quae altari, et sacrario, choroque Cleri propinquior est. Synodus Wigorniensis Anno 1240. vetat, *ne luici stent in cancellis, dum celebrantur divina, salva tamen reverentia Patronorum.*

Synod.  
Wigorn.  
c. 3.

81. Honor et sepulturae spectat locum honorabiliorem inhumationis in Ecclesia, isque judicatur honorabilior, qui Sacrario est propinquior. Unde sepulturam habere in choro maxime honorificum reputatur, quod nunc specialiter Patronis annuitur.

82. Haec honorifica jura ipso jure Patronorum sunt, tum laicorum, tum ecclesiasticorum, qui tales sunt ex fundatione, vel dotatione. Rescripsit Alexander III, *quod, si nova Ecclesia ex proventibus veteris Ecclesiae construatur, et dotetur, provideri debeat, ut competens in ea honor pro facultate loci Ecclesiae Matrici servetur.* c. *de Eccl. Ædif.*

83. Nec tantum Patrono, sed et successoribus, haeredibusque praerogativa tribuitur. Et quousque in vivis supereft, et Liberi, et uxor distinguuntur. Sic iudicatum fuit, in publica processione Patroni Liberos, si masculi sint, immedia te sequi Patrem; uxorem quoque et filias praerogativa loci laetari, ita tam en, ut in publico congressu ipsae in ordine mulierum primas teneant.

84. Si quaestiones incident super his juribus honorificis, deferuntur terminandae ad Judices Regios, non secus ac ipsae controversiae super jure Patronatus laico, cuius quidem plerumque accessiones sunt; praesertim quia similes causae super possessione, aut quasi possessione institui solent. Constat autem in Gallia, Possessorium etiam in causis ecclesiasticis agitari coram Judicibus Regiis.

85. Absit vero, ut haec jura honorifica Ecclesiae Patronis anfam superbien-

di relinquant. Inquit S. Augustinus: *Magnum est de honoribus, et laudibus hominum non laetari, sed et omnem pompam inanem praecidere, et si quid inde necessarium retinetur, id totum ad utilitatem, salutemque conferre.*

\* 86. Meminerint inde Sacerdotes, et Parochi, ut, dum Patronis exhibit jura honorifica, rationabile sit obsequium, alienum a turpi quaestu, a sordida adulazione, a sequiore Personarum acceptione, aliove vitio, quia templum est domus Orationis, in qua nullus locus est ambitioni, vanae gloriae, negotiationi, aut aliis quibusvis saecularibus contentionebus, et aemulationibus.

\* 87. Quid hac, vel alia occasione salubrius, quam justa discretione sacerdotalis fortitudinis regulas Ecclesiae tueri? Ait S. Cyprianus: *Non idcirco relinquenda est nobis ecclesiastica disciplina, aut sacerdotalis solvenda censura, quoniam convitiis investamur, aut terroribus quatimur — Sacerdos Dei Evangelium tenens, et Christi, Ecclesiaeque praecepta custodiens occidi potest, nec potest vinci.* Juxta S. Ambrosium: *Nihil etiam in Sacerdote tam periculosum apud Deum, tam turpe apud homines, quam, quod pro libertate, et integritate disciplinae sentiat, non libere denuntiare.* Refert Theodoretus: *Cum divus Ambrosius, multa*

S. Cypr.  
L. I. ep. 3.  
ad Cor-  
nel.

S. Ambr.  
ep. 42.  
ad Theodo-

Theodor.  
lib. 4.  
c. 6. Edit.  
Vales.

*cum libertate Imperatorum alloquens,  
nonnulla reprehendisset, quae a Magi-  
stratibus haud recte facta, utpote ad-  
versus disciplinam, esse videbantur. Re-  
spondit Imperator: hanc tuam liberta-  
tem jam pridem cognitam habebam: sed  
licet eam probe nossem, non solum non  
contradixi immo assensum praebui Or-  
dinationi tuae. Proinde delictis anima-  
rum nostrarum medicinam adhibe,  
quemadmodum divina lex praecipit.*  
*Ex sententia S. Augustini: Qui pascit o-  
ves Christi, illius amor in tantum de-  
bet spiritualem crescere ardorem, ut  
vincat etiam mortis, vel alterius peri-  
culi naturalem timorem.*

S. Aug.  
Tract.  
123. in  
Joann.

---

## S E C T I O II.

### C A P V T VIII.

*D e Regalia.*

1. Innocentius XI. Ann. 1682. graviter  
succensebat Clero Gallico, quod justae  
defensioni libertatis ecclesiasticae adver-  
sus recentiorem praetensionem, et ex-  
tensionem Regaliae, praeterita discretio-  
ne Pastoralis fortitudinis, defuisset. *Quis,*  
*inquit, ausus est, invidiae se offerre?*  
*Quis vel vocem unam emisit memorem*  
*pristinae libertatis?*

2. Hodie Regalia jus Regium dicitur  
fruendi omnibus Episcopatum vacanti-

um proventibus, quo usque novus Episcopus praestiterit juramentum fidelitatis, et acceperit possessionem, aliaque abfolverit, quae ad clausuram Regaliae requiruntur.

3. Inde duplicem Regiam distingue-re licet: unam temporalem, quae complectitur proventus temporales vacantis Episcopatus; et alteram spiritualem, quae continet collationem beneficiorum non curatorum.

4. Fuit vetus haec conditio feudorum, ut non nisi ad vitam, et jure usufructua-  
rio a Domino tenenda concederentur, De Marc.  
mortuo Vasallo ad Dominum directum  
pleno jure reversura. Quum sensim taci-  
to usu invalueret, ut illa ad haeredes  
transirent, reliquum fuit dominis, ut pre-  
tium certum exigerent, quo mediante  
haeredes feudum a Domino relevare di-  
cebantur. Quippe quamdiu feudum a no-  
vo haerede non erat relevatum, mane-  
bat apud Dominum directum, ut interim  
vacantis feudi fructus percipere posset.

de Conc.  
lib. 8.  
c. 22.

5. Hoc exemplo recentioribus saecu-  
lis caeperant Principes feudorum ad Ec-  
clesias ex liberalitate Majorum suorum  
devolutorum usumfructum Sede vacante  
ad se recipere, donec novus Episcopus  
juramentum fidelitatis praestitisset, eo-  
rundemque investituram a Rege accepis-  
set; quasi Episcopo mortuo ipsum feudum  
caducum evasisset, ut juxta leges feudo-

rum ad dominum directum rediisse vide-  
retur, donec a novo Vasallo relevaretur.

Calixt. II. 6. Calixtus II. Ann. 1122. in pactis  
cum Imperatore Henrico V. quibus abu-  
sus investiturae Regiae abolentur, con-  
venit, ut Neo-electus Episcopus praesta-  
ret, quae ratione feudorum deberentur.  
*Quae ex regalibus debet faciat.*

7. Tunc ergo Regalia, quatenus jus  
Regium percipiendi Sede vacante fructus  
temporales spectabat, ad feuda restringe-  
batur. Philippus Pulcher in instructione,  
quam Archiepiscopo Senonensi, et Epi-  
scopo Antissiodorensi ad Pontificem de-  
dit, haec verba facit: *Sicut feudum,*  
*Vasallo vacans, interim cum suis redi-  
tibus a Dño. licite occupatur, et propter  
defectum hominis, ut vulgari patria-  
nostrae verbo utamur, de jure, et gene-  
rali consuetudine Regni nostri per do-  
minum, quosque superveniat perso-  
na, quae illa serviat, licite detinetur:*  
*sic nos, et nostri Antecessores, vacante  
Ecclesia — et temporalem jurisdictionem,*  
*et bona temporalia accipimus, et*  
*nostros facimus omnes fructus, qui*  
*proveniunt ex eisdem.*

8. Hoc occasione, cum feudis fre-  
quenter jus præsentationis, aut collati-  
onis cohaereret, consequens visum fuit,  
ut, revertente feudo ad dominum, et  
iam jus præsentationis, collationisve,  
quod annexum erat, deberet ad dominum

recidere : atque hac ratione verisimile est, collationem praebendarum ad Regem jure Regaliae primitus pervenisse.

9. Successu temporis Regalia ad omnes fructus Ecclesiae vacantis protensa fuit. Quum tunc, praeeunte Glossographo, et ab Interpretibus Juris axiomā receptum fuisset, collationem beneficiorum esse in fructu, sensim invaluit, quod, ubi Rex jure Regaliae reciperet indistincte omnes fructus Episcopatus vacantis, etiam ipsam praebendarum collationem, veluti partem fructuum consequeretur.

10. Praevalentibus per titulum spolii corruptelis Concilium Lugdunense II. Regaliam ad illas Ecclesias restrinxit, in quibus ab ipsa fundatione, vel ex antiqua consuetudine supereret. Qui autem, inquit, ab ipsarum Ecclesiarum, caeterorumque locorum fundatione, vel ex antiqua consuetudine jura sibi hujusmodi vindicant, ab illorum usu sic prudenter abstineant, et suos ministros in eis sollicite faciant abstinere, quod ea, quae non pertinent ad fructus, sive redditus provenientes vacationis tempore, non usurpent; nec bona caetera, quorum se afferunt, habere custodiam, dilabi permittant, sed in bono statu conservent. Refert. c. 13. de Elect. in 6.

11. Quis dubitet, hoc Canone de jure Regaliae agi? Durandus Mimatensis, qui et ipsi Concilio adfuit, ita explicat: Re-

*galia hic vocantur jura Regi in quibusdam Ecclesiis, et Monasteriis competentia: quia videlicet illis vacantibus Rex sub praetexta custodiae facit fructus suos, et etiam in quibusdam Praebendas confert.*

Goldast.  
Const.  
Imp.  
Tom I.  
p. 289.

12. Refert Goldastus veterum Imperatorum diplomata, quibus Otto IV. Fredericus II. et Rudolphus I. usum Regaliae cui plerumque plures abusus cohaerabant, abdicarunt. *Dimitimus, et refutamus abusum, quem in occupandis bonis decedentium Praelatorum, aut etiam vacantium Ecclesiarum nostri consueverunt Antecessores committere, pro motu propriae voluntatis. Omnia spirituulia vobis, et aliarum Ecclesiarum Praelatis libere disponenda relinquimus, ut, quae sunt Caesaris, Cae-sari, et quae sunt Dei, Deo recta attributione reddantur.*

13. In Gallia, dimisis reliquis fructibus temporalibus, quos Rex plerumque novis Episcopis restituit, extensior usus Regaliae in collatione beneficiorum, quae cura animarum destituuntur, elucet. Juxta Pragmaticos enim omnia sunt extraordinaria in Regalia. Quippe Rex Jure Regaliae dicitur succedere in jus primitivum Episcoporum, ut pleno jure conferat beneficia Juris Patronatus ecclesiastici; Papae nullas partes relinquat circa beneficia vacantia in Regalia; beneficium

semper revertatur ad Regem, quamdiu collatio Regia non habuerit plenum, et integrum effectum: Rex a Papa nec prae-veniri possit nec tempore a Canonibus de-finito arctetur; nec regulis Cancellariae ligetur: admittat etiam permutationes, et resignationes in favorem.

14. Placuit tamen in nonnullis modi-ficatio. Prima spectat beneficia, tempore aperturae Regaliae, litigiosa. Contigit non raro, quod imminente morte Episcopi, possessoribus beneficiorum move-rentur lites, ut eventu mortis beneficia ipsorum jure Regaliae impetrari possent. Hinc. Ann. 1673. declaravit Rex, litigi-um non facere locum Regaliae, nisi lis inter sex menses ante obitum Episcopi contestata fuerit. Supereft interim hoc privilegium Regaliae, ut, si beneficia li-tigiosa, modo lis sex mensibus ante obi-tum Episcopi instituta, et formata fuerit, cadant sub Regalia, ipse Rex ea, tanquam vere vacantia, jure Regaliae conferat; creditur enim, Regaliam habere locum, dum non constat, Ordinarium revera, et rite contulisse, ut ideo jure, et facto vacans, beneficium videatur. Dicitur jure vacans, si verus titulus collationis non probetur; titulus enim coloratus non admittitur. Dicitur de facto vacans, si pos-sessio corporalis a proviso capta per se ipsum non fuerit; quippe Procurator non

suffragatur, quia Regalia fictionem respuit.

15. Altera modificatio spectat beneficia majora. Hinc Ann. 1682. Rex dixit, quod nulli imposterum conferri possit in ulla Ecclesia Cathedrali, vel Collegiata, per ipsum, aut successores suos Decanatus, Archidiaconatus, Praebenda theologalis, Poenitentiariatus, aut aliud beneficium vacans in Regalia, cuius Titulares speciale jus habent nomine proprio exercendi aliquam jurisdictionem, aut functionem ecclesiasticam, nisi habeant aetatem, gradum, aliasque conditiones per sacros Canones, et Ordinationes Regias requisitas. Si ergo cuiquam de similibus beneficiis jure Regaliae provisum fuerit, oportet, ut is se sistat Vicariis Capitulorum, si Sedes vacat, aut Praelatis, si novi successerint, ad obtainendam approbationem, et missione canonicam, antequam illam functionem exercet.

16. Tertia modificatio spectat collationem beneficiorum, quae Capitulo cum Episcopo communia quodam modo sunt. Eadem enim declaratione Rex expressit, quod Regalia jus Capituli prætereat, nisi quatenus ad partes Episcopi recidat. Sic, si Episcopus, et Capitulum conferrant per turnum, aut per vires; aut Praebendas diviserint: ut collatio unius lateris spectet ad Episcopum, alterius

alterius vero ad Capitulum. Rex jure Regaliae non succedit, nisi in locum Episcopi, illaeſo jure Capituli. Si collatio ſpectet coniunctim ad Episcopum, et Capitulum. Rex aperta Regalia mittit Commissarium, qui, loco Episcopi, una cum Canonicis eligat. Si Episcopus intret in Capitulum, ut, qua Canonicus, cum aliis Canonicis aliquem praefentet, quem poſthac qua Episcopus ad praefationem Capituli instituat, habet eo caſu Commissarius suffragium Episcopi, ipſaque praefentatio exhibenda eſt Regi, ut proviſio ejus nomine fiat, expediaturque; quemadmodum exhiberi debuifet in vivis Epilco, ut ejus nomine collatio, et institutio fieret: ita, ut Rex jure Regaliae in totum jus ſucce dat Episcopi.

17. Quum autem Jus Regaliae, et quaeftiones ejus occaſione incidentes, coram foliis judicibus Regiis, immo fo lo Parlamento Parisiensi agitantur, et decitantur, mirum, quantum jus illud Regaliae extenſum, quoque privilegiis tandem cumulatum ſit. Dicitur Jus Coronae, inalienabile, impraefcriptibile etc.

18. Habet et Rex Galliae alias no minationes per Indulta Papalia. Indul tum tenore Bullae nihil aliud eſt, quam jus Regi a Pontifice datum, quo euili-

Cap. 9.  
De Relig.  
Nominac.  
Reg.

bet Collatori Consiliarium, vel alium  
Ministrum Senatus Parisiensis nominat,  
ut ei beneficium necessario conferat.  
Ministro illi semel tantum providetur,  
et Collator semel tantum oneratur, vel  
si non moritur, ut, sunt Universitates,  
semel quoad Rex vivit. Si Minister est  
Clericus, quod tempore concessi indul-  
ti solempne fuit, ipse nominari potest;  
si laicus, aliam personam habilem lau-  
dat, a Rege nominandam. Cumque be-  
neficia alia sint Regularia, alia saecu-  
laria: ad illa quidem Religiosi nomi-  
nandi fuere; quod nonnunquam collu-  
sionibus ansam dedit. Hinc Clemens IX.  
Ann. 1668. permisit, ut saeculares be-  
neficia Regularia, ceu Commendas possi-  
derent, eosque deum repletos esse  
censuit, si qui quot annis D. C. libras  
meterent, cum antea CC. contenti es-  
sent. Simul, atque litterae, indulti in-  
dices, Collatori traditae sunt, Collator  
vincitus est, et Indultarius infra sex men-  
ses beneficium petere potest: nec, ex  
quo tempore petiit, a Papa praeveniri  
potest. Praefertur etiam Graduatis, cum  
indultum ad ejusdem generis beneficia  
extendatur. Si Collator tergiversatur,  
adeundi sunt executores mandati Apo-  
stolici; videlicet Abbas S. Magalorii h. e.  
Parisiensis Archiepiscopus, et Abbas S.  
Victoris, seu Cancellarius Universita-  
tis.

Fleur.

Inst. p. 2.  
c. 18.

19. Supersunt Regi etiam alia jura  
nominandi ad beneficia per rectam viam,  
scilicet Jus auspicati ingressus, quo ad  
regni gubernacula admotus, primam,  
quae in singulis Cathedralibus vacat,  
Praebendam libere conferre potest. Sunt,  
qui dicunt, quod ambitio, et adulatio  
Aulicorum jus istud introduxit, cui  
*novae introductioni* (ait Cabassutius) Cabassut.  
*Senatus Parisiensis plerumque fortiter* in Theor.  
*intercessit, existimans, satis detracatum* et Prax.  
*Ecclesiae fuisse per Regalium, et in-*  
*dulta in favorem suorum Officialium*  
*constituta, nec patiens alios concur-*  
*rentes, et rivales, per quos beneficia,*  
*ad quae aspirant, sibi detrahi possint,*  
*ideoque novum istud Indultariorum*  
*genus frequentibus Senatus Consultis*  
*submovit, ac repulit, ut testatur Brou-*  
*daeus ad Lovetium lit. P. tit. Praeben-*  
*da felicis ad Coronam adventus. Et ita*  
*non semel judicatum fuisse refertur.*  
Huic fere simile est et jus praefiti ju-  
ramenti fidelitatis, quo praebendam pri-  
mam vacantem, quam novus Episcopus  
conferre posset, confert.

20. In Germania Imperator jus pri-  
marum precum inde a Rudolphi I. tem-  
poribus sibi vindicat, quarum vigore  
neocoronatus Imperator nominat per-  
sonas idoneas ad beneficium vacaturum,  
quod ipse nominatus infra mensem a die

notae vacationis duxerit acceptandum,  
facitque nominatum per Executores in  
litteris nominationis designatos recipi.  
Formula primarum precum fere haec est.  
*Cum ex antiqua, et approbata, ac a  
divis Imperatoribus, et Regibus in-  
clytae recordationis nostris Antecesso-  
ribus, usque ad nos producta con-  
suetudine, quaelibet Ecclesia, in no-  
stro Romanorum imperio constituta,  
ad quam beneficiorum ecclesiasticorum  
pertinet collatio, super unius colla-  
tione beneficii precum nostrarum pri-  
marias admittere teneatur, devotio-  
nem tuam rogamus; quatenus huic  
Clerico de ecclesiastico beneficio, quod  
ad tuam collationem spectat, ob re-  
verentiam sacri imperii, et nostram,  
si quod vacat ad praesens, vel quam-  
primum vacaverit, studeas liberaliter  
provideee, taliter id faciens, quod  
devotionem tuam nostra Serenitas me-  
rito debeat commendare, et ad tua ju-  
sta desideria facilis inveniri. Aliquam-  
diu placuit et hoc Jus Regium indultis  
Papalibus stipare. Exortis inde inter Cle-  
mentem XI. et Josephum I. dissidiis, pla-  
cuit Carolo VI. indultum generatim po-  
stulare, ut promptior executionis locus  
esset.*

21. In Gallia Bonifacius VIII. aegrius  
tulit, quod Reges non tantum praesen-  
tationes, sed et ipsas collationes Regiae

auctoritati arrogassent, praeterito consensu tacito, vel expresso S. Sedis. Declaravit Rex, quod collatione beneficiorum usus est, utiturque, sicut ad eum pertinet de jure, et bona consuetudine: sicut S. Ludovicus; et alii Praedecessores ejus usi sunt a tempore, cuius memoria non existit, nec circa hoc fecit, nec intendit facere aliquam novitatem; nec credit, quod Papa sibi facere velit, qui longum usum suum, et Praedecessorum suorum in collatione novit plenissime ab experto.

22. In reliquis Regium jus collationis probant novi juris exempla. Quippe Honorius III. haud improbat, quod Comitissa Flandriae beneficia ecclesiastica, in quae Jus Patronatus obtinet, absolute conferret. c. fin. de Conc. Praeb. et ibi Interpr.

23. Meminit Innocentius III. consuetudinis Anglicanae, qua Rex Decanatum, et Praebendas ipsius Ecclesiae (S. Petri de Curia Cenomanensis) conferebat, diaecesano etiam Episcopo inconsulto. c. 6. de Consuet. in integr. lect. Anton. Augustin.

24. Tametsi quorundam beneficiorum collatio pleno jure ad Principem pertineat; si que tamen Sacramentorum administratio, aut cura animarum annexa sit, eam ab Episcopo obtinere oportet. Rescripsit Imperatori Gregorius IX.: E-

sto, quod aliqua beneficia vacantia conferas, ut curam tamen animarum annexam committere valeas, jus spirituale, quod non cadit in laicum, non permittit. Refert Odor. Raynald.

Odor.  
Raynald.  
ad Ann.  
1236.  
n. 21.

S. Au-  
gust.

S. Ambr.  
sp. 82.

S. Hier.  
in ep. ad  
Tit. c. I.

\* 25. Quid inde supereft, quam Patronos, et Collatores monere, ut meminerint regularum ecclesiasticarum, quod per praesentationes, et collationes oporteat digniores feligere? Juxta S. Augustinum: *Nec solum, quantum arbitror, leve putandum est esse peccatum, in personarum acceptione habere fidem Domini nostri Jesu Christi, si illam distantiam sedendi, et standi ad honores ecclesiasticos referamus. Quis enim ferat eligi divitem ad sedem honoris ecclesiastici, contempto paupere instructiore, atque sanctiore.* Ex sententia S. Ambrosii: *Cum in omni actu, tum maxime in petitione — abesse debeat malignitas, in quo vita formatur omnium, ut placido, et pacifico judicio praeferatur vir omnibus, qui eligatur, veluti reliquis dignior ex omnibus, et medeatur omnibus.* Inquit S. Hieronymus: *Audiant, qui habent constituendi Presbyteros per urbes singulas potestatem, sub quali lege ecclesiasticae constitutionis ordo teneatur.* — *Ex quo manifestum est, eos, qui Apostoli lege contempta ecclesiasticum gradum non merito voluerint ali-*

cui deferre, sed gratia, contra Christum facere. Tridentina S. Synodus Omnes vero, et singulos, qui ad promotionem praeficiendorum quocunque jus, quacunque ratione, a Sede Apostolica habent, aut alioquin operam suam praestant, nihil in iis pro praesenti temporum ratione innovando, hortatur, et monet, ut in primis meminerint, nihil se ad Dei gloriam, et populorum salutem utilius posse facere, quam si bonos Pastores, et Ecclesiae gubernandae idoneos promoveri studeant, eosque alienis peccatis communicare, nisi, quos digniores, et Ecclesiae magis utiles iphi judicaverint, non quidem precibus — sed eorum exigentibus meritis praeisci diligenter curaverint.

Trid. sess.  
24. c. I.

---

## TITVLVS. IX.

*De Institutione, et possessione Beneficiorum.*

### CAPVT I.

*De Institutione.*

i. Novo jure ad exemplum Feudi duplex institutio distinguitur. Una spectat legitimam immisionem in possessionem beneficij: altera conferre dicitur titu-

Ium beneficii; hinc et institutio auctorabilis dicitur. Quippe a recentioribus Interpretibus plerumque in beneficiis curatis commissio curae animarum peculiarius spectatur, ut ab institutione auctorabili, quatenus est tituli collativa, distinguitur.

2. Institutio, quatenus est tituli collativa, jure novo regulariter reservatur Episcopo, quia ea mediante Clericus Ecclesiae ministerio, tanquam ordinarius Sacrorum Minister adscribitur.  
c. 4. de *Jur. Archid.*

3. Alibi tamen praefert Rubrica, quod institutiones, utpote auctorabiles, possint de jure speciali, nimirum vel titulo privilegii, vel praescriptionis, ad inferiores Collatores spectare. Sic rescripsit Innocentius III., Archidiacorum Richemundiae esse in jure institendi tuendum; eoquod probasset, se, et praedecessores suos in continua possessione fuisse. Admodum verisimile est, quod Episcopi soliti fuerint, institutiones Praesentatorum a Patronis committere Archidiaconis, donec sensim tam frequens delatio in jus ordinarium Archidiaconorum transiisset. c. 6. de *Institut.*

Trid. sess.  
14. c. 12.

4. His exemplis et Concilium Tridentinum institutionem Episcopo reservat. Si ex causa fundationis, inquit, aut dotationis Jus Patronatus impetre-

*tur, aut obtineatur, institutio Episcopo, et non alteri inferiori reservetur.* Et infra: *Non liceat praeterea Patrono, cuiusvis privilegii praetextu, aliquem ad beneficia sui Juris Patronatus, nisi Episcopo loci ordinario, ad quem proviso, sive institutio ipsius beneficii, cessante privilegio, jure pertineret, quoquomodo praesentare.*

6. 13.

5. Absit tamen, quod his Decretis jus inferiorum Collatorum expunctum censeas. Inquit Concilium: *Quod si ad inferiores institutio pertineat, ab Episcopo tamen juxta alias statuta ab hac Synodo examinentur.*

Trid. sess.  
25. c. 9.

6. Et supra: *Cum vero institutio ab alio, quam Episcopo erit facienda — si Ius Patronatus Ecclesiae Parochialis laicorum fuerit, debeat, qui a Patrono praesentatus erit, ab iisdem deputatis, ut supra, examinari.*

sess. 24.  
c. 18.

7. Enimvero praevalente inferiorum Collatorum jure non raro eveniebat, quod passim in beneficia tum simplicia, tum curata, Clerici quique sine omni delectu, praeterito quovis examine, aut scitu Episcoporum ad presentationem Patronorum quamvis laicorum admitterentur. Inde S. Synodus statuit, *ut praesentati, seu electi, vel nomi- nati — ad quaevis ecclesiastica beneficia non instituantur, nec confirmen- tur, neque admittantur, etiam prae-*

Trid. sess.  
7. c. 13.

*textu cuiusvis privilegii, seu consuetudinis, etiam ab immemorabili tempore praescriptae, nisi fuerint prius a locorum Ordinariis examinati, et idonei reperti. — Praesentatis tamen, electis, seu nominatis ab Universitatibus, seu Collegiis generalium studiorum exceptis.*

8. Nostris moribus id genus examinis, et approbationis Episcopalis ad beneficia curata, utpote pro obtainenda cura animarum, quae a collatione tituli distinguitur, restringere placuit; adeo tamen, ut et ab Universitatibus praesentati, si ad beneficia curata fuerint nominati, ad subeundum illud examen pro cura animarum teneantur.

9. Superest, ut, facta praesentatione, Collatores institutionem in longum tempus haud differant, aut aegre ferant, quod Praesentati ad Superiorum recurrent. Rescripsit Alexander III. Abbatii S. Remigii, et Archidiacono Remensi: *Quia indecens est, et penitus obvium rationi, quod praenominato Subdiacono (Praesentato per Abbatem S. Petri Catalaunensis) plebis cura, nisi pro rationabili, et manifesta causa, denegetur; Discretioni vestrae per Apostolica scripta praecipiendo mandamus, quantum infra 40 dies post harum susceptionem praedictum Episcopum Suessiensem monere, ac propensius indu-*

cere studeatis, ut praedictum Subdiaconum de praescripta Ecclesia investiat, et animarum sibi curam committat; aut, quare id facere non debeat, coram vobis rationabilem causam ostendat. Quod si monitis vestris obtemperare contempserit, vos, nostra freti auctoritate, saepe dictum Subdiacnum, omni dilutione, et appellatione cessante, de praedicta Ecclesia investitis etc.

10. Hoc exemplo praecepit Anno 1581. Synodus Rothomagensis, ut si Praesentato, et petenti collationem sibi dari de quocunque beneficio, renuerit Episcopus dare, is cogatur recursu ad Superiorum suscepto causas recusationis suae in scriptis exprimere; nec liceat Superiori collationem decernere, nisi prius discussis causis, et judicatis, propter quas Episcopus recusaverit collationem dare: si appareant causae insufficientes, tum demum Superior institutionem decernet, aut novum examen, si defectus scientiae praetenderetur, instituet.

Synod.  
Rothom.  
de Episc.  
offic.

11. Quum novo jure invaluisse, quod provisiones beneficiorum, utpote ab ordinationibus sejunctae, exemplo Feudi oporteret obtinere per institutionem auctorizabilem, veluti factam Feudi investituram, consequens fuit, quod et oporteret possessionem beneficii corpo-

Cap. 2.  
De Pos-  
sess.

ralem per realem institutionem , veluti in vestituram veram , et actualem mereri . Rescripsit Innocentius III , suo Episcopo inconsulto , in possessionem eorum Ecclesiarum eis , quibus vigore indulti Apostolici obtigit beneficium , non est licitum introire . Nimirum missio in possessionem sequela est collationis autorizabilis . c. 19. de Privil.

12. Postquam autem jure novo et aliis inferioribus Praelatis collationes veluti jure proprio obtigerunt ; contigit , quod et aliis missiones in possessionem titulo juris ordinarii relinquerentur . Jure novo officio Archidiaconi accensetur institutio corporalis , tam super beneficia , quam dignitates . c. 7. de Offic. Archid.

13. Collegia , et Capitula passim collegas in possessionem mittunt , ac titulum a Patronis forte datum , vice canonicae institutionis , admittunt , nisi sicubi forte in erectionibus Collegiorum Archidiaconi curarint sua jura institutionis praeservari . Hodie sat frequens est , quod Decani Collegiorum , dum in possessionem earum Ecclesiarum , seu beneficiorum Collegas inducunt protestentur , se id facere jure suo Archidiaconali .

14. Veteri jure Archidiaconali immunito : vel suppresso , plerumque immisso in possessionem beneficiorum ruralium demandari caepit Archipresbyteris , seu Decanis ruralibus per suum districtum .

15. Iuxta stylum hodiernum et sat vulgare est, quod in collationibus Episcoporum; aliorumque soleat mandari quibuslibet personis ac tabellionibus, vel Notariis, ut in possessionem provisum inducant. Scilicet Presbyter ponit in possessionem, et Notarius attestatur, cui inde ad minus duo testes debant adesse, ut una cum Notario legitimam captae possessionis fidem faciant. Si vero Notario committitur immissio in possessionem, oportet eum esse Notarium Ecclesiasticum. Formula immisionis fere haec esse solet: *Ego N. auctoritate R. R. D. Episcopi N. et in vim litterarum collationis ab eo factae, induco te in possessionem talis beneficii N., et universorum jurium, et pertinentium dicti beneficii.*

16. Placuit hanc immisionem stipare nonnullis externis symbolis, ut appareat, quod provisus possessionem acceperit. In beneficiis curatis solet possessio dari per ingressum Ecclesiae, per aspersionem aquae benedictae, per osculum majoris altaris: in beneficiis simplicibus per contactum Missalis, aut alterius libri Sacramentarii, aut Antiphonarii: in Canonis per introductionem in Sedem Capituli, et in Stallum Chori. Nonnunquam et traditioni brevis manus locus est; ut pote per tactum pessuli, vel ostii, aut et per conspectum turris, vel pinnaculi Ecclesiae.

17. Clericus autem, vel Notarius, cui immisso haec mandata est, censetur nudus minister, ut neutquam sibi cognitionem de justitia tituli, aut collationis arrogare possit, aut eo obtentu differre institutionem. Si tamen notoria apparent vitia, aut repugnant evidenter Statuta Ecclesiae, via supplicationis, et deprecationis oportet, suspenso negotio, monere Superiorem, aut summum tribunal interpellare, ut vocato illegitimo detentore, causa decidatur.

18. Possessio beneficii et per Procuratorem capi potest, si speciale mandatum habeat. Requiritur speciale mandatum, quia breviae solet praestari juramentum in animam constituentis. Statuunt Capitularia, ut, quando Presbyteri, aut Diaconi per Parochias constituuntur, professionem obedientiae Episcopo suo faciant. Haec professio obedientiae, et reverentiae in sacra Ordinatione a Presbyteris exigi solet.

19. Successit in beneficiorum ingressu exactio juramenti, quod Synodus Mechliniensis II. ea formula praescribit: *Ego juro, et promitto obedientiam, reverentiam et honorem S. S. Pontifici Romano, ac R. D. Episcopo N., eorundemque successoribus. Item juro, et promitto, Ecclesiae meae Parochiali de N. videliter deservire secundum oneris illi annexi exigentiam, et in eo personaliter.*

Capit. lib.  
7. c. 466.

Synod.  
Mechl.  
P. II.  
Tit. 17.

ter residere. *Bona Pastoratus, vel Ecclesiae meae non alienabo, et indebite alienata, quantum in me erit, fideliter recuperare studebo. etc.*

20. Praecipit Synodus Tridentina, ut Trid. fest. Provisi de Canonicatibus, et Dignitatibus in Ecclesiis Cathedralibus, non solum coram Episcopo, aut ejus Officiali, sed etiam in Capitulo orthodoxae fidei publicam professionem facere teneantur; alioquin praedicti omnes fructus non faciant suos: nec illis possessio suffragetur. 24. c. 12.

21. Nonnullibi receptus est et usus, quod Canonici Collegiatae Ecclesiae teneantur edere professionem fidei in Capitulo, antequam residentiam auspicentur. Hic tamen usus nniversalis haud est, quia sufficere creditur, quod eam professionem in susceptione Ordinis sacri, vel ademptione gradus Academici praestiterint.

22. In Capitulis tum Cathedralibus, tum Collegiatis vulgatus est, ut Canonici ante ingressum possessionis ad juramentum adigantur, quod Canonicum habeant ingressum, sintque statuta Capituli observaturi, bona quoque, ac jura, et privilegia pro viribus defensuri, et conservaturi, neque Secreta Capituli revealare velint. Querebatur Synodus Coloniensis saeculo XVI: *Fere, quotquot sunt Cathedrales, et Collegiatae Ecclesiæ suum habent volumen statutorum pe-*

Synod.  
Colcn.  
P. 3. c. 19.

culiarium etc. Et, quamvis pleraque inter haec iniqua reperias, adiunguntur tamen omnes, ut ad hujusmodi statutorum observationem, etiam penitus ignari, quid contineant illa, citra ullum delectum jurejurando se alligent: cum tamen juramentum nec debeat esse iniquitatis vinculum, nec ad ignorata extendi.

23. Quid consultius, quam, ut indiscretiora juramenta, quae tum in Collegiis, tum in Academiis, tum in judiciis passim sine ulla discussione, tanquam quaedam formulae exiguntur, et emituntur, abolerentur, aut minuerentur, salvis solis illis, quae publica necessitas, aut utilitas extorquet, ut in veritate, iudicio, et justitia juramenta praestari viderentur. Synodus Tridentina Episcopis reliquit, ut Constitutiones, et consuetudines Capitulorum justa discretione lustrent, rejectis illis, quae simoniacaे labis, aut sordidae avaritiae, alteriusque vitii suspectae apparent.

24. Jure Decretalium homagium, quod nonnulli Episcopi a Provisis titulo, et exemplo feudi ad ingressum beneficiorum exigeabant, suspectum declaratur, quia, dum homagium ex suo genere spectat exhibitionem servitorum temporarium, fidelitatemque in tuendis juribus, vitaque Domini directi defendenda conservandam, vitio vacare non videbatur,

quod

quod pro spiritualibus hujusmodi profesio exigeretur. c. 11. de Reg. Jur.

25. Reliquae Decretales ex vitio simoniae damnant passim et alias exactiones, quae juxta consuetudines feudorum exemplo, et titulo Relivii cujusdam ad possessionem, et installationem beneficiorum a Provisis exigi solebant. c. 9. et 36. de Simon.

26. Quum Concilium Tridentinum declarasset, quod illas exactiones, quae ibi in admissione ad possessionem beneficiorum pro propriis commodis exiguntur, detestaretur, Galli hoc Decretum utraque manu exceperunt, dicentes, iis verbis tolli solutionem annatarum. Et sane, ait *Historicus*, qui ea considerate examinat, alium iis sensum non temere appinget, utcunque eventus ostenderit, Romae caput illud longe aliter intellectum esse.

27. Jura feudorum disponunt, Vasalum per annum possidentem, sciente, et non contradicente domino, investitum praesumi debere, adeo, ut ex tali possessione, sine titulo etiam contra dominum se defendere. possit.

Cap. 3.  
De Annal. Possess.

28. Hoc igitur exemplo Eugenius IV. regulam de annali Possessore in beneficiis ecclesiasticis promulgavit, quae ita habet: Item S. S. D. N., ut improbi lites exquirerentium motus reprimantur, voluit, statuit, et ordinavit, quod, quicun-

Reg.  
Cancell.  
35.

que beneficium ecclesiasticum, tunc per annum immediate praecedentem pacifice possatum, et quod certo modo vacari praetenditur, deinceps impetraverita Sede Romana, vel Legato Papae; nomen, gradum, et nobilitatem Possessoris ejusdem, et quot annis ipse illud possederit, ac specificam, et determinatam, ex qua clare poterit constare, quod nullum ipsi possessori in dicto beneficio jus competit, causam hujusmodi impetrationis exprimere, et infra sex menses ipsum Possessorem ad judicium evocari facere, causamque ex tunc desuper infra annum usque ad sententiam definitivam inclusive prosequi debeat, et tenetur. Alioquin impetratio praedicta, et quaecunque inde sequuta nullius existant firmitatis, et idem impetrans dedamnis, et interesse praefatum Possessorem propterea contingentibus ei satisfacere, et, si possessorem ipsum injuste, frivole, et indebite molestare repertus extiterit, 50 Florenos auri persolvere Camerae Apostolicae sit adstrictus. Nec aliis, quam praemisse vacationis modus etiam per litteras; motu proprio, si neutri, aut subrogationis, aut alias sibi quoad hoc, ut beneficium hujusmodi ea vice consequi, aut obtainere valeat, quomodolibet suffragetur, il ludque nullatenus in antea litigiosum censeatur: quod etiam extendi voluit

*ad impetrantes beneficia ecclesiastica cu-  
jusque qualitatis per privutionem, et  
amotionem, vel alias propter commissos  
excessus, et crimina, vacantia, vel va-  
catura, et similiter ad impetrantes be-  
neficia vacantia per devolutionem.*

29. Suffragatur haec regula annalis posseffionis, utcunque sit titulo quocunque destituta, adversus Precistas Romanos. Oportet tamen, eam esse annalem, continuam, immediate tempore impetrationis praecedentem, et quoad titulum tum de jure, tum de facto in possefforio, petitorioque pacificam.

30. Haec regula non habet locum in provisionibus Ordinariorum quibus ex officio incumbit, intrusos, vel aliunde iusto titulo destitutos inquirere, ut libere vacantia beneficia, quamvis de jure tantum vacent, idoneis personis conferrant, licet Posseffor deturbari nequeat, nisi causa cognita. c. 28. *de Praeb in 6-*

31. Siquis in Romana Curia impetrare vult beneficium annalis pacifici possefforis, tanquam de jure vacans, debet juxta tenorem Regulae exprimere, nomen, gradum, et nobilitatem Possefforis. Verum hodie in quacunque impetratio-  
ne, sive per obitum, sive per resignatio-  
nem, sive certo modo, sive sint provisi-  
ones: *Perinde valere: si neutri, et simi-  
les, quoad expreſſionem gradus, nobi-  
litas, et temporis, quo posſedit is, eu-*

jus beneficium impetratur, primae parti regulae derogari solet.

32. Praecipit regula, ut impetrans infra sex menses Possessorem ad judicium evocari faciat, causamque ex tunc infra annum usque ad sententiam definitivam inclusive prosequi debeat, et teneatur. Alibi sufficit, intra annum possessorio agere. Quoad prosecutionem causae solent impetrantes aliquando a Papa prorationem exorare. Alibi nullus est usus hujus regulae, quatenus processum judiciale, ac futurae instantiae formam, multamque temerarii litigatoris definit.

33. Ait Regula: quod si non sint expressa exprimenda, *impetratio*, et *quacunque inde sequuta*, sint nullius roboris; nimirum ut annalis Possessor possit excludere impetrante in ob non expressionem requisitorum, non ratione *annalis Possessionis*, sed *subreptionis*. In reliquis regula nullo modo fovet Possessorem, quin servata forma per impetrantem a Papa, vel Legato deturbari possit.

34. Statuit Concilium Basileense: *Quicunque non violentus, sed habens coloratum titulum, pacifice, et sine lite Praelaturam, dignitatem, beneficium, vel officium triennio continuo, completo, proximo, haetenus possedit, vel in futurum possidebit, non possit postea in petitorio, vel possessorio a-*

Cap. 4.  
De Trien-  
ual. Pos-  
sess.  
Conc.  
Basil.  
de Pacif.  
Possess.

quoquam etiam ratione juris noviter  
impetrati molestari.

35. Regula Cancellariae, praeterita  
mentione Concilii Basileensis, Decre-  
tum ita explicat: Item statuit, et or-  
dinavit idem D. N. quod, si quis quae-  
cunque beneficia ecclesiastica, qualiacun-  
que sint, absque simoniaco ingressu ex  
quovis titulo, Apostolica, vel ordina-  
ria collatione, aut electione, et elec-  
tionis hujusmodi confirmatione, seu  
praesentatione, et institutione illorum,  
ad quos beneficiorum hujusmodi col-  
latio, proviso, electio, et praesenta-  
tio, seu quaevis alia dispositio perti-  
net, per triennium pacifice posse derit  
(dummodo in beneficiis hujusmodi, si  
dispositioni Apostolicae ex reservatione  
generali in corpore juris reservata fu-  
erint, se non intruserint) super benefi-  
ciis eisdem taliter possessis molestari  
nequeat; nec non impetrations quas-  
libet de beneficiis ipsis sic possessis fa-  
etas, irritas, et inanes censeri debe-  
re decrevit, antiquas lites super illis  
motas penitus extinquentendo.

36. Suffragatur tum Regula, tum De-  
cretum Possessori, qui per se ipsum tri-  
ennium continuum absque interruptione  
complevit. Nam tempus Antecessoris  
Successori haud prodest, quia in bene-  
ficiis ecclesiasticis, procul ab haeredita-

Reg. Can-  
cell. 36.

rio jure cujusque titulus, qui haberia  
Superiore debet, spectatur.

37. Oportet autem possessionem illam  
triennalem esse pacificam, utpote sine li-  
te, et controversia, sive in possessorio,  
sive in petitorio. Ait Concilium Basile-  
ense: *Lis autem hoc casu quoad fu-  
ras controversias intelligatur, si ad  
executionem citationis, jurisque sui  
in judicio exhibitionem, ac termino-  
rum omnium observationem processum  
fuerit.* Hinc tria requiruntur, ut bene-  
ficium hoc loco censeatur litigiosum;  
primo, quod emanaverit citatio execu-  
tata, et secundo titulus agentis fuerit in  
judicio competenti parti adversae exhi-  
bitus; denique tertio quod omnes dilata-  
tiones ordinariae juris, vel styli, quae  
dantur ad litem contestandam, sint ante  
triennium elapsae, vel per adversarium  
steterit, quo minus sint elapsae.

38. Sed quid? Siquis ante completum  
triennium litem caeperit contra unum,  
an post triennalem possessionem poterit  
molestatim Possessor et ab aliis? Negant  
Interpretes Galli, quia respectu aliorum  
pacificus Possessor appareat. Vetat enim  
Decretum Concilii, quemquam post  
triennium venire posse, nisi alliget im-  
pedimentum, et protestetur intra tri-  
ennium. Si autem possessio naturaliter  
interrupta fuerit, haec turbatio prodeesse  
omnibus censeretur.

39. Quantum ad triennalem pacificam possessionem spectat; requirit Decretum Basileense, ut Posseffor sit non violentus, sed habens coloratum titulum, id est, juxta regulam Cancellariae, *ut beneficium sine simoniae ingressu ex quovis titulo, Apostolica, vel ordinaria collatione, et electionis hujusmodi confirmatione, seu praesentatione, et institutione illorum, ad quos hujusmodi beneficiorum collatio, et proviso, electio, et praesentatio, vel quaevis alia dispositio pertinet, per triennium pacifice possederit.* Unde in ordine ad effectum hujus regulae, titulum colloratum habere censetur, qui non habet titulum in eo genere discoloratum, utpote vel per simoniam, vel de beneficio reservato per reservationem in corpore juris clausam. Oportet ergo vitium hujus tituli probare auctorem; nam pro Posseffore praesumitur.

40. Quum in regula de triennali possessione excipiatur reservatio clausa in Corpore Juris, quae collationem ab Ordinario obtentam impedit, ut haec vim tituli colorati obtainere nequeat; inferunt Interpretes, quod, licet beneficium concessum, sit generatim, aut specificatim in gratiam alterius collatoris, Mandatarii, aut indultarii reservatum, collatio ab Ordinario facta in gratiam alterius sit collorata, ita, ut et in Rega-

lia Provisus ab Ordinario post triennum pacificaे possessionis contra Regalistam sit securus; quia in beneficiis reservatis Ordinarius *habitu* retinet jus conferendi, initio inspecto.

41. Effectus ergo pacificae triennalis possessionis, si titulo colorato sit subnixa, eo spectat, quod super eodem beneficio illo molestari a quoquam queat. Inquit Decretum: *Non possit postea in petitorio, vel possessorio a quoquam, etiam ratione juris noviter impetrati, molestari.*

42. Subdit tamen Concilium Basileense: *Excepto hostilitatis casu, vel alterius legitimi impedimenti, de quo protestari juxta Concilium Viennense intra triennium (nisi tale subsit impedimentum, ut nec protestari potuisset; utpote si in carcere omni tempore fuisset) tenetur.* Poterit ergo ille, qui legitimo impedimento fuit perstrictus, etiam post lapsum triennii agere, si infra triennium legitimam protestationem exposuerit, quam Concilium Viennense praescripsit. *Clem. 3. de Elect.*

43. Triennalis pacifica possessio, titulo colorato subnixa, ita firmat possessoris jus, ut, si id beneficium alteri resignaverit, nec resignatarius ob defectum juris sui praedecessoris, qui triennio pacifice possedit, molestari queat; sed be-

ne discuti potest novus titulus, aut habilitas surrogati.

44. Siquis molestetur post triennium, juxta praxin Galliae litteras Regias, quas de pacificis Possessoribus vocant, impetrare licet, per quas praecipitur, ut non habeat illum pacificum possessorum molestare, si de narratis apparuit. Debet enim impetrans probare, et obtendere suum titulum, sub quo ipse possedit. Nam adversarium suum non potest cogere ad edendum titulum, nisi ipse prius suum exhibuerit.

45. Hoc intelligendum est de privatorum instantiis: nam Ordinariis reliquum est, ex officio inquirere, non obstante quocunque cursu temporis, aut tollerantia Superiorum, in titulos Possessorum triennalium. Praecipit Concilium Basileense: *Ordinarii autem inquirant diligenter, ne quis sine justo titulo beneficium possideat. Quod si talem quandocunque repererint, declarent, jus illis non competere: Et huic, si sibi videatur (nisi sit intrusus vel violentus, vel alias indignus) vel alteri idoneo provideant.*

46. Enimvero jus triennalis possessoris titulo colorato, praesumptionique juris innixum, non potest esse majoris auctoritatis, quam jus in vero, et legitimo titulo fundatum. Ideoque sicut jus hoc non obstat, quin ex nova causa possit

suo vero titulo privari, et suo jure ex-  
cidere; ita nec triennalis pacifica pos-  
sessio, titulo colorato nixa, efficere po-  
test, quin ex justa causa et titulo colo-  
rato, et jure ad beneficium, vel in be-  
neficio destitui possit, ut exinde benefi-  
cium, quamvis per triennum pacifice  
cum titulo colorato possessum, fiat im-  
petrabile.

\*47. Inter haec quid in morali do-  
ctrina frequentius Clero commendan-  
dum est, quam vulgares illas instantias  
concupiscendi, et obtainendi beneficia  
esse a sententiis Patrum alienas? Inquit  
S. Chrysostomus: *Sacerdotis animum  
honoris illius desiderio undique vaca-  
re oportet.* Ex sententia Isidori Pelu-  
siotae: *Nec probatissimos quidem vir-  
ros hunc amorem in animo alere, ve-  
rum pro viribus expellere oportet.* Ex  
sententia S. Gregorii, qui vacat, haec  
incaute non expetat (*Pastoralis curae  
pondera*) et qui incaute haec expetiit,  
adeptum se esse pertimescat: appetitum  
timor temperet. Quid praeclarius sen-  
tentia S. Augustini: *Locus superior,  
sine quo regi populus non potest, et si  
ita teneatur, ac administretur, ut de-  
cet, tamen indecenter appetitur, quia  
desiderium non vacat ambitionis, aut  
avaritiae vitio.*

S. Chrys.  
de Sacer-  
dot. L. 3.  
c 10.  
S. Isiod.  
Peluf. L. 3.  
epist. 216.  
S. Greg.  
in Prol.  
Past.

S. Aug.  
de civit.  
Dei L. 19.  
e. 13.

## T I T V L V S X.

### *De Resignatione, et Permutatione Beneficiorum.*

#### CAPVT I.

##### *De diversis Speciebus Resignationum.*

1. Juxta Decretum Concilii Carthaginensis IV. Placuit, ut, quicunque Clerici, vel Diaconi pro necessitatibus Ecclesiarum non obtemperaverint Episcopis suis, volentibus eos ad ampliorem honorem in sua Ecclesia promovere, nec illic ministrent in gradu suo, unde recedere noluerunt. Cod. Rom.

2. Quum enim veteri more ipsa Ordinatio vice provisionis beneficij esset, nulla Clerico, suscepta ordinatione, facultas superfuit, sui Episcopi imperium detrectandi, aut eo inconsulto officium abdicandi, aut ad aliam Ecclesiam sponte sua transmigrandi. Supersunt veteres auctoritates in Decreto Gratiani c. 23. et passim. VII. q. 1.

3. His exemplis et novo jure instaurata est regula, ne quisquam Ecclesiam, quam titulo beneficij nactus est absque assensu Episcopi diaecefani intrare audeat, aut detinere, aut eo inconsulto dimittere. c. 4. de Renunt.

4. Si tamen e re Ecclesiae videbatur, annuente Episcopo beneficium renuntiare licuit: atque renuntianti Collator aliud conferre, et si simul duo renuntient, alterum in alterius beneficium transferre potuit. Collatori commendata est Ecclesiae utilitas: utpote si Episcopo persuasum sit, Parochum meliorem operam in alia Parochia navaturum. Enfundamentum permutationis ex veterum instituto.

5. Novo jure rescripsit Alexand. III. *Generaliter teneas, quod commutaciones praebendarum, propria auctoritate, de jure fieri non possint, praesertim cum pactione praemissa, quae circa spiritualia, vel connexa spiritualibus labem Simoniae semper continet.* SI AUTEM EPISCOPUS CAUSAM INSPEXERIT NECESSARIAM, LICITE POTERIT DE UNO LOCO AD ALIUM TRANSFERRE PERSONAS: UT, QUAE UNI MINUS SUNT UTILES, ALIBI SE VALEANT UTILIUS EXERCERE. Ref. c. 5. de Rer. Permut.

6. Occasione hujus clausulae, usus recentior invaluit, quod haec resignatio beneficiorum sub ea conditione intelligeretur, ut alter in alterius beneficium surrogaretur. Inde declaravit Bonifacius VIII. Expectatarios, seu Mandatarios Apostolicos resignata talia beneficia occupare, vel acceptare non posse; quia resignantes, nisi credidissent, vi hujus re-

signationis se ad mutua beneficia transferendos, ea non resignassent. Quippe, et si de rigore veteris, recentiorisque juris ea vacare videantur; aequum tamen non est, ea aliis conferre. Ait Pontifex; *aequitatem hac in parte rigoris praferentes.* Supereft rescriptum Bonifacii c. un. *de Rer. Permut. in 6.*

7. Hinc juxta Decretalem Clementis V. Ne *concessione juris utentibus praesertim circa spiritualia illudatur, si quae beneficia, ex causa permutacionis ab aliquibus resignata aliis, quam ipsis permutare volentibus, conferantur, nullius hoc esse volumus firmitatis.* Quis dubitet, exemplo, et titulo feudi, quo novo jure censemur beneficia, disciplinae remissionem praevaluuisse? Utinam vero absint aliae clandestinae artes, et pactiones, quas caro, et sanguis frequentius alit? *Clem. un. d. t.*

8. Resignationes permutationis causa non vacant substitutione Successoris. Hoc exemplo Saeculo XVI. caepere et resignationes in favorem. In stylo spectantur et hae renuntiationes, veluti simplices, quia non appetet, esse illicitum, quod, qui resignat beneficium, commendet Colatori successorem, de cuius capacitate persuasus est. c. 18. *VII. q. 1.*

8. Quia tamen resignationis hujus recentior conditio esse caepit, ut resigna-

tum beneficium non alteri, quam illi, quem resignans nominavit, aut commendavit, conferri posset, ea Canonibus invisa videbatur; tum quod Successor aper-te obtruderetur, tum quod haereditariae successioni locus dari videretur, tum quod electioni dignioris fieret praejudicium, quoniam acceptio personarum lata via panderetur.

Cap. 2.  
De Cons,  
super,  
S. Pius V.  
Bull. 58.  
in Bull.  
Rom.

10. Neque tamen hae, vel aliae rationes, aut et querelae, crisesque non nullorum usum, vel abusum resignationum in favorem abrumpere, poterant. Id unum successit, quod Pius V. auctoritatem eas admittendi Apostolicae Sedi reservarit, quia dubium non est, eas esse a Canonibus alienas, ut dispensatione, quae Pontifici jure novo reservatur, egerant. Hinc nec Legati a latere eas sibi arrogare queunt, nisi desuper specialem facultatem obtinuerint.

11. Hodie duplex distinguitur resignation in favorem. Vulgaris spectat favorem personae. Altera refertur in favorem unionis, ut tenuiori cuidam Ecclesiae per unionem dimissi beneficii consuli possit. Haec enim nequaquam adversatur sacris canonibus, ut proinde recte ab Ordinario, veluti simplex admitti queat.

12. Jure novo, et permutationis causa resignationes Ordinariorum auctorati relinquentur, aut et reservantur, ta-

met si collatio, aut confirmatio ad alios inferiores Collatores pertineat. In Gallia tamen et has resignationes fecerunt suas inferiores Collatores. Quod si agatur de Canonicorum Protestantium resignationibus, requirunt consensum Principis, in cuius territorio versatur Capitulum.

13. Quantum ad auctoritatem Ordiniorum, et simplices resignationes, iis inconsultis, vetantur: sensim tamen invaluuit libera facultas renuntiandi beneficiis ad manus Collatorum, eaque sine consensu Episcopi deferendi, et a vinculo, quo erat Ecclesiae adstrictus, liberandi, nisi titulo beneficii ad sacros Ordines fuerit promotus; utpote quo casu vetat Concilium Tridentinum resignationem, nisi facta mentione, quod ad titulum illius beneficii sit ordinatus, fieri, admittique nisi constet, quod alias commode vivere possit.

14. Recentius Pius V. rejectis indiscretioribus, et arbitrariis resignationibus, certas, et determinatas causas expressit, ex quibus Ordinarii resignationes admittere possent, praecepitque, ne ipsi Episcopi, aut alii Collatores de beneficiis, et Officiis resignandis praedictis aut suis, aut dimententium Consanguineis affinibus, et familiaribus, etiam per fallacem circuitum multiplicaturum in extraneos collationum, aude-

Ord.  
Magd.  
Polit c. 6.  
§. 26

Trid.  
Sess. 21.  
c. 2.

S. Pius V.  
suprem.

*ant providere.* Refert Lib. VII. Decret. L. I. Tit. XIV. c. 3.

15. Constat tamen in praxi, hanc Constitutionem Papae, quoad expressas illas causas, et Personas, nec in Gallia, nec in Hispania, nec in Belgio, et Germania esse undequeaque receptam. Et vero in ipsa Curia quaevis resignationes, etiam in favorem, tam indifferenter admittuntur, ut vel hinc patescat, in Curia ipsa ad illam Pii V. Constitutionem fieri reflexionem exiguam.

16. Caeterum in quantum haec Constitutio vetat, resignationes levibus, aut nullis ex causis fieri, aut beneficiorum resignatorum intuitu carnis, et sanguinis provisionem fieri, vel pactiones simoniacas, aut confidentiales interponi; eatenus dicta Constitutio non tantum omnes Ordinarios, sed et ipsum Pontificem obstringit.

17. Haec enim conditio tum resignationum, tum permutationum est, ut fiant, procul ab omni affectu carnis, aut quaestus, aut sequiore alia pactione, aut intentione, sed tantum pro causa spirituali, nimirum, ut Deo melius serviantur, aut ut tali loco possit quis Deo melius servire. Quid enim in argumentis novi juris his cautelis vulgatius? c. 9.  
*de Rer. Permut. et alibi passim.*

Cap. 3.  
De Procu-  
rat. ad  
Resign.

18. Exemplum feudi, quo novo jure beneficia censentur, corruptis saeculis con-

contemptum tam justarum cautelarum persuasit. Sub Paulo III. delecti Consul-  
tores querebantur: *alius item abusus in  
permutationibus beneficiorum, quae si-  
unt cum pactionibus quae simoniacae o-  
mnes sunt, nulloque respectu habito,  
nisi lucri.*

19. Successit inde, exemplo feudi,  
quod resignationes tum simplices, tum  
et in favorem, permutationisque causa Reg. Can-  
fieri per Procuratorem solerent. Juxta cell. 45.  
Regulam Cancellariae *super resignatio-*  
*ne cuiuscunque beneficii ecclesiastici,*  
*seu cessione juris in eo, quam in mani-*  
*bus suis, (Papae) vel in Cancellaria A-*  
*postolica fieri contigerit, Apostolicae*  
*litterae nullatenus expediantur, nisi re-*  
*signans, vel cedens, si praesens in Ro-*  
*mana Curia fuerit, personaliter, ali-*  
*oquin per Procuratorem suum, ad hoc*  
*ab eo specialiter constitutum, expediti-*  
*oni ejusdem in eadem Cancellaria, ut*  
*moris est, expresse consenserit, et jura-*  
*verit. Hodie admittitur et in Curia Pro-*  
*curator praesentis.*

20. Tum ergo coram Ordinario, tum  
coram Papa resignatio per Procuratorem  
fieri potest Clericum, laicumque. Atque  
Procurator constitui potest, tum per lit-  
teras privatas, tum per Instrumentum  
publicum. Juxta stylum tamen curiae  
hodie opus est exhibitione instrumenti  
publici, quia saepius resolutum est, in

Cancellaria romana non posse aliquem vigore epistolae missivae praestare consensus renuntiationi. Hac occasione nata est sententia, ad renuntiandum mandatum requiri *informa* publici instrumenti.

21. Requiritur ergo, ut instrumentum confectum sit a Notario, eoque Apostolico, praecipue, si de resignatione in Curia Romana facienda agatur. Si alibi patriae leges requirunt duos Notarios pro forma publici instrumenti, tunc etiam in confectione Procuratorii duos intervenire oportet. In Camera, et Cancellaria praeterea requiritur, ut instrumentum obsignatum sit sigillo publico Judicis ordinarii, et Communitatis, hacten recognitio sigilli. In Gallia praecipiunt leges Regiae, ut et resignans subscrivat instrumento resignationis.

22. In illo mandato speciali oportet tum nomen, tum locum beneficij exprimere, dareque facultatem renuntiandi beneficio, quod quis actu, et pro tempore, quo instrumentum Procuratorii confectum est, habet. Reliqua mandata generalia, tum etiam illa *cum libera*, tum *de jure communi*, tum *de stylo Curiae* rejiciuntur.

23. Speciale mandatum praeprimis exigitur ob juramentum, quod a Procuratore in animam resignantis est praestandum, quod non interveniret *fraus*, *dolus*, *simoniae labes*, seu *quaeviis* alia

pactio illicita, aut etiam corruptela.

Hac occasione monuit Ann. 1536. Synod. Coloniensis: *Majore ergo cura, diligenterique, quam antehac, veluti ex formula styli, fieri consuevit, per vestigatione praevia haec juramenta recipi convenit.* Utinam his cautelis in omnibus juramentis locus esset?

Synod.

Colon.

P. I. c. 34.

24. Saepe in Procuratorio ad resignandum solet dari Procuratori constituto potestas alium substituendi, cum eadem auctoritate, qua ipse constitutus est. Hinc substitutus non solum suum mandatum substitutionis, sed etiam mandatum Procuratoris, a quo fuit substitutus, exhibere debet.

25. Exhibito Procuratorio praestans est consensus, qui in Camera, vel Cancellaria exprimendus est coram Notariis Camerae, vel Cancellariae. Juxta regulam Cancellariae: *Etsi ipsum resignantem, seu cedentem pluries super uno et eodem beneficio, in favorem diversarum personarum successive consentire contigerit, voluit Sanctitas sua, quod primus consensus tenere debeat, et alii posteriores consensus, ac litterae eorum praetextu, etiam sub priori data expeditae, pro tempore nullius sint roboris, et momenti.*

26. praefito formalii consensu abdicatur jus a resignante, ut inde ab hoc

momento tempus computetur, de quo  
in Regula de infirmis resignantibus ubi-  
rior mentio recurret.

27. Procuratorium, seu mandatum  
semel legitime, et sine restrictione tem-  
poris datum, solo lapsu temporis, et  
iam plurium annorum, de jure com-  
muni non expirat, aut et renovatum  
praesumitur, quia voluntas semper du-  
rare censetur, donec de revocatione  
apparet. In Gallia tamen resignatio, vi  
Procuratorii anno elapso facta, non va-  
let, ut lege Regia cautum est.

28. Mandatum morte mandantis *re*  
*integra* solvitur: idque etiam procedit,  
licet Procurator mortem resignantis igno-  
raverit: modo tameu ante exhibitam  
supplicationem resignans vere, et actu  
mortuus fuerit. Si tamen vivente re-  
signante, supplicatio resignationis fuerit  
per Procuratorem exhibita, et illo vivo  
signata, poterit Procurator vi ejusdem  
mandati post mortem resignantis praesi-  
stare consensum in Camera, vel Can-  
cellaria pro expeditione litterarum, ut  
Regulae Cancellariae satisfiat, quia ipse  
consensus, in Camera, vel Cancellaria  
praestandus, non tam exigitur ad per-  
fectionem resignationis, quam ad ex-  
peditionem litterarum, quae ad proba-  
tionem tantum requiruntur, unde con-  
sensus datus ad diem signatae supplica-  
tionis retrotrahi meretur.

29. Juxta Interpretes id et procedit, etiamsi probaretur, quod constituens ante suam mortem mutasset voluntatem. Nam, si illa voluntas revocata non fuit intimata, potest Procurator eo mortuo praestare consensum formalem. Nam non sufficit, revocationem esse factam, nisi fuerit intimata. *Clem. un. de Renunt.*

30. Sufficit autem hanc intimationem esse factam vel ipsi Procuratori, vel ipsi Superiori, in cuius manibus resignatio facienda erat. Hinc si intimatio facta fuerit Camerae, vel Cancellariae, facta et Papae censetur, quia, quae sunt in Camera, vel Cancellaria, in Consistorio Papae fieri dicuntur.

31. Caeterum indubitatum est, resignantem quovis tempore usque ad consumationem actus posse libere mandatum revocare, etiam post porrectionem supplicationis, ejusque signaturam, eattenuus nempe, ut Procurator vi istius mandati non possit postmodum praestare formalem consensum in Camera, vel Cancellaria.

32. Siquis Procuratorium dederit resignandi beneficium ad manus Papae, non poterit illud, revocato mandato, resignare coram Ordinario, nisi prius actum revocationis in Curia Romana insinuaverit. *Arg. c. 2. de Postul. Praelat.*

Cav. 4.  
De Re-  
signat.

33. Sensim invaluit, quod cuique be-  
neficium maxime simplex, resignare in-  
tegrum sit, qui non prohibetur: quasi  
vero beneficia ecclesiastica patrimonii  
jure censeri possent.

34. Sic juxta Interpretes promotus  
ad Parochialem Ecclesiam posset resigna-  
re in favorem illud beneficium ultima  
die anni dati, ut se promoveri faceret  
ad Ordines sacros; tametsi jam certo  
constet, altera die se ipso jure esse illo  
beneficio privandum, quia intra annum  
haud amplius promoveri ad Sacerdotium  
potest. Hodie autem hujusmodi resigna-  
tio non admitteretur, quia stylus obti-  
nuit, ut debeat exprimi tempus, quo-  
nam resignans Parochiam possedit. Quip-  
pe, si tempus est breve, cessio rejici-  
tur: si autem hoc expresso, Papa ad-  
mittit resignationem, nulli dubium est  
valere.

Reg.  
Canc. 24.

35. Regula Cancellariae vetat, Ele-  
ctos ad quascunque Praelaturas, aut Di-  
gnitates, quamdiu re ipsa promoti non  
sunt, beneficia priora resignare. Nec  
non, inquit, quaecunque collationes,  
provisiones, et dispositiones pro tem-  
pore facienda de praemissis, et qui-  
busvis aliis beneficiis ecclesiasticis sae-  
cularibus et regularibus, quae per  
promovendos, vel assumendos ad quas-  
cunque Praelaturas inter illarum va-  
cationis, et hujusmodi promotionis,

vel assumptionis tempora simpliciter, vel ex causa permutationis ubicunque resignari, vel dimitti contigerit, cum inde secutis pro tempore sint cassae, et irritae, nulliusque roboris vel momenti. Hodie tamen haec regula passim exolevit.

36. Accusatus et de criminis, quod privationem beneficij meretur, resignare potest, quamdiu per sententiam judicis beneficio privatus non est, etsi probationes essent receptae, et foret jam in causa conclusum. Quinimo, etsi sententia privationis lata sit, si ab ea appellatum fuerit, pendente appellacione, renuntiationi tum simplici, tum permutationis causa, et in favorem locus supereft, nisi Papa beneficium illud alteri pro casu privationis sequuturæ contulerit. Solet enim beneficium aliquius de criminis accusati nonnunquam impetrari, cum clausula: *Ut, si accusatus beneficio privandus judicetur, illud cedat impetranti.* Quum tamen haec clausula quamdam novellam reservacionem redolere videatur, ea per Concordia Galliae, et Germaniae sublata censetur.

37. In stylo Curiae praecipitur, ut, si resignans beneficium sit in sacro Ordine, in supplica exprimatur clausula: *aliunde commode vivere valens.* Orta est haec clausula ex Constitutione Pii V.

quae vetat, ullum sacro Ordini mancipatum, nisi religionem ingrediatur, resignare beneficium, vel officium, si aliunde ei non sit, quo in vita commode possit sustentari. Refert. *Lib. VII. Decret Lib. I. Tit. XIV. c. 3.* Quia tamen ei constitutioni nec in Gallia, nec alibi locus est, exulat a nostra praxi et illa clausula.

38. Jure Decretalium minorenis, si pubes sit, in causis beneficialibus, aliisque spiritualibus pro majorenii habetur: Ergo libere tum simpliciter, tum in favorem, aut permutationis causa resignare potest, ut nulli rescissioni, vel restitutioni locus sit, nisi malis artibus, aut fraudibus extorta resignatio fuerit. *c. 3. de Judic. in 6.*

39. In Gallia inde ab anno 1554. vetatur omnibus Praeceptoribus, Paedagogis, aliisque personis habentibus curam, administrationem, aut regimen puérorum, et scholarium extorquere, aut acceptare ab ipsis ulla resignationes in eorum favorem directe, vel indirecte, sub poena nullitatis hujusmodi resignationum, quia malis artibus obtentae praesumuntur.

40. Supereft et de anno 1695. decre-  
tum Senatus Parisiensis, quo declaratur,  
Clericum aegrotum non potuisse suum  
beneficium resignare filio Medici, qui,  
durante morbo, eum curabat. Inquit

Mr. de Hericourt: *Ainsi L'on a étendu aux benefices la disposition des ordonnances, et des coutumes, qui déclarent nulles les donations, soit entre vifs, soit a cause de mort faites en faveur des administrateur, au nombre des quelles les arretsont compris les Medicins.*

Hericourt, de  
L. Ec-  
cles. P. I.  
P. 342.

41. In Romana Curia ampliori argumento restringuntur resignationes infirmorum. Hodie regula his verbis exprimitur: *Quod si quis in infirmitate constitutus resignaverit aliquod beneficium, sive simpliciter, sive ex causa permutationis, vel alias dimiserit, seu ipsius beneficii Unionis dissolutio- ni consenserit, etiam vigore supplicationis, dum esset sanus, signatae, et postea infra viginti dies, exclusive a die per ipsum Resignantem praestandi consensus computandos, de ipsa infirmitate decesserit, et ipsum beneficium quavis auctoritate conferatur per resignationem sic factam, collatio hujusmodi sit nulla, ipsumque beneficium nihilominus per obitum censeatur vacare,*

Reg.  
Cancell.  
19.

42. Spectat haec regula resignationes infirmorum *corpore*, qui infra viginti dies ex eadem infirmitate decesserint. Hos dies oportet esse naturales, et completos, qui computantur a die praestandi consensus, tametsi supplica-

tio, dum esset sanus, signata jam fuisset, requirunturque viginti dies, non computato die praestiti consensus, nec die mortis. Inde si resignans infra viginti dies decesserit, beneficium vacat per obitum, ac si nulla resignatio intervenisset.

43. Germani Protestantes in Capitulo Magdeburgensi idem tempus canonicum in resignationibus observant, quamquam viginti diebus alterum addiderunt. Hinc dubium non est, hanc regulam non minus in Germania, quam in Gallia esse ex recepto usu, ut et Sede Romana vacante ejus valor superflit, quamvis mortuo Papa Regulae Cancellariae extingui soleant.

44. Olim disceptatum fuit, an Regula haec concerneret resignationes five simplices, five ex causa permutationis factas coram Ordinario; at postquam Paulus III. addidit huic regulae ista verba: *quavis auctoritate*, quae subsequentes quoque Pontifices retinuerunt, communi pene calculo receptum fuit, regulam etiam in renuntiatione facta coram Ordinario extra Curiam Romanam locum habere, idque certum esse in causa permutationis ostendit Flaminius Parisius. Non tamen obtipere videtur haec regula in resignatione *simplici* facta coram Ordinario, nisi interveniret titulus fraudis, aut ulli generaretur *praejudicium*.

Cap. 6.  
Not. in  
Regul.

Flamin.  
Paris.  
l. 12.  
§. 5.

45. In Curia Romana inde ab aevo Leonis X. invaluerunt derogationes hujus regulae, quando resignans est absens a Curia. Sic in Italia solet concedi derogatio, si locus resignationis distet a Curia, et beneficia, quae sunt resignata, non sint reservata.

46. In Gallia clausula derogatoria velut ex stylo Curiae spectatur, ut, si derogatio fuerit petita, et denegetur, Resignarius appellare possit a negatione signaturae, aut Bullae, tanquam ab abusu.

47. In Curia Romana derogatio hujus regulae admitti non solet, dum agitur de beneficiis reservatis, aut resignatis in locis Romae vicinis indubie, ut vigore hujus regulae libera beneficiorum illorum provisio salva conservetur Pontifici. An non pro iuribus Ordinariorum conservandis derogatio hujus regulae admittenda censeatur.

48. Regula de infirmis resignantibus peperit et illam Regulam de publicanis resignationibus, ut inde obviaretur illorum artibus, qui, periculum mortis praevenientes, a sanis resignationes in favorem impetrarunt, ut eas, donec resiguians viveret, occultas tenerent, post obitum vi resignationis successuri.

49. Hac occasione Innocentius VIII. regulam promulgavit, quod quaecunque ecclesiastica beneficia, sive in Romana Curia, sive extra eam resignata,

Cap. 7.  
de Public.  
Resignat.

Reg.  
Canc. 36.

*nisi de illis factae resignationes, (si in Romana Curia infra sex menses: si extra dictam Curiam, factae sunt, infra mensem) ex tunc a die datae supplicationis, non a die praestiti consensus, ubi dicta beneficia consistunt, formaliter, vel virtualiter publicatae, et bona fide possessio illorum ab eis, quos id contingit, petita fuerit: si resignantes ista postmodum in eorumdem resignatorum possessione deceperint, non per resignationem, sed per obitum hujusmodi vacare censeantur: collationes quoque, et quaevis aliae dispositiones de illis, tanquam per resignationem vacantibus, factae, et inde sequuta nullius sint roboris, vel momenti.*

50. Haec regula non superest hodie in regulis Cancellariae, quia inde ab anno 1583. Gregor. XIII. novam formam publicationis praescripsit, quae refertur *L. VII. Decret. lib. I. Tit. XIV. c. 2. de Resignat.*

51. Alibi tamen, utpote in Gallia, Hispania, Belgio, praeterita Constitutione Gregorii XIII. veteris regulae tenori ex recepto usu, veluti ex lege regni, locus est. Tria ergo conjunctim ad effectum hujus regulae requiruntur; utpote, ut non sit facta publicatio in loco beneficii infra praescriptum tempus; tum, ut non sit petita possessio actualis, et realis: denique, ut resignans deceperit post praescriptum tempus in possessione resignati beneficii.

Quippe, si vel unum horum defit, locus regulae hand est, ut beneficium per resignationem, non per obitum vacare cenieatur.

52. In Gallia de anno 1646. declaravit Rex in favorem Graduorum, et Patronorum ecclesiasticorum, ut nulla habeatur ratio provisionum in vim resignationis, aut permutationis factarum, quae Graduatis, aut Patronis possent praejudicare, nisi mandata ad resignandum, aut permutandum sint admisla ante deceßum resignantium, vel permantium, et insuper ante deceßum dictum insinuata in graviariatu insinuationum.

53. In reliquis vi dictae regulae collationes quoque, et aliae quaevis dispositiones de illis, tanquam per resignationem vacantibus factae et inde secuta nullius sint roboris, vel momenti, adeo, ut, si vi hujusmodi resignationis post mortem resignantis capta fuerit possessio, non possit manuteneri in possessione, in qua resignans ante publicatam resignationem mortuus fuerat, quia annullatur et titulus, et alia inde sequuta.

54. In Gallia tam constans est usus regulae, ut nec derogatio regulae, nec prorogatio temporis, nisi de legitimo impedimento Resignarius publice, utpote coram Judicibus Regiis protestatus fuerit, vel in

possessorio, vel in petitorio admittatur. Quia haec regula, ut lex regni spectatur, qua et Judices ecclesiastici tenentur: nam in Gallia Judices ecclesiastici jurisdictionem suam sub protectione Regis exercere dicuntur.

55. Resignatio perfecta haud censetur, nisi a Superiori admissa fuerit, tametsi resignatio in scripturam redacta, aut et a Notario, aliisque testibus signata fuisset. Eousque enim, donec Superior supplicationi annuat, potius propositio resignationis censetur, ut libero arbitrio mandatum revocare resignans possit, a resignatione destiturus.

56. Si resignatio fiat coram Pontifice, poenitentiae locus est non tantum, si supplicatio fuerit Papae praesentata, sed etiam per ipsum admissa, signataque *per fiat*, aut et *per parvam datam* datata, et *parvus consensus* praestitus, quamdiu consensus solemnis praestitus, non fuerit in Camera, vel Cancellaria. Eousque enim liberum est resignanti, poenitentiam, et revocationem in Curia, vel Cancellaria intimare per regulam Cancellariae *de consensu in Resignationibus*.

56. Est et post admissam a Superiori resignationem regressui locus ex diversis causis; utpote ex causa recuperatae valetudinis, si quis causa mortis resignasset, aut ex causa restitutioonis, si quis metu, dolo, aut aliis malis arti-

bus ad resignandum inductus fuisset. c.  
4. *de his, quae vi, metusve caus.*

57. Frequentior ex defectu conditionis regressui locus est in resignationibus in favorem; et permutationis causa. Quippe jus plenum remanet penes resignantem usque ad impletam conditionem, ut ante acceptatam Resignatorii, et captam possessionem resignans in possessionem remanere censeatur.

58. Hinc permutans non tenetur possessionem dimittere, antequam compertutans beneficium acceptet. Permutatio enim non censetur perfecta, nisi alter alterius beneficium sit affectus, ita, ut uno permutantium praemoriente, ex neutra parte censeatur facta resigatio, etiamsi ab una parte sit facta permutati beneficii collatio, nisi ex circumstantiis appareat, quod alter compertutantium non curaverit de beneficio compermutato obtinendo; utpote si permutatio beneficii notabilis fiat cum beneficio tenuissimo, quia illa permutatio ea mente inita tunc intelligitur, ut notabile illud beneficium in compertuantem transferatur.

60. Si permutatum beneficium evincatur, resolvitur permutatio, ut alter in suum beneficium redire possit ex veteri jure, quin nova collatione opus sit. In Gallia passim impetrantur litterae Regiae, ut in antiquum beneficium resti-

tuatur. Nam permutationes, non impleta conditione permutationis, resolvuntur, ut in prius beneficium sine nova provisione redire liceat; opus tamen est auctoritate Judicis, si alter ilius beneficii possessionem fuerit adeptus.

61. Supersunt nonnulli et alii casus, ex quibus regressus in dimissum beneficium conceditur; eoquod resignatio ex quadam causa facta censetur, ita, ut ea non impleta, in resignatum beneficium restitui mereatur: veluti si quis obtinuerit secundum beneficium incompatibile, ut propterea primum resignaverit. Nam secundo evicto, aequum est, ad primum regressum dari: oportet tamen malas artes, et clandestinas fraudes abesse.

Trid. sess.  
25. c. 7.

62. Concilium Tridentinum sequiores illas causas accessus, et regressus, qui haereditariae successionis imaginem referre videbantur, damnavit. Saepe enim resignantes expresse sibi, vel suis reservabant regressum in beneficia resignata, praemorientे Resignatorio: saepius etiam, durante vita Resignatarii, proventus beneficiorum resignatorum sibi stipulabantur, ut fere res beneficia in feudale negotium abiisse videtur.

\*63. In morali doctrina quid sequores artes, vel affectus accessus, vel regressus

gressus Resignantium magis refellere posset, quam rationes, et exempla veterum deprecationum, et reluctantiorum, quibus SS. Patres a se amoliri nitebantur beneficia, et officia ecclesiastica. Inquit S. Gregorius: *Timent, ne laborum suorum fructus percipient.* <sup>S. Greg.  
M.</sup> *Timent, ne, quod divina justitia latens in eis vulnus aspiciat, exterioribus eos munericibus cumulans, ab intimo repellat.* En veterum lacrymarum fontem: *Altae, ait, quietis meae gaudia perdidi, et intus corruens, ascendere exterius videor.* — *Ex eis me esse video, de quibus scriptum est: Dejecisti eos, dum allevarentur.* Quid S. Augustini gemitu humilius? *Vis mihi,* inquit, *facta est merito peccatorum meorum, nam quid aliud existimem, nescio ut secundus locus gubernaculorum mihi traderetur, qui remum tenere non noveram: vires meas non noveram, et alicujus momenti arbitrabar.* <sup>S. Au-  
gust.  
epist. 21.  
al. 148.</sup>

## TITVLVS XI.

### *De Pensionibus Ecclesiasticis.*

#### CAPVT I.

##### *De veteri usu Pensionum*

1. Inter recentiores corruptelas et abusus pensionum invaluit. Inquit sub Paulo III. delectus Conventus Praelatorum: *alius abusus, cum beneficia conferuntur, seu ceduntur aliis, irrepit in constituendis super eorum fructibus pensionibus; immo quandoque cedens beneficium omnes sibi fructus reservat.* Quia in re illud est animadvertisendum, nulla alia de causa, nulloque alio iure constitui pensiones posse, nisi ut quasdam eleemosynas, quae in pios usus et indigentibus concedi debent.

2. En vetera exempla! Quum in Concilio Chalcedonensi Basilius, et Stephanus de Sede Ephesina contenderent, placuit utrumque abdicare, ita tamen, *ut ex redditibus memoratae Ecclesiae, nutrimenti gratia, et consolationis, annis singulis solidos aureos ducentos accipiant.* Apparet vel hinc causa vetus assignandae pensionis, scilicet, ut pax conservetur, et ut resignans habeat, unde vivat. Apparet et moderamen pensionum, cum Ephesino Episcopo to-

Cone.  
Chalc.  
Act. 12.

tius Asiae Metropolitae solidos duntaxat ducentos legamus assignatos.

3. Alia vetera pensionum exempla spectabant Episcopos, Clericosque senectute, vel morbo confectos, vel hostium incursione dejectos; vel alia calamitate pressos. Scripsit S. Gregorius ad Episcopos Illirici, ut Episcopos sedibus suis ab hostibus expulsos benigne reciperent: *Non quidem, ut per communionem Episcopalis throni dignitas dividatur, sed ut ab Ecclesia juxta possibilitatem, per viam pensionum sufficientia debeant alimenta percipere.*

S. Greg.  
lib. I.  
ep. 43.

4. Inde a saeculo XII. defuper corruptelae gliscere caeperant. Saepe Episcopi cum titulatis praebendam per reservationem pensionis partiebantur. Saepe in conferendo beneficia partem fructuum reservabant; saepe beneficia sub annuo censu elocabant, ut ipsi tantundem, aut etiam plus meterent, quam beneficiarius, qui, vix spiritum ducens, tum officium cultus divini, tum reparations Ecclesiae neglexit. Hinc novo jure pensiones restrictae sunt, ut Beneficiario congrua sustentatio supersit. *c. 30. de Praeb.*

Fleur.  
Inst. Jur.  
Eccles.  
p. 2.  
c. 26.

5. Schisma Avenionense turbavit omnia. Nonnulli Praefules, quibus tot beneficiorum cumulus ruborem excussit, partem eorum resignarunt, sed tanta

Fleur.  
L. cit.

penfione oneratam, ut titulatus instar conductoris esset. Fuere pensiones et assignatae hominibus, qui nec serviebant, nec unquam servierant, nec servituerant; et non raro laicis. In Concilio Tridentino instantiae factae sunt, ut pensiones novellae abolerentur, aut ad veterem formam reducerentur. Tum  
 Trid. fest. tamen a Concilio aliud impetrari non  
 24. c. 13. potuit Decretum, quam, *ut imposte-  
 rum omnes Cathedrales Ecclesiae, qua-  
 rum redditus sumam Ducatorum mille,  
 et Parochiales, quae sumam Ducato-  
 rum centum secundum verum annum  
 valorem non excedunt, ab omnibus  
 pensionibus, aut reservationibus fru-  
 ctuum absolverentur.*

In vit.  
 S. Carol.  
 lib. 7.  
 c. 35.

6. Reliquit in reliquis S. Synodus au-  
 thoritati Episcoporum, ut ubiiore fal-  
 ce pensiones novellas refecent. Refert  
 Scriptor de S. Carolo: *Igitur neque  
 pensionis vel minimum cuiquam Eccle-  
 siae onus imposuit unquam, et, si quis  
 forte per auctoritatem superiorem ob-  
 tinere vellet, contra totis viribus pu-  
 gnavit. Cum ex Praeposturae facul-  
 tibus ex suis quidam, quo plurimum  
 utebatur, annuam pensionem sibi fere-  
 impetrasset, ea Carolus, ut aufere-  
 tur, statim effecit. Neque alius postea  
 unquam conari aliquid simile est au-  
 fuisse.*

7. Absit tamen, ut inde S. Carolus nullum locum justae pensioni concessisset. Sacerdoti tantum pensionem concessam scio. *Is eum Ecclesiae diu utillem sane operam pro doctrina, virtuteque sua navasset, demum multi laboris Parochiam habens, infirmaque valetudine confectus, cum eum relinqueret cogeretur, neque aliunde haberet vitae sumptum, moderatam pensionem ex Ecclesia sua, quae erat ex locupletioribus, a Carolo accepit.*

8. In reliquis S. Carolus fructus suos unicuique Ecclesiae, Presbyterisque singulis integros relinquere curavit vehementer, et effecit. Eo namque primum Ecclesiam capescente, vel magna ex parte, vel toti alienis hominibus erant reservati: ex quo fiebat, ut, qui essent aliquo numero Presbyteri, sacerdotia recusarent, quorum facultatibus pro dignitate vitae cultum minime possent conservare. Qui vero accipiebant, pravi pretii homines, neque auctoritate satis muneri suo facere valebant, ut praeter Sacerdotis, ut tempora sunt, ex ea re contemptum, neque sacra supplex pro decore parari, neque refici, vel ornari Ecclesiae, neque sarta tecta haberri possent.

9. Inter corruptelas recentiorum pensionum referre oportet, quod multi viderentur beneficia, sine intentione eis

Cap. 2.  
Ibi.

deserviendi, captare, ut cum pensione permutarent; hinc et alii ea occasione palam illudebant Canonibus, qui plurimatetem beneficiorum vetant. Nonnunquam Pensionarii sunt similes illis, qui beneficia sub modico stipendio elocant. Plerumque per pensiones fit, ut unus stipendia plurium sibi vindicet. Faciunt et Pensiones, ut non habeatur de meritis promovendorum justa discussio: occluditur enim fere semper pauperibus aditus ad beneficia, quia nulli gratis ad beneficia superest accessus. Quis reliquas artes a vitio simoniae excusare vellet? Concluditur ergo merito, postulari potuisse justissime integrum abolitionem pensionum, quia usus in tantum abusum degenerasse videtur, ut vix alias remedium sperari possit.

Cap. 3.  
De caus.  
hodieru.  
pension.

10. En causas, ex quibus hodie pensiones concedi solent! Harum tres recensentur, scilicet pacis causa, quando beneficium est litigiosum; altera est causa resignationis, et tertia permutacionis, ne resignantes, vel permutantes nimium dispendium patiantur.

11. Ast an hae causae omni exceptione majores sunt, ut excusandis vulgaribus pensionibus suffragari queant? Quantum ad causam compositionis rescripsit Alexander III. de beneficio ecclesiastico in litigium deducto, quod transigi super re sacra, et litigiosa,

ut pote beneficio, non potest. Etenim res sacrae, ut possideantur, aliquo dato, vel retento, seu promisso in vim annuae pensionis, speciem credimus habere simoniae. Ref. c. 7. de Transact.

12. Quum ergo Innocentius III. alibi tolleraret ex arbitrio judicum impositam pensionem pro compositione litigiosi beneficii, ea Decretali haud excusantur vulgares pensiones, quae pacis causa mutua litigantium pactione ineuntur, et si eas judex confirmaverit. Ait Fagn. ad c. 21. de Praeb. Fagnanus: Oportet, ut hujusmodi compositiones, (qualis occurrit in hac Decretuli) super beneficiis, ad hoc, ut valeant, et excusentur a simonia, capiant principium ab auctoritate Superioris, et non a pactione partium, ut probat haec littera ibi: NON QUIDEM EX PACTIONE PARTIUM, SED EX JUS-  
Sione JUDICUM. Quamobrem qui prius faciunt inter se compositionem, et postea adeunt judicet, ut interponant auctoritatem, non excusantur secundum bonam conscientiam, quominus incident in vitium simoniae. En dictae Decretatis restrictionem. c. 21. de Praebend. et Dignit.

13. Quantum ad causam resignatio-  
nis, et permutationis passim invaluit,  
quod resignantes in favorem tertii, vel  
permutantes ad supplendam tenuioris  
beneficii aequalitatem sibi annuas pen-

fiones reddendas, aut redimendas saepe  
saepius reservent. Quid alienius est i  
veteribus, et recentioribus Canonibus?  
Olim Synodus Chalcedonensis statuit:  
*Siquis translatus est ab alia in aliam Ecclesiam, prioris Ecclesiae, vel Martyriorum, quae sub ea sunt, aut Ptochodochiorum, aut Xenodochiorum rebus in nullo, per reservationem pensionis communicet, quia dimisso officio illius Ecclesiae, quae resignata, vel permutata est, et titulus percipiendi, et participandi quodammodo fructus exprimat, ut pensio sine titulo exigi videatur.*

14. Novo jure declarat Urbanus III.  
honestati esse contrarium, et procul  
dubio simoniacam continere pravitatem,  
quod quidam Praebendae suae cedant,  
et juri renuntient, ut majorem Praebendam obtineant, vel ex hoc certam  
pecuniae sumam, *vigore pensionis*, consequantur. Sic enim gratis non reddunt,  
quod gratis acceperunt. c. 5. de Rer.  
Perm.

Cap. 4.  
Leg.  
Pension.

15. Quid inde salubrius, quam ut Pensionarii, si quidem tuti esse velint, meminerint, bona ecclesiastica non superesse, nisi ad alimoniam ministrorum Ecclesiae, et subsidium egenorum. Ait Concilium Aquisgranense Anno 816.: *Fideles namque, fidei ardore, et Christi amore succensi, ob animarum sua-*

Conc.  
Aquisgr.  
c. 116.

rum remedium, et caelestis Patriae desiderium, suis propriis facultatibus sanctam locupletem fecerunt Ecclesiam, ut his et milites Christi alerentur, et Ecclesiae exornarentur, pauperes recrearentur, et captivi pro temporum opportunitate redimerentur.

16. Et vero ea est conditio piorum reddituum, ut nec actuales ministri, multo minus Pensionarii ex iis vivere possint, si aliunde habeant, unde vitam transgere possint. Juxta S. Augustinum: *Si s. Aug.  
pauperum compauperes sumus, et no- ep. 50.  
stra sunt, et illorum: si autem priva-  
tim, quae nobis sufficient, possidemus,  
non sunt illa nostra, sed pauperum.*

17. Et quia pensiones via dispensationis a suis titulis avelluntur, opus denique justa causa est dispensationis. Sic inter recentiores Interpretes pronuntiat Guilielmus Benedicti: *Causa imponendi Benedict.  
pensionem semper injusta censetur, si de fideic.  
non pertineat ad utilitatem Ecclesiae,  
P. 2. n. 35.  
cui pensio imponitur — sine ergo cau-  
sa legitima, utilitatem Ecclesiae pen-  
sionariae concernente, non valet etiam  
a Papa imposta pensio.*

18. Quid? Quod et saepe causa, quamvis ex parte Superioris legitima videatur, tamen ex parte supplicantis insufficientis esse possit, utpote, si pensio ob redimendam vexam extorta fuerit. Me-

minit harum vexarum Innocentius III.  
c. 31. de Rescr.

Cap. 5.

De Au-

ctor.

squa im-  
pen-  
pens.

19. Novo jure pensiones veluti quae-  
dam divisiones, diminutionesque bene-  
ficiorum spectari caeperant, quia enim  
proventus singulis titulis inhaerent, vi-  
debantur ipsa beneficia quodammodo di-  
vidi, aut diminui pensionibus subtractis.  
Tit. un. ut Eccl. Benefic. sine diminut.  
conf.

20. Supersunt in Decreto Gratiani ve-  
teres auctoritates, quae vetant, divi-  
siones Ecclesiarum, id est, Episcopa-  
tuum fieri, nisi ex justa causa eas cum-  
probasset auctoritas Synodorum. c. 6,  
12. 39 et 41. VII. q. 1.

21. Novo jure id jus et in reliquis  
beneficiis obtinuit. In Concilio Turo-  
nensi statuit Alexander III.: *Majori-  
bus Ecclesiae beneficiis in sua integri-  
tate manentibus, indecorum nimis vi-  
detur, ut minorum Clericorum Prae-  
bendae patientur sectionem.* Ref. c. 8.  
de Praeb.

22. Inde Innocentius III. rescripsit a  
Decreto Concilii Turonensis esse alien-  
num, quod aliquando ad unam Prae-  
bendam propter importunitatem peten-  
tium duo Clerici, divisis proventibus,  
eligerentur. c. 20. ibi.

23. Quippe, invalesceente nova disci-  
plina beneficiorum, jus proventuum ve-  
luti individuum cum titulo in illis Ec-

clesiis, quae numeratum habent Clerum, censetur, ut dividi non possit. c. 25. d. t.

24. Haud ergo dubium est, eas divisiones, et diminutiones esse a Canonicis alienas. In Concilio Lateranensi III. prohibuit Alexander III.: ne ab Abbatis, Episcopis, aliisque Praelatis novi census imponantur Ecclesiis, aut veteres augeantur, aut partem reddituum suis usibus appropriare praesumant. c. 7. de Censib.

25. Haec omnia Decreta successive ad pensiones per justam interpretationem prorogare placuit, quia per eas quasi quidam novi census Ecclesiis impositi, aut veteres aucti, aut pars quaedam redditum in alienum commodum subtracta videbantur.

26. Successit inde, quod pensionum impositio auctoritati Papae reservatur, quia dispensatione Canonum opus est. Refert Choppinus, jam pridem Senatum regium decretum, *nullam beneficiariae pensionis rationem huberi, nec paupertiae constitutionis ejusdem, nisi Romanus Pontifex consignatis ipsam tabulis sanxisset, ac stabiliisset.* Synodus quoque Remensis anno 1583. declarat omnes pensiones, et pactiones super beneficiis, in quibus non intervenit Sedis Apostolicae approbatio, illicitas, et simoniacas.

Choppin.  
de fac.  
Polit. I. 4.  
Tit. 2.  
n. 17.

Synod.  
Remens.  
Tit. 12.

27. Praevaluit jam diu praejudicium reservationis, ut locorum Ordinarii non aliae relinquuntur pensionum assignationes, quam quas Vicariis praebere oportet, ut vicibus fungantur Praebendariorum, aut Curatorum, qui sive ob delictum, sive ob imperitiam, sive ob ingruentem morbum, vel ob irregularitatem, vel dementiam suspensi sunt ab exercitio ecclesiastico. *Trid. sess. 21. c. 6.*

28. Si alicubi major supereft Episcopis auctoritas, ea restringitur ad pensiones personales, et temporales, quae vitam Beneficiati haud excedunt. Papae enim esse ajunt, dare pensiones reales, et perpetuas, ut et in successorem beneficij prorogentur.

29. Porro talis Successor ad solutionem ejusmodi pensionis ideo tantum tenetur, quia ipsos proventus, quibus pension imposita est, percipit, non autem vi alicuius consensus personalis, unde et facilius vel annullationem, vel reductionem pensionis postulare potest.

30. In Gallia tamen pensiones reales in beneficiis curatis aegrius admittuntur. Hinc saepe judicatum est, successorem per obitum in beneficium curatum non teneri ad solutionem pensionis; etsi legitime imposta fuerit; si ipse Provisor nullum haic impositioni consensum praehuerit.

31. Praevalente indiscretiore usu pensionum ecclesiasticarum beneficia curata ab illa personali, realique servitute dispensare placuit, in quantum sumam ducatorum centum secundum verum annum valorem non excedunt. Hinc stylus curiae inolevit, ut in signatura pensionis super beneficiis Parochialibus subjiciatur clausula: *dummodo ex fructibus dictae Ecclesiae centum ducati liberi pro illius Rectori, pro tempore existente, ad justam sustentationem, annuatim remaneant.* Per hanc clausulam apparet, provisionem esse conditionatam, in tantum ut ipse Pensionarius, vel resignans probare debeat, quod, deducta pensione, maneat centum ducati usualis monetae, in valore Regionis, ac Provinciae, in qua situm est beneficium, ex certis fructibus, praeter dominum Parochialem, ad justam sustentationem Rectoris liberi, et integri.

32. Haec summa a Concilio Tridentino definita est, ut congruae portioni Rectoris consuleretur. In Gallia aestimatur haec portio competens Parochorum, et Vicariorum ad trecentas libras gallicas. Hinc in actis Cleri Gallicani referatur edictum Ludovici XI V. quo declaratur, pensiones super beneficiis curatis non esse admittendas, nisi sine imminutione, aut restrictione summae trecentarum librarum, quae annuatim Titula-

Cap. 6.  
De bene-  
fie. quae  
pensi.  
Onerar.  
post.

Act. Cler.  
Gali. t. 2.  
P. 2. Tit.  
13. Art.  
16.

riunt sustentationi libera, et ab omnione  
nere immunis deputabitur, utpote ex  
certis fructibus, non comprehensis casu-  
alibus, et adventitis Ecclesiae oblationi-  
bus, quae Parochis cedent perinde, ac  
manuales distributiones Canonicis. Hoc  
exemplo oportet ergo et alibi, secundum  
mores cujuscunque regionis, justae su-  
stentationi Rectorum liberaliter provi-  
dere, ne alias defectu competentis su-  
stentationis cura animarum negligatur,  
aliaque incommoda suboriantur.

33. Saepe beneficiis curatis et Prae-  
bendae theologales, praceptorialesque  
aequiparantur, quia his nonnunquam in-  
cumbit, non tantum instructioni Cleri-  
corum, aut puerorum vacare, sed et  
praedicationi verbi Dei operam navare.  
Sic in Gallia, Hispaniaque obtinet, quod  
nullae pensiones admittantur in Canoni-  
catibus, qui ex veteri, instituto Magistris,  
et Doctoribus conferri debent.

34. Dicuntur nonnullae Ecclesiae et  
eo jure, vel privilegio gaudere, quod  
nulla earum beneficia personibus onerari  
queant. Et quid aequius? Alienum enim  
est ab omni ratione, quod fructus cedant  
saepe obriore proventu illis, qui nullum  
servitium praestant, ac ipsis, qui pondus  
diei, et aestus in beneficio ferunt.

35. In Gallia, et Hispania satis vulga-  
re est, quod a pensionibus excusentur be-  
neficia Patronatus regii, nisi ipsiusmet  
Regis consensus acceperit. Atque hoc

exemplo et reliqua beneficia patronatus laici, et si mixti, a pensionibus liberantur, nisi Patronus consensum praebuerit. Si jus Patronatus laici per turnum a Patronatu ecclesiastico divisum appareat, pensio, quae in turno ecclesiastico imposta fuerat, expirat morte resignatarii, si vacantia in turnum laicum incidat.

36. Veteri jure pensiones, quae sub-  
inde Episcopis, Pastoribus, aliisque Cle-  
ricis indigentibus ex bonis Ecclesiae, cui  
actualiter non deserviebant, miseratio-  
nis causa assignabantur, simplicem fruga-  
lis vitae alimoniam spectabant, ut nihil  
fere minuere viderentur proventus Mi-  
nistrorum, qui Ecclesiae servitio vaca-  
bant. Scripsit S. Gregorius Etherio Epi-  
scopo, *quod si verum sit, eum ita capi-*  
*tis passionem incurrisse, ut, quod men-*  
*te alienata agere solet, gemitus, et*  
*fletus audire fit — alter in locum ejus*  
*ordinetur, sic tamen, ut, quo usque e-*  
*undem in hoc saeculo vita tenuerit, sum-*  
*ptus ei debiti ad frugalem sustentationem*  
*vitae de eadem Ecclesia ministrentur.*

37. Recentior corruptela invaluit,  
quod propter acceptiōnēm personarū  
aliquando vel omnes, vel praecipui fru-  
ctus beneficii resignanti, vel Pensionario  
reservarentur. *Quid turpius, inquit au-*  
*ctorum quidam, pensionarium, nec la-*  
*borantem, nec s̄eminantem manducare;*  
*beneficiarū egenum, nudum, et pau-*

Cap. 7.  
De Portio-  
Pension.

S. Greg.  
Lib. 11.  
ep. 7.

*perem mendicare? En* *vetus querelæ*  
*argumentum? c. 23. §. 3. D. 93.*

38. Supereft et hodie in stylo Curiae, quod in beneficiis simplicibus nonnunquam pensiones vel ad omnes fructus, vel dimidietatem porrigerentur. In usu tamen Galliae, alibique hae pensiones restringuntur ad tertiam partem proventuum, ut competentiae Beneficiati consultum sit. Sic anno 1571. praecepit Rex, ut ob publicum Ecclesiae bonum, cunctæ, quae etiam praeceſſerunt de beneficiariis pensionibus conventiones, vel constitutiones ad tertiam fructuum portionem reducantur. Atque hodie haec pensionum portio potius per quantitatem pecuniae, quam per quotam fructuum definiri solet, ut tolleretur occasio discordiarum, quae ex communione, et divisione fructuum oriri posſent.

39. Absolvuntur et ab hac quantitate pensionum per pecuniam numeratam praefenda distributiones quotidiane, aliaeque fortuitæ oblationes ecclesiasticae, quia non sunt de corpore beneficij, aut in fructibus Praebendæ non computantur, licet ex consuetudine Ecclesiae, in cuius praebenda pensio erat creata, distributiones non darentur ad manum, neque quotidie, sed singulis mensibus tantum, et earum loco daretur singulis Canonicis certa quantitas numeratae pecuniae.

40. In stylo Curiae aliquando ex gratia etiam super distributionibus pensio conceditur, sed tum additur clausula: *distributionibus quotidianis, et non nisi praesentibus, et divinis officiis interessentibus dari, et per eos lucrari solitis, et consuetis.*

41. Reliquum est, quod in Gallia, et alibi pensio neque ad tertiam partem proventuum admittatur, nisi, detracta pensione, maneat congrua portio pro Titulari. Prima enim lex est, ut, qui *i. Cor. altari deserviunt, de altari etiam par-* c. 9. *ticipent.*

42. In stylo Curiae supersunt diversae clausulae, quibus pensiones concedi solet. Sic in resignatione pensio reservatur ea clausula: *ne ex sua resignatione nimium dispendium patiatur, de aliquius subventionis auxilio provideri, etc.* Patet inde causam finalem pensionum esse alimentationem Pensionarii. Absit enim, ut Pontifex eam assignare velit aliis, qui alimonia non indigent. Finis ergo est providendi egenis de alimentis.

43. Post clausulam experimentem quantitatem fructuum beneficii pensione gravandi sequi solet: *etiamsi super illis (fructibus) aliae pensiones, quas, illarumque summas etc. placeat habere expressis, et quae exprimi possint in litteris, aliis forsan assignatae existant.*

Hac clausula opus, quia secunda pensio, nisi prima exprimatur, nulla de jure foret. Si tamen haec pensio, una cum priore, tertiam partem fructuum excederet, haud facile, etiam cum hac clausula in Gallia, vel Belgio, vel alibi admitteretur.

44. Vulgaris etiam clausula est: *ut pensio sit libera ab omni decima, quarta, media, et quavis alia fructuum parte, nec non subsidio etiam charitativo, et quovis alio ordinario, et extraordinario onere, quomodo libet nuncupato etc. et quavis alia etiam urgenti, urgentissima, et necessario exprimenda causa, etiam ad supplicationem Imperatorum, Regum, Reginarum, Ducum, et aliorum Principum instantiam, canonice vel de facto, nunc, et pro tempore impositis, et quomodo libet imponeundis; etiam si in impositionibus hujusmodi caveatur expresse, quod Pensionarii quicunque pro rata Pensionum suarum, quantumvis exemptarum, praemissis contribuere tenentur.* Quid clarius exprimere posset, sola in causam alimentationis in pensionibus spectari? Si tamen tanta esset onerum impositio, ut, si haec a solo Titulari ferri deberent, proventus beneficii nimium diminuerentur, indulbie, non obstante hac clausula, Pensionarius ad partem onerum ferendam merito vocaretur; vel saltem

ob haec onera, diminutio, vel modera-  
tio quaedam pensionis, ut minus duran-  
tibus his oneribus, peti posset; praeser-  
tim, si pensio sit realis solvenda ab eo,  
qui pensioni non consensit, neque bene-  
ficium sub conditione solvendae pensio-  
nis accepit, ipsaque onera sint extraor-  
dinaria.

45. Additur in litteris pensionis, *ut*  
*solvatur mediatim in Nativitate Iesu*  
*Christi, et Nativitate Joannis Bapti-*  
*stae.* Haec clausula apponi solet, quando  
termini solutionis non fuerunt in suppli-  
catione, expressi. In reliquis enim libe-  
rum est, resignanti et resignatario pro-  
libitu plures, vel alios terminos solutio-  
nis definire.

46. Inde sequitur: *quod ille, vel qui-*  
*cunque aliis Successor, qui in dictis fe-*  
*stivitatibus, vel saltem intra 30. dies*  
*illarum singulas immediate sequentes*  
*pensionem praedictam per eum tunc*  
*debitam non persolverit, cum effectu*  
*lapsis diebus eisdem sententiam excom-*  
*municationis incurrat etc.* Benigna  
tamen interpretatione haec censura non  
incurritur, donec declaratoria sit data  
per judicem, et Pensionarius ea utatur,  
intimando illam adversario, vel Parocho,  
aut ponendo cedulones, quinimo in Gal-  
lia, et alibi censura mere styli, censetur  
esse.

47. His subditur: si vero per sex menses, dictos 30. dies immediate sequentes, sententiam ipsam animo, quod absit, sustinuerit indurato, ex tunc effluxis mensibus eisdem dicto beneficio perpetuo privatus existat, illudque vacare censeatur eo ipso, tibique (Pensionario) liceat ad idem beneficium liberum habere regressum, et liceat tibi vigore tui prioris tituli etiam possessionem propria auctoritate apprehendere, ac si illud minime resignasses. Opus tamen et hic est declaratoria sententia Judicis. In Gallia haec clausula, quantum spectat liberum regressum, nulla censetur. Ne tamen detur locus perfidiae, Resignatarius per sententiam Judicis condemnatur aut ad solvendum, aut ad cedendum, si justae solutioni pensionum deest.

48. Apponitur et clausula: quod pen-  
sio annulari, reduci, aut minui non  
possit. Si tamen adeo sint diminuti pro-  
ventus, ut, deducta pensione, alendo  
Titulari non sufficiant, reductio peti,  
non obstante indulto, potest, maxime  
ab eo, qui impositioni pensionis non con-  
fensit. Sic et in Curia Romana reductio  
solet dari, praesertim successori.

Reg  
Canc. de  
Resign et  
pension.

49. Juxta regulam Cancellariae nec litterae assignationis etiam motu proprio cuiusvis pensionis annuae super aliqui-  
jus beneficii fructibus expediri possunt,  
nisi de consensu illius, qui dictam pen-

sionem persolvere tunc debet. Hinc et hodierno stylo subjicitur clausula, pensionem solvendam per N. *cujus ad hoc accedit assensus, et Successores suos.* Exigitur ergo consensus, qui pensionem persolvere TVNC, utpote tempore impositionis, debet: nam Successorum consensus non requiritur.

50. Juxta modernum stylum Curiae Romanae plerumque huic regulae derogatur, quoties beneficium confertur absenti cum reservatione pensionis, praesertim, si resignans sit pacificus beneficii possessor. Hoc casu expeditur signatura pensionis cum hac clausula: *Et cum derogatione regulae de praestando consensu in pensionibus, attento, quod resignatio sit in favorem, et Orator, qui vere, realiter, et pacifice possidet, aliter resignare non intendit.*

51. Ajunt vix non omnes Interpretes, Papam proprio motu posse sine consensu resignatarii alicui beneficio pensionem imponere. In Gallia tamen hujusmodi impositio pensionis, aut derogatio aegrius admitteretur.

52. Subinde apponitur clausula, quod pensio debeatur, licet nullum jus cedenti competat; idque ad tollendas litigies. In Gallia tamen pensio abusiva censetur, si Papa, etiam de consensu partis eam ad commodum ejus, qui nul-

lum habet, aut praetendit jus in beneficio, concederet.

53. Dataria Apostolica observat, ut quoties resignatur beneficium, quod personalem residentiam exigit, non admittatur resignatio cum reservatione pensionis, nisi in supplicatione exprimatur tempus, per quod Orator illud possedit; si enim hoc breve est, rejicitur supplicatio, aut in calce ipsius respondetur. *Resignet absque pensione.* Id ipsum practicatur et in permutationibus similium beneficiorum cum aliis nullam residentiam requirentibus.

54. Moderno stylo requiritur in resignatione, praesertim cum pensione, beneficii Parochialis, aut alterius residentiam requirentis ad minus trium annorum possessio; quamvis ante requirentur septem, aut sex anni.

55. In Gallia anno 1671. vetat Rex Titularibus in beneficio curato, aut in Ecclesia Cathedrali, vel Collegiata resignare reservata pensione, nisi actualiter quindecim annorum expleto tempore inservierint, aut ratione morbi, vel infirmitatis notae, et per Ordinarium agnitae, quae ad vitae residuum inhabiles illos reddit, ut functiones suas continent, aut beneficiis suis serviant, excusentur.

56. Nonnunquam succreverant fraudes, quod eo colore incompatibilitas

beneficiorum tegeretur, quia, dum utrumque simul retineri nequit quoad titulum, placuit, uno retento, partem proventuum solum per pensionis reservationem ex dimisso beneficio decerpere. In Gallia injungitur iis, qui plures possident Canonicatus, ut unum optent, nec alios possint pensionibus gravare. In stylo Curiae pro quoquaque beneficio, seu curato, seu simplici, cuius collatio spectat ad Papam, et Orator sit praesens: si velit litteras expediti in forma gratiosa, coram examinatorebus, et Notario praestandum est juramentum, quod ipse Orator tale beneficium non assequatur animo illud resignandi.

§7. Censemur recentiores pensiones jure, et exemplo cujusdam beneficii, quia ex causa permutationis, vel resignationis loco beneficii reservari solent. Quemadmodum ergo beneficium ultra vitam non porrigitur, ita et pensio morte pensionarii exiprat.

§8. Sic et instar beneficii pensio alteri constitui non potest, nisi Clerico. Hinc et exemplo beneficii extinguitur pensio per contractum matrimonium, aut per professionem religiosam, nisi data, aut reservata sit pensio cum potestate transferendi.

§9. Inde a Leonis X. tempore magis innotuerunt Papales facultates transfe-

Cap. 9.  
De Extinct.  
translat.  
et Redempt.  
Pension.

rendi pensionem in aliam personam; quod tribus modis fieri solet; utpote autem obtenta clausula, cum Pontifex pensionem reservat, simulque facultatem concedit, eam in aliam personam transcribendi: *aut* vigore novellae supplicationis, si scilicet postea partes Papae supplicant, ut pensio, quam Caius Titio solvit, extinguitur, et Sejo reservetur: aut denique jure privilegiorum nonnullis concessorum. Talia privilegia ajunt nonnullis Ordinibus esse concessa. In stylo Curiae rarissimus hodie est usus earum translationum, quia hae facultates ferre nulli conceduntur, nisi Cardinalibus, aut aliis viris de Sede Apostolica peculiariter meritis, ut possint suos familiares in articulo mortis remunerare: et nec tunc solet concedi, ut totam transferre possint, sed vel tertiam, vel dimidiam tantum partem. Alibi ergo earum facultatum aut nullus est usus, aut et rarissimus.

60. In Gallia non potest pensio referari ex causa permutationis, nisi in beneficio permutato. Secus est de stylo Curiae Romanae. Nam si beneficium permutatum sit incapax pensionis, vel totam ferre non possit, saepe pensio reservatur super fructibus alterius beneficij, quod obtinet Resignatarius, vel saltem una pars super beneficio resigna-

to, et altera super alio beneficio, et aliquando super beneficio tertii.

61. Corruptis saeculis invaluit et reservatio pensionis, quae dicitur de consensu: seu ex causa lucrativa, quae ita vocatur, quia pensio ex consensu Titularis reservatur Apostolica auctoritate consanguineo, affini, vel amico etc. super fructibus beneficii. Dataria Apostolica plerumque has reservationes censet esse fraudulentas, quia constat, eas supplicationes, in favorem consanguineorum Titularis, sive aliorum quorumcunque porrectas, fere semper rejici. In Gallia, et aliis Provinciis nullus est earum reservationum usus, quandoquidem pro regula invaluit, pensionem nec per Papam de consensu Titularis constitui posse ad commodum ejus, qui nullum jus habet, vel praetendit in beneficio.

62. Extinguitur et pensio libera, et absoluta Pensionarii remissione, quia cuique liberum est, suo favori renuntiare. Potest haec remissio fieri et propria auctoritate, licet pensio per Papam esset reservata, aut esset reservata pro aliamentis ad commodiorem sustentationem.

63. Frequentissima hodie est pensionis redemptio per anticipatas quorundam annorum solutiones. Haec remissio fieri consuevit auctoritate Papae. In supplicatione exponit Orator, quod sibi

certa pensio auctoritate Apostolica super fructibus beneficii N. reservata furerit, ac tum subjungit: *quod ex certis causis animum suum moventibus, casationi, extinctioni, et annullationi, dictae pensionis annuae, illiusque reservationi hujusmodi in S. V. manibus sponte et libere, nonnullis tamen anticipatis, seu anticipandis solutionibus, et non alias, nec alio modo consentire proponat, et nunc etiam consentiat.* *Supplicat igitur etc.* Annos anticipatarum solutionum non exprimunt, quia eorum numerus, sicut et pretium de consensu partium dependet. Nec tamen in chyrographo, aut Procuratorio ulla sit conventionis de pretio mentio, quia simoniam proderet.

64. Anticipatae solutiones ita consti-tui solent, ut justum pretium, seu Capitale annuae pensionis reddatur, ad eum pene modum, quo similis quantitatis anni reditus vitalitii redemptio fieret: atque ex hoc pacto fit, ut ipse Pensionarius, mediante hac redemptione per quatuor, quinque, sex aut septem annos, atque ex beneficio resignato notabilem pecuniae summam consequatur, quam si de una determinata summa conventum fuisset. Quantum periculum simoniae, nisi simoniam non in-re, sed in verbis fitam esse dicamus.

65. In *signature super extincione*, aut *cassatione pensionis* solet apponi haec clausula: *quod sola praesentis supplicationis signatura sufficiat, et ubique fidem faciat in iudicio, et extra, regula contraria non obstante.* Ratio hujus styli est, quia extincio pensionum favorabilis censetur. Pensiones enim odiosae sunt. Et inde dolendum est, quod tam frequenter concedantur. In Canonicibus enim, et Patribus recentiorum pensionum, et redemptionum nullum vestigium relucet, quia vix ab avaritia, aut alio vitio excusari queunt.

\* 66. In moral doctrina quid salubrius, quam ex sententiis Patrum Clero paupertatis studium paucis commendare. Ex sententia S. Cypriani, *Pauperes alecti, superbi neglecti. Nec fastus, nec altus circa Christi discipulatum aliquem obtinet locum. Christus pauper discipulos divites aspernatur.*

S. Cypr.  
Tract. de  
Nativ.  
Christ.

Ait S. Hieronymus: *Clericum ex inope s. Hier. divitem factum, quasi quandam pestem ep. 2. ad fuge. Juxta S. Ambrosium: Petrus Nepot.* *gloriatur, quod non habeat argentum, s. Ambr. neque aurum: vobis pudor est, minus Lib. 7. adhuc habere, quam cupitis; est ergo Com- et pauperies gloria, quia est et beata — tamen non tam hoc gloriatur in cap. 10. Petrus, quod argentum, et aurum non Luc. habeat, quam quod servet mandatum*

S. Aug.  
serm. 37.  
ad Fratr.  
Tertull.  
de Pat.  
c. 7.

Pontif.  
Rom. ex-  
hort. ad  
prim.  
Tonf.

*Domini, qui praecepit: nolite posside-  
re aurum etc, Quid brevius verbis S.  
Augustini: Pauperes, inquit, esse de-  
bemus, quia ministri Dei sumus. Audi  
Tertullianum: Nec major ad pecuniae  
contemptum exhortatio subjacet, quam  
quod ipse Dominus in nullis divitiis  
invenitur. Semper pauperes justificat,  
divites praedamnat. Ecce, inquit Pon-  
tificale: Si Deo contenti estis, salubri-  
ter ad Clericatum accessistis, quia vita  
vestra concordat cum nomine, et vita  
apparet in opere.*

---

## TITVLVS. XII.

### *De Unionibus Beneficiorum.*

#### CAPVT I.

##### *De variis Speciebus Unionum.*

Trid. sicc.  
7. c. 4.

**1.** Corruptis saeculis ad augendos pro-  
ventus Ministrorum invaluerunt unio-  
nes beneficiorum temporales, et per-  
sonales, quae ad vitam cuiusdam Perso-  
nae restringebantur. Harum hodie usus  
exolevit, quia eas Concilium Tridenti-  
num abrogavit.

**2.** Supersunt uniones beneficiorum  
perpetuae et reales, quae inde ad per-  
petuam rei memoriam factae dicuntur,

quia spectant utilitatem Ecclesiae, quae nunquam mori censetur. Sic in dubio uniones beneficiorum in favorem Ecclesiae factae praesumuntur.

3. Haec unio tribus potissimum modis fit. Primus per viam suppressionis expeditur, nimirum, si duae vicinae Ecclesiae, quae bello, aut calamitate dirutae sunt, supprimuntur, ut ex utraque novum beneficium erigatur, et unum constituatur. Dum hoc modo Ecclesiae uniuntur, **privilegia**, jura, et bona data uni competunt, et alteri, et quando sunt plura, honestiora, et favorabiliora, in unitate servantur, seu potius ad novum beneficium transferuntur. Quidni hanc unionem translationis dicere possemus? Hoc exemplo saepe et in Cathedralibus, aut Collegiatis Ecclesiis una, alterave Praebenda supprimuntur, ut ex earum proventibus nova dignitas instituatur.

4. Fit et unio per accessionem, utpote, si duo beneficia via subjectionis connectuntur, ut unum beneficium principale constituatur, et alterum ejus sit accessorium, vel inferius. Sic itaque utrumque beneficium tam quod onera, quam quoad bona, et proventus manet in sua integritate, sed accessorium titulum beneficii amittit, quia principali subiectum est. In supplica oportet principale exprimere, alias, si exprimere-

tur tantum accessorium, nulla foret im-  
petratio, quia illud nunquam vacat,  
cum sit alteri per subjectionem unitum.  
Hinc in impetratiōne principalis nec o-  
pus est accessorium exprimere.

5. Tertius modus spectat unionem ad-  
ministrationis, vel possessionis, utpote, si  
unio Ecclesiarum per aequalitatem fiat, ut  
ambae aequae principaliter in suostatu inte-  
gro maneant, prout erant ante unionem;  
nihilque nec quoad unam, nec quoad  
alteram immutetur; remaneantque duo  
vera distincta beneficia, nisi, quod post  
unionem ab uno, eodemque Rectorē  
administrentur, et possideantur. Unde  
in impetratiōne opus erit, utrumque  
exprimere, utriusque onera ferre, quia  
et utriusque jura unus, idemque Rector  
percipit. Hinc, si haec duo beneficia  
diversis Episcopis ante unionem erant  
subjecta, post unionem neuter perdit  
jus suum.

6. Ut vero sciatur, quo genere unio-  
nis sibi cohaereant illa beneficia, oportet  
imprimis litteras unionis perscrutari,  
quarum tenore conditiones unionis, et on-  
era uniti beneficii explicare solent. Hinc  
invaluit communis illa clausula in unione  
Parochialium Ecclesiarum, quae aliquando  
frequentius, hodie rarius Mo-  
nasteriis, et Capitulis obtingunt. Re-  
servata tamen de fructibus, redditibus,  
proventibus, juribus, obventionibus

*hujusmodi pro Vicario perpetuo, in ea constituendo, congrua portione, ex qua idem Vicarius commode sustentari valeat, jura Episcopalia solvere, et alia sibi incumbentia onera suppor-tare.*

7. Cum autem per unionem semper fiat aliqua, quasi ipsorum beneficiorum alteratio, ideo ea propria auctoritate fieri nequit, sed opus est Superioris nutu, et jussu. In Decreto Gratiani reluc-  
tent Epistolae S. Gregorii, ex quibus apparet, S. Pontificem sua auctoritate plures Episcopatus univisse. c. 48. et 49.  
*XVI. q. 1.*

8. His exemplis novo jure invaluit mos, quod uniones Episcopatum, alia-  
rumque majorum Ecclesiarum reservar-en-tur per omnes regiones Catholici or-  
bis auctoritati Sedis Apostolicae; atque hoc jure utimur. c. 8. *de Excess. Praelat.*

9. Reliquit tamen et novo jure Pon-tifex Episcopis Diaecesanis unire bene-ficia inferiora suarum Diaecesium, quam-vis eorum collatio ad alios spectet, aut ea in exemptis Ecclesiis sita sint, aut illis annexa; si modo ipsa beneficia non sint exempta. *ibi.*

10. In reliquis, quia haec unio infe-  
riorum beneficiorum refertur ad ordinem  
jurisdictionis Episcopalis, inferunt Inter-pretes, posse Capitulum, Sede va-  
cante, auctoritatem unioni praestare,

dummodo per eam juri Episcopali nihil detrahatur.

11. Quodsi Episcopus, aut vacante Sede Capitulum unionem petitam facere recusaret, posset a recusatione, si iusta videatur, ad Metropolitam, veluti superiorem, appellari, ut ipse de Unione statueret.

12. Inferiores Praelati, quamvis exempti, aut et Collatores auctoritate uniendi sua beneficia destituuntur, nisi aut praescriptione, aut Privilegio tantam auctoritatem vel per justum titulum, vel per tempus immemoriale nacti sint. Sic Rex Galliae sua auctoritate procedit ad unionem beneficiorum, quae pleno jure ad ejus collationem spectant. Jura enim episcopalia inferiores prescribere haud vetantur. c. 15. *de Praescript.*

13. A Superiore uniones beneficiorum admittendae non sunt, nisi ex legitima, et rationabili causa. Rescripsit Honorius III., Episcopum Praebendis Cathedralis Ecclesiae recte unire posse Capellas, *si evidens necessitas, vel utilitas exigat.* En legitimas causas! c. 33. *de Praeb.*

14. Quantum igitur ad legitimam causam explorandam pertinet, spectanda est Ecclesiae evidens necessitas, vel utilitas; ne appareat, Superiorem plus favisse

Cap. 2.  
I<sup>e</sup> cauf.  
union.

favisce personae, quam Ecclesiae. c. 1.  
Ne Sed. vacant.

15. Clemens V. declaravit inde, quod si Episcopus, sui etiam Capituli accedente consensu, mensae suae, vel ipsi Capitulo aliquam duxerit Ecclesiam unniendam, id irritum esset, et inane, contraria quavis consuetudine non obstante, quia privatum illud commodum, ut vel augeantur alieni reditus, vel minuantur pensionum, portionum, aut et litium expensae, haud spectat evidenter necessitatem, vel utilitatem Ecclesiae. Clem. 2. de Reb. Eccl. non alien.

16. Praecipit Concilium Tridentinum, ut *uniones perpetuae*, a quadraginta annis citra factae, examinari ab Ordinariis, tanquam a Sede Apostolica delegatis possint, et quae per subreptionem, vel per obreptionem obtentae fuerint, irritae declarentur. Illae vero, quae a dicto tempore citra concessae, nondum in toto, vel in parte sortitae sunt effectum, et quae deinceps ad cuiusvis instantiam fient, nisi eas ex legitimis, aut rationabilibus causis, coram loci Ordinario, vocatis, quorum interest, verificandis, factas fuisse constiterit, per subreptionem obtentae praesumantur.

Trid.  
Sess. 7.  
c. 6.

17. Quum vero diversa sint beneficia; Trid. sess.  
Synodus aequi, bonique habuit, ut ad 23. c. 18.

augendos proventus tenuiorum Paro-  
chiarum, aut Ecclesiarum Cathedralium,  
Collegiatarumque insigniorum, ubi adeo  
tenues sunt Praebendae simul cum di-  
stributionibus quotidianis, ut sustinendo  
decenti Canonicorum gradui, pro loci,  
et qualitate personarum non sufficiant,  
aut pro erectione, dotationeque Semi-  
narii Episcopalis quaedam beneficia sim-  
plicia unirentur.

18. Inter haec tempora et episcopa-  
les Sedes unionibus beneficiorum ad au-  
gendos, aut supplendos proventus ege-  
re videbantur. Statuit Concilium Tri-  
dentinum, ut Synodus provincialis di-  
ligenter expenderet, quas Sedes pro-  
pter Angustias, tenuitatemque vicinis  
unire, vel novis proventibus augere ex-  
pediat; confectaque de praemissis instru-  
menta ad suimum Pontificem mittan-  
tur: quibus instructus summus Ponti-  
fex, ex prudentia sua, prout expedire  
judicaverit, aut tenues *Cathedrales Ec-  
clesias* invicem uniat, aut aliqua accessio-  
ne ex fructibus augeat. *Interim vero,*  
*donec praedicta effectum sortiantur,*  
*hujusmodi Episcopis, qui fructuum*  
*subventione pro Diaecesis suae tenuita-*  
*te indigent, poterit de beneficiis ali-*  
*quibus, dum tamen curata non sint,*  
*nec dignitates, seu praebendae, et ca-*  
*nonicatus, nec monasteria, in quibus*  
*regularis viget observantia, vel quae*

sest. 24.  
c. 13.  
et 15.

Trid. sest.  
24. c. 13.

*Capitulis generalibus, et certis Visitatoribus subduntur, a SS. Romano Pontifice provideri.*

19. Periclitabantur tunc et Parochiales Ecclesiae, eoquod decimarum, aliorumque proventuum incorporationibus, quibus Monasteriis, Capitulis, aliisque beneficiis uniri consueverunt, justo subsidio alendi proprium Pastorem excidissent. Vetat inde speciatim S. Synodus, posthac hujusmodi uniones fieri, praecipitque, factas hactenus ab Ordinario revideri.

20. Superest tamen locus uniendarum et Parochiarum vicinarum invicem per modum provisionis, donec singulis Parochiis de proprio Pastore per fundum congruae sustentationis consuli possit. Concilium Mechliniense Provinciale II. ita decrevit: *ut vero haec omnia perfici possint, licebit Episcopis per unionem vicinarum, et minorum Ecclesiarum, aut simplicium beneficiorum, vel per concessionem deservituarum, et alias propter idoneorum sacerdotum raritatem, PER MODUM PROVISIONIS, providere.*

Conc.  
Mechl. II.  
Tit. 17.  
c. 3.

21. Si ergo unionis justa causa apparet, discretio servanda est, ut potius vicina, quam remotiora beneficia, ipsaque in una, eademque Ecclesia existentia, quam in diversis Ecclesiis dispersa,

Trid. sess. 14. c. 9. uniantur. Vetat Concilium Tridentinum diserte, beneficia unius Diaecesis, etiam ratione augendi cultum divinum, aut numerum beneficiorum, aut alia quacunque de causa, alterius Diaecesis beneficio, Monasterio, seu Collegio, vel loco etiam pio perpetuo uniri. Hoc exemplo et vetita censetur unio unius beneficii de uno regno cum beneficio alterius regni; dareturque in Gallia appellationi ab abusu locus, si talis unio inscio Rege fieret.

sess. 25.  
c. 9.

22. Alibi vetat Synodus Tridentina, et fieri accessiones per viam unionis de beneficiis liberis ad Ecclesias juris Patronatus: sed quia salus populi prima lex est, multis locis curatis juris Patronatus, praesertim ecclesiastici, competenti dote destitutis beneficia libera, quia alia media non suppetunt, ad dotem congruam sunt unita.

Trid. sess. 7. c. 6.

23. Praecipit S. Synodus, non tantum, ut posthac nulla admittantur uniones perpetuae, nisi ex legitimis, et rationabilibus causis; sed insuper, ut a 40. annis citra factae, examinari ab Ordinariis, tanquam Sedis Apostolicae delegatis, possint: et, quae per subreptionem, vel obreptionem obtentae fuerint, irritae declarentur. In Gallia superest exemplum, quod inde unio, sine legitima causa facta, etiam post integri saeculi lapsum aliquando auctori-

tate Regii Senatus per appellationem ab abusu rescissa fuerit, quia illegitima unio semper, et perpetuo gravare censemetur.

24. Ne uniones sine legitimis, aut alias rationabilibus causis fieri contingat, praecipit Cancellarie Regula, *ut semper in unionibus concessio fiat ad partes, vocatis, quorum interest*. Inde in Francia, quomodocunque fiant uniones vel per Papam, vel per Ordinarios, requiruntur solemnia, quae in Regula praescribuntur.

25. In stylo Curiae Romanae, si fiat a Papa unio in forma gratiofa, non requiritur clausula: *vocatis vocandis*, quia derogatur Regulae de unionibus committendis ad partes, S. Synodus enim Tridentina Papae arbitrio uniones in forma gratiofa *per illa verba; nisi aliter a Sede Apostolica declaratum fuerit*, reliquit. In Gallia tamen Tridentinum Decretum quoad illam clausulam receptum non est. Et in Belgio uniones beneficiorum in forma gratiofa sine cause cognitione rejicerentur.

26. Itaque unio etiam auctoritate Pontificis hodie fieri debet in his Provinciis per formam commissoriam, ut a judicibus ecclesiasticis, quibus a Sede Apostolica in partibus inquisitio, et cognitio delegari potest, causa examineatur, relatioque ad Papam remittatur.

Cap. 3.  
De solem.  
ad union.  
Requit.  
Reg  
Canc. de  
unionib.

Trid. sess.  
7. c. 6.

27. Juxta formam commissionis debent audiri, quorum interest. Audier-  
dus ergo est praeprimis Episcopus, alii-  
que Collatores, quorum interest, quod collationem ratione unionis amittant.  
Audiendi sunt et Patroni! immo, si Pa-  
tronii laici fuerint, eorum et consensus  
requirendus est, quia in perpetuis u-  
nionibus nec Papa laicorum juri Patro-  
natus derogare in his terris potest. Con-  
cilia Belgica ad Tridentinum Decretum,  
quo potestas fit Episcopis, ex justa causa  
uniones faciendi beneficiorum, et Ec-  
clesiarum, expresse mouuerunt, *opus  
esse consensu Patronorum laicorum.*

Trid. seff.  
2. c. 5.

28. Quantum ad consensum Regis spe-  
ctat, id expeditum est, hunc requiri in  
unionibus beneficiorum Patronatus Re-  
gii. Ajunt, et Procuratorem Principis  
Generalem vocandum, et audiendum  
esse, non solum si jus Patronatus ad  
Principem pertineat, sed etiam si ad a-  
lium, nempe ratione publicae utilitatis,  
ad discipiendum, an futura unio publi-  
co sit utilis, nec ne. Quippe Princeps  
omnium beneficiorum, quae in terri-  
torio sunt, Protector, et Tutor cense-  
tur. In Gallia ab unione, praeterito Pro-  
curatore Regio facta, velut ab abusu  
provocari solet, soletque etiam post  
centum annos provocatio admitti, quia  
unio semper gravare censemur. Si de  
beneficiis, quae ad Regaliam spectent,

agitur, unio, inconsulto Procuratore Regio, fieri nequit: aut, si facta sit, aperta Regalia Rex confert, quasi nulla unio intervenisset.

29. In Belgio, et alibi, si agatur de unione beneficiorum per Papam facta, ea executioni mandari non potest, nisi audiatur Procurator Regius, quia Placetum Regium dari non consuevit, nisi Regio Procuratore, vel Officio fiscali audito.

30. In reliquis unionibus beneficiorum, quae pleno jure ad provisionem, aut collationem ordinariorum Collatorum pertinent, nec in Gallia interventionis Procuratoris Regii necessarius existimat, nisi speciale commodum Regis probetur, aut in suppressione notabilium beneficiorum quidquam contra fundationem, quia Rex Protector omnium fundationum censetur, intervenisse dicatur. Consultius est ergo, in hisce unionibus, et suppressionibus interventionem Officii fiscalis expetere. At simplicium beneficiorum uniones, praesertim ad dotationem tenuiorum Parochiarum, passim ab Episcopis, inconsulto Fiscali, fieri, et tollerari solent.

31. Rectorem beneficii uniendi præteriri posse declaravit Clemens V. Unio enim fieri solet sine præjudicio postessoris, quia, quoad usque vivit ipse,

quiescit omnis unionis effectus, ut ejus possessioni, aut juri nihil praejudicetur  
*Clem. 2. de Reb. Eccl. non alien.*

32. Invaluit tamen, quod Possessor beneficii uniendi vocandus censeatur, quia, cum agitur de alienatione aut suppressione tituli, ejus, veluti Administratoris, est, beneficii sui jura et utilitatem defendere; sed revera unio ex legitimis causis fieri potest, eo invito modo ei reserventur fructus durante vita. Cluniacenses inde Bullas obtinuerunt, quibus unio beneficiorum, quae ab eorum Ordine dependent, prohibetur fieri absque consensu Abbatis, et Capituli ejusdem Ordinis.

33. Quantum ad Parochianos, si de eorum Parochia unienda agitur, spectat, et ipsi audiendi sunt, quia ipsorum interest, bonum, et proprium habere Pastorem. Si tamen justa appetet unionis causa, Parochianorum consensus haud expectatur.

Reg. Cancell. de Union.

34. Praecipit Regula Cancellariae, ut petentes beneficia aliis uniri, teneantur exprimere verum valorem, secundum communem aestimationem, tam beneficii uniendi, quam illius, cui uniri petitur; alioquin unio non valeat. Quippe ex hac expressione innescere saepius potest, nam utilitas, aut necessitas eam unionem requirat; utpote quae ex Ec-

clesiarum majore, vel minore penuria non raro metienda est.

35. Si omnibus rite examinatis, singulisque, quorum interest, auditis, utilis, aut necessaria unio Ecclesiarum appareat, potest Episcopus ad eam procedere, et si beneficia essent generaliter, aut specialiter reservata, aut quomodo-cunque affecta. Addit S. Synodus: *Quae uniones etiam non possint revocari, nec quoquo modo infringi, vigore cu-juscunque provisionis, etiam ex causa resignationis, derogationis, aut suspen-sionis, etiam a Romana Curia im-petratae, nisi illae omnem actionem E-piscopi praevenerint, ut inde ex colla-tione vacantis beneficii, et expeditione Bullarum jus tertio jam quae situm fuisset, aut nisi visum fuerit Sedi Aposto-licae non obstante hujusmodi Unione re-signationem admittere, et ex certa sci-entia, alteri secundum plenitudinem potestatis providere.*

Trid. sess.  
21. c. 5.

36. Supersunt tamen nonnulli modi, quibus et legitima unio resolvitur: nam causa resolutionibus favorabilis censetur, quia inde beneficia in primaevum statum restituuntur. Et si constat praecise de causa, ex qua unio facta fuerat, ea ces-sante, et unio dissolvitur. Sic in Belgio auctoritate tum Pontificia, tum Regia recte Processum est ad dissolutionem unionis Monasteriorum factae quibusdam

Cap. 4.  
De Dissol.  
Union.

Episcopatibus; eoquod in eorum electione ex proventibus Monasteriorum Episcopis competens dos esset assignata, atque ita auctis propriis proventibus Episcopatum cessaret causa Unionis. Hoc exemplo, si diligenter ab Ordinariis revererentur veteres uniones praefertim Ecclesiarum Parochialium, quondam liberalius factae, non dubium, quin deprehendi posset, causam veterem unionum in multis exspirasse, ut nulla unionis tolerandae causa supersit.

37. Quinimo etsi causa Unionis adhuc aliquantum superesse videatur, potest tamen ad dissolutionem procedi, si alia causa supervenerit, quae causae unionis praevaleat. Nam sicuti Unio ex causa utilitatis, aut necessitatis Ecclesiarum fieri potest; ita et ex eadem revocari.  
*Arg. L. 35. ff. de Reg. Jur.*

38. Apparente legitima causa, qui Ecclesias unire possunt, possunt et dissolvere unionem. Quinimo Episcopus uniones suarum Ecclesiarum, non modo a se, aut suis Praedecessoribus, sed a Papa, aut Legato factas causa subsistente dissolvere potest, quia Papa uniendo beneficia non censetur potestatem Ordinarii restrinxisse.

39. Si tamen unio facta est Regia auctoritate, Regeque cum causae cognitione approbante, resolutio hujusmodi unionis sine consensu Regis in Gallia,

vel alibi non facile admitteretur, nec difficulter ab hujusmodi dissolutione appellatio velut ex abusu reciperetur.

40. Et quia unio requirit causae cognitionem, vocatis, et auditis, quorum interest; hinc et in resolutione unionis eadem solemnitas adhibenda est; utpote in Bulla revocationis exprimenda est clausula: *vocatis his, qui fuerant evocandi.* Tametsi minus exacta causae cognitio facilius in dissolutione, quam in unione toleraretur, quia jura priora sunt ad solvendum, quam ligandum.

41. Dissoluta unione restituitur beneficium in pristinum statum, ita, ut redeat ad collationem, vel provisionem illius, qui ante unionem fuerat Collator, aut Patronus. Nec enim consentiendo justae unioni censetur absolute juri collationis, aut Patronatus renuntiasse.

42. Quemadmodum tamen unio fieri solet sine praejudicio Possessoris; ita et dissolutio. Quin et gesta tempore Unionis rata manent: ideoque siquae alienatio, servatis justis solemnitatibus, durante unione contigerit, ea haud revocatur per dissolutionem Unionis.

43. Ut abhinc beneficium unitum, separatim ab illo beneficio, cui fuit unitum, post decepsum Possessoris impertrari queat, non sufficit aut causam u-

nionis cessare, aut aedesse causam sufficientem dissolutionis; sed requiritur, ut auctoritate Superioris ipsa dissolutione servatis servandis, facta fuerit.

44. At si praetendatur Unio invalide facta, defectu observatae solemnitatis, tunc in praxi solet impetrari beneficium unitum; et postea institui possessorum: et si opponatur, esse unitum, replicatur, non valere Unionem; et ab illa Unione appellatur tanquam ab abusu.

45. Expunctis per Concilium Tridentinum Unionibus ad vitam, ab abuso excusari non possent dissolutiones legitimarum Unionum ad vitam. Ut si Canonicus, cuius Praebendae annexa est Ecclesia Parochialis, consentiret dissolutioni illius Ecclesiae ad vitam Titii, ea conditione, ut Titio decedente rurus unio revivisceret. Corruptis saeculis tam degeneres artes plerumque sugessit ambitio, ut sibi imperium in beneficia ecclesiastica, proprii commodi studio pararet. Inquit S. Bernardus: *An non quaestibus ejus tota legum, Canonumque disciplina insudat.*

\* 46. Inde in morali doctrina quid tam exploratum est, quam Clero maxime vitandam esse ambitionem? Ait S. Cyprianus: *Ambitionis falsugo bibulam animam occupat, ut per fas, et ad loca superiora, et pinquiora etiam de latebris eremi non-*

S. Bern.  
L. 3. de  
Confid.  
c. 1.

S. Cypr.  
de Oper.  
Christ.  
prol.

nulli se ingerant. Juxta S. Ambrosium : S. Ambr.  
Hoc ipso pernitiosior ambitio , quod in Luc.  
blonda quaedam est conciliatrixula di- c. 4.  
gnitatum , et saepe , quos vitia nulla  
flectunt , quos nulla potuit movere lu-  
xuria , nulla avaritia subruere , facit  
ambitio criminofos . Habet enim foren-  
sem gratiam domesticum periculum , et ,  
ut dominetur aliis , prius servit : cur-  
vator obsequio , ut honore donetur :  
et , dum vult esse sublimior , fit remis-  
fior : Ex sententia S. Leonis : Corpus S. Leo.  
Ecclesiae ambientium improba conten- ep. I.  
tione faedatur . Quid disertius querela S. Bern.  
S. Bernardi ? In pace amaritudo mea serm. ad  
amarissima — fuit ergo amaritudo Ec- Past.  
clesiae : amara quidem in persecutione  
Tyrannorum , sed amarior in versu-  
tia haereticorum , sed amarissima ho-  
die per pravitatem desideriorum . Pa-  
cem habet Ecclesia apud extraneos ,  
sed filii nequam , filii scelerati saevi-  
unt in eam , qui propriam matrem evi-  
scerant , ut se pariant in honorem .  
Et alibi : Plena est ambitionis Ecclesia ; De Con-  
non est , quod jam exhorreat in stu- fid lib. I.  
diis , et molitionibus ambitionis , non  
plus quam spelunca latronum spoliis  
viatorum . c. 10.

## T I T V L V S XIII.

### *De Simonia circa Beneficia.*

#### CAPVT I.

*De Enormitato hujus Criminis.*

1. Ambitio simoniam peperit. Ait Therasius Patriarcha Constantinopolitanus: Simoniaci suum ipsorum, quantum putant, Spiritum sanctum servum ipsum faciunt. *Omnis enim Dominus, quidquid habet, cum libuerit, vendit, siue famulum, siue aliquid aliud ex his, quae possidet. Similiter, et qui emit, volens rei emptae dominus fieri, argenti pretio eam acquirit.* Ref. c. 21.  
I. q. 1.

2. Et inde quid infelicius? Prosequitur S. Pater: *Si venditur Sacerdotii dignitas, supervacua igitur apud istos venditores est honesta vitae institutio, et puritatis, virtutisque cultus: supervacuus apud ipsos et Paulus divinus Apostolus docens, oportere Episcopum esse sine crimine, temperantem, modestum, continentem, sobrium, aptum ad docendum, insitentem fideli secundum doctrinam sermoni, ut potens sit exhortari in doctrina sana; et contradicentes refellere. Pereunt*

igitur haec omnia ex eo, quod Sacerdotium venditur, et emitur. Ibi ep. ad Hadrian. in fin.

3. Quum veteri more ipsi ordinatio- ni titulus provisionis cohaesit, plerumque SS. Patres in simoniacas ordinatio- nes stylum strinxerunt. Inter hos dis- fertior est S. Gregorius: *Ex qua re, inquit, agitur, ut ipsi quoque, qui SS. Ordines appetunt, non vitam cor- rigere, non mores componere studeant, sed divitias, quibus honor sacer emi- tur, satagant congregare.* Ref. c. 28. integr. lect. et passim. I. q. 1.

4. Invalecente divisione provisionum ab ordinationibus, in utramque censura vigilavit, si simoniaca apparuisset. Ait Calixtus II.: *Sanctorum Patrum exem- pla sequentes, et officii nostri debito innovantes, ordinari quemquam, vel in Ecclesia Dei promoveri per pecuniam, au<sup>t</sup>oritate Sedis Apostolicae prohibe- mus: si quis vero in Ecclesia ordinatio- nem, vel promotionem taliter acquisi- erit, acquisita prorsus careat digni- tate.* Apud Grat. c. 10. ibi.

5. Inter reliqua novi juris Decreta, quibus passim simoniaceae provisiones be- neficiorum damnantur, recentius Syno- dus Tridentina instauravit, et ab ordi- nationibus exulare debere, quidquid speciem simoniae praefere posset. Eo enim aevo Episcopi, praecipue opulen-

Trid. sess.  
21. c. 1.

tiores, spreta Clericorum ordinatione, a qua nullum commodum dependebat, retenta sibi collatione beneficiorum, illam Episcopis titularibus committere caeperant, qui, quia sibi saepe sat tenuiter provisum erat, e functionibus ecclesiasticis vietum quaerebant, ut eos, quos ad Ordines admittebant, quidquam ipsis conferre cogerent; primum elemosynae nomine, seu oblationis: dein titulo donationis, et denique mercedis obtentu; non, quae Episcopo ordinanti, sed famulis, aut aliis Ordinationum ministris cederet. Hac occasione declaravit Synodus Tridentina, ut nihil pro collatione quorumcunque Ordinum, etiam clericalis Tonsurae, nec pro litteris dimissoriis, seu testimonialibus, nec pro sigillo, nec alia quacunque de causa, etiam sponte oblatum, Episcopi, et alii Ordinum Collatores, aut eorum ministri quovis praetextu accipient. Notarii vero in iis tantum locis, in quibus non viget laudabilis consuetudo nihil accipiendi, pro singulis litteris dimissoriis, aut testimonialibus, decimam tantum unius auri partem accipere possint, dummodo eis nullum salarium sit constitutum pro officio exercendo; nec Episcopis ex Notariis commodis aliquod emolumentum ex iisdem Ordinum collationibus, directe, vel indirecte praevenire possit etc.

6. Refert Pallavicinus, quod, cum articulo Patribus proposito diceretur: *Transgressores tanquam simoniacos esse puniendos*, illius propositionis loco lectio substituta fuerit, ne valeret in oppositum quaecunque consuetudo, utpote magis corruptela, simoniae favens, et si ab ipso crimine simoniae nomen oblati, et gratuiti excusare videatur. Hoc exemplo, si Praelati Ecclesiarum pro sui officii ratione diligenter excuterent, quidquid sub pallio *oblati*, ac *gratuiti doni* in Sacramentorum administratione, aliisque ecclesiasticis functionibus, tum a Sacerdotibus, tum ab Episcoporum Ministris, et Officialibus accipitur, vel et exigitur, non dubium, quin plura reperirent, quae, si non ut simoniaca, saltem ut corruptelae faventes simoniae, aut avaritiae, essent reprobanda, non obstante quantacunque consuetudine.

7. Instabant Galli, quod consuetudo, quae in aliis Decretis generatim permittebat, Notarios quidquam exigere, ab iis Diaecesisbus rejicienda esset, ubi laudabilis consuetudo vigeret, ut nihil acciperent Scribae. Quid consultius, quam ut omnes Episcopi, praesertim quibus de proventibus ecclesiasticis abunde provisum, eam saeculi XVI. consuetudinem Gallorum in suas Diaeceses

Pallavi-  
cin. Hist.  
Conc.  
lib. 17.  
c. 9.

introducerent, congruumque suis ministris salarium assignarent, quo a suscep-tis hisce exactiobus cohiberentur. Monet S. Ambrosius: *Non tamen satis est, quod lucrum ipse non quaerat: familiae quoque tuae cohibenda sunt manus: nec hoc solum exposcimus, ut te solum immaculatum, castumque custodias: non enim dixit Apostolus, te solum, sed te ipsum castum custodi.*

S. Ambr.  
in Luc.  
c. 4.

Cap. 2.  
De Trip.  
muner.

8. Evanuisset recentior socordia, si religiosior superfuisset memoria illius sententiae Dominicæ: *Gratis date, gratis accepistis. Queritur S. Hieronymus: Nunc cernimus plures hanc rem beneficium facere, ut non quaerant in Ecclesia eos erigere columnas, quos plus cognoscunt Ecclesiae prodeesse; sed quos vel ipsi amant, vel quorum sunt obsequiis deliniti, vel pro quibus majorum quis rogaverit, et, (ut deteriora taceam) qui, ut Clerici fuerint, muneribus impetrarunt. Refert. c. 6.*

VIII. q. 1.

9. Hoc argumento innotuit celebris divisio munieris; nimirum a manu, ab obsequio a lingua. Ait S. Gregorius: *Neque dicit enim Propheta: qui excusat manus suas a munere; sed adjunxit: ab omni: quia aliud munus est ab obsequio, aliud munus a lingua. Apud Gratian. c. 114. I. q. 1.*

10.  
res ecc  
institu  
muner  
vel pec  
simoni  
11.  
nu pec  
poralis  
S. Aug  
nes po  
sunt,  
pecuni  
quod bant.

12.  
ti per  
alicujo  
necficiu  
lexand  
eum,  
quia ij  
tare ne  
et min  
tatem  
mon.

13.  
manu  
nus tra  
vis ma  
te, siq  
vel ex

10. Hinc pronuntiat Urbanus II.: *Qui res ecclesiasticas non ad hoc, ad quod institutae sunt, sed ad propria lucra, munere linguae, aut indebiti obsequii, vel pecuniae largitur, vel adipiscitur, simoniacus est.* Superefst. c. 8. I. q. 3.

11. Juxta S. Gregorium munus a manu pecunia est, qua quaelibet res temporalis exterior indicatur. Ex sententia S. Augustini: *Totum, quidquid homines possident, omnia, quorum Domini sunt, pecunia vocatur — ideo autem pecunia vocata est, quia antiqui totum, quod habebant, in pecoribus habebant.* Refert. c. 6. I. q. 3.

12. Unde constat, simoniam committi per munus a manu, dum exterioris alicujus rei temporalis interventu beneficium acquiritur, vel datur. Sic Alexander III. simoniae reum egit Clericum, quod sex solidos Archidiacono, quia ipsum aliter ad Ordinem praesentare noluisset, exsolverat. Nam majus, et minus quantitatis numeratae diversitatem juris haud inducit. c. 20. de Simon.

13. Nec illud interest, an realiter de manu ad manum externum illud munus tradatur; aut an per fictionem brevis manus negotiatio intercedat; utpote, si quis beneficium impetrat, tacite, vel expresse remittendo debitum; vel

Collator dare nolit, nisi addicta remissione debiti. Hoc ex capite Patroni, a signanter ecclesiastici, veluti Capitula, et Monasteria a vitio haud excusantur, si ad Ecclesias Parochiales praesentent ea lege tacita, vel expressa, ut Praesentatus minore competentia sit contentus, aut saltem justum augmentum illius non praetendat. Sunt et rei Clerici, qui tacite, vel expresse remissionem illam addicunt, aut augmentatione, quod juste petere possent, renuntiant. Quid enim evidentius, quam quod eo casu vel debiti certi, aut saltem probabilis fiat remissio, ut beneficium conferatur, vel accipiatur. Alexander III. illos Clericos, qui, decedentibus Ecclesiarum Personis, paciscebantur, ex ipsis maiores solvere pensiones, vel iustas, et congruas remittere, ut faciliter possint Ecclesias adipisci, totaliter adeptis Ecclesiis spoliari mandavit. c. 6.  
*de Paet.*

14. Munus a lingua auctore S. Gregorio est favor; cuius interventu non secus, atque per munus a manu contrahi censetur simonia, quia, juxta S. Thomam *quod aliquis satisfaciat precibus cuiusdam ad temporalem gratiam quaerendam, ordinatur ad aliquam utilitatem, quae potest pecuniae pretio aestimari.* Tales enim preces succedunt loco pretii.

15. Et vero; si collatio beneficii, facta ad preces alicujus, spectet favorem humanum, nec ipsa excusatur a simonia, et si preces pro digno, dignioreque factae sunt: utpote juxta S. Thomam, *si non attendatur ad dignitatem, et merita personae, sed ad favorem humanum.*

16. Absit vero, ut inde omnes commendationes, vel supplicationes rejiciantur! enimvero, si Collator merita Personae per eum, qui preces pro collatione interponit, proposita mere attendat, aut supplicans non alio intuitu preces porrigat, quam ut merita personae Collatori, vel Patrono exponat, uterque vitio vacat, quia hae preces non loco pretii haberi possunt, sed instar attestationis, et elogii sunt meritorum. Monet Gratianus: *Non quorumlibet precibus ordinationes factae falsae dijudicantur; sed hae demum, quae praecibus ordinandi, vel amici non spirituali, sed carnali affectu correctis sunt, cum alias futurae non essent; quas non charitas interveniens, sed ambitio supplicans extorquet.* Grat. ad c. 122. I. q. 1.

17. Supplicans, saltem in intentione, a simonia non excusatur, si preces ea intentione offerat, ut Collatorem non per merita Personae, sed per gratiam, aut favorem humanum, quem tacite

ipſi addicit, movere intendat ad conferendum. Sic et Collator non est a vicio immunis, si non ob merita Personae, simpliciter per ſupplicantem exposita, ſed ob addictam ſibi gratiam, aut favorem ad conferendum proceſſerit, juxta illud S. Thomae: *Qui dat spirituale, ſi principaliter moveatur favore pre- cum, vel timore rogan- tis, quantum ad judicium divinum, ſimoniam com- mittit et rogan- s, et rogan- tis, ſi hoc intendat.*

18. Munus ab obsequio ex ſententia S. Gregorii eſt *ſervitus indebitē impen- fa*. Quia, inquit S. Thomas, idem eſt, quod aliquis det rem spiritualem pro aliquo obsequio temporali exhibito, vel exhibendo, ac ſi daret pro pecunia data, vel promiſſa, qua illud obsequium aeftimare poſſit. Quippe gratis, quod gratis accepit, non dat, qui pro obſequio dat.

19. Ergo incurruunt ſimoniam illi, qui obsequium, aut ſervitium Collatoribus, aut Patronis gratis exhibent, ea con- ditione tacita, vel expreſſa, ut iſpis o- currente occaſione, de beneficiis pro- videant. Similiter et Collatores a vicio non excuſantur, ſi ea ſpe allicitant Cle- ricos, ut ſibi obsequium, aut ſervitium gratis exhibeant.

20. Hoc exemplo et illi reatum in- currunt, qui Principum, aliorumque

Magnatum, Liberos, vel Episcoporum Nepotes, nullo, vel exiguo stipendio regendos, erudiendosque suscipiunt, ea spe, quod beneficia ecclesiastica ab ipsis, vel eorum favore adipiscantur. Sunt simoniaci et Canonici, aliique Sacerdotes, assumentes Vicarios, qui exiguo sunt contenti stipendio, spe consequendi beneficium.

21. Enimvero labes simoniae haud abstergitur, et si id genus obsequii exhibiti, aut exhibendi spirituale foret; quia et spiritualem operam navantes, veluti operarii, digni sunt mercede sua, ut, si hanc intuitu beneficii accepti, vel accipiendi remittant, una cum illis, qui tale obsequium intuitu beneficii vel accepti, vel promissi gratis sibi exhiberi tacite, vel expresse postulant, vel oblatum acceptant, iudiciae simoniaci sint. Simoniacum enim est, conferre aliqui beneficium ea lege, vel conditio ne tacita, expressave, ut ipse Beneficiatus teneatur Collatori, vel alteri aliqua obsequia etiam spiritualia, beneficio non annexa, gratis praestare. Quis enim dubitat, quin obsequia illa, licet spiritualia, gratis exhibita, redundant in utilitatem Collatorum, quia obsequia illa, uteunque spiritualia, sine constituta mercede ab aliis haud ipsis exhiberentur. S. Carolus inde monuit, atque obtestatus est Episcopos, aliosque

S. Carol.  
in Conc.  
Mediol.

Collatores, quibus jus est conferendi beneficia, ut familiaribus suis justam mercedem constituant, ne illi, hoc *subsidio destituti, beneficia ecclesiastica, tanquam suae operae, et laboris pretium praecipue sibi proponant.*

Cap. 3.  
De Pro-  
gress.  
simon.  
S. Greg.  
lib. 4.  
ep. 50.

22. Progressu temporis praevaluit vi-  
tium. Conquestus est S. Gregorius, hoc  
malum vetustatis titulo nimis adolevi-  
se. *Quibusdam namque, inquit, nar-  
rantibus agnovi, quod in Galliarum,  
vel Germaniae partibus, nullus ad  
sacrum Ordinem sine commodi ratione  
perveniat.*

Lib. 9.  
ep. 40.

23. Pervasit vitium et Orientem. Ita  
refert S. Gregorius; *Pervenit ad nos  
in Orientis Ecclesiis nullum ad sacrum  
Ordinem, nisi ex praemiorum datione  
pervenire; si ita esse vestra Fraterni-  
tas cognoscat, hanc primam oblationem  
Deo offerat, ut a subjectis sibi  
Ecclesiis errorem simoniacaे haereseos  
compescat.*

Lib. 9.  
ep. 40.

24. Quid ad reprimendum malum  
brevius faceret, quam simplex illa sen-  
tentia Christi: *Gratis accepistis, gra-  
tis date.* Inde saeculo V. in Synodo  
Constantinopolitana perorabat S. Gen-  
nadius: *Hoc autem praeceptum non  
solum illis (Apostolis) sed etiam no-  
bis per alios dedit, quos in illorum  
gradum, et locum substituere digna-  
tus est; et oportet, sicut illi tunc,*

Conc.  
Gen.  
Tom. IV.  
col. 1025.  
edit. lab.

nos quoque nunc accurate, ac diligenter servare, nec in iis, quae technas sophisticae non admittunt, uti sophistica calliditate, nec aleam periculosa jacere, GRATIS, inquit, ACCEPISTIS, GRATIS DATE: non possidentes aes, neque aurum, neque argentum in zonis vestris. Simplex, et aperta hujus mandati ratio, quae nihil habet varium, nihil, quod non sit facile, explicatumque, nihil, quod sophistica expositio egeat etc.

25. Placuit hanc sententiam et in Occidente commendare. In Synodo Foro Julensi anno 791, Patres quemque ita monent: *Patenti semper cordis aure pertimescens intellige clarissimam illam Domini vocem: GRATIS ACCEPISTIS, GRATIS DATE.*

Synod.  
Forro-Jul  
c. I.

26. Corruptis saeculis paeplacuere technae, et fraudes ad excusandas excusationes in peccatis. Monuit de malis his artibus Episcopos Galliae S. Gregorius. Nam nec Venator, inquit, ferram, aut avem auceps deciperet, vel piscem Piscator caperet, si aut illi laqueum in aperto proponerent, aut ille hamum esca absconditum non haberet. Omnino ergo metuenda; ac cavenda est hostis astutia: ne, quos aperta nequit tentatione subvertere, latente telo valeat saevius trucidare.

S. Greg.  
lib. 9.  
indict. 2.  
ep. 106.

27. S. Gregorius simoniae vitium vocat malum vetustatis, utpote consuetudine vetusta jam inveteratum, laudatque Episcopos malum istud, ut decet, libera voce damnantes. Labentibus saeculis quantum hoc vitium coeperit, incrementum, vix dici potest.

28. Refert S. Ivo, quod Decanus, et Cantor, aliquique Ministrae Ecclesiae suae Carnotensis aliqua exigerent ab his, qui Canonici fierent, *ne (ait) contradicente, et persequente.* At quo se telo contra Episcopum suum defenderent, subjungit: *Romanae Ecclesiae consuetudine se defendunt, in qua dicunt cubicularios, et ministros S. Palatii multa exigere a consecratis Episcopis, vel Abbatibus, quae oblationis, vel benedictionis nomine palliantur, cum nec calamus, nec charta gratis ibi (ut a- junt) habeatur.*

29. Saeculo XI. B. Petrus Damiani de vitio simoniae in vita S. Romualdi scribere non est veritus, quod hic Sanctus invectus in Simoniacos etiam periculum mortis subierit, a Clericis simoniacis sibi imminentis, rationem addens: *quoniam per totam illam Monarchiam usque ad Romualdi tempora, vulgata consuetudine vix quisquam noverat, simoniacam haeresin esse peccatum.* Habet quippe id consuetudo, ut vitia,

B. Petrus  
Dam. in  
vita S.  
Romual.  
c. 35.

quantumvis gravia, cum in consuetudinem venerint, parva, aut nulla credantur.

30. Id ipsum jam pridem deplorarunt Patres Concilii Lateranensis sub Alessandro III. inquietes: *Putant autem plures, ex hoc licere pro personis ecclesiasticis deducendis in Sedem vel Sacerdotibus instituendis, aut sepeliendis mortuis, seu benedicendis nubentibus, seu pro aliis Sacramentis conferendis aut collatis aliquid exigere, quia legem mortis de longa invaluisse consuetudine arbitrantur, non attendentes, quod tanto graviora sunt crimina, quanto diutius infelicem animam tenuerunt alligatam.* c. 6. de Simon.

31. Nonnullis praefluit vitium palliis, et technis contegere. Concilii Mexicani de Ann. 1585. haec est querela: *Etsi ab ipso nascentis Ecclesiae initio simoniae vitium semper abominabile, et execrabile fuerit, ac SS. Canonibus prohibitum, gravibusque poenis punitum; tamen ea hominum fuit malitia, ut diversis fraudibus, et fallaciis sua simoniaca pacta occultare et palliare procurent.*

32. Postquam novo jure provisiones beneficiorum ab Ordinationibus sejunctae fuerant, obtentui fuit, quod temporale a spirituali secerni posset: *quia, cum hoc sit, ajebant, non distrahitur*

Conc.  
Mexic.  
Lib. 5.  
Tit. 3.

Cap. 4.  
De Fall.  
simon.

*Ecclesia, sed facultas: nec emitur sacerdotium, sed possessio praediorum. Sub hac enim praestatione pecuniae opes tantum, non honoris, vel Ecclesiae redimitur Sacramentum. Venalia, siquidem sunt, unde sint divites, Gratis accipiunt, unde Sacerdotes fiant. Damnavit frivolum obtentum Paschalis II. c. 7. I. q. 3.*

33. In laxiori morum doctrina obtinebatur et temporalis emolumenti loco spectandum esse, quod huic, aut illi conferretur beneficium; quasi vero generatim dictum non esset: GRATIS ACCEPISTIS, GRATIS DATE. Inde Alexander VII. damnavit illam propositionem: *Non est contra justitiam, beneficia ecclesiastica non conferre gratis, quia Collator, consequens illa beneficia pecunia interveniente, non exigit illam pro collatione beneficii, sed veluti pro emolumento temporali, quod tibi conferre non tenebatur.*

34 Novo jure rescripsit Innocentius III.: Clericum, qui quibusdam Canonis donationem fecerat, ea intentione, ut per temporalia, quae offert, spiritualia valeat adipisci, haud a simonia excusari posse, Canonicosque una esse simoniacos, si non essent eum, nisi temporalia commoda perciperent, admisfuri. Refert c. 34. de Simon.

35. Hoc exemplo quis dubitet, et illam sententiam laxioris doctrinae esse in antecellum proscriptam: *dare temporale pro spirituali non est simonia, quando temporale non datur tanquam pretium; sed duntaxat tanquam motivum conferendi, vel efficiendi spirituale.* Gratis enim haud confert, quia temporale vel per modum pretii, vel per modum motivi accipit. Archiepiscopus Senonensis inde in Synodo Diaecesana declaravit: *Haec doctrina, duae simoniae contra jus divinum crimine eos omnes liberat, qui pecuniam propter sacerdotia vel dederunt, vel acceperunt, modo pecunia motivi locum habeat, non pretii, tota falsa, nefaria, impia est.*

36. Nonnulli asserebant, simonia vacare, si pecunia vel per modum motivi, vel per modum pretii non daretur Collatoribus, aut Patronis, sed familiariibus, aut amicis, quos sciunt auctoritate valere apud Patronos, Collatoresque, ut horum favorem sibi concilient. Quis non videt, hanc munerum oblationem pro ultimo fine spectare impetrationem beneficiorum, ut hac via impetrata beneficia nequaquam gratis impetrata censerri possint? Urbanus II. rescripsit Episcopo Metensi, sacerdotem de rigore Canonum esse suspensum, qui Sacerdotium obtinuerat per pecuniam, non E-

piscopo, sed cuidam Principum ejus,  
pro conciliando favore hujus, datam c.  
3. I. q. 5.

Cap. 5.  
De Reliq.  
Pall. Si-  
mon.  
S. Basil.  
c. 91.

37. In veteri crisi et obtentus obla-  
tionis, pietatisque rejectus est. Refert  
Balsamon Canonem S. Basilii eo tenore:  
*Ajunt quidam, nonnullos vestrum ac-  
cipere pecunias ab eis, qui ordinan-  
tur; pietatis vero nomine id obum-  
brare, quod deterius est. Siquis enim  
faciat malum boni praetextu, is est  
duplici poena dignus; et eo, quod id  
agit, quod non bonum est; et ad per-  
agendum peccatum eo, quod bonum,  
et honestum est, coadjutore, si dici  
possit, utitur.*

38. Inquit S. Gregorius: *Nimis er-  
go declinandum est, dilectissimi Fra-  
tres, sub obtentu eleemosynae, pecca-  
ta simoniace haereseos perpetrare.  
Nam aliud est, propter peccata ele-  
mosynas facere, aliud propter ele-  
mosynas peccata committere.* Refert  
c. 27. I. q. 1.

39. Sic et Alexander II. sub gravis-  
simis poenis statuit, *ut nullus cuius-  
cunque gradus Clericus pro Ecclesiae  
beneficio aliquid audeat conferre, aut  
fabricae Ecclesiarum, vel donariis Ec-  
clesiarum, seu etiam, quod pauperi-  
bus fit tribuendum.* Apud Gratian. c.  
9. I. q. 3.

40. Ast quid? an titulus redimendae vexae nihil suffragatur? Ait Ivo Carnotensis: *Multi electi, qui gratuitam, et canonicam habent electionem, qui hujusmodi dilationibus, ac fatigationibus impediuntur; comparatis sibi pecunia mediatoribus, et prolocutoribus, ne turpem patientur repulsam, in simoniacam offendunt aliquando consecrationem.* Quippe et hi obtentu redimendae vexae, non consulere Ecclesiae quaerunt, sed quiete possidendi culminis sibi aditum pandunt.

S. Ivo.  
ep. 60.

41. Rescripsit Alexander III., pactiōnem inter quoddam monasterium, et Clericum quemdam in causa, quae vertebar super Ecclesia, et Capella de L., qua convenerant, quod eidem Clerico tres marchae argenti pro expensis, quas fecerat, solverentur, si liti cederet, et ab infestatione Monachorum desisteret, non esse admittendam, quia videretur pravam illicitae, utpote simoniace, pāctionis speciem continere. Ref. c. 4. de Pact.

42. Monuit secreta insinuatione Matthaeus Cardinalis Lucium III., quod, cum quidam ad Ecclesiae regimen de voluntate majoris partis fratrum fuillet electus paucis contradictibus, quidam amicus ei, qui Magister discordiae furerat, certae quantitatis munus exsolvebit, ut vexam redimeret. Hinc Ponti-

sex illi consuluit, ut administrationem celeriter, ac sponte dimitteret, quia peccatum occultum videbatur. c. 23. de Simon.

S. Carol.  
in Conc.  
Mediol.  
de Conſt.  
contr.  
Simon.

43. In Concilio Mediolanensi I. S. Carolus declarat, *nemini licere AD REDIMENTAM VEXATIONEM, ne in casibus quidem jure permisſis, pecuniam dare, quidquamve pacisci, aut transigere, niſi Episcopi consensus accesserit, cujus partes erunt, et perspicere diligenter, an ſubſtit aliqua fraud. Ubi rem fraude carere, et jure permiffam cognoverit, non denegari ei, qui petierit, facultatem ſe a vexatione liberrandi. Qui contra, quam decretum eſt fecerit, Episcopi arbitrio plectatur: et quod actum fuerit proprio arbitrio, irritum fit, et inane.*

44. Reliqua Decreta perſtingunt et obtentum *gratuitae compensationis. E-* nimvero et Simon Apostolis pecuniam, tanquam motivum, aut gratuitam compensationem obtuliffe videri potest, ut ipsi Spiritum S. darent. Et Giezi divinus lepra percussus eſt, et ſi ſolum exegiſſet, quod pro gratuita compensatione Elisaeo Naaman Syrus obtulit. Merito proinde SS. facultas Lovaniensis quondam illam propositionem laxioris doctrinae notavit: *Dare temporale pro spirituali non eſt simonia, quando per-*

tem-

*temporale fit solum compensatio gratuita pro spirituali; aut econtra.*

45. Alexand. III. tria potissimum esse attendenda ad simoniae crisi scribit, ut pote *dantis*, et *accipientis* qualitatem, quantitatem muneris, donationisque temporalis, ut sciatur, an munierum oblatio animum Collatoris, aut Patroni ad beneficium conferendum movere potuerit, tacitaque saltem de dando temporali conventio intervenisse presumatur, aut videatur? c. 18. *de Simon.*

46. En censuras! Veteri more, quo provisiones cohaerebant ordinationibus, statuit Concilium Chalcedonense: *Qui hoc tentasse convictus fuerit, de proprio gradu in periculum veniat; et, qui est ordinatus, ex ordinatione, vel promotione, quae instar mercatorum venumdatur, nihil juvetur.*

Conc.  
Chalced.  
c. 2.

47. Juxta Decretum Synodi Trullanae: *Eos, qui per pecunias ordinati, sive Episcopi, sive quicunque Clerici, et non secundum probationem, et vitae opinionem, deponi oportet.* In Synodo Nicaena II. probata est sententia Tarasii, P. C. *ut omnis Episcopus, vel Presbyter, aut Diaconus convictus, quod pro munib[us] ordinationem acceperit, a Sacerdotio cadat.*

Synod.  
Trull.  
c. 22.

48. Hic rigor et in Occidente obtinuit. Synodus enim Aurelianensis II. et V., Synodus Turonensis II. et Gabillonensis Synodus passim Decretum Concilii Chalcedonensis instaurarunt. Inquit Synodus Aurelianensis II.: *Si quis Sacerdotium per pecuniae nundinas execrabilis ambitione quaesierit, abjiciatur, ut reprobus.*

49. Haec censura depositionis in phrasibus antiquorum absoluta, et perpetua fuit, ut nulla poenitentia in vigore disciplinae deleri potuerit. Rescripsit Leo IV.: *convictis, et iis, qui tam detestabile nefas (quod jam multis damnatum est Conciliis) peregrisse noscuntur, nulla possumus poenitentia subvenire.* Ref. c. 5. I. q. 7.

50. Stetit hic rigor censure, et in Oriente. Supereft in Decreto Gratiani sententia Tarasii, Patriarchae Constantinopolitani, quae in Synodo Nicaena II. lecta, et probata est: oportet tamen consulere correctionem Romanam, quia Gratianus sat mendose Decretum retulit. c. 2. I. q. 7.

51. His exemplis pronuntiat Gregorius VII.: *Nullus vero in Ecclesia Praelatus per ostium, hoc est, per ipsum Dominum ad Pastoralem curam intravit, qui per avaritiam, id est, idolorum servitutem, ad hoc officium pervenit. Non est ergo indignum, hujus-*

Conc.  
Aurel.  
e. 4.

S. Greg.  
VII. in  
Conc.  
Rom. I.  
c. 60.

modi mercatorem, sive mercenarium sub nomine furis infamari, cuius furtivam irreptionem non expavit imitari.

52. Recentioribus saeculis caeperant Ordinationes a provisionibus beneficiorum divelli: inde vetera Decreta et in provisiones beneficiorum transscribere placuit. Inquit Alexander III.: *Si aliquis divinorum praceptorum, et salutis animarum immemor, beneficium ecclesiasticum, iniqua cupiditate ductus, vendere, vel emere temerario ausu praesumpserit, sicut in Concilio Chalcedonensi definitum est, gradus sui periculo eum subjacere decernimus.*  
Refert. c. 9. I. q. 3.

53. Quid Decreto Urbani II. clarius? Ea, inquit, quae a SS. Patribus de simoniaca constituta sunt, nos quoque et iudicio S. Spiritus, et auctoritate Apostolica firmamus. *Quidquid ergo vel in sacris Ordinibus, vel in ecclesiasticis rebus, vel data per simoniām realem, vel promissa per confidentiam pecunia acquisitum est, nos irritum absolute esse, et nullas unquam vires habere censemus.* Apud Gratian.

c. 5. I. q. 3.

54. Infinita propemodum sunt recentiorum Pontificum, et Synodorum Decreta, quae ipsas beneficiorum collationes, tum per realem, tum per confiden-

tialem simoniam impetratas, absolute irritas, et omni effectu vacuas declarant, ut nullum jus earum vigore Provisis quaeri possit. Supereft eo tenore Decretalis Pauli II. Extrav. Com. 2. de Simon.

Cone.  
Cunct.  
sess. 43.

§5. Decretum Martini V. in Concilio Constantiensi sic sonat: *Electiones autem, inquit, postulationes, confirmationes, et quaevis provisiones simoniace Ecclesiarum, Monasteriorum, Dignitatum, Personatum, Officiorum, beneficiorum ecclesiasticorum, quorumcunque deinceps factae, nullae sint ipso jure, nullumque per illas jus cuiquam acquiratur.*

§6. Inde Pius V. ad exemplum Praedecessorum suorum, praesertim Pauli IV. pronuntiat: *Qui dignitates ecclesiasticas simoniace acquisierit, illis sit ipso jure privatus, et in futurum inhabilis ad eas, et quascunque alias obtinendas. Qui beneficium, aut Officium ecclesiasticum simoniae adeptus fuerit illis, similiter ipso jure sit privatus.* Refert. Lib. VII. Decret. c. 3. de Simon.

§7. Quum ratio hujus rigoris sit, quod, qui intrat per simoniam, haud intrare videatur per ostium, inde constat, et illos haud intrare per ostium, qui parentum, vel amicorum muneribus in-

tervenientibus, ascendunt in ovile Christi. c. 3. I. q. 5.

58. Rescripsit Clemens III., Canonicum, cui Pater interveniente pecunia Praebendam quondam conciliavit, nihil sibi ratione illius receptionis in illa Ecclesia vindicare posse; tametsi eum de novo Canonici in suum Collegium co-optassent, ut per electionem hanc postremum locum in choro, et alibi obtineret. c. 26. *de Simon.*

59. Itaque electio, vel alia quaeviis provisio beneficialis ipso jure nulla est, ut nullum jus Proviso tribuere possit, si quomodo cunque simoniaca fuerit, tametsi etiam ipso Proviso omnino incio intervenerit, nisi malitiose, seu in fraudem, utpote non ad promovendam, sed potius ad corrumpendam, quae futura praevidebatur, provisionem commissa fuerit: eoquod hoc casu simonia proprie electionem non infecerit; cum supponatur, quod ea etiam non interveniente electio, vel provisio facta fuisse. c. 27. *ibi.*

60. Quantum ad illam nullitatem provisionis, et necessitatem dimissionis, haud distinguitur inter simoniam occultam, aut notoriam; utraque enim reddit provisionem nullam, et obligat Provisum ad dimitendum. Quantum tamen ad depositionem differentia est, quia occultus non deponitur, sed notorius. Tam-

etsi enim simoniacus occultus revera careat titulo canonico ob nullitatem a jure inductam, non potest tamen per Superiorem deponi, aut excommunicari, quamdiu simonia manet occulta. Hinc ajunt, simoniam mentalem, et conventionalem poenis canonicas, uti est depositio, aut excommunicatio, non subjacere; sed solam realem, cum scilicet ita de pecunia, seu pretio aestimabili vel tacite, vel expresse convenitum est, ut ex una saltem parte conditio impleta appareat. *c. 13. de Simon.*

61. Beneficia simoniace obtenta, cum videntur ipso jure, possunt impetrari, etiam absque alia declaracione, quae fieri poterit post impetrationem. Declaratio enim non requiritur, ut simoniacus privetur beneficio, sed ut privatus declaretur; quatenus simoniacus a beneficio, quod de facto tenet, realiter deponatur, atque a possessione expellatur, et alius in ejusdem locum substituatur. Si Possessor publica laborat infamia, ipsi, adhibitis compurgatoribus, indicitur purgatio canonica; et, si in hac deficiat, beneficio privandus est. *Arg. c. 19. de haeret. in 6. et alibi passim.*

62. Sed a quo judice haec declaratio est facienda? Indubie a Judice ecclesiastico; praesertim, dum contra Clericum agitur. In Gallia tamen distinguitur inter viam accusationis, et inter

viam exceptionis. Si enim per viam accusationis directe agitur contra Clericum, Judicis ecclesiastici est cognitio, ut convictum simoniae declareret, esse suis beneficiis privatum, atque directe contra ejus personam pronuntiat, *ut in proprium suae jurisdictionis*. At Judget laicus, qui non cognoscit de simonia, quatenus crimen ecclesiasticum est, nisi ratione possessorii, quatenus simoniacus possessioni beneficij inhaeret, tantum pronuntiat super possessorio, cuius cognitio ad eum pertinet, et decisio, repellens eum a possessorio, qui de simonia convictus est, immo et injungendo Judici ecclesiastico (si simonia fuerit notoria) ut procedat extraordinaire, seu ex officio contra Ecclesiasticum eo crimine infectum. Et hodie vix admittitur probatio per testes, quando agitur de possessorio beneficij, sed necesse est, quod aliqua probatio praecedat per scripta, quia propter testium facilitatem multae provisiones alias impugnarentur.

63. Non dubium igitur, quin summa prudentia, et discretione opus sit, ut admittatur probatio simoniae contra pacificum beneficij possessorem, praesertim, si is, contra quem haec quaestio movetur, de hoc vitio nihil suspectus sit, et haec quaestio moveatur ab eo,

qui scitur, beneficium illud via devo-  
lutionis impetrasse.

64. Inde, quod simonia provisionem  
beneficii, simoniace obtenti, irritet,  
ipsumque titulum annullet, ut Proviso  
nihil juris in eo supersit, sequitur, quod  
nec fructus beneficii eo titulo acquirere,  
aut suos facere potuerit simoniacus. In  
Conc.  
Constant.  
sess. 43. Concilio Constantiensi declarat Marti-  
nus V.: *Nec promoti, confirmati, aut  
Provisi faciant fructus suos, sed ad  
illorum restitutionem, tanquam ini-  
que oblata percipientes, teneantur.*

65. Hinc inferunt Interpretes, quia  
haec obligatio profluit ex nullitate ti-  
tuli, nullam esse (saltem quoad forum  
conscientiae) differentiam inter simo-  
niā occultam, et notoriam; sed ae-  
qualiter teneri simoniacum ad restitu-  
tionem tum fructuum perceptorum,  
tum percipiendorum, qui supersunt de-  
ductis impensis, quae in utilitatem, ne-  
cessitatemque beneficii factae sunt.

66. Supersunt dispensationes, utpote  
ad remissionem censurarum. Absit enim,  
quod venia simoniae ad purgandum vi-  
tium fieri hac via videatur. Concilium  
Constantiense Joannem XXIII. depo-  
suit, *quod Ecclesias Cathedrales, Mo-  
nasteria, Prioratusque conventuales,  
et caetera beneficia ecclesiastica pretio  
appretiato notorie distribuisset.*

67. Quis dubitet, et hanc simoniae speciem existimatam fuisse, peccare in jus divinum. Hinc enim et beneficia vendi nefas est, quia et ipsa gratis danda, accipiendaque sunt. Licet enim Jus percipiendi redditus beneficiales tempora-  
le videri possit, est tamen spirituale ratione finis, ac radicis, ut beneficium ecclesiasticum aeqne, ac officium, cui illud cohaeret, pretio, comparari nequeat. Defenditur a pluribus illa vulga-  
ris divisio simoniae in illam divini, et aliam humani juris: ast quomodo haec divisio subsistit?

68. Suffragantur ergo dispensationes ad remissionem poenarum. In Synodo Romana ann. 1059. edixit Nicolaus II.: *Erga simoniacos nullam misericordiam in dignitate servanda habendam esse decernimus, sed juxta Canonum san-  
ctiones, et Decreta SS. Patrum, eos omnino damnamus, ac deponendos esse Apostolica auctoritate fancimus.* Hinc et eos, qui non per pecuniam, sed gratis, a simoniaca tamen ordinati es-  
sent, attento rigore Canonum deponen-  
dos esse affterit. *Sed quia usque adeo haec venenata pernicies hactenus in-  
olevit, ut vix quaelibet Ecclesia valeat reperiri, quae hoc modo non sit ali-  
qua ex parte corrupta; eos, qui us-  
que modo gratis a simoniaca conse-  
crati, non tam censura iustitiae, quam*

*intuitu misericordiae, in acceptis or-  
dinibus manere permittimus. Enratio-  
nem! Tanta enim talium multitudo est,  
ut, dum rigorem canonici vigoris su-  
per eos servare non possumus, necesse  
sit, ut dispensatorie ad piae conde-  
scensionis studium animos nostros ad  
praesens inclinemus. Sed qua cautela?  
Ita tamen auctoritate SS. Apostolorum  
Petri et Pauli omnimodis interdicimus,  
ne aliquando aliquis nostrorum suc-  
cessorum ex hac nostra permissione re-  
gulam sibi, vel alicui assumat, vel  
praefigat: quia hoc non auctoritas  
Patrum antiquorum jubendo, aut con-  
cedendo promulgavit, sed temporis  
nimia necessitas permittendum a nobis  
extorfit.*

69. Urbanus II. ann. 1099. ea cautela  
et iis, qui simoniace ordinati essent,  
quandam veniam fecit. Quicunque, in-  
quit, sane cupiditate parentum, cum  
adhuc essent parvuli, Ecclesias, vel Ec-  
clesiarum beneficia per pecunias adepti  
sunt; postquam omnino eas dimis-  
sint. Si canonice in iis vivere volue-  
rint, pro magna misericordia ibidem  
eos esse concedimus. Illi vero, qui per-  
se ipsos, cum jam majoris essent aet-  
atis, nefanda cupiditate, ducti, eas  
emerunt, si in aliis Ecclesiis canonice  
vivere voluerint, servatis propriis or-  
dinibus pro magna misericordia ibi

*eos ministrare permittimus. Quod si alias fortasse transferri non potuerint, et in eisdem canonice vivere promiserint: minoribus Ordinibus contenti ad sacros Ordines non accedant. Quid clarius? Dispensatio haec ad quoddam poenitentiae moderamen recidit. In phrasi illius saeculi canonice, seu regulariter vivere idem erat, quod in claustro communem convictum amplecti porteret, ita, ut quodammodo, qui ea dispensatione uti vellent, causa poenitentiae ad Monasteria retruderentur.*

70. Corruptis saeculis invaluit indiscretior dispensationum profusio. Delecti a Paulo III. Praelati querebantur: *Abusus alius in absolutione simoniaci. Proh dolor! quantum in Ecclesia Dei regnat vitium hoc pestilens? adeo, ut quidam non vereantur simoniam committere: deinde confessim petunt absolutionem a poena; immo eam emunt: sicque retinent beneficium, quod emerunt. Non dicimus, Sanctitatem tuam non posse poenam illam, quae de jure positivo constituta est, eis condonare: sed quod nullo pacto debeat, ut tanto sceleri resistatur, quo nullum perniciosius, nec magis scandalosum. Enimvero tam facilis non est via, ut restituatur, rehabiliteturque simoniacus, in eo divinae vocationis indicia agnoscendi. Quantus indubie meritorum ful-*

gor, et diutinus bonae vitae odor exigendus, ut is omnem, quam ex simoniaco ad beneficium ingressu sibi conciliavit, ambitionis, et avaritiae notam abstergat? Si ipse, qui per simoniam sibi comparavit beneficium, dispensationem motu proprio petit; an vel hac postulatione se revera indignum, aut de indignitate multum se suspectum haud reddit? Quis credat illum corde contrito, et humiliato de commisso vitio dolere, poenitereque, qui audet sacerdotium, quod per superbiam, avaritiamque ambivit, et sacrilege usurpavit, rursum postulare?

71. In praxi hodierna dispensatio peti solet, vel in Dataria, vel in Poenitentiaria. Si simonia sit notoria, dispensationem a Dataria impetrare oportet, ut ipse Provisus pro utroque foro absolutatur. In Poenitentiaria obtinetur pro simonia occulta dispensatio, quae et ad forum internum, seu conscientiae restringitur.

72. Si in Dataria petitur dispensatio, exprimi in supplica debent fructus ex beneficio simoniace obtento percepti, quia in stylo curiae eos sibi vindicat Camera Apostolica, eo obtentu, quod administratio generalis bonorum ecclesiastico-rum spectet ad Papam. Hodie de fructibus plerumque fit transactio, per quam remittitur Oratori tertia, vel major pars,

prout Datario videbitur, postquam supplica per manus Officialis, qui *componendae* dicitur, transiit. In Gallia tamen hae compositiones non admittuntur, quia illi fructus male percepti laesis Ecclesiis juxta Ordinem justitiae restituendi sunt.

73. In formulis Poenitentiariae praecepitur, ut Confessarius non antea cum simoniaco dispenset, nisi postquam fructus ex illo beneficio indebite perceptos, in totum restituerit; vel, si ob ejus paupertatem impraesentiarum non potest, se restitutum promiserit, cum primum poterit, etiam cum aliquali sui incommodo, et indigentia. Aliquando tamen datur Confessario facultas, ut ob paupertatem Oratoris ipsi perceptos fructus vel in totum, vel instantum remittat; quod in formulis dispensationis exprimi solet.

74. Utrique dispensationi commune est, quod utraque detur in forma commissoria. Dispensatio Datariae committitur Ordinario ejus Diaecesis, in qua beneficium est situm, ut pro utroque foro, si justa causa appareat, dispenseat. Dispensatio Poenitentiariae dirigitur ad Confessarium, ut pro solo foro conscientiae gratiam faciat.

75. Requirit et utraque formula, ut ad dispensationem non procedatur, nisi Provisus ipsum beneficium prius dimis-

serit; atque novam provisionem ab Ordinario pro utroque foro, aut a Poenitentiario pro foro conscientiae obtinere spoponderit, tametsi simonia, Provisio plane ignorante, intervenerit; idque, ut ostendatur, quod prima provisio ob commissam simoniam fuerit irrita, requiraturque nova provisio auctoritate Papae facienda, ut Provisus in beneficio remanere queat.

76. Praecipit Paulus II. *omnibus, et singulis ecclesiasticis suecularibusque personis, cujuscunque dignitatis, status, gradus, ordinis, vel conditionis fuerint, in virtute S. obedientiae, ut eos omnes, quos simoniam hujusmodi commisso, vel procurasse, aut in ea mediatores esse sciverint, Pontifici ipsi, vel cui Pontifex duxerit committendum, vel per se vel per alios revelare quantocius non omittant.* Refert. *Extrav. Com. 2. de Simon.* In locum hujus revelationis hodie successisse creditur illa clausula litteris Poenitentiariae inseri consueta, qua injungitur Confessario, ut Provisum obliget, *quod alios, qui sunt, in praemissis culpabiles, quantum potest, moneat, et inducat ad impetrandam Sedis Apostolicae absolutionem.*

\* 77. In morali doctrina, ad reprehendendum vitium cujuscunque simoniae, quam maxime prodest Clerum, quan-

tum fieri potest, instantissime monere,  
ut se ab omni avaritia contineat? En-  
sistentiam S. Augustini: *Cavete, in-*  
*quit Christus, ab omni avaritia: praes-*  
*cipit nobis veritas, quae non fallitur.*  
*Audiamus, timeamus, caveamus —*  
*Non enim leviter habendum, quando*  
*Dominus noster, Redemptor noster, et*  
*Advocatus, et Iudex noster, non est*  
*leve, quando dicit: cavete. Novit ille,*  
*quantum mali sit: nos non novimus.*  
*Illi credamus: cavete, inquit. Ait S.* S. Aug.  
serm 196.  
de temp.  
*Chrysostomus: Tolle pecuniarum stu-*  
*dium, et omnia mala sublata sunt.* S. Chrys.  
hom. 17.  
in I. ad  
Tim. c. 6.  
*Quid salubrius monito S. Gregorii? Ad-*  
*monemus, inquit, Fraternitatem, ut*  
*animatorum magis lucris, quam com-*  
*modis vitae praesentis intendat. Jux-*  
*ta Decretum Concilii Cabillonensis II.* Conc.  
Cabil. II.  
c. 6.  
*Animatorum salutem inquirere Sacerdos,*  
*non lucra terrena debet. Ecce Decreta*  
*et legum civilium: Cesset altaribus im-*  
*minere prophanus ardor avaritiae, et*  
*a sacris adytis repellatur piaculare*  
*flagitium. Refert. L. 31. C. de Episc.*  
*et Cler. In Concilio Mediolanensi V.* Conc.  
Mediol.  
V. P. 3.  
Tit.  
Monit.  
*Clerum his monitis, et rationibus in-*  
*struit S. Carolus: Non faculti vos mer-*  
*catores, non mammonae ministri estis,*  
*sed Christi mercatores. Nolite vobis*  
*thesaurizare thesauros in terra, sed*  
*bonorum operum abundantia, cum*

*charitate conjuncta, facite thesauros  
in caelis. Studete vos lucrari animas  
Deo, et caeleste horreum augere.*

---

## TITVLVS. XIV.

### *De Acceptione Personarum in Provi- fione Beneficiorum.*

#### CAPVT I.

##### *De vitio per Acceptiōem Personarum.*

S. Thom.  
2. 2.  
quaest. 63.  
art. 1.

1. Personarum acceptio solet definiri in iustitia, qua praefertur persona per sonae propter causam indebitam. Enim vero eo partium studio peccatur in iustitiam distributivam, secundum quam officia, et bona distribuenda sunt juxta proportionem meritorum. Ait S. Thomas: *Consistit autem aequalitas iustitiae distributivae in hoc, quod diversis personis diversa tribuuntur secundum proportionem ad dignitates personarum.*

2. Enuberius argumentum! Si ergo, inquit, aliquis consideret illam proprietatem personae, propter quam id, quod confertur, est ei debitum, non est acceptio personae sed causae – puta; si aliquis moveat aliquem ad Magistratum propter scientiae sufficien-

cientiam, hic attenditur causa debita non persona. Si autem aliquis consideret in eo, cui confert aliquid, non id propter quod id, quod ei datur, esset ei proportionatum, vel debitum; sed solum hoc, quod est iste homo, (puta Petrus, vel Martinus) hic est acceptio personae, quia non attribuitur ei aliquid propter aliquam causam, quae faciat eum dignum, sed simpliciter attribuitur personae.

3. Itaque dicendum ex sententia S. Art. ad I. Thomae: *In iustitia distributiva considerantur conditiones personarum, quae faciunt ad dignitatis, vel debiti causam. Sed in acceptione personarum considerantur conditiones, quae non faciunt ad causam.*

4. His rationibus sola virtus, et scientia facit ad causam provisionum beneficialium, missis aliis causis vel paupertatis, vel alterius generis, utpote a provisione beneficiorum alienis, etsi quod aliam rem legitimae esse possint.

Juxta Pallavicinum in Concilio Tridentino has adduxit rationes III. Bartholomaeus a Martyribus: *in proventibus ecclesiasticis, inquit, distribuendis spectandam esse doctrinam, et virtutem, non paupertatem; cum oporteat consulere muneribus, non hominibus; gentibus subveniendum esse per eleemosynam, non per Sacerdotia.*

Pallavic.  
lib. 23.  
c. 7. et  
alibi.

5. Inde ergo nec consanquinitas in  
beneficiorum provisione per se attendi  
potest. Nam juxta S. Thomam, *con-*  
<sup>Supr.</sup> *sanquinitas facit aliquem dignum, ut*  
*instituatur haeres patrimonii; non au-*  
*tem ad hoc, ut conferatur ei Praela-*  
*tio ecclesiastica.*

S. Thom.  
quaes. 63.  
art. 2.  
ad 1.

6. Absit tamen, ut inde vel consan-  
quineus, vel nobilis a provisione bene-  
ficiorum excludatur, si ei merita vitae,  
et doctrinae suffragentur. Ait S. Tho-  
mas, si Consanquinei Praelati sunt ae-  
que digni, ut alii, licite potest absque  
personarum acceptione eos praeferre,  
*quia saltem in hoc praeminent, quod*  
*de ipsis magis confidere potest, ut una-*  
*nimiter secum ecclesiastica negotia*  
*tractent.*

7. Supereft tamen cautela, ut Col-  
latores consanquineorum merita potius  
alieno, quam suo judicio aestiment,  
quia proprium judicium sequior affectus  
consanquineorum saepe fallit. Monet S.  
Bernardus: *Plerisque, immo cunctis*  
*pene sapientibus contingere solet, in*  
*rebus videlicet dubiis plus alieno se,*  
*quam proprio credere judicio.*

8. Commendat S. Thomas, peculia-  
riter cavendum in hac consanquineorum  
praelatione esse scandalum. *Esset ta-*  
*men, inquit, hoc propter scandalum*  
*dimitendum, si ex hoc aliqui exem-*  
*plum sumerent, etiam praeter digni-*

tatem, bona Ecclesiae consanguineis  
dandi. Sic enim ex crisi D. Gersonis  
saepe fit, quod non a bene gestis no-  
stris exemplum sumitur, sed a cortice,  
specie, et superficie illorum, non a ve-  
ritate. Si enim dedi nepoti meo pro-  
pter gratiam, alii meo utentur exem-  
plo, ut dent suis propter naturam  
magis, quam propter gratiam, dicen-  
tes: nonne meis, sicut et ille suis,  
dabo.

Gerson.  
verb. ab-  
brev.  
c. 43.

9. Omnia jura clamant, ut secundum  
rationes justitiae distributivae, melio-  
res, et sanctiores ad ecclesiastica bene-  
ficia eligantur; haec enim idea est cu-  
juscunque discretioris electionis, ut  
praeferatur melior vel simpliciter, vel  
relative ad bonum commune. c. 46. de  
*Appellat. et ibi interpr.*

Cap. 2.  
De Elec.  
Dign.

10. Quum ergo et Patroni eligant,  
et permutantes, resignantesque in fa-  
vorem eligant, dubium haud est, quin  
et ii digniorem praeferre teneantur. In-  
quit Synodus Tridentina: *Omnes vero,* Trid. fest.  
*et singulos, qui ad promotionem prae-* 24. c. 1.  
*ficiendorum quocunque jus, quacun-*  
*que ratione a Sede Apostolica habent,*  
*aut alioquin operam suam praestant,* —  
*alienis peccatis communicantes mor-*  
*taliter peccare, nisi quos digniores,*  
*et Ecclesiae magis utiles ipsi judicave-*  
*rint, non quidem precibus, vel huma-*

*no affectu, aut ambientium suggestio-  
nibus, sed eorum exigentibus meritis  
praefici diligenter curaverint.*

c. 18. 11. Quantum tamen ad forum exter-  
num justitiae spectat, sufficit dignum  
esse, qui vel per presentationem, vel  
per permutationem, resignationemque  
in favorem, aut per capitularia suffra-  
gia, aut et collationem praeficitur. Ait  
Synodus Tridentina: *Quod si jus Pa-  
tronatus laicorum fuerit, debet is,  
qui a Patrono presentatus erit, ab  
eisdem deputatis (Examinatoribus sy-  
nodalibus) examinari, et non, nisi ido-  
neus repertus fuerit, admitti.*

12. Et huic locus est, etsi Electores  
praestent juramentum, quod eum eli-  
gere velint: quem credent, Ecclesiae  
esse utiliorem. Hoc etenim juramentum  
pertinet ad perjurii crimen, si Electro-  
res suo defuerint officio: electio tamen  
in foro judiciali toleratur, si electus  
dignus repertus fuerit, ut evitentur li-  
tes, et infinitae discordiae resecentur:  
si enim hac ratione electiones possent  
revocari, nulla in ecclesiastica Republi-  
ca electio fere fieret, quae litibus, et  
controversiis maxime pernitiosis vexari  
non posset.

Cap. 3.  
De Ra-  
tion. di-  
scern.  
Capac.  
S. Thom.  
2. 2.  
quaest. 63.  
art. 2.

13. Unde ergo desumenda est illa ca-  
pacitas? Inquit S. Thomas: *Dignitas  
alicujus Personae potest attendi du-  
pliciter. Uno modo simpliciter, et se-*

cundum se: et sic majoris dignitatis est ille, qui magis abundat in spiritu-  
libus gratiae donis. Alio modo per  
comparationem ad bonum commune.  
Contingit enim quandoque, quod il-  
le, qui est minus sanctus, et minus  
sciens, potest magis conferre ad bo-  
num commune, propter potentiam,  
vel industriam saecularem, vel aliquid  
hujusmodi.

14. Hinc, quia dispensationes spiri-  
tualium principalius ordinantur ad utili-  
tatem communem, ideo quandoque abs-  
que personarum acceptione in dispensa-  
tione spiritualium illi, qui simpliciter  
sunt minus boni, praeseruntur meliori-  
bus: Non ergo, ait S. Doctor, Episco-  
pus, Patronus, aut Elector tenetur  
semper dare meliori simpliciter, sed  
tenetur dare meliori quoad hoc; id est  
meliori quoad bonum commune, et u-  
tilitatem Ecclesiae.

15. Enimvero et attendenda est qua-  
litas, conditioque beneficii. Quis enim  
ambigat, quin aliquis multo dignior,  
meliorque altero esse possit respectu u-  
nius beneficii, qui tamen foret minus  
dignus, si habeatur respectus ad benefi-  
cium alterius conditionis.

16. Inde oportet et locum, et tem-  
pus, aliasque circumstantias expendere,  
ut in provisione beneficiorum utilitas  
Ecclesiae eluceat. Aliquando enim nou-

Quodlib.  
6. q. 5.  
art. 3.

spectandum est, quis sit inter eligibles absolute dignior; sed quis sit dignior ex iis, quos quis per suum suffragium cum effectu Ecclesiae praeficere potest. Quid enim, si tres sint eligibles, praevideam tamen, quod dignior inter illos certo non sit eligendus pluralitate suffragiorum; immo praevideam, si hunc eligam, pluralitate suffragiorum fore minus dignum inter omnes eligendum: an non praefstat, inferiorem primo, ut excludatur tertius, utpote indignus, et omnium infimus, praeferre? Neque enim hoc casu dignior negligitur, sive postponitur ob causam, quae ad negotium non pertinet: sed ob causam ad negotium pertinentem; nimirum, ut minus dignus excludatur, et dignior, qui haberi potest, Ecclesiae praeficiatur.

17. Tum demum ergo locus est electioni digni, cum dignior non reperitur, praemissa mediocri, aut diligenti inquisitione; nimirum majore, minore que pro conditione beneficii, cuius provisio imminet. Absit, ut haec inquisitio solum ad eos restringatur, qui se ipsos commendant, aut ab aliis commendantur. Enimvero plerumque hi omnium maxime suspecti sunt. Inquit S. Bernardus; *Pro quo rogaris, sit suspensus ipse; qui pro se rogat, jam judicatus est.*

18. Quippe Provisio beneficii haud minoris momenti censeri potest, quam administratio temporalis. Ecce ad negotium temporale undique inquiritur in meliores, et peritiores Operarios, et artifices; quidni id et fiat in delectu sacrorum ministrorum, a quibus tantarum animarum salus plerumque dependet? Me hercle! *optimi rerum aestimatores, qui magnam de minimis; parvam, aut nullam de maximis curam gerunt.*

19. Quid consultius, quam in provi-  
fione sacrorum munerum ab exemplo  
SS. Apostolorum nunquam oculos a-  
vertere, ut precibus, et piis operibus  
Deus in suppetias vocetur. Inquit Bartholomaeus de Martyribus: *Si igitur  
Apostoli ipsi electioni illi facienda se  
impares judicaverint. Et si Clerus uni-  
versus pro more veteri cum populo  
congregatus, id demum se rite pera-  
cturum crediderit, si jejuniis, preci-  
busque publicis caeleste lumen, opem-  
que divinam sibi acersivissent; non hor-  
rebunt Reges (caeterique vel Electo-  
res, vel Collatores) eum per seipso  
delectum habere.*

20. S. Pius die 18. Mart. ann. 1567.  
editit Bullam, qua decernitur, quod,  
si in concursu plurium Clericorum ad u-  
num beneficium, Episcopus minus ha-  
bilem, postpositis magis idoneis, eli-

gat, possint ii, qui rejecti fuerint, a ma-  
la electione hujusmodi ad Metropolita-  
num — appellare. Haec Constitutio li-  
cet ratione concursus, nullam in Gal-  
lia, vel alibi habeat auctoritatem, osten-  
dit tamen, quisnam Ecclesiae sit spiri-  
tus in suorum ministrorum electione.

Cap. 4.  
De gra-  
vit. de-  
lict. per  
accept  
Person.  
S. Aug.  
ep. 167.

21. Gravis est sententia S. Augusti-  
ni: *Non leve, quantum arbitror, pu-  
tandum est, esse peccatum, in persona-  
rum acceptance habere fidem Domini  
nostrri Iesu Christi, si illam distantiam  
sedendi, ac standi, ad honores eccle-  
siasticos referamus. Quis enim ferat,  
eligi divitem ad sedem honoris Eccle-  
siae, contempto paupere instruictiore,  
atque sanctiore.*

S. Chrys.  
de Sacerd.  
lib. 3.  
c. 10.

22. Gravitas hujus peccati aestiman-  
da est tum ex bonis, quae impediuntur,  
tum ex malis, quae tanta indiscretione  
inducuntur. Inquit S. Chrysostomus:  
*Undenam, quaeso! existimas, tam mul-  
tas in Ecclesiis turbas nasci? Evidem-  
non aliunde opinor, quam ex Antisti-  
tum electionibus, casu potius, ac te-  
mere, quam diligenter, atque accura-  
te factis.*

23. Synodus Tridentina singulos, et  
omnes, qui ad promotionem praefici-  
endorum alioquin operam suam praefi-  
stant, monet, nihil se ad Dei gloriam,  
et populorum salutem utilius posse fa-

cere, quam si bonos Pastores, et Ecclesiae gubernandae idoneos promovere studeant; eosque alienis peccatis communicantes mortaliter peccare, nisi, quos digniores, et Ecclesiae magis utiles ipsi judicaverint, non quidem precibus, vel humano affectu, aut ambientium suggestionibus, sed eorum exigentibus meritis, praefici diligenter curaverint. Censem Interpretes, in beneficiis curatis non excusari peccatum mortale. Id ipsum afferitur a nonnullis in omnibus beneficiis.

24. Ergo illa jura eligendi, praesentandi, nominandi, conferendique non redundant in commoda, sed onera reddendarum in districto Dei judicio rationum. Refert Theodoretus: *Concilium Episcoporum contendit ab Imperatore Valentiniano I., ut ipse, utpote sapientiae, et pietatis insignibus praeclare exornatus Episcopum Mediolanensem deligat.* At ille: *major, est, inquit, haec Provincia, quam quae viribus nostris sustineri queat. Proinde vos divina repleti gratia, et illius splendore illuminati, multo magis hoc Episcopi diligendi negotium transges-*

Theodor.  
Hist.  
lib. 4.  
c. 6.

25. Hoc exemplo et recentiores Principes, utpote Ludovicus VI., et Ludovicus IX. in Gallia valde abhorruerunt

In vit.  
Barthol.  
de Mar-  
tyr.

a provisionibus ecclesiasticis. Narrant, Catharinam Reginam Lusitaniae dicere consueisse, quod optaret, ut durante suo regimine Praelati Portugalliae essent immortales: quo fieret, ut nullum ad Episcopatum promovere teneretur: dicens, sibi plus, quam satis esse, si pro se ipsa, et toto suo regno deberet respondere, licet se responsalem non constitueret pro salute animarum.

S. Greg.  
ad Cler.  
Mediol.

26. Quid, quod et ipse S. Gregorius rescripsit ad Clerum Mediolanensem: *Antiquae meae deliberationis intentio est, ad suscipienda Pastoralis curae meae onera, pro nullius unquam misceri persona etc.*

Conc.  
Gen.  
Tom. 8.  
col. 591.  
edit.  
Labb.

27. Hincmarus eo aevo Presbyteris suis vitio dedit, quod ipsi, sollicitando Patronos, in causa essent, quod digniores, et meliores Clerici non praeficerentur. *Quia infit, quique fideles, si vestra culpa non esset, plus quaererent bonos Clericos, quam vestros Denarios: et hoc non suffertis: sed vos, et vestros nutritos in maledictionem mititis, cum dato Patronis praemio, vobis, et illis peccatum emitis.*

28. Proh dolor, quod nonnunquam Episcopi pessimo exemplo laicis Patronis tantae indiscretionis sint! Quippe, qui ipsi, neglecto delectu digniorum Ministrorum, Consanguineis, aut fa-

miliaribus suis passim opulentiora beneficia vel procurant vel donant. Querebatur S. Hieronymus: *Sed nunc ceruimus, plurimos hanc rem beneficium facere, ut non quaerant, eos in Ecclesia columnas erigere, quos plus cognoscunt Ecclesiae prodeesse; sed quos vel iphi amant, vel quorum sunt obsequiis deliniti, vel pro quibus majorum quis rogaverit.*

S. Hier.  
in ep. ad  
Tit. c. 1.

\* 29. Unde vero haec indiscretio magis succerevit, quam ex inaequalitate temporalium proventuum, ex quibus oculi carnis beneficia ecclesiastica aestimant? Monet S. Paulus: *Fiat aequalitas, sicut scriptum est: qui multum non abundavit, et qui modicum non minoravit.* Ecce inaequalitas proventuum indiscretiores provisiones, et sollicitationes peperit? Queritur Concilium Sardicense: *Ejus enim causae praetextus est manifestus — nullus enim Episcopus, aut Clericus adhuc inveniri potuit, qui a majore, aut pinquiore civitate, locove ad minorem, tenuioremque transire studuerit.* Juxta S. Isidorum recidisse jam Sacerdotii dignitatem ad regnandi cupiditatem apparet: *ab humilitate ad superbiam; a jejunio ad delicias prolapsam: a dispensatione denique ad dominium venisse.* Ait S. Bernardus: *Cum primos honorum gradus meruerint in Ecclesia; me-*

H. Cor.  
c. 8.

Cont.  
Sardie.  
c. 1.

s. Isid.  
lib. 3.  
ep. 22.

S. Bern.  
de Offic.  
Episc.  
c. 7.

ruerint autem vel vitae merito, vel pecuniae, seu etiam carnis, et sanguinis praerogativa: quae regnum Dei non possidebunt; non ideo Corda quietescunt, duplice semper aestuantia desiderio, quo utique occasione pinquierum proventuum, magis, ac magis et dilatentur in plura, et ad celsiora sublimentur.

---

## T I T V L V S X V.

### De Bonis temporalibus Ecclesiae.

#### CAPVT I.

##### De Peculio Clericorum.

S. Hier.  
in vit.  
B. Malch.

1. Ex sententia S. Hieronymi: *Ab Apostolis usque ad nostri temporis faciem Ecclesia persecutionibus crevit, Martyriis coronata est, et, postquam ad Christianos Principes venit, potentia quidem, et divitiis major, sed virtutibus minor facta est.*

2. Primordiis Ecclesiae Clerici fere omnes propria bona ignorarunt, aut enim pauperes eligebantur, aut tales, qui patrimonium suum in pauperes abdicarunt. Nonnulli, intactis proventibus ecclesiasticis, de patrimonio proprio vivere voluerunt. Supersunt vete-

res auctoritates sparsim in Decreto Gra-  
tiani c. 21. et passim XII. q. 1.

3. Hac occasione vetus invaluit re-  
gula, quod bona patrimonialia cujusque  
Clerici discernenda essent a proventibus  
ecclesiasticis: et fere omnia bona cen-  
sebantur esse ecclesiastica, quae quis  
post ordinationem acquisiisset, si aliun-  
de non constaret, quod ea aut ante or-  
dinationem habuisset, aut post ordina-  
tionem civili titulo, v.g. haereditate  
obtinuisset. c. 1. XII. q. 1.

4. Novo jure hanc discretionem bo-  
norum exemplo peculii, quod servis,  
filiisque familias jus civile relinquit,  
illustrare placuit. Sic enim ad peculium  
profectitum novi juris argumentis re-  
cedit, quidquid vel ex rebus, vel in-  
tuitu Ecclesiae Clericus acquirit. c. 1.  
et passim de Pecul. Cler.

5. Rescripsit Alexander III., quod  
Clerici de his, quae paternae successio-  
nis, vel cognationis intuitu, aut de  
artificio sunt adepti, seu dono con-  
sanquineorum, aut amicorum, non  
habito respectu ad Ecclesiam, pervene-  
runt ad ipsos, libere disponere, ve-  
luti jure patrimonii, aut titulo adven-  
titii peculii, valeant. De his tamen,  
quae consideratione Ecclesiae, utpote  
vel ex piis redditibus, vel ex funerati-  
bus sacri ministerii perceperunt, nullum

*de jure*, quia ad peculium profectitum referuntur, possunt facere testamentum. Refert. c. 9. *de Testam.*

Cap. 2.  
De Tit.  
Cler. in  
percept.  
fruct.  
Eccles.  
**I. Cor. 9.**

S. Greg.  
hom. 17.  
in Luc.

6. Clerici novo iure, ad exemplum peculii profectitii, fructus beneficii percipere, aut et suos facere dicuntur, quia dignus est operarius cibo, mercedeque sua. Expressit uberiorius hujus retributionis justitiam S. Apostolus exemplo militis, Pastoris, et Agricolae.

7. Suffragantur haec exempla Clero industrioso, non otioso. Inquit S. Gregorius: *Quid nos, o Pastores* (quod tamen sine dolore dicere non possum) *quid nos, o Pastores!* qui mercedem consequimur, et tamen Operari nequaquam sumus? *Fructus quippe S. Ecclesiae in stipendio quotidiano percipimus, sed tamen pro aeterna Ecclesia minime in praedicatione laboramus. Pensamus, cuius damnationis finis labore hic percipere mercedem laboris.*

8. Absit, ut inde integrum mercedem laboris mereantur illi, qui vel alios sibi substituunt ad explendum divinum ministerium Vicarios, vel per brevem horam dicendo privatim divino officio vacantes, reliquum diem otiose transfigunt. Clamat S. Bernardus: *Vae, vae tibi Clerice! Mors in olla, mors in ollis carnium, mors in ejusmodi deliciis, non modo, quia secus intro-*

S. Bern.  
Declam.  
in Ewang.  
Ecce nos  
reliq.

itum delectationis posita esse cognoscitur, sed ob id maxime; quia constat, populi esse peccata, quae comedis; sumptus ecclesiasticos te gratis habere reputas? Cantando, ut ajunt, bona tibi provenire videntur; sed bonum erat magis fodere, aut etiam mendicare.

9. Quid indignius, quod ex sola consumptione ecclesiastiarum rerum Clerici apparent, nomen quidem habentes Clericorum, rem autem non impletentes Clerici circa liturgiam Domini Dei? Enimvero haec nulla est idea Operarii mercede digni. L. 42. §. 10. C. de Episc. et Cler.

10. In reliquis Canonum argumentis nihil vulgatus est, quam bona Ecclesiae vota fidelium, pretia peccatorum, patrimoniumque Christi, et pauperum dici; id ipsumque non aliunde, quam ex sententiis Patrum, Conciliorum, Pontificum, et reliquorum Episcoporum. Inquit S. Prosper, seu potius Julianus Pomerius: *Unde datur intelligi, quod tanti, ac tales viri — scientes nihil aliud esse res Ecclesiae, nisi vota fidelium, pretia peccatorum, et patrimonia pauperum, non eas vindicarunt in usus suos, ut proprias, sed ut commendatas pauperibus diviserunt.*

Cap. 3.  
De indol.  
pior.  
redit.

Jul. Pom.  
de vit.  
contempl.  
lib. 2.  
c. 39.

S. Greg.  
lib. 5.  
ep. 55.

11. Inde S. Gregorius et ipsum patrimonium Romanae Ecclesiae dixit esse patrimonium pauperum. Monuit S. Pontifex eo tenore Protasium, Aquensem Episcopum, ut Vigilio Arelatensi dicaret, *ut pensiones, quas Praedecessor ejus per plurimos annos percepit, et apud se de patrimonio nostro retinuit, ad nos, inquit, quia pauperum res sunt, studeat destinare.*

12. Enimvero Ecclesiae aliunde bona temporalia non obtigerunt, nisi ex oblationibus fidelium, qui ea Deo pro redemptione peccatorum voverunt, ut in pias eleemosynas erogarentur. Hinc et Principes eas rationes adduxerunt. Quia juxta SS. Patrum traditionem novimus, res Ecclesiae esse vota fidelium, pretia peccatorum, et patrimonia pauperum, cuique non solum habita conservare, verum etiam multa, Deo opulante, conferre optamus. Ref. c. 59. XVI. q. 1.

13. Absit, quod Clerus vetus officium dediscere vel velit, vel possit. Ex sententia S. Bernardi: *Res pauperum nondare pauperibus, par sacrilegii crimen esse dignoscitur. Sane patrimonia pauperum sunt facultates Ecclesiarum.*

14. Accrescentibus diversi generis Ecclesiarum possessionibus, et dinastiis, monet Synodus Tridentina Episcopos:

*Ne ex redditibus Ecclesiae consanguineos, familiaresque suos augere student; cum et Canones Apostolorum prohibeant, ne res ecclesiasticae, quae Dei sunt, consanguineis donent, sed, si pauperes sint, eis, ut pauperibus distribuant, eas autem non distrahant, nec dissipent eorum causa.*

15. Quum tum ex intentione offerentium, tum ex regulis Ecclesiae pii redditus res Dei, patrimonium Crucifixi, pauperumque habeantur, Clericis eorum administratio ita relicta est, ut iis, veluti rebus Dei, et proventibus pauperum utantur. Praecipiunt Canones vulgo Apostolorum; *Nec liceat autem ex eis aliquid sibi vindicare, vel propriis cognatis, quae Dei sunt, largiri. Sin autem sint pauperes, ut pauperibus suppeditet. Et alibi: Quod si his Episcopus non sit contentus, et res in proprios usus convertat, Synodo Provinciae poenas persolvet.* Refert Gratianus c. 22. et 23. XII. q. 1.

16. Haec ideo, quia illae facultates Ecclesiae ipsi vel Episcopo, vel Clerico ad proprios usus non suffragantur, nisi ad simplicem necessitatem agendae vitae. Juxta S. Chrysostomum: *Non dixit S. Paulus, quis militat, et non est dives? Sed quis militat suis stipendiis unquam?* Neque dixit: *Quis plan-*

Cap. 4.  
De Just.  
usu pior.  
provent.

S. Chrys.  
hom. 22.  
in Epist.  
I. ad Cor.

*tat vineam, et aurum non colligit,  
aut fructum integrum non vindemiat?  
Sed: ex fructu ejus non edit? Non ex  
agnis, sed ex lacte. Oportet enim ha-  
bere fortitudinem militis, et agrico-  
lae diligentiam, et curam Pastoris, et  
post haec omnia nihil amplius qua-  
rere, quam necessaria,*

S. Bern.  
ep. 2.  
ad Fulc.

17. Supereft et hodie haec disciplina.  
Inquit S. Bernardus: *Qui altario deſer-  
vit, dignum eſt, ut et de altario vi-  
vat. Conceditur ergo tibi, ſi bene de-  
ſervis, ut de altario vivas: non au-  
tem, ut de altario luxurieris; ut de  
altario ſuperbias: ut inde tibi com-  
pa-  
res fraena aurea, ſellas depictas,  
calcaria deargentata, varia, griffea-  
que pellicea a collo, et manibus orna-  
tu purpureo diverfficata. Denique,  
quidquid praeter neceſſarium viētum,  
ac ſimplicem veſtitum de altario reti-  
nes, tuum non eſt, rapina eſt, sacri-  
legium eſt.*

Trid. feſſ.  
25. c. I.

18. Synodus Tridentina veterum Ca-  
nonum argumento praecipit Episcopis,  
reliquis que Superioribus, ut mores fu-  
os ita componant, ut reliqui ab eis  
frugalitatis, modestiae, continentiae,  
ac, quae nos tantopere Deo commen-  
dat, ſanctae humilitatis exempla pe-  
tere poſſint. Quapropter exemplo Pa-  
trum Concilii Carthaginensis IV. mo-  
net, ut modesta ſuppellectili, ac men-

sa, frugalique vietu sint contenti, et reliquo vitae genere, ac tota domo ca- veant, ne quid appareat, quod non sim- plicitatem, Dei zelum, ac vanitatum contem̄ptum praeferat.

19. Disertior est in eo genere argu-  
menti S. Carolus in Conciliis Mediola-  
nensibus ejus aevi. In Concilio Medio-  
lanensi IV. expresse omnes, quibus u-  
beriores proventus sunt, monet: *Vos*,  
*item alii, quicunque estis, quorum*  
*fidei Christi patrimonium proprie ad*  
*divini cultus, pauperumque usum*  
*commissum est, cavete, ne ambitione,*  
*aut cupiditate prolapſi in alium, quam*  
*cui addictum est, convertatis, atque*  
*propterea sacrilegii rei damnationem*  
*aeternam subeat.*

20. Ast quid? An Clerici divites pa-  
trimonio, ex rebus Ecclesiae vivere  
posſunt? En veteres Canones! Juxta  
Canonem vulgo Apostolorum: *Ex his*  
*autem, quibus Episcopus indiget (si*  
*tamen indiget) ad suas necessitates,*  
*et peregrinorum fratrum usus et ipse*  
*percipiat, ut nihil ei possit omnino de-*  
*esse.* Refert. c. 22. XII. q. 1.

21. Quid clarius Decreto Concilii An-  
tiocheni: *Episcopus, inquit, ecclesia-*  
*sticarum rerum habeat potestatem ad*  
*dispensandum erga omnes, qui indi-*  
*gent, cum summa reverentia, et ti-*

Conc.  
Mediol.  
IV. P. 3.  
c. 7.

Cap. 5.  
De Divil.  
patrim.

*more Dei. Participet autem et ipse,  
quibus indiget (sitamen indiget). Quid  
opus fuisset tam expressa conditione,  
si patrimonio divites ex rebus Ecclesiae,  
utpote patrimonio pauperum, vivere  
possent? ibi. c. 23.*

22. Expressit eam conditionem et B.  
Augustinus: *Quae tamen, utpote bona  
Ecclesiarum (si pauperum compauperes  
sumus) et nostra sunt, et illorum: si  
autem privatim, quae nobis sufficiunt,  
possidemus, non sunt illa nostra, sed  
pauperum, quorum procurationem  
quodammodo gerimus, non proprieta-  
tem nobis usurpatione damnabili vin-  
dicamus. Refert. c. 3. XXIII. q. 7,*

Synod.  
Aquisgr.  
c. 107.

23. Ait Synodus Aquisgranensis: *Nec  
illi, qui sua possidentes, dari sibi ali-  
quid volunt, sine grandi peccato suo,  
unde pauper victurus erat, accipiunt.  
Quippe gratis non darent, quod gratis  
acceperunt, si pios proventus in suam  
sustentationem verterent, ut censum  
patrimonialem, diminutis expensis quo-  
tidianis, augerent.*

24. Superfuit haec disciplina et aevo  
Gratiani: *Verum his auctoritatibus,  
inquit, prohibentur ab Ecclesia susci-  
pi, non illi, qui quondam fuerant di-  
vites, postea vero omnia reliquerunt;  
ut Petrus, Mattheus, et Paulus;  
aut pauperibus distribuerunt, ut Za-  
chaeus; aut Ecclesiae rebus adjunxe-*

runt, sicut illi, qui praedia sua vendentes, ponebunt pretia ante pedes Apostolorum, ut essent omnia communia; sed illi, qui in domibus parentum residentes, vel sua relinquere nolentes, ecclesiasticis facultatibus passi defiderant. Quis enim dubitat, eum lucrum captare, qui ex alieno vivit, ut suis sumptibus parcat. *Gratian. ad C. 24. XII. q. 1.*

25. Censem recentiores Theologi, sententiam ita conciliari posse, ut dicamus, *S. Prosperum*, aliosque veteres auctores loqui de illis, qui plane sufficientem habent sustentationem ex patrimonio, aut beneficio: tunc enim alterum est superfluum, et proinde pauperibus debitum. Alios vero et recentiores Auctores loqui de illis, qui neque ex patrimonio, neque ex beneficio sufficientem omnino sustentationem habent. Hi enim utrumque retinere possunt: modo ex utroque nihil accipiunt ultra sustentationem decentem, juxta conditionem status. Quod enim vere superfluum est, dandum est pauperibus.

26. Inde clucet, primogeniam hanc indolem bonorum ecclesiasticorum et hodie superesse, utcunque saeculorum lapsu alia, aliaque successerit administrationis forma. Inquit *S. Augustinus*: *Habebat ergo Dominus loculos, et a*

Bellarci.  
de Cler.  
lib. I.  
c. 27.

Cap. 6.  
De Mon-  
dern.  
discipl.

*fidelibus oblata conservans, et suorum necessitatibus, et aliis indigentibus tribuebat.* Apud Gratian. c. 17. XII. q. 1.

27. Et alibi: *Exemplum Domini accipite conversantis in terra: quare habuit loculos, cui Angeli ministrauerunt, nisi quia Ecclesia sua loculos suos habitura erat, quare furem Judam admisit, nisi, ut ejus Ecclesia ejus fures patienter toleret?* Refert. c. 12. ibi.

28. Reliquorum veterum Canonum argumento libera bonorum ecclesiasticorum administatio, dispensatioque penes quemque Episcopum stetit, ut tum suis, tum suorum (si vere egerent) necessitatibus provideret, reliquumque pauperibus erogaret. c. 22. 23. 24. XII. q. 1.

29. Placuit aliquando partitio. Saeculo IV. Ecclesiae Romanae consuetudo invaluit, ut unam partem Pontifici, alteram Clero, tertiam pauperibus, quartam fabricae Ecclesiae consignare placeret. c. 27. ibi. q. 2.

30. S. Gregorius passim et aliis Episcopis hanc partitionem commendat. Apparet tamen hanc divisionem haud arithmeticice fuisse institutam per aequales proportiones, sed variam fuisse secundum locorum consuetudinem, et circumstantias, quae nunc majorem portionem in pauperes, nunc in Clericos,

pro horum, illorumque indigentia, et numero impendendam suadebant. c. 29. et 30. XII. q. 2.

31. Hac occasione alibi tripartita, alibi nulla divisio apparuit. Nam haec divisio piarum obventionum nihil immutavit. Quippe hac divisione plus, minusque monebantur Episcopi, aut **alii Administratores**, ut fideliter proventus ecclesiasticos in praescriptos usus impenderent. Concilium Parisiense VI. hinc statuit: *Et licet crescente fidelium devotione copiosissimis, ac munificen- tissimis eorum liberalitatibus donata sit Ecclesia, eundem tamen usum Apostolorum Successores in tractandis, et dispensandis ecclesiasticis rebus se servare debere meminerint.*

Conc.  
Parisiensis  
lib. I.  
c. 15.

32. Novo jure administratio, et dispensatio proventuum beneficialium indivisim cujusque tituli Possessori libere relicta est, tacita tamen conditione, ut, procul a fastu et luxu, in praescriptos usus canonicos effunderentur, quia res transit cum suo onere. Hinc et Concilium Tridentinum, cui utique nova disciplina satis comperta fuit, exemplo veteris Concilii Carthaginensis justum usum piorum redditum tum Episcopis, tum et reliquis Clericis commendat, *ne quid appareat, quod a sancto hoc instituto sit alienum; quodque non*

Trid. sess.  
25. c. I.

*simplicitatem, Dei zelum, ac vanitatem contemptum praeseverat.*

Cap. 7.  
De Te-  
stam.  
Cleric.  
S. Hier.  
ep. 2. ad  
Nepot.

33. Auctis bonis Ecclesiae invaluerunt corruptelae. Queritur S. Hieronymus : *Nonnulli sunt ditiores Monachi, quam fuerant saeculares, et Clerici, qui possident opes sub Christo paupere, quas sub locuplete, et fallaci diabolo non habuerunt; ut susciperet eos Ecclesia divites, quos mundus ante habuit mendicos.*

34. Hac occasione veteri cautela opus fuit, ut reprimerentur studia eorum Ministrorum, qui, praeterita cura pauperum, pietatem in quaestum verterant, ut pios proventus, quibus suum patrimonium auxerant, per testamentum in suam familiam transmitterent. Sanxit Concilium Antiochenum, facultates ecclesiasticas a patrimonialibus Cleri secernendas esse, quia has in pios usus reservari oportet. c. 21. XII q. 1.

35. In Oriente de Episcopis edixit Justinianus Imp. eos nullo modo habere facultatem testandi, vel donandi, vel per aliam quamcunque excogitationem alienandi quid de rebus suis, quas, postquam facti fuerint Episcopi, posse derint, vel acquisierint, vel ex testamentis, vel donationibus, vel alia quamcunque causa, exceptis duntaxat his, quas ante Episcopatum habuerunt ex quamcunque causa, vel quae post Episco-

patum a Parentibus, vel Theis, hoc est, Patruis, Avunculis, et fratribus adipos pervenierunt, peventurae sunt. L. 42.  
§. 2. C. de Episc. et Cler.

36. In Occidente de Episcopis aequae, ac de reliquis Clericis statuit Concilium Agathense, *ut de rebus propriis, vel acquisitis, vel quidquid de proprio habent, haeredibus suis, si voluerint, derelinquant. Quidquid vero de provisione Ecclesiae suae fuerit, sive de agris, sive de fructibus, sive de oblationibus omnia in jure Ecclesiae reserventur.* Ref. e. 19. XII. q. 1.

37. Jure novo supereft rescriptum S. Gregorii, ut, discretis rebus patrimonialibus, quidquid Ecclesiae ipsius esse cognoscitur, vel in Episcopatus ordine acquisitum apparet, in ejusdem Ecclesiae conservetur dominio, ne quisquam exinde aliquid usurpare qualibet occasione praesumat. In compilatione Decretalium hoc Decretum Gregorio IX. per errorem inscribitur. c. 1. d. Testam.

38. Reliquis argumentis Decretalium *vetus disciplina instauratur. Praecipit Concilium Lateranense III. bona ecclesiastica, sive ex rebus Ecclesiae, sive consideratione Ecclesiae acquisita penes Ecclesias, sive intestati Clerici decesserint, sive aliis conferre voluerint, esse conservanda, tum mobilia, tum immobilia.* c. 7. ibi.

39. Inter haec exempla probavit tamen Alexand. III. consuetudinem, quod Clerici de mobilibus per Ecclesiam acquisitis ad pias causas, vel remunerationis gratia in favorem domesticorum moderate testari possent. c. 12. d. *Testam.*

40. Consuetudo, quae hic non improbanda dicitur, per relationem ejusdem rescripti Pontificii in *Decretales Gregorii IX.* quasi jure probata, et firmata fuit: tandem etiam pro jure invalidit. Unde et in Synodis postea passim permittitur Clericis de mobilibus sub moderationibus in citato rescripto Alexandri III. appositis testari. In Germania tamen Episcopi, aliquique Praelatiae tenus veteri rigori subsunt, ut testari non possunt, nisi Indultum Papae meruerint.

Synod.  
Osnabr.  
P. 2.  
Tit. II.  
§. I.

41. *Synodus Osnabrugensis ann. 1628.* his rationibus instruxit Clericos: *Cum in officiis charitatis, ac piae remunerationis primo loco illis teneamus obnoxii, ac quibus beneficium nos cognovimus recepisse, facile intelligunt omnes Ecclesiarum nostrarum Clerici, et Beneficiati, qui de Ecclesiae stipendiis, ac redditibus vivunt, ut de iis, quae ex justa suarum rerum dispensatione supersunt, in supremae voluntatis declaratione, non ex carnali affectione, sed pro Ecclesiae Dei utilitate disponant etc.*

42. Haec prope et fata fuere successio-  
num ab intestato. Si aliquando haere-  
des legitimi deessent Clericis, statuit  
Justinianus Imp., ut et in patrimonia-  
libus succederet Ecclesia: quia et laico-  
rum haereditas, deficientibus legitimis  
haeredibus, praefisco corporibus illis,  
quibus adscripti in vita fuerant, defe-  
rebatur. *L. 20. C. de Episc. et Cler.*

Cap. 8.  
De Suc-  
cess. Cler.  
ab intest.

43. Jure Decretalium declarat Ale-  
xander III., in bona ecclesiastica, ab  
intestato relictā, succedere Ecclesiam;  
ita quidem, ut nomine Ecclesiae non  
Episcopus, vel Successor Clerici, ubi  
est Collegium Clericorum, sed ipsa com-  
munis Congregatio, quae rerum illarum  
canonicam distributionem, et curam ha-  
bet, intelligatur: ubi autem in locum  
defuncti tantum unus est ordinandus,  
is relictā bona (sicut alia ipsius Ecclesiae)  
in Dei timore dispenset. *c. 12. d. Testam.*

44. Inter ea tempora nonnullibi in-  
valuit usus, quod alii saepe titulo vel  
privilegii, vel consuetudinis intestato-  
rum Clericorum haereditates sibi vindi-  
carent. Repressis corruptelis legitimos  
titulos probavit Bonifacius VIII. *c. 9.*  
*de Offic. Ordin. in 6.*

45. Concilium Constantiense hac di-  
scretione vetat, per Episcopos, et in-  
feriores Praelatos bona decedentium  
Canonicorum praeter, et contra juris  
dispositionem occupari: *Constitutione*

Conc.  
Constant.  
seff. 39.  
de Spol.

*Bonifacii VIII. — super hoc edita,  
specialiter in suo robore duratura.*

46. Hac occasione saepe consultius visum est Clericis, ut, ad excludendum jus, ut vocabant, spolii testandi facultatem impetrarent. Decidit Innocentius III., et illum Clericum testatum, ad jus spolii removendum, censeri, qui extremam voluntatem in arbitrium tertii remisit. *c. 13. d. Testam.*

47. Forte tam diversi tituli successorum exemplo feudi, invaluerunt. Sic enim et ipsi Principes aliquando jus spolii sibi in haereditates intestatorum Clericorum vindicarunt, donec jus illud spolii Fridericus II., Rudolphusque I. ejurasset.

48. Recentiores Pontifices alibi jus spolii sibi titulo vindicandorum Canonum arrogarunt. In Gallia Principes Jus Papalis spolii suppresserunt. Germanis per Decretum Concilii Constantiensis adversus recentiores Curiae praetensiones consultum est.

49. Inde passim eo deventum est, ut legitimi haeredes sibi successionem intestatorum Clericorum in acquae stibus ecclesiasticis aequa, ac patrimonio reliquo vindicent, ea tamen conditione, ut oneribus beneficii satisfaciant, quia res transit cum suo onere. *Arg. c. 9. de Offic. Ordin. in 6.*

50. Quantum ergo illa successio aquaeſtus ecclesiasticos ſpectat, fructus non tantum percepti, ſed et percipienti ad haeredes devolvuntur pro rata praefiti ſervitii. Receptum inde eſt, eſſe aliquando dividendos pro rata temporis, quo onera beneficij defunctus tulit; eodem modo, quo fructus dotis ſoluto matrimonio bipartiri ſolent. In pluribus Ecclesiis receptum eſt, annum divisionis, veluti mortualement computari a festo S. Joannis, vel alterius Sancti, quia ab eo die annus residentiae inchoari folet.

51. Inter Canonicos aliquando annus gratiae receptus eſt, tum ad expungendum aēs alienum, tum ad ſurrogandos ſumptus funerales, tum denique ad ſplendos annos parentiae. In Germania ſupereret vetus Concilii Trevirensis de ann. 1310. Decretum, *ut nulli Canonicō talem annum, talisque anni redditus liceat retinere.*

52. In reliquis haud excufantur haeredes ipſi, quin aquaeſtus ecclesiasticos, in quantum a patrimonialibus diſcernere poſſunt, in pias cauſas erogare teneantur, quia res transit cum ſuo onere. Cum Guilielmo Epifcopo Parifiensi aliquando nuntiatum eſſet, ſibi ex haereditate Canonici cujusdam tria Marcarum millia ab intestato obtigiffe, praे-

Marten.  
Tom. 4.  
append.  
col. 247.

Thom.  
Cantipr.  
lib. 2.  
c. 55.

cepit mox pecuniam in usus pauperum erogari.

\* 53. Quid igitur in morali doctrina reliquum est, quam Clericos, si in vivis suo officio erga pauperes defuerint, sui periculi in rationibus divini judicii monere? En sententiam S. Hieronimi: *A mico quippiam rapere furtum est, Ecclesiam fraudare sacrilegium est. Accepisse, quod pauperibus erogandum est, et esurientibus plurimis vel cautum esse, vel timidum; aut, quod apertissimi sceleris est, aliquid inde subtrahere, omnium praedonum crudelitatem superat.* — Optimus Dispensator est, qui sibi nihil reservat. Juxta Concilium Matisconense II.: *Qui oblationes fidelium — quae Ecclesiae conferuntur, retinent, veluti retentatores Ecclesiae, aut egentium necatores, ab Ecclesiae liminibus arceantur.* Capitularium haec est sententia: *Ne cui licet res, vel facultates Ecclesiis, vel Monasteriis, vel Xenodochiis pro qua cunque eleemosyna cum justitia delegatas retentare, alienare, atque subtrahere. Quod si quis fecerit, tanquam necator pauperum, antiquorum Canonum sententiis constrictus, ab Ecclesiae liminibus excludatur, quamdiu ab ipso ea, quae sunt ablata, et restenta, restituantur.* Quis disertior in eo genere argumenti S. Bernardo? Cla-

S. Hier.  
ep. ad  
Nepot.

Synod.  
Matisc. II.  
c. 4.

Capit.  
Franc.  
lib. 6.  
c. 135.  
et lib. 7.  
c. 491.

S. Bern.  
ad Henr.  
Sen. c. 2.

*mant nudi, inquit, clamant famelici,  
conqueruntur, et dicunt: — vita no-  
stra cedit vobis in superfluas copias.  
Nostris necessitatibus subtrahitur, quid-  
quid accedit vanitatibus vestris etc.  
Caeterum stabunt in futuro in magna  
constantia adversus eos, qui se an-  
gustiaverunt: stante quippe pro eis  
Patre Orphanorum, et judice vidua-  
rum. Ipsi⁹ enim tunc vox erit: quam-  
diu non fecistis uni de his minimis meis,  
nec mihi fecistis.*

---

## TITVLVS. XVI.

### *De Decimis, et Oblationibus.*

#### CAPVT I.

*De Origine, et jure Decimarum.*

1. In sit Concilium Nannetense: Instru-  
endi sunt Presbyteri, pariterque ad-  
monendi quatenus noverint decimas,  
et oblationes, quas a fidelibus acci-  
piunt, pauperum, et hospitum, et  
peregrinorum esse stipendia, et non  
quasi suis, sed quasi commendatitiis  
uti. De quibus omnibus sciant, se ra-  
tionem posituros in conspectu, et, nisi  
eas fideliter pauperibus administrave-  
rint: damna passuros.

Conc.  
Nannet.  
c. 10.

Fleur.  
J. E. P. 2.  
c. 10.

2. En brevem rerum Synopsin? Ju-  
daeis, Deo decimas, et primitias fru-  
ctuum ad sacrificia, et vota offerre af-  
fueri, idem institutum sub Evangelio  
urgendum censuerunt: Pagani autem,  
ad Christum conversi, maximos sum-  
tus in sacrificia idolorum, et profana  
spectacula impensos, bonis operibus de-  
putarunt. Constat inde a principio fide-  
libus decimatarum, et primitiarum obla-  
tiones fuisse commendatas. c. 65. et 66.  
*XVI. q. 1.*

S. Hier.  
in cap. 3.  
Malach.  
S. Chrys.  
hom. 11.  
in ep. ad  
Eph.  
S. Aug.  
in Psal.  
146.

3. Haec tamen tamen Christiani de de-  
cimis, et fructuum primitiis, et aliis  
oblationibus aequae, ac de caeteris ele-  
emosynis in pauperes conferendis mo-  
vebantur, et singulorum pudori relin-  
quebatur: velletne dare: an non dare.  
Hortabatur quidem S. Hieronymus po-  
pulum ad Decimatarum solutionem: san-  
ctus quoque Joannes Chrysostomus ea-  
rum solutionem omnimodis suasit, nec  
mius eas commendavit S. Augustinus:  
nullum tamen rigorosum tunc temporis  
adhuc erat praeceptum de Decimis. Ex-  
eunte saeculo VI. Episcopi in negligen-  
tes decimas dare censuras strinxere. In-  
de in Oriente eas exactiones Justinia-  
nus suppressit. *L. 39. s. 1. C. de Episc.  
et Cler.*

4. In Occidente saeculo IX., quo in  
Decimis praestandis laici fere omni of-  
ficio

ficio defuere, pristinum censurarum rigorem auxerunt Constitutiones Francorum Regum. Fortassis illa bonorum ecclesiasticorum dissipatio ansam dedit iuri incrustando, quod ex lege divina firmari posse videbatur. Supereft Ludoviciani Capitularis fragmentum in Decreto c. 7. *XVI.* q. 7. et *ibi Correct. Rom.*

Capit.  
Franc.  
lib. 5.  
c. 10.

5. Sunt, qui Decimas juris divini esse censent. In Decreto enim Gratiani frequentes occurrunt auctoritates, quae eo genere argumineti, et exempli jus Decimorum Ecclesiae vindicant. c. 5. et 6. *ibi.*

6. Novo jure receptum est dogma, Decimas Deo deberi in siguum universalis dominii. Hinc Caelestinus III. pronuntiavit, et ex artefactis, omniq[ue] honesto lucro Decimas deberi. *c. 22. de Decim.*

7. S. Thomae tamen, reliquisque Theologis visum est, Decimas propriæ divini juris haud esse, nisi, quantum ad sustentationem Ministrorum sunt necessariae. Illa enim lex Mosaica judicialis in reliquis est, quod Sacerdotibus, et Levitis, nulla haereditaria portione donatis, a caeteris tribubus decima reddituum pars esset solvenda: si tamen Christiani aliunde Clericis prospicerent, huic oneri supersedere possent. Quare Graeci, ac caeteri per Orientem Christiani decimarum exactiones nunquam adimi-

Nov. 3.  
et 43.

ferunt, quia ex Novellis Justiniani constat, Clerum aliunde habuisse sufficienes redditus alimoniae. Nihilominus per Occidentem consuetudine continua, et constitutione humana, exemplo legis divinae innixa, decimae debentur.

Cap. 2.  
De di-  
vers. De-  
cim.

8. Jure novo declarat Pontifex: *De vino, grano, fructibus arborum, pecoribus, hortis, negotiatione, de ipsa etiam militia* (id est feudo, vel terra, quae militem debet) *de venatione, de omnibus bonis decimae sunt ministris Ecclesiae tribuendae; ita, ut, qui de his eas solvere neglexerint, ecclastica districione debeant percelli.*  
Refert. c. 22. de Decim.

9. Adeo exemplis novi juris nulla terra, nullum seminis genus, nulli fructus, nullae res, nullum opificium, nullum negotium, nullum lucrum a decimis excusatur. Rescripsit Alexander III. Vintoniensi Episcopo: *Mandamus, quatenus Parochianos tuos de apibus, et de omni fructu decimas persolvere ecclastica districione compellas.* Supereft c. 6. ibi.

10. His exemplis decimae dividi solent in praediales, personales, et mixtas. Praediales spectant fructus et productus naturales, civilesque possessionum. Personales referuntur ad lucrum opificii, artificiique. Mixtae in fructu, et faetu pecorum constituuntur.

11. In tanta diversitate decimarum, quantum ad causam, et quotam debiti, diversas consuetudines locorum esse spe-ctandas saepe rescripsere Pontifices. Sic Concilium Lateranense IV. pronuntiat : *Illae decimae necessario solvendae sunt, quae debentur ex lege divina, vel loci consuetudine approbata.* Ref. c. 32. de Decim. in integr. lect.

12. Juxta Interpretes decimae Personales passim consuetudine interierunt. Supersunt praediales, et mixtae; et hae, illaequae alibi majore, alibi minore numero. Sic in Belgicis Provinciis exaruerunt decimae lignorum, faeni, herbarum, ovium, agnorum, lanae, porcorum, vitulorum, anserum, et similiuum.

13. Oportet ergo cujusque loci consuetudinem explorare, servareque; aut si de ea non constet, exemplum ex vicinia petere. Haerente dubio Jus Decretalium, veluti jus commune, in regula est; consuetudo in exceptione primas fert. Inde a Decimis passim excusantur fructus, de quibus a tempore 40 annorum decima praestari haud consuevit; utpote si consuetudo positiva probetur.

14. Inter ea saecula, quibus in Occidente caeperant decimarum exactiones, praceptum est, ut quisque Parochus suorum subditorum decimas colligeret.

Cap. 3.  
De Jur.  
Paroch.  
Decim.

Vetus enim regula habuit, ibi reddendas esse decimas, ubi per totum anni circulum Missas audiunt, et eorum infantes baptizantur. c. 46. XVI. q. I.

15. Veteri more administratio decimarum per totam Diaecefis inde Episcopi fuit, ea tamen lege, ut Ecclesiæ Parochiales fastas tectas tenerat, ornamenta, et reliqua, quae ad cultum divinum necessaria viderentur, conferret, Ministris altarium ea, quae ad victimum, et vestitum pertinent, largiretur, et tandem eleemosynas, a Canonibus prescriptas pauperibus erogaret. Ita in Concilio Turonensi, quod ann. 813. celebratur, et Concilio Wormatiensi anno 868. statuitur: *Ut decimae in potestate Episcopi fiant, qualiter a Presbyteris dispensentur etc.*

Conc.  
Turon.  
c. 813.  
Conc.  
Wormat.  
c. 868.

16. Quum novo jure invalueret, quod omnes proventus ecclesiastici singulis titulis inhaererent, decimarum omnium libera administratio Parochis, veluti jure communi obtigit. c. 29. et 30. de Decim.

17. Hac divisione vetus quarta Episcopi in decimis Parochialibus aequa, ac in caeteris proventibus ecclesiasticis exaruit, nisi forsan vel ex particulari conventione, vel ex alio singulari titulo Episcopus sibi aliquam portionem aliquando alicubi reservasset. c. 13. ibi.

18. Nonnunquam inter Parochos exarere dissidia, eoquod essent homines, qui in alia Parochia terras excolerent. Decidit Alexander III., consuetudinem esse observandam cujusque loci. c. 18. *de Decim.*

19. In regula Interpretibus placuit distinctio inter decimas praediales, seu reales, et personales, seu industrielles. Decimae personales debentur illi Ecclesiae, ubi quisque recipit ecclesiastica Sacramenta: reales vindicat sibi illa Ecclesia, in cuius districtu illa praedia sunt sita. c. 2. *de Restit. Spol. in 6.*

20. Sed quid eo casu de Decimis mixtis? Synodus Wigorniensis ann. 1240. ita decidit: *quod, in quacunque Parochia per totum annum fuerit ovile, licet oves Parochiae vicinae aliquando limites transeant ad pascua quaerenda, illi Ecclesiae, in cuius Parochia continuo cubaverint, Decimae tribuantur. Quod si continuo cubunt in una Parochia, et continuo pascant in alia, inter Ecclesias Decima dividatur. Si ergo per medietatem anni in Parochia alia pascantur, ex aequo Decima dividitur. Si inaequaliter pascantur in diversis Parochiis, pro rata temporis Decima dividenda est.*

Synod.  
Wigorn.  
c. 44.

21. Jure novo Jus Parochiale percipiendi Decimas fructuum quorumcunque, infra limites Parochiae ex crescencium, per titulum juris definitum est,

ut jus decimandi intra eosdem limites contra Ecclesiam Parochialem praescribi non possit, nisi cum quadragenaria possessione concurrat titulus; vel ejus defectum suppleat lapsus tanti temporis, cuius contrarii memoria non existat.

c. i. de Praescript. in 6.

22. In reliquis jus decimandi titulo Ecclesiae Parochialis cohaeret. Si ergo Ecclesia Parochialis alteri loco incorporata fuit, in Vicarium temporalem, perpetuumque haud transit jus illud decimandi, quia titulus Ecclesiae Parochialis per eam unionem translatus censemur.

Cap. 4.  
De De-  
cim. laic.  
et infeud.

23. Supersunt et laicis Decimae, quas plerumque infeudatas vocant, atque quidem duplii titulo: sunt enim quedam Decimae origine laicae. Sic in feidis, emphytheusibus, et censibus constitutis dominii suis Vasallis praedia dederunt cum onere partis fructuum, quod in colonis partiariis, et Solario manifestum. De illis Decimis plane laicibus hic non agitur, sed de veris Decimis origine sua ecclesiasticis, quarum a populo in usum Ecclesiae oblatarum Laici omnino sunt incapaces. c. i. XVI.

q. 7.

24. Et tamen plures usurpabantur, quas Dynastae aut propria auctoritate sibi vindicabant, aut per indiscretionem indulgentiam Praelatorum obtinebant. Ingenuit tantae ignaviae aliquando Gregorius VII. c. 13. I. q. 1. c. 3. XVI. q. 7.

25. Ingemuit novo jure huic vitio Cleri et Alexander III.: *statuimus, inquit Pontifex, ut, si quis Praelatorum alicui laico, in saeculo remanenti, Ecclesiam, decimum, oblationemque concederit, a statu suo, sicut arbor, quae inutiliter terram occupat, succidatur.* Refert. c. 17. *de Decim.*

26. *Enimvero Decimae ecclesiasticae per deputationem illam, quod Ecclesiae ministris jure divino ad sustentationem reserventur, quodammodo spirituales censentur.* Inde novo jure invaluit regula, Laicos nulla ratione Decimas detinere, aut praescriptione acquirere posse. c. 7. et 10. *de Praescript.*

27. Concilium Lateranense III. diserte prohibuit, ne laici de novo jus decimandi acquirere, aut haetenus possessum in alios laicos transferre possent. Quippe Decimae spectantur veluti propria stipendia Cleri. c. 19. *de Decim.*

28. Invaluit tamen aliquando communis interpretatio, laicis permisum esse, Decimas retinere ante Concilium Lateranense de ann. 1179. obtentas. Inde Alexander IV. diserte distinxit inter Decimas ante, et post Concilium Lateranense III. acquisitas. c. 2. §. 3. *ibi in 6.*

29. His constitutionibus factum est, ut Decimae, quas laici ann. 1179. tenebant, ipsis relinquenterunt; quae vero

illo Concilio posteriores essent, illegitimae haberentur, si id probari posset: sin minus, pro infeudationis antiquitate praesumitur, si modo centenaria, aut immemorialis possessio suffragetur. c. 7. *de his, quae fuit a Praelat.*

30. Expeditiones sacrae novum genus Decimarum Papis pepererunt. Cum enim Levitis quondam praeceptum fuisset, ut Decimarum, a populo acceptarum, Decimas summo Sacerdoti redherent, homines incessit persuasio, Pontifici Romano Decimas omnium fructuum beneficialium deberi. Inde exarscentibus Cruciatibus saepe Reges, saepe Imperatores Decimas, a Clero exigendas, a Papis impetrarunt. In Gallia per Comitia Melodunensia ann. 1580. et per contractus, cum Rege denis annis renovandos, Decimarum onus factum est perpetuum, cui nonnunquam, si opus est, gratuitum donum adjicitur.

31. In Gallia ac Belgio et reliquae Decimae laicis infeudatae, tanquam alii redditus vulgares, et patrimoniales aestimantur, ut de iis etiam in petitorio Judex civilis cognoscere possit: quo ipso abrogata est constitutio Gregorii IX., quae refertur c. 35. *de Decim.*

32. Interim et hae primigeniam recuperant indolem, si ad quandam Ecclesiam aliquando libere, et simpliciter revertantur: nam si illae Decimae non

pure, sed cum onere feudali, aut non per se, sed cum universitate castri, aut alterius praedii per modum accessionis Ecclesiae a laicis obtigerint, veluti laicales, et temporales spectantur. In Gallia vetat ann. 1749. Ludovicus XV., ne Ecclesiae infeudatas laicis Decimas libere, et simpliciter recuperare possint, nisi a Rege legem amortisationis impenetraverint.

33. Vetus origo Decimorum laicis infeudatarum in Gallia emersit. Saeculo enim VIII. concessionibus Caroli Martelli passim Laici, defectu militaris stipendii, Ecclesiastis, id est, proventus ecclesiasticos, titulo feudi naezi sunt, ea lege, ut Parocho justam exinde sustentationem paeberent. Praecipit Capitulare: *Ut, qui Ecclesiarum beneficia habent, nonam, et decimam ex iis Ecclesiae, cuius res sunt, donent, et, qui tale beneficium, seu praedium habent, quod ad medietatem laborent, de earum portione proprio Presbytero, id est, Parocho decimus donent.*

Cap. 5.  
De Decim.  
ad Monast.  
et Capit.  
devolut.

Capitul.  
lib. 2.  
c. 157.

34. Id genus infeudationis, aut et dissipationis aegerrime, ut justum erat, tulerunt Concilia, et Episcopi, porrectis Principi precibus, ut, repressis laicorum usurpationibus, veteres proveniunt, et possessiones Ecclesiis, quantum fieri posset, restituerentur.

35. Laici, tum edictis regiis, tum censuris ecclesiasticis ad justam restitutionem compulsi, illas Ecclesias, et Decimas plerumque Monachis, et Canonicis reddere volebant, ut vel per foundationem novi Monasterii, aut Claustris sui nominis gloriam relinquerent, vel Religiosorum hominum pia, et perpetua suffragia sibi, suisque conciliarent, vel instantiis, et sollicitationibus Monachorum, Canonicorumque cederent.

*Christ.  
Lup.  
Tom. 5.  
schol.  
p. 186.*

Observat Christianus Lupus: *Et Monachorum, et Regularium in Cathedrali, aut Collegiato claustro Clericorum disciplina tunc florentissime vigebat Hinc plures laici, dum saeculares, aut singulares Clericos, saepe concubinarios, aversantur, detentas altarium Decimas illis donarunt, ex ipsis fundarunt nova Monasteria, ac regularia Collegia, atque ita utramque istam professionem opulentissime ditarunt.*

36. Inde duplici titulo Monasteriis, et Capitulis obtigerunt Decimae. Sunt aliae, quas labori Monachorum, qui refectis sylvis terras steriles ad frugem reduxerant, debent illi, qui deinceps viros, et oppida, agrosque ea legerem ceperunt. Sunt aliae a Magnatibus, quas Ecclesiis olim in situ suo jacentibus eriperant, restitutae, aut et ab Episcopis donatae. In illa restitutione laicorum decrevit Urbanus II.: *Decimas, et Ec-*

*clefias a laicis Monachi non suscipiant  
absque consensu, et voluntate Episco-  
porum.* Refert. c. 39. XVI. q. 7.

37. Hac occasione nonnulli Episcopi  
quaestum facere videbantur, quia facil-  
lime consensum, reservato sibi annuo  
censu, vel alio oblato pretio, pro re-  
demptione altarium, ut vocabant, pree-  
bebant. Damnatae sunt hae nundinatio-  
nes. c. 4. I. q. 3.

38. Jure novo redire ad regulam pla-  
cuit, quae vetat, Regulares a Laicis  
Decimas, aut Ecclesias recipere sine con-  
sensu Episcopi. Hinc in Concilio Latera-  
nensi III. pronuntiat Alexander III.:  
*Ecclesiast, et Decimas de manu Laico-  
rum sine consensu Episcoporum, tam  
illos (Templarios) quam alios Reli-  
giosos recipere prohibemus.* Ref. c. 3.  
de Privil.

39. Et vero, si Episcopus officio de-  
fuerit, recursui ad Papam locus datus  
fuerat. Sic in Concilio Melfitano sub Ur-  
bano II. decretum est: *Qui (Episcopus)* Conc.  
Melfit.  
c. 5.  
*si forsan improbitatis, aut avaritiae*  
*causa consentire noluerit, Romano*  
*Pontifici nuntietur: et cum ejus li-*  
*centia, quod offerendum est, offera-*  
*tur.*

40. Non dubium igitur est, his au-  
spiciis successisse Monasteriis, et Capitu-  
lis, quod abinde plures Ecclesias, et  
Decimas obtinerent, eo onere, ut fi-

deles, et largas eleemosynas exinde facerent indigentibus Parochianis. Praecipit ann. 1342. Synodus Londinensis: *Religiosi praedicti beneficia appropria ta obtainentes ecclesiastica, secundum beneficiorum hujusmodi facultates, annis singulis pauperibus Parochianis, circa eleemosynae quantitatem ipsorum locorum Ordinariorum moderandam arbitrio, per Episcopos ipsos distribuere, compellantur sub pena sequestrationis.*

Synod.  
Londin.  
e. 4.

Cap. 6.  
De Decim.  
Noval. et  
Minut.

41. Inter recentiora illa Privilegia Monasteriorum, et Capitulorum frequentius justus locus superfuit distingendi Decimas novales, et minutas a veteribus, et majoribus, quia, his subductis, illae jure communi Parocho vindicantur. Eo argumento Novales dixit Pontifex, quae ex praedio recens ad fructum decimabilem redacto colliguntur. c. 21. de Verb. signif. et Interp: de Decim.

42. Consultus est Innocentius III.: Cum in quibusdam Parochiis ad quasdam Ecclesias, vel personas ecclesiasticas ab antiquo pertineat perceptio Decimarnm, et de novo fiant novalia in eisdem, ad quas hujusmodi novalium Decima incipiat pertinere? Rescripsit Pontifex: *Decimae novalium, quae fiunt in Parochiis earundem, ad ipsas procul dubio pertinere noscuntur.* Ref. c. 29. de Decim.

43. Hoc exemplo decidit Alexander IV.: *Nec pro eo, quod forte in aliquibus Parochiis omnes majores Decimas, seu partem illarum acquirunt de manibus Laicorum, possunt pro eadem, vel simili portione, si de novo postmodum fiant novalia, in eisdem petere, vel percipere novalium Decimas eorundem, nisi alia rationabilis, per quam hoc facere valeant, causa substit.* Refert. c. 2. §. 6. ibi in 6.

44. Harum causarum rationabilium prima est illorum, qui vel per privilegium, vel per praescriptionem jus decimandi titulo incorporationis, seu appropriationis ipsius Ecclesiae Parochialis obtinent; quippe eo titulo ipsam Ecclesiam Parochialem, veluti Parochi primitivi possident, licet curam per Vicarium exerceant, cui congrua portio praestanda est.

45. Reliqui Decimatores nullum jus habent ad novales Decimas, quia eae reservantur Parocho, aut Vicario perpetuo. Nonnullibi usus habet, quod Parochis, vel Vicariis perpetuis novalium ususfructus per quinque, septemque annos a tempore, quo terra novalis collicaepti, relinquatur. Si integra Vicarii competentia consistat in pecunia, Vicarius omni juri decimandi renuntiasse censetur.

46. Si aliquando quibusdam expressum privilegium datum est, etiam novales Decimas percipiendi, illud genus indulti eo moderamine explicat Alexand. IV., ut non intelligatur de novalibus, quas tempore impetrationis possederunt alii; et restringatur ad ea loca, ubi veteres tunc, quando privilegium novalium impetratum fuit, ipsi impetratores habebant, et pro ea solummodo portione suffragetur, qua ipsi tempore impetrationis hujusmodi percipiebant antiquas. Inde subdit Papa, indultum de recipiendo Novalibus obtentum ab iis, qui tempore impetrationis totaliter veteres Decimas percipiebant, ultra medietatem novalium non extendi. c. 2. §. 1. de *Decim. in 6.*

Brun-  
nem.  
J. E. I. 2.  
c. 7.

47. Hericus III. Dux Brabantiae per testamentum restituit Decimas novalium generaliter per totam Brabantiae terram Ecclesiis, et ecclesiasticis personis, ad quas pleio jure pertinent.

48. Meminit Innocentius III. et minutarum Decimarum, eo argumento, ut eas juri Parochiali vindicet, tametsi alii jus maiores Decimas percipiendi per privilegium, praescriptionem, vel alium juris titulum possideant. c. 30. d. *Decim.*

Cap. 7.  
De Ex-  
empt.  
Religios.

49. Jure communi ad Decimarum solutionem tenentur omnes c. 3. 4. 5. de *Decimis*, praesertim Laici, qui a Parochis, et Clericis spiritualia accipere de-

bent. Unde et jure quasi naturali Decimas pro Sacerdotum sustentatione dare tenentur. Refert Broudæus ad Lovetum non semel judicatum esse, Lajcos obligari ad solvendas Decimas e suis terris, tametsi a tempore *immemoriali* non solvissent, si non ostendant, Decimas istius terrae titulo infeudationis sibi competere. Narrat dein, judicatum fuisse ann. 1633. contra cujusdam loci Toparcham, ipsum obligari ad solutionem Decimarum ex quibusdam fundis, licet probata esset possessio immemorialis non solutionis Decimarum per elocationes continuo factas a centum et quinquaginta annis, aliaque acta in lite exhibita. Quinimo Toparchae, praetendentes titulo suae Toparchiae exemptionem a Decimis solvendis e suis fundis dominicalibus, non semel repulsi sunt, non obstante possessione non solvendi, dum judicatum est, eos non eximi, nisi speciali privilegio suam exemptionem probaverint. Attento quoque jure communi etiam Principes, et Reges e suis terris Decimas debere solvere unanimi consensu tradunt Canonistæ: praetendunt tamen nonnulli Principes immunitatem ob immemorialem præscriptionem etc. Veteri jure et Monachi, tametsi vicitarent ex labore manuum, ad Decimas reddendas adstricti fuerunt. c. 6. XVI. q. 1.

Broud. ad  
Lovet.  
lit. D.  
num. 9.

50. Supereft sub nomine Paschalis II. Decretalis, quae Monachos, et Clericos in communi viventes ab exactionibus Decimarum *de laboribus*, seu *nutritientis suis propriis* eximit. c. 47. ibi.

51. Spectabant ergo, ut appareat, hae exemptiones Decimas minutias. Unde et Concilium Lateranense id genus exemptionis et leprosis in communi viventibus indulxit, ut de hortis, et nutritientis animalium suorum Decimas tribuere non cogantur. c. 2. *de Eccles. Aedif.*

52. Rescripsit Hadrianus IV. monendos et urgendos Monachos esse, ut Decimas de terris cultis, in quibus olim domus constructae fuerant, Ecclesiae ea integritate persolvant, qua priusquam in eadem Parochia morarentur, solebant veluti majores persolvi. c. 4. *de Decim.*

53. Juxta Alexandrum III. Pontifices aliquando fere omnibus Religiosis Decimas laborum suorum concederant: sed Hadrianus IV. solis fratribus Cisterciensis Ordinis, et Templariis, Hospitalariis Decimas laborum suorum, quos propriis manibus, vel sumptibus colunt, indulxit: caeteris vero permisit, ut de novalibus suis, quae propriis manibus, vel sumptibus excolunt, et de nutritio-

men-

mentis animalium suorum, et de hor-  
tis suis Decimas non persolvant. c. 10.  
*ibi.*

54. Reliquis juris novi exemplis et  
Cisterciensium privilegium restringere  
placuit, quod auctis Monasteriis Cister-  
cienses sibi attraherent praedia, et pos-  
sessiones, e quibus antea Decima solvi  
solebat. Consuluit Alexander III. Mona-  
chis, ut desuper cum ipsis, qui Deci-  
mas praetendebant, componerent. c. 9.  
*de Decim.*

55. Alibi repressit Pontifex Mona-  
chos, qui exemptionem suam porrige-  
bant et ad illas terras, quas aliis exco-  
lendas elocabant, ut nec ipsi, nec con-  
ductores Decimas solvere tenerentur.  
c. 11. *in integr. lect. ibi.*

56. Hoc exemplo mandat Alexan-  
der III., ut et Cistercienses de illis pos-  
sessionibus, quas conducunt, aut ad  
firmam accipiunt, Decimas, si ex iis  
antehac Decimae praestari solebant, red-  
dant. c. 8. *de Decim.*

57. Denique vetantur Cistercienses  
de novo possessiones, ex quibus Deci-  
mae solvi solebant, acquirere, nisi pro  
novis Monasteriis erigendis; et tunc eas  
vel aliis elocare, ut Decimae praesten-  
tur, aut ipsi, si proprijs manibus, et  
sumptibus excolunt, Decimas reddere  
tenantur. c. 34. *ibi.*

58. In Gallia tamen ann. 1620. tum Cistercienses, tum alii religiosi Ordines patentes litteras Ludovici XIII. obtinuisse dicuntur, quibus immunitas a Decimis e possessionibus, quae sunt de foundatione, dotatione, et dominio illarum Abbatiarum, tam pro illis, quas propriis manibus excolunt, quam et ipsis, quas suis colonis excolendas relinquunt, conceditur.

59. Quocunque autem sit in eo genere Regularium privilegium, id non nisi personale est, ut ad alium possessorum haud transire possit, quia neque possessionibus, nec rebus inhaerere censetur. Sic alicubi ann. 1602. Parocho adjudicatae fuerant Decimae e terris, quas quidam Laicus a Cisterciensibus emerat.

60. Decima vi nominis Decimam partem exprimit, ipsoque jure ad eam partem taxatur, tametsi consuetudo ad partem vel undecimam, vel duodecimam, vel vigesimam, et trigesimam reduxerit. Quippe non obstante hac, vel alia diminutione decima appellatur, quia vel illae partes in locum Decimae successerunt, vel quia ad decimam partem quondam sacrum illud tributum institutum, exactumque fuit. *c. 1. de Decim.* Inde ad sensum Canonum, et mentem Concilii Tridentini integrum Decimam persolvere censetur, qui praescriptam moribus quotam reddit.

Cap. 8.  
De mod.  
solv. de-  
cim.

Trid. fest.  
25. c. 12.

61. Praecipit Concilium Tridentinum integras Decimas, utpote secundum quotam consuetudine definitam, reddi. Et quidem in fructibus praedialibus nullus locus est deducendis expensis vel culturae, vel seminis, vel mercedis, et operarum. *c. 7. 22. et 26. de Decim.* Saepe tamen usus habet, quod novarium Decimae, si majoribus expensis, et laboribus opus fuerit, aliquot annis vel in totum, vel in tantum pro indemnitate quadam, et repartitione expensarum remittantur. Aut, si e re sit Re-publicae, Decimatores auctoritate publica ad collationem expensarum vocen-tur.

62. In fructibus autem industrialibus, seu decimis personalibus primus locus est deductioni expensarum, quia ex lu-cro debentur, quod non intelligitur, nisi prius deducantur sumptus. *c. 28. de Decim.*

63. Decimae solvendae sunt in spe-cie, non obstantibus quibuscumque con-suetudinibus, aut et conventionibus sol-vendi vice Decimarum certam quanti-tatem granorum, aut pecuniarum, nisi hae transactio[n]es solemnitatibus, quae ad alienationem requiruntur, stipatae fuerint.

Heri-court.  
de LL.  
Eccl. P.2.  
p. 186.

64. In Germania tum a Catholicis, tum a Protestantibus Decimae ex ipsis

fructibus debentur, nec eorum loco of-  
ferri potest aestimatio, nisi per conven-  
tionem aliud placuerit. Inde duplex na-  
scitur Decimarum species; una, quae in  
natura praestatur ex fructibus: altera,  
cujus loco quotannis certa aestimatio  
praestatur. Ait Boehmerus: *Quamvis*  
*Boehmer.* *J. E. l. 3.*  
*tit. 30.*  
*p. 150.* *per diuturnum tempus haec fuerit so-*  
*luta, attamen prior species, quae re-*  
*gularis, et ordinaria est, nunquam*  
*amittitur: revera conventio condu-*  
*ctionem continet, qua possessoribus a-*  
*grorum locantur Decimae pro certa*  
*pensione annua: sed istud negotium*  
*praescriptionem non admittit, nec im-*  
*pedit, quominus fieri possit antiqua-*  
*tio locationis factae.*

65. Reliquae leges vetant, fructus  
naturales avehi, aut tolli, antequam  
idonee denuntiatum sit Decimatoribus,  
eorumque Commissariis in loco existen-  
tibus, fructus esse affectioni paratos,  
ipsisque tempus, et locum designave-  
rint, quibus compareant, ut videant,  
et numerent manipulos; qui si statuto  
tempore non adsint, permittitur Colo-  
nis, vel Villicis fructus suos tollere e  
fundo, modo ibi relinquant manipulum,  
vel acervum pro Decimis debitum.

66. Ex foetu pecorum reddenda est  
Decima, quando recens nata animalia  
non amplius egent lacte, aut sinu ma-  
terno. Quoad Decimas agnorum alicubi

usus habet, quod hebdomada ante Pascha Decimatores numerare, et signare, ut abhinc suo periculo sint, teneantur; quo tempore elapsò relinquitur ipsis proprietariis, Decimas numerare, et signare periculo Decimatorum, ut si posthac perierint, eis signata vellera reddantur: si vero agnorum Decimae post dictam hebdomadam colligerentur, tenebuntur Decimatores stipendium ratione custodiae eorum agnellarum persolvere.

67. In Occidente inde a saeculo VI. caeperant exactiones Decimarum per censuras ecclesiasticas. Legitur in Capitularibus editum Regium. *Qui Decimas pro crebris admonitionibus, et praedicationibus Sacerdotum dare neglexerint, excommunicentur.*

68. Jure novo frequens est harum censurarum exemplum. Inter ea exempla mandat Alexander III. Archiepiscopo Cantuariensi, ut Parochianos, si opus fuerit, sub excommunicationis distinctione compellat, ad integras Decimas Ecclesiis reddendas de proventibus molandinorum, pisciarum, foeno, et lana. *c. 3. 15. et 21. passimque de Decim.*

69. Praecipit Concilium Tridentinum diserte, ut omnes, cujuscunque gradus, et conditionis sint, ad quos Decimarum solutio spectat, eas, ad quas jure tenentur, imposterum Cathedrali, aut qui-

Cap. 9.  
De Ex-  
act. De-  
cim.  
Capitul.  
lib. 2.  
c. 38.

Trid. sess.  
25. c. 12.

buscunque Ecclesiis, vel personis, quibus legitime debentur, integre persolvant. *Qui vero aut eas subtrahunt, aut impediunt, excommunicentur.*

Seff. 22.  
c. II.

70. Sic et alibi S. Synodus anathemate coercendos pronuntiat laicos usurpatores, detentores, violatores rerum, juriumque ecclesiasticorum, vel piorum locorum, aut fundationum. Et si Patroni desuper rei tenentur, jure Patronatus priventur.

Trid. seff.  
25. c. 3.

71. Hodie tamen passim invaluit, quod haec censura pro exactione, aut vindicatione Decimarum ab usu recefferit, quia executio aliis viis haberi potest. Enimvero et Concilium Tridentinum praecipit, a censura esse abstinentiam in civilibus causis, si executio realis, personalisque aliter haberi queat.

72. Jure Decretalium causa Decimarum ecclesiastica censetur, ut absolute tribunali ecclesiastico vindicetur. Sed postquam divisio possessorii a petitorio innotuit, in diversis Provinciis receptum est, quod causa Decimarum in possessorio per regia tribunalia ita exhauriatur, ut petitorio fere nihil relinquatur, quia nemo jus Decimarum Ecclesiae negat. Quippe, cum Decimae rerum temporarium, ex ea destinatione in usum pium, et ecclesiasticum, naturam haud exuisse videantur, merito praeteritis juris novi praetensionibus, crediderunt Princi-

pes, Decimas suae jurisdictioni quoad exactiōnem, et solutionem, esse subjectas.

73. In exactiōne, vel petitione tum civili, tum ecclesiastica denique meminiſſe oportet, Decimas non deberi, niſi de fructibus excretis, quia Decima non est onus fundorum, ſed fructuum. Hinc nullis fructibus excrescentibus vel quia proprietarius fundum colere neglexit, vel quia fundum in aliam ſpeciem culturae, ex qua Decima ſolvi non ſolet, pro libitu ſuo redegit, nullae Decimae defectu frugum decimabilium praetendi queunt.

74. Inter regulas in hac Decimārum materia in Gallia receptas eſt, quod Decimae non obſtringantur aeris alieni reliquiis. Quippe Decimae, ſi uno altero-ve anno non exigantur, aut non ſolvan-tur, pro eo tempore remiſſae cenſen-tur, ut pro praeteritis annis peti non poſſint.

75. Hodie Decimae ab oblationibus reliquis diſtinguuntur. Solent enim ſimi-plices vocari oblationes, quae a fideli-bus vel ad altare, vel extra altare, ul-trō, et voluntarie citra ullam in quan-titate, aut ſpecie determinationem, Deo, vel Eccleſiae dantur, per mo-dum ſimplicis donationis.

76. Jure communi oblationes aequē, ac alii proventus ecclesiastici Eccleſiae

Cap. 10.  
De Ob-  
lat.

Parochialis sunt, tametsi fiant ad imaginem extra aedes Parochialis Ecclesiae, aut fiant Sacerdoti celebranti in facello intra limites Parochiae, aut anno Jubilaeo.

77. Inde hae oblationes inter provenitus Parochiales recensentur: Ait Innocentius III. *cum auctoritate, Dionisi fuerunt Parochiae limitatae, quatenus singularum Paraeciarum proventus in usus Ecclesiae cederent necessarios et stipendia ministrorum.* Ref. c. 9. *de his, quae fiunt a Praelat.*

78. Ecce piae oblationes censentur dari ad justam sustentationem Ministrorum, qui curam spiritualem offerentis populi sustinent. Hinc in Cathedrali Ecclesia potius Archipresbytero, quam Episcopo, Vicario perpetuo potius in aliis Parochialibus Ecclesiis, quam primitivo Pastori vindicantur.

79. Si constet tamen de alia intentione offerentium, cessat jus commune Parochiale. Hac occasione passim consuetudo invaluit, quod oblationes, quae colliguntur per Magistros fabricae, vel quae offeruntur in truncis expositis Sacelli, vel quae fiunt ad imagines, et Reliquias Sanctorum, particulari illi usui destinatae censeantur. Statuit anno 1639. Synodus Namurensis: *Oblations, quae fiunt in Ecclesiis Parochialibus, et capellis in eisdem constru-*

Etis, ad eos pertineant, qui hactenus illas ex antiqua consuetudine perceperunt. Et ubi consuetudine nihil introductum est, Pastor solus habeat oblationes, quae fiunt ad majus altare, et ad altaria dictarum Capellarum, non habentium Mamburnum particularem: si quae vero dictarum capellarum Mamburnum habent, oblationes soli capellae cedant, quemadmodum etiam Confraternitatibus Confraternitatum oblationes.

80. Hac occasione sat vulgare est, quod illarum piarum eleemosynarum collectio, dispensatio, et administratio aliis etiam Laicis oeconomiae gratia, praeterito Parocho, committatur. Praecipit tamen Synodus Namurcensis, ut reddatur computus omnium Collectarum, etiam Confraternitatum, et quo-cunque alio titulo, vel nomine fiunt per Mamburnos in Ecclesia praesente Parocho, et Magistratu loci.

ibid.

\* 81. In morali doctrina quid pro coronide totius hujus argumenti eleganter facit, quam Clero ad justum usum Decimarum, et oblationum regulas, et exempla frugalis vitae commendare? Refert Palladius de S. Chrysostomo: *Frugi erat nimium, deliciarumque omnino adversarius, sacrilegium existimans, si quid in ejusmodi impenderetur.* — *Suspiciens autem et mensae*

Pallad.  
in vit.  
S. Chrys.  
e. i.

tumultus, et impensarum magnitudinem, exhoruit rem. De S. Augustino narrat Possidius: *Mensa usus est frugali, et parca, quae quidem praeter olera, et legumina, etiam carnes aliquando, propter hospites, vel etiam infirmiores quosque, continebat; cochlearibus tantum argenteis utens: cetera vasæ, quibus mensæ ferebantur cibi, vel testeæ, vel lignea, vel marmorea erant.* Quid aequius rationibus S. Hieronymi? Si in Apostolorum, reliquorumque SS. Sacerdotum numero sumus, non solum sermonem imitemur, sed conversationem quoque et abstinentiam amplectamur: *sancutum utique et Apostolicum ministerium est, de Decimis, et oblationibus, in quantum frugalem vitam superant, viduis, et pauperibus ministrare.* Inquit Concilium Parisiense VI: *Quam moderata autem discretio frugalis vitae in vestium cultu et mensæ apparatu Sacerdotibus tenenda sit, dicta B. Gregorii in expositione Evangeliorum, et vita sanctorum virorum, Augustini, et Ambrosii plenissime docent.*

Fo<sup>tid.</sup>  
in vit.  
B. Aug.  
e. 2.

S. Hier.  
in Michae.  
c. 20.

Conc.  
Paris. VI.  
e. 19.

## TITVLVS. XVII.

*De Portione congrua Pastorum.*

### CAPVT I.

*De Origine Parochorum Primitivorum, et Vicariorum perpetuorum.*

1. Discerptis Decimis successit et divisione, tituli Parochialis, qua saepe Pastribus, qui curam animarum sustinebant, fere nihil, aut satis exiguum ex preventibus ecclesiasticis ad frugalem vitae sustentationem relinquebatur. Sic enim inter illa saecula, quibus aliquando Laici Decimas, et Ecclesiarum possessiones invadebant, emersit quaedam distinctio inter Ecclesiam, et Altare, ut nomine Ecclesiae temporalia, quae Laici sibi arrogarunt, significarentur, quia Altaris nomen Sacramentorum administracionem, reliquasque sacerdotales functiones complecti censebatur. Hac occasione scripsit S. Abbo, Abbas Floriacensis ad Reges Galliae: *Certe charissimi Principes nec catholice vivimus, nec catholice loquimur. — Est etiam aliis error gravissimus, quo fertur, Altare esse Episcopi, et Ecclesiam alterius cuiuslibet Domini etc.*

2. Exemplum Laicorum et suum fecere Monasteria, et Capitula, quae De-

cimas, et Ecclesias e Laicorum manibus receperunt. Inde invaluit, quod Monachi, et Canonici saepe Episcopo censum in mutatione eorum Presbyterorum, qui auctoritate Episcopi curae praeficiendi erant, in signum recognitionis stipularentur, vel offerrent. Placuit hunc usum redemptionem Altarium dicere, cuius meminit Urbanus II. in Decreto Gratiani c. 4. I. q. 3.

3. Successu temporis Capitula, et Monasteria ex illa unione Ecclesiarum sibi arrogarunt Jus Patronatus in ordine ad nominationem, et praeresentationem Sacerdotum, qui curam animarum in unitis illis Ecclesiis Parochialibus ab Episcopo suscepturni essent, quia sine consensu Episcopi Pastores illi institui nequivissent. c. 6. XVI. q. 2.

4. Hos inde institutos, vel substitutos Pastores Vicarios dicere placuit. Ali quando sat vulgare fuit, quod Monasteria, et Capitula Vicarios, utpote ad nutum amovibiles preelegirent, ut ad suum obsequium promptiores, aut et in minori stipendio contentos haberent. Synodus Moguntina anno 1225. hac occasione queritur: *Enormis quaedam consuetudo in quibusdam Allemanniae partibus contra canonicas Sanctiones invaluit, ut ponantur in Ecclesiis conductitii Sacerdotes, Vicarii temporales etc.*

5. Enimvero inter caetera Concilia diserte Concilium Lateranense IV. decreverat, ut, si Ecclesia Parochialis aliqua sit annexa majori dignitati, cum is, qui eam obtinet, nequeat Parochiali Ecclesiae personaliter deservire, *in ipsa Ecclesia Parochiali idoneum ET PERPETUUM habeat Vicarium canonice institutum.* Refert. c. 30. de Praeb.

6. Hoc exemplo praecipit Synodus Tridentina: *Beneficia ecclesiastica curata, quae Cathedralibus, Collegiatis, seu aliis Ecclesiis, vel Monasteriis, Beneficiis, seu Collegiis, aut piis locis quibuscumque perpetuo unita, aut annexa reperiuntur, ab Ordinariis locorum quotannis visitentur, qui sollicite providere procurent, ut per idoneos Vicarios, etiam perpetuos, nisi ipsis Ordinariis pro bono Ecclesiarum regimine aliter expedire videbitur, animarum cura laudabiliter exerceatur.*

7. In Gallia regio edicto de ann. 1686. cavetur, ut in omnibus Parochialibus Ecclesiis instituantur Vicarii perpetui, exceptis illis, quae Monasteriis, et Communitatibus sunt incorporatae, ut per eorum regulares Presbyteros deserviantur, aut quibus suffragatur immemorialis possessio, quod per Vicarios temporales, ab Episcopis, aut Archiepiscopis approbatos administrentur.

Trid. sess.  
7. c. 7.

8. Vicarii perpetui nonnisi nomine a Parochis differunt. Revera enim beneficium in proprium titulum habent, ut haud a suis Principalibus in officiis, functionibus, et juribus sacerdotalibus dependeant. *Clem. un. de Offic. Vicar.*

9. Sic et Parochi primitivi nonnisi nomine, et aliquando quoad jura quedam honorifica Parochi sunt, ut ipsum totum jus parochiale, quatenus sacras functiones spectat, penes Vicarium perpetuum stet, ut huic inde justa sustentatio debeatur, quae inde congrua sustentatio, c. 12. *de Praeb.* alibi portio congrua, c. 4. *de Regul. in 6.* nonnunquam portio competens vocatur, c. 2. *de Decim. in 6.*

Cap. 2.  
de deter-  
min. port.  
congr.  
Trid. sess.  
24. c. 13.  
sess. 7.  
c. 7.

10. Concilium Tridentinum portionem congruam ad eam quantitatem aestimat, ut *Rectoris ac Parochiae necessitatibus decenter sufficiat.* Quippe haec sufficientia ut plurimum ex temporum locorum, laborum, Coadjutorum, et ipsorum proventuum diversitate dijudicanda est.

11. Hinc alibi sacra Synodus Ordiniorum arbitrio relinquit, ut vel tertiam partem fructuum, vel majorem, minoremve, etiam super re certa assigunda, quantitatem pro portione congrua deputent, quatenus animarum cura laudabiliter exerceatur.

12. Quid frequentius, quam quod latitudo Parochiarum, vel numerus Parochianorum exigat plures Sacerdotes adscisci, ut cura animarum laudabiliter exerceatur? Oportet ergo portionem assignandam congruere non tantum necessitatibus, et sustentationi Vicarii perpetui, sed et horum Presbyterorum, qui requiruntur, ut juxta Tridentinum Decretum cura animarum laudabiliter exerceatur.

Trid. sess.  
21. c. 4.

13. Sic quacunque occasione contingat, quod vel pretia rerum augeantur, vel numerus Parochianorum succrescat, ut pluribus Sacerdotibus ad administranda Sacra menta, et reliquum cultum divinum rite celebrandum opus sit, justus locus est augendae portionis congruae. In reliquis abusus appetet, quod pro numero populo sufficere credatur, ut pro diebus dominicis, et festis ex vicinia advocetur unus, vel alter Sacerdos ad Missam matutinam dicendam. Enimvero populofioris Parochiae necessitatibus juxta evangelicas, et canonicas rationes uberiore labore consulere oportet.

14. Quum compertum esset per incorporationem Ecclesiarum, quae Monasteriis et Capitulis facta est, Decimas, aliosque proventus ab Ecclesiis Parochialibus abstractos fuisse, ut Vicario Parochiali plerumque congrua sustentatio

Cap. 3.  
unde  
port.  
Congr.  
defumend.  
Trid. sess.  
24. c. 13.

deesset, praecipit Concilium Tridentinum, ut in Parochialibus Ecclesiis, quarum fructus tam exigui sunt, ut debitis nequeant oneribus satisfacere, curret Episcopus, quatenus vel per beneficiorum (non tamen Regularium) unionem vel per primitiarum, et Decimorum assignationem, aut per Parochianorum symbola, ac collectas, aut quam commodiore ei videbitur ratione, tantum redigatur, ut pro Rectoris, ac Parochiae necessitate decenter sufficiat.

15. En hunc justum Ordinem! Primo ex ipsis proventibus Ecclesiae tantum assignandum est Vicario, ut ipse com mode sustentari, et debita onera possit supportare. In unionibus, et incorporationibus haec solet adjici clausula: *Reservata tamen de fructibus, redditibus, et proventibus, juribus, obventionibus pro Vicario perpetuo, in iis instituendo, congrua portione, ex qua idem Vicarius congrue sustentari valeat, jura episcopalia solvere, et alia sibi incumbentia onera supportare.*

16. Si huic reservationi locus non sit, providendum ei est per beneficiorum simplicium unionem, utpote vicinorum. Defectu horum recurrentum est ad assignationem primitiarum, et oblationum, quae jure ad Parochum spectant. His excusis Decimatores ad Collationem vo-

can-

cantur. Denique his deficientibus locus est, ex symbolis, et collectis Parochianorum tantum colligendi, quantum necesse est. Aequissimum est, quod Principes compellendo populo ad conferenda symbola locum non concedant, nisi reliquis mediis deficientibus, quia quousque vel Decimae, vel alii proventus, qui ex sua origine alendo Altaris Ministro destinantur, sufficient, praefstat hos, et illas in subsidium, quia res transit cum suo onere, vocare, quam plebem novo exactiorum onere premere.

17. In excussione Decimatorum divisioni, ordinique locus est, quia diversae species sunt Decimarum, quarum quaedam speciali titulo juri Parochiali vindicantur p[ro]ae reliquis. Sic Novales p[ro]ae antiquis, minutae p[ro]ae grossis peculiarius Parocho reservantur.

18. Quousque Laici Decimas possidebant, plerumque tertia pars Parochorum sustentationi relicta est. Invalecentibus incorporationibus caeperant aliquando Monasteria, et Capitula hanc tertiam partem vel seorsim, vel una cum integro proventu impetrare. Quid igit[ur] aequius, quam ut haec tertia pars in computu portionis congruae primas ferat, quia res transit cum suo onere.

Cap. 4.  
Quo Ord.  
Decimat.  
vocent.

19. Pastores primitivi plerumque prae reliquis ad congruam portionem tenentur, quia solent possidere ipsas Ecclesias Parochiales cum Decimis, et proventibus, sub expressa conditione assignandi Vicario congruam sustentationem. Praecipit Clemens V. Episcopis, ut ante admissionem praesentationis Patronos cogant ad congruam Praesentato sustentationem ex redditibus Ecclesiae assignandam; aut ipsi, si Patroni infra praescriptum terminum huic officio defecerint, justam quotam definiant. *Clem. I. de Jur. Patr.*

20. Praestitisset procul dubio, ut dispensatio Decimarum, vel saltem illius trientis penes Praelatos, et Pastores integra perstitisset, ut, si quid supra sustentationem Ministrorum redundasset, potuisset per modum eleemosynae Monasteriis, et Capitulis per temporum intervalla errogari, quam quod saepius oporteat, Vicarios; et Ministros altaris competentiam suam a Monasteriis, et Capitulis, quae sine labore fere alienas Decimas tenent, emendicare. Id reliquum est, ut illi possessores Decimarum semper maneant ad justam portionem Parochis, quorum Decimas tenent, subministrandam obstricti, quia res transit cum suo onere. Enimvero quis titulus eleemosynae Monasteriis, et Capitulis suffragari videretur, si ipsi

Parochi, quorum Decimas per incorporationes nacti sunt, ad inopiam inde reciderint. Statuit ann. 1080. Concilium Juliobonense: *Quae vero superabundant, in usus Monasterii per modum eleemosynae Abbas habeat.*

Cone.  
Juliobon.  
c. 12.

21. Laici, qui Decimas infeudatas possident, aegrius ad conferendam portionem congruam vocantur, quia hae Decimae patrimoniales censentur, ita tamen, ut, si ad Ecclesiam, vel ad corpus aliquod ecclesiasticum pure, et simpliciter revertantur, recipere primogenitiam suam naturam mereantur, nisi cum onere seu nexu feudali, quo erant apud Laicos, Ecclesiae restituantur, quo casu semper manent feudales.

22. Causa portionis congruae jure alimentationis censetur, ut eam summarie, et provisionaliter, si dilatatione opus est, decidi oporteat. Juxta Decretum Synodi Mechliniensis P. II. *Si contin-  
gat oriri aliquam difficultatem Pasto-  
ribus in assignanda judicio Episcopi  
canonica portione, iidem Episcopi,  
seu eorundem Vicarii, aut Officiales  
summarie, et de plano, sine strepitu,  
et figura judicii, audita nuda petitio-  
ne Parochorum, et eorum, quorum  
interest, responsione, et facta desu-  
per summaria informatione, quod ipsis  
Parochis deesse compererint, ad sum-*

Cap. 5.  
Caus.  
Port.  
Congr.

Synod.  
Mechl.  
Tit. 17.  
c. 4.

*mam superius taxatam per modum Provisionis adjudicabunt; et appellatio executionem non suspendat.*

Edict.  
Princip.  
art. 16.

23. In Belgio Principes Albertus, et Isabella ad Synodum Mechlinensem declararunt, suam esse mentem, ut, si Ordinarii essent defectuosi in assignanda congrua portione Pastoribus, eo casu Pastores possint recurrere ad Concilium Regum suae respective Diaecesis, ut super eorum querelis provideretur; praeferentim per interventionem Officii Fiscale, si necesse sit.

24. Hinc nec transactione, nec compensatione, nec redemptione tollitur, si gravis appareat laesio, quia de alimentis propria auctoritate transigi nequit, nisi transactio auctoritate Superiorum fuerit confirmata. L. 8. ff. de Trans.

25. Et vero, si portio congrua per transactionem publicam constituta successu temporis fieret insufficiens, indubie non obstante auctoritate transactionis publicae augeri poterit, et debebit, *quia os bovi trituranti non potest alligari.*

I. Cor. 9.

Trid. sess.  
7. c. 7.

26. Concilium Tridentinum inter reliqua remedia proposuit, portionem congruam in re certa assignanda constitui posse, ut v. g. certa quantitas granorum, aut pecuniarum ad justam sustentationem praestaretur Pastor. Et vero id saluberrimum videri posset, exemplo Orienta-

lis Ecclesiae, in qua, missis Decimis, publica tributa penduntur sacris Ministeris, ut ad votum S. Chrysostomi, abjectis curis rerum temporalium, se totos divino ministerio, et orationi exemplo Apostolorum dare possint.

S. Chrys.  
hein. 37.  
in Matth.

27. Enimvero haec portio in certa granorum, aut numorum quantitate abhinc nec fertilitate fructuum augetur, nec sterilitate, aut alio casu minuitur, et si designata quantitas ex certo fundo solvenda fuerit, quia illa fundi mentio non taxationis, sed demonstrationis causa facta censetur. *L. 12. ff. de Aliment.*

28. Hac occasione, si illa quantitas vel granorum, vel numorum, aut deficit, aut non aequat portionem congram, computui reliquorum proventuum locus est. Praecipit Synodus diaeclensis Mechliniensis, ut quilibet Pastor de congrua portione summarie, et de plano provideri sibi desiderans, ante omnia exhibeat — libellum supplicem, in quo contineatur; cuive annexa sit pleno, eaque particularis, et proprio juramento firmata declaratio bonorum, quae ratione Ecclesiae Parochialis ipsi competunt; neque certi tantum fructus, et emolumenta exprimantur, sed incerta quoque, et accidentalia trium, aut quatuor continuorum annorum ultimo praeteriorum, utpote illa, quae ad certam summam commu-

Cap. 6.  
Quae in  
port.  
Congr.  
comput.  
Synod.  
Mechlin.  
Tit. 16.  
c. 4.

nibus tribus, vel quatuor annis ultimis  
praeteritis redigi possunt.

29. Quippe duplex genus illorum incertorum proventuum distinqui solet. Primum est, quod incertas plane, et a populi plena libertate pendentes oblationes continet, nimirum illas, quae in administratione Sacramentorum fiunt. Hae enim, quia libero arbitrio cujusque relictæ sunt, in certam summam redigi nequeunt. Praestaret, ut exemplo S. Caroli hae obventiones in Sacramentorum administratione etiam in via simplicis oblationis expungerentur, quia non raro populo quandam suspicionem quaestus ingerunt Ecclesiastici.

30. Aliud genus est earum erogationum, quae quidem ex sua origine simplices oblationes quondam videbantur; paulatim tamen titulo laudabilis consuetudinis in taxata jura transierunt, ut etiam per viam exactioonis populus ad eas cogi possit aliquando, qualia sunt jura funeralia. Procul dubio optandum esset, ut et id genus proventum ad simplicem oblationem reduci posset.

31. Hi ergo proventus, cum non omnino a populi arbitrio dependeant, et tanquam taxata jura pastoralia annotari soleant, non ita incerta sunt, nec tot mutationibus obnoxia: unde de his proventibus intelligendae sunt Synodi, dum in taxanda portione congrua

rationem habere volunt accidentium, quae ad certam summam communibus tribus, vel quatuor annis ultimo praeteritis redigi possunt. Addit tamen Rebuffus: *Sed non ita exacte computabuntur, sicut certa*, nec eorum valor cum omni rigore imputari debet, ne Parochus necessitate quodanmodo coactus teneatur illos proventus cum nimio rigore ac proin non sine avaritiae nota exigere.

32. Procuratores Regii Caroli IX. Concilio Tridentino suggererunt, ut a sacerdotali Ordine fordes omnes, et omnis avaritiae labes procul expellantur, nec ullo praetextu pro rebus divinis quidquam exigatur; curet Episcopus aut per unionem beneficiorum, aut per assignationem Decimarum etc. necessariis Ministris de congrua portione provideri.

33. Congruam portionem petere non tantum Vicarii est, sed et Parochianorum, quorum interest, ea mediante idoneum Pastorem mereri, aut et eum adigere ad necessarios Ministros, et Cooperatorum assumendos, ut cura laudabiliter exerceatur.

34. Haec cognitio, et definitio tum jure Decretalium, tum Decreto Concilii Tridentini refertur ad Ordinarium loci, etiam adversus exemptos, quia Episcopi est; sive ex officio, sive ad in-

Pro Reform.  
Trid.  
art 16.

Cap. 7.  
De Jud.  
port.  
Congr.

stantiam, et querelam Actorum, Pastor de congrua sustentatione providere.  
c. 1. de Praeb. in 6. Trid. sess. 7. c. 7.  
et Sess. 24 c. 13.

35. In praxi tamen alibi invalidit, quod Judex laicus incidenter saltem, et provisionaliter de ea cognoscat, ob id maxime, ut executio promptiorem exitum per decisionem possessorii obtineat, quia in possessorio omnia merita causae ita exhauriuntur, ut vix aliquid in petitorio coram judice ecclesiastico superficit proponendum.

36. Si causa spectet Decimorum infudatarum collationem, moribus hodiernis sibi privative etiam in petitorio vindicat tribunal Regium, quia Decimae infudatae veluti patrimoniales censentur, ut portio congrua ex eis defumenda quasi pars illarum spectetur.

Cap. 8.  
De Dom.  
Paroch.

37. Ex regulis juris civilis alimentis legatis non tantum cibaria, et vestitus, sed et habitatio debetur, *quia*, inquit Javolenus, *sine his ali corpus non potest*. Refert. L. 6. ff. de aliment Legat.

38. Jure tamen Canonum domus Parochialis a portione congrua separari videtur, quia aedes Parochiales, veluti pars Ecclesiae, spectari solent, ut eas ex fundo fabricae Ecclesiae exstrui, repararique oporteat, aut si fundus fabricae deficit, ad eos recitat onus, qui ad Ecclesiam construendam, restituendam-

que tenentur. Hinc eo exemplo, moderamineque cura, et expensa domus Pastoralis pro diversa locorum consuetudine alibi Parochianis, alibi Decimatoribus, alibi utrisque incumbit, quia reparatio domus Parochialis iisdem legibus, quibus reparatio Ecclesiae, regitur.

39. Huc spectant sumptus majores. Nam quotidianas reparations, utpote modicas, ipse Pastor, veluti usufructuarius, ferre debet. Hinc ea est alibi communis praxis, quod Pastores ad minores, et ordinarias; Decimatores vero, aut Parochiani ad majores, et extraordinarias reparations teneantur.

*Arg. L. 7. §. 2. ff. de Usufr.*

40. Reliquum est vel Superioribus ecclesiasticis, vel et Decimatoribus, qui ad reparations majores tenentur, Pastorem in sartis tectis servandis sui officii monere, ne defectu ordinariae reparations aedes majus periculum subeant. Nonnullibi cautum est: *Quod si aedes hujusmodi Pastorales defuncti Pastoris negligentia destructae, seu labe-factatae comperiantur, hoc totum ex-pensis haeredum, et haereditatis resti-tui deberet, ita tamen, quod infra annum ab obitu Pastoris per Justitia-rios loci — fiat domus visitatio, si te-status decesserit. Quod si intestatus fu-*

*erit, mox a sepultura defuncti fiet visitatio, aut saltem, antequam iphus bona per Officiarios — prehendantur.*

Trid. fest. 41. Quantum ad supellec<sup>t</sup>ilem do-  
25. c. 1. mus haec tota recidit ad onus, et arbitrium Pastoris, ea tamen lege, ut nihil in ea resplendeat, quod fastum, et luxum saeculi redoleat, aut ab honestate, modestia, et continentia alienum sit, quia in eo officio non propria comoda, sed lucra Christi sectanda sunt toto vitae genere.

\* 42. In morali doctrina quid inde salubrius supereft, quam justas ideas mercedis evangelicae, veluti verae portionis congruae fuscitare. Juxta S. Gregorium: *Itaque considerandum est, quod uni nostro operi duae mercedes debentur: una in via, altera in patria; una, quae nos in labore sustentat, alia, quae nos in resurrectione remunerat.* *Merces itaque, quae in praesenti accipitur, hoc debet in nobis agere, ut ad sequentem mercedem robustius tendatur etc.* Ait B. Augustinus: *Neque ideo debemus evangelizare, ut manducemus; sed ideo manducare, ut evangelizemus: nam si propterea evangelizamus, ut manducemus, vilius Evangelium, quam cibum etc.* Et alibi: *Non redditur sustentatio necessitatis a populo, quasi merces illis, qui in charitate serviant, sed tanquam*

S. Greg.  
hom. 17.

S. Aug.  
de serm.  
Dom. in  
Mont.  
lib. 2.  
c. 16.

Idem de  
Pastor.  
c. 2.

*stipendium, quo, ut possint laborare,  
pascantur. Ecce ex crisi Synodi Aquis-  
granensis veras ideas! Quia secularis  
militia caelestia non habet, terrena  
strenue militantibus praefat: qui au-  
tem Ecclesiae serviunt, et labori suo  
velut debita reddi oportere credentes  
ea, quibus opus non habent, aut ac-  
cipiunt libenter, aut exigunt, nimis  
carnaliter sapiunt, si putant, quod  
Ecclesiae servientes, stipendia terrena,  
et non potius praemia aeterna percipiunt.*

Synod.  
Aquisgr.  
c. 107.

---

## T I T V L V S XVIII.

*De immunitate ecclesiasticorum bonorum.*

### CAPVT I.

*De veteribus Privilegiis.*

**I.** In veteri pauperie Ecclesiae multi Clerici eo adacti sunt, ut aut ex labore manuum suarum, id est, opificio, aut artificio, aut tenui quadam, et honesta negotiatione viatum sibi pararet. Reliquae enim possessiones praediorum, et fundorum Ecclesiae aut exiguae, aut nullae erant.

**2.** Beneficio Constantini M. accreverunt facultates, et possessiones Ecclesia-

Gothofr.  
ad L. I.  
C. Theod.  
de SS.  
Eccl.

rum, quibus aliquando Imperator sat amplum immunitatis privilegium a rei tributariae collatione concessit, quod tamen a sequentibus Imperatoribus revocatum, aut temperatum abhinc fuisse constat.

3. Constantius fuit privilegium Constantini, quo Clericos a functionibus, et muneribus civilibus per immunitatem personalem absolvit. *Ne, inquit, sacrilego livore quorundam a divinis obsequiis avocentur.* Ecce rationem, quam passim leges cominendant. *L. 2. C. Th. de Episc. et Cler.*

4. Successit uberioris privilegium Clericorum beneficio posteriorum Imperatorum. Hinc enim ab hospitandis militibus, a sordidis muneribus, et Angariis, et pensitandis vectigalibus negotiationum excusantur. Dicebantur sordida, et extraordinaria munera refectio-nes viarum publicarum, pontium etc. Angariae, parangariaeque dicebantur praestationes jumentorum, et plaustrorum ad transfectionem annonae militaris, aliarumque rerum fiscalium per viam rectam, et obliquam. *L. 2. C. Just. d. t.*

5. Inter haec privilegia patrimonia Cleri haud ab ordinariis tributis eximebantur. *De his Clericis, qui praedia possident, non solum eos aliena juga nequaquam excusare; sed etiam pro*

his praediis, quae possidentur ab ipsis,  
eosdem ad pensitanda fiscalia perur-  
geri oportet. L. 3. C. de Episc. et Cler.

6. Immo vero et Ecclesiae ex posses-  
sionibus, et agris suis ad ordinaria tri-  
buta tenebantur. Ait diserte S. Ambro-  
sius: *Agri Ecclesiae solvunt tributum,*  
*— solvimus, quae sunt Caesaris, Cae-*  
*sari, et, quae sunt Dei, Deo. Tribu-*  
*tum Caesaris est: non negatur.* Ex va-  
riis locis S. Ambrosii supereft c. 21.  
XXIII. q. 8.

7. Theodosius junior soli Ecclesiae  
Thessalonicensi immunitatis privilegium  
tribuit, ea cautela, ut nequaquam aliae  
Ecclesiae id beneficium sibi arrogare pos-  
sint. L. 33. C. Theod. de Annon. et Tri-  
but. L. 12. C. Just. ibi.

8. Quum Justinianus praecepit, Afri-  
canis Ecclesiis bona, ab Arianis ablata,  
esse restituenda, eam clausulam adjecit,  
*ut tamen publicas pro iis pensiones,*  
utpote tributa consueta, conferant.  
Refert. Nov. 37.

9. Alibi Imperator officinas funebres  
Constantinopoli ab exactione publicorum  
tributorum absolvit; sed ea conditione,  
ut caeterae omnes, sive SS. alicujus  
sint Ecclesiae, sive Hospitalium, sive  
Monasteriorum etc. ipsis imposita prae-  
stent publica vectigalia. Inquit Impera-  
tor: *Neque enim sustinemus aliorum*  
*onus ad alios deferri, aut tam immi-*

*tem proponere formulam, ut quotidie  
vectigalia augeantur.* Refert. Nov. 43.

c. I. §. I.

10. In Occidente Principes Gothi Ecclesias generalius immunitate donarunt. In Concilio Aurelianensi I. laudatur Clodovaei, Regis Constitutio, qua agrorum, et Clericorum immunitas conceditur de Regiis oblationibus, et donationibus.

Conc.  
Aurel. I.  
c. 5.

Greg Tu-  
ron. lib. 4.  
Hist.  
Franc.  
c. 2.

Thomas.  
P. 2. lib. 3.  
c. 5.

11. Refert Gregorius Turonensis Clotarium aliquando edixisse, *ut omnes Ecclesiae regni sui tertiam partem frumentum fisco dissolverent*: reliquis Episcopis alienientibus, B. Injuriosum Episcopum Turonensem renuisse. Tunc commotus Rex, timens etiam virtutem B. Martini, misit post eum, cum munieribus veniam precans, et hoc, quod fecerat, damnans. Refertur abhinc sat ampla constitutio Clotarii, qua plenam immunitatem Ecclesiis tribuit, aut confirmat; atque hanc sub fine vita, si vera sit, editam esse, censet Thomasinus.

12. In Capitularibus Francorum frequens immunitatis ecclesiasticae hujus est argumentum. Sanxit Ludovicus Pius, *ut unicuique Ecclesiae mansus unus* (qui plerumque constabat XIII. jugeribus terrae arabilis, cum aliquot manci- piis) *integer absque alio servitio attri- buatur etc.* Refert. c. 25. XXIII. q. 8.

13. Haec immunitas spectabat Parochias rurales. Quid ergo de Ecclesiis civitatis, et Monasteriis? Inquit Capitulare: *Volumus, atque decernimus, ut omnes intelligent, non solum claustra Monasterii, vel Ecclesiae, atque Castitia Ecclesiarum sub immunitatis defensione consistere, verum etiam domus, et villas, et septa villarum, et piscatoria manu facta; et quidquid fossis, aut sepibus, vel etiam alio clausularum genere praecingitur, eodem immunitatis nomine contineri.*

14. Et alibi: *Possessiones ad religiosa loca pertinentes nullam descriptionem agnoscant, nisi ad constitutionem viarum, vel pontium, si tamen intra eadem loca habuerint possessiones. In aliis vero omnibus habeant integrum immunitatem.*

15. Quippe quoad illos fundos Ecclesiae, qui viis publicis adjacent, reparations viarum publicarum veluti onera rebus innata spectantur. Sic Justinianus Ecclesiarum praedia, et latifundia a soldidis functionibus, et extraordinariis oneribus exempturus, diferte exceptit publicarum viarum, pontium, et publicorum operum restauraciones, aedificacionesque. Nov. 131. c. 5.

16. In Capitularibus altera exceptio est de iis fundis, qui publicis vectiga-

Capitul.  
lib. 3.  
c. 279.

Lib. 6.  
c. 109.

Lib. 3.  
c. 86.  
hb. 4.  
c. 37.

libus aliunde obnoxii sunt. Praecipit lex: *Ut de rebus, unde census ad partem Regis exire solebat, si ad aliquam Ecclesiam traditae sunt, aut reddantur propriis haeredibus, aut, qui eas retinuerit, illum censum persolvat,* quia res transit cum suo onere.

17. Inter recentiores Imperatores vetat Fridericus II., ne quaedam Communitas, vel persona publica, privataque collectas exactiones, angarias, vel per angarias Ecclesiis, vel aliis piis locis, ecclesiasticisque personis imponere presumat. *Auct. item nulla de Episc. et Cler.*

Cap. 2.  
De Jur.  
Nov.  
Decret.

18. Jure novo instauratur vetus Decretum, quod Gratianus Concilio Wormatiensi, aut veteri nomine Guarmaniensi, inscribit, *ut unicuique Ecclesiae unus mansus integer absque ullo servitio tribuatur etc.* Refert. c. 1. de Cens.

19. Hic mansus dos Ecclesiae cenebatur. Proinde immunitas Ecclesiae aliquando ad possessiones, quae Ecclesiarum dotem constituebant, restringebatur. Inde subditur: *Et si amplius aliquid habuerint vel Ecclesiae, vel Clerici, inde Senioribus suis debitum servitium impendant.* Refert. c. 25. XXIII. q. 8. c. 1. de Censib.

20. Inde saeculo IX. et X. privilegium immunitatis soli doti Ecclesiarum susfra-

fragabatur. Concilium Valentinum III. ann. 855. statuit: *Dotes vero a fidelibus designatae Baslicis — vindicentur, nullaque redhibitio census inde a quolibet saeculari exigatur.*

Conc.  
Valent.  
III. c. 9.

21. Saeculo XI. caepit privilegium immunitatis non tantum ad omnia bona Ecclesiarum, sed et ad Patrimonia privata Clericorum prorogari. Decernit sub Urbano II. Concilium Melphitanum: *Ne gravamen aliquod Sancta patiatur Ecclesia, nullum jus Laicis in Clericos esse volumus — Neque liceat Laicis exactiōem aliquam pro Ecclesiae beneficiis, aut PATERNIS, MATERNISVE facultatibus quaerere.*

Conc.  
Melphit.  
c. IX.

22. Hoc exemplo recentiores novi juris auctoritates jactarunt, quaecunque bona Ecclesiarum, et Clericorum ab exactiōibus, et collationibus civilium inductionum esse exempta. *c. 4. et 7. de Immunit. Eccles.*

23. Ex sententia Bonifacii VIII. tam amplum privilegium immunitatis non tam ex jure humano, quam ex jure divino, (utpote exemplis veteris scripturae) explicare oportet. *c. 4. ibi in 6.*

Genef. 49.  
I. hisdr.  
c. 7.

24. Sic et S. Synodus Tridentina monet Principes, ne permittant, ut Officiales, aut inferiores Magistratus Ecclesiae, et personarum ecclesiasticarum immunitatem, *Dei ordinatione*, et cano-

Trid. sess.  
25. c. 20.

nicis sanctionibus constitutam, aliquo cupiditatis studio, seu inconsideratione aliqua violent.

25. Nostris moribus vulgare est, quod immunitas Ecclesiarum, exemplo veteris Mansi, ad bona prima fundationis, vel amortizata, vel aliquo tempore ut talia possessa, restringatur, ut reliqua bona a publicis contributionibus haud excusentur. *Arg. c. 1. de Cens.*

26. Bona patrimonialia Clericorum per omnia ad conditionem bonorum laicalium aestimantur. Immunitas abhinc Clericis superest personalis, aut mixta, quod excusentur ab hospitio militum, capitatione, aut alio obsequio publico, nisi gravis necessitas Reipublicae incumbat. *c. 2. de immunit. Eccles.*

26. In Gallia variae sunt leges, et contractus, quos Reges cum Clero de Immunitate inierunt. Refert has, et ilias D. de Hericourt. In Germania superest Pragmatica sanctio Leopoldi Imp. de anno 1679., quam integrum exhibet Boehmerus.

27. Reliquus locus est subsidiis, quae Clerus Principi ad majores necessitates Reipublicae liberaliter suppeditare tenetur. Veteri jure haec annua dona vocabantur, quae diversa pro diversitate facultatum, et possessionum ecclesiasticarum erant. In Conventu Aquisgranensi ann. 817. confectus est catalogus Mo-

Heric.  
deLL.  
Eccles.  
P. 3.  
p. 307.  
etc.  
Boehm.  
J. E. lib.  
3. Tit.  
49. n. 49.  
Cap. 3.  
De Sub-  
sid. Cler.

nasteriorum, quorum quaedam dona, et militiam, alia solum dona sine militia, pleraque solas orationes pro salute Regiae familiae, et stabilitate Imperii conferre tenerentur.

28. Ait Hincmarus Remensis: *Causa suae defensionis Regi ac Reipublicae vectigalium, quae nobiscum annua dona vocantur*, praefat Ecclesia, servans, quod jubet Apostolus: cui honorem, honorem; cui vectigal, vectigal.

Hincm.  
de Ord.  
Palat.

29. Novo jure commendat Alexander III. Clero, ut apparente necessitate Reipublicae liberale subsidium ultro Principi offerat: *Ut absque ulla exactione ad relevandas communes necessitates, vel utilitates, ubi Laicorum non suppetunt facultates, subsidia per Ecclesias existiment conferrenda.* Ref. c. 4. de Immunit. Eccles.

30. Innocentius III. arbitrium harum necessitatium, et utilitatum abhinc sibi reservavit: *Propter imprudentiam tamquam quorundam, inquit, Romanus Pontifex prius consulatur, cuius interest communibus utilitatibus providere.* Supereft c. 7. ibi.

31. Hac occasione aegre tulit Bonifacius VIII., quod Clerus Gallicanus, inconsulto Papa, Decimam Philippo Pulchro Regi, quae in sacras expeditiones reservari consueverat, in alias necessitates regui contulisset. c. 3. d. t. in 6.

32. Orto inde dissidio inter Papam, et Regem Benedictus XI, Bullam Bonifacii, expunctis censuris, ad jus commune reduxit. *Extrav. un. de immunit. int. Com.* Clemens V. vero eam penitus abrogavit. *Clem. un. d. t.*

*Cone. Constant. fess. 43.*

33. In schismate Avenionensi passim ipsi Pontifices Clero Decimam suo arbitrio imponebant, et frequenter generaliter. Hinc in Concilio Constantiensi cautum est: *Per summos autem Pontifices nullatenus imponi generaliter Decimas, et alia onera super totum Clerum, nisi ex magna, et ardua causa, et utilitate universalem Ecclesiam concernente, et de consilio, et consensu, et subscriptione S. R. E. Cardinalium, et Praelatorum, quorum consilium com mode haberi poterit. Nec specialiter in aliquo Regno, vel Provincia, inconsultis Praelatis ipsius Regni, vel Provinciae, et ipsis non consentientibus, vel eorum majore parte, et eo casu per personas ecclesiasticas et auctoritate Apostolica duntaxat levare.* En jus Germaniae per imperium.

34. In Gallia, aliisque Provinciis haeditariis Decimae, aut aliae praestationes publicae, reliquaque subsidia Cleri, nomine doni gratuiti, aut alio titulo in ordinarias, extraordinariasque contribuciones pridem transierunt. Id alibi reliquum est, quod Clerus a Mini-

stris ecclesiasticis taxetur; collecteturque, tum pede reali, si tributa scripta sint in possessiones, tum pede personali, si personas spectent. Realia fundis imponuntur nullo habitu respectu personarum, ita, ut et exteri tallientur, sive in contributiones vocentur in locis, ubi fundi siti sunt. In personalibus non habetur ratio fundorum, sed personarum; inde fit Personis impositio respectu lucri, et proventuum in loco domicilii. Ex his facile videre est, quae ratio ineatur, dum partim realis, partim personalis collectio fit.

35. Non convenit, quod Clerus in subsidiis taxetur a Laicis, unde in Decreto Maximiliani, et Mariae Brabantiae Ducum 1479. legitur, quod Clerus consenserit in subsidium quoddam, sed componendum, et colligendum per deputatos Cleri absque interventu Laicorum. In Gallia quoque donum gratuitum, per Praelatos, non autem Laicos distribui, et colligi notum est.

36. Declararunt non semel Principes, competentiam Pastoralem exemptam a contributione ordinaria, extraordinariaque esse debere juxta c. i. d. Cens. Fuerunt quippe Principes semper solliciti, ut Parochis de competencia provideretur.

\* 37. In morali doctrina quid jucundius, quam veteris frugalitatis argumenta, et exempla revolvere? Ex sen-

S. Ambr.  
ep. 31.

tentia S. Ambrosii: *Ecclesia nihil sibi, nisi fidem piae dispensationis possidet. Hos redditus, hos fructus praebet. Possessio Ecclesiae est sumptus egenorum. Numerent, quos redemerint tempa captivos; quae contulerint alimenta pauperibus; quibus exilibus vivendi subsidia ministraverint.* Ait S. Chrysostomus: *quando ejus facultatum vide-ris magnitudinem, cogita etiam inscrip-torum pauperum greges, aegrotan-tium multitudinem, innumerabilium expensarum occasionem. Sumus etiam parati vobis reddere rationem.* — *Sum-ptus in causas afflictae Reipublicae non sunt minores proventibus, sed etiam aliquando maiores, quibus nihil aliud, quam frugalis vita Cleri, et te-nuitas edendi potandique parcissime suf-ficere visa est.* Juxta Concilium Pari-siense VI. *Cesset ergo ambitio, vel in-vidia, que dicere solet, nimis rerum habere Ecclesias Christi, et perpendat, quia, quantaecunque sunt res Eccle-siae, si eo modo, quo dispensandae sunt, dispensentur, nimiae non sunt. Cupiditas quippe, immo negligentia quorundam dispensatorum, non Ec-clesiae ampliae res in vitio sunt, quia spretis pauperibus, in luxum, et fa-sium Cleri absumiuntur.*

Conc.  
Parisiensis VI.  
c. 18.

## TITVLVS XIX.

*De Administratione, et Alienatione  
bonorum ecclesiasticorum.*

### CAPVT I.

*De veteri Episcoporum Potestate.*

1. Episcopus primitus fuisse rerum ecclastiarum primarios, ac praecipuos Dispensatores nos edocent SS. Canones. Canon. 41. vulgo Apostolorum ait: *Jubemus Episcopum rerum Ecclesiae potestatem habere.*

2. Iisdem Episcopis tanquam piorum reddituum Administratoribus commendabatur cura pauperum, et egenorum. Inquit Concilium Antiochenum: *Episcopus habeat rerum Ecclesiae potestatem, ut eas in omnes egentes dispenset, cum multa cautione, et Dei timore.* Apud Gratian. c. 23. XII. q. 1.

3. Primis ergo saeculis summa et libera administrationis, et dispensationis auctoritas penes Episcopum per singulas Daeceſes stetit. Rationem reddit citatus Apostolorum Canon: *Si enim pretiosae hominum animae sunt ei credendae, multo magis sunt committendae pecuniae.* Supereft c. 24. ibi.

4. In tanta negotiorum mole Episcopis exemplo Apostolorum commenda-

Cone.  
Carth.  
IV. c. 17.

tum fuit, ut ipsi, qui se totos lectioni, orationi, et praedicationi dare debent, non per se viduarum, et pauperum curam gererent, sed eam in Archipresbyterum, vel Archidiaconum rejicerent.

5. Subnatis corruptelis Oeconomos, qui saepe dicti sunt et Vicedomini, adoptare placuit. Concilium Chalcedonense usum oeconomorum per Orientem universalem reddidit, censurisque munivit. *c. 4. D. 89.*

6. Justinianus Imp. saepe horum oeconomorum meminit, quibus et injunxit, ut singulis annis rationem suae administrationis Episcopo redderent, damnum reparaturi, si quod ex culpa, vel alio vitio rebus ecclesiasticis intulissent.  
*L. 42. §. 5. C. de Episc. et Cler.*

7. Per Occidentem Concilium Hispanense II. exemplo Decreti Chalcedonensis Episcopum ad operam Oeconomi astrinxit, ex proprio Clero assumendi, ut testem haberet fidelis dispensationis.  
*c. 22. XVI. q. 7.*

8. Invalecente nova forma, quae ad singulos beneficiatos plenam administrationem piorum reddituum devolvit, usus oeconomorum desit, quia sola administratio eorum bonorum, quae immediate olim ipsi Episcopatui cohaerebant, Episcopo potestati reservari caepit. Vetus querela fuit, quod Episcopi omnia

fibi arrogarent, ut Clericis fere nihil, aut nonnisi modicum relinquenter. c. 23.  
§. 5. D. 93.

9. Supersunt tamen veteris episcopalis auctoritatis quaedam vestigia in reliquis beneficiis; utpote quod singuli Possessores ad ingressum beneficij Episcopo juratam fidem dare debeant, se specificationem omnium fructuum intra annum a die Nativitatis S. Joannis esse exhibituros; inventarium omnium bonorum deposituros, nihil sine consensu Episcopi alienaturos. Huc revocant, quod et Episcopo reservetur, ut annuis computibus piarum administrationum aedesse debeat. Alicubi beneficiati testari prohibentur sine licentia Episcopi. In quibdam locis ad Episcopum mobilia intestatorum Clericorum devolvuntur. Alibi Episcopo jus est percipiendi proventus beneficiorum vacantium, litigiosorum, aut residentia destitutorum.

10. In ministerium veterum Diaconorum, et Presbyterorum successisse censetur Capitulum Cathedrale, ut Episcopo a consiliis, et manu sit in administratione, et alienatione bonorum ecclesiasticorum. *Tit. de his, quae fiunt a Prael. fin. Consens. Capit.*

11. Ex veteri officio Archidiaconis, et Archipresbyteris nonnullibi reliquum est jus dispensandi proventus Ecclesiarum Parochialium, durante vacantia,

quod vocari solet, *jus deportus*, ut  
pote ad fidelem curam, et providam di-  
spensationem eorum redditum.

Trid. sess.  
24. c. 16.

12. Praecipit Concilium Tridentinum,  
ut Capitulum Sede vacante, si fructuum  
percipiendorum ei munus incumbit, oe-  
conomum unum, vel plures fideles, ac  
diligentes decernat, qui rerum eccl-  
esiasticarum, et proventuum curam ge-  
rant.

Conc.  
Mediol.  
v. P. 3.  
c. II.

13. S. Carolus in Concilio Mediola-  
nensi V. vetus Decretum Concilii Chal-  
cedonensis ad rem restaurandae discipli-  
nae maxime facturum censuit, ut ab E-  
piscopo oeconomus constituatur, qui  
Ecclesiae Cathedralis praedia, bona,  
resque de illius sententia, et arbitrio  
administret, *ut non modo illa non*  
*dissipetur, sed testis sit rectae admi-*  
*nistrationis, ac dispensationis.*

Cap. 2.  
De E' o-  
cat. bon.  
Eccles.

14. Administrationis quaedam species  
est elocatio, si modo intra terminos  
simplicis, et nudae elocationis conclu-  
datur. Quippe longioris temporis termi-  
nus efficit, ut potius ad alienationem  
revocetur. Clem. I. de Reb. Eccl. non  
Alien.

15. Hinc duplex distinquitur locatio;  
una ad modicum, altera ad longum tem-  
pus fit. Jure civili modicum ad noven-  
nium, et infra hoc spatium: longum  
vero ad decennium, et supra hoc tempus  
producitur; quemadmodum Principum

Constitutiones longum tempus in praescriptione definiverunt. Nov. 120. c. 3.  
et ibi *Glossa*.

16. Jure ecclesiastico longi temporis elocatio frequenter elocatio ad firmam dicitur, Paulus II. modicum tempus ad triennium, et infra istud, contraxit: longum enim tempus esse censuit, quod ultra triennium porrigitur. *Extrav. un. de Reb. Eccl. non Alien. int. Com.*

17. Quum Bulla Pauli II. ubique recepta non sit, alicubi placuit, medium viam inter jus civile, et ecclesiasticum inire. In Belgio terminus ordinarius locationis domorum, et terrarum arabilium est novem annorum; pro pratis sex; pro decimis trium, si tamen seorsim a terris arabilibus elocentur.

Synod.  
Camer. II.  
Tit. 15.  
c. 6.

18. Si plures fiant unius ejusdem rei elocationes in certum, et legitimum tempus saepius repetitum; v.g. in plura triennia, aut novennia, ea conditione, ut tot sint locationes, quot triennia, novenique, quia finito primo triennio, aut novennio praetenditur nova locatio: tunc hae nullae sint, saltem quoad excessum legitimi temporis, veluti manifeste in fraudem legis factae. Decrebit Synodus Cameracensis, contractum locationis terrarum arabilium renovari non posse, nisi finito sexennio prioris contractus; quoad prata quadriennio et quoad decimas biennio.

Ibi.

Trid. sest.

25. c. II.

19. Concilium Tridentinum locationes anticipatis solutionibus, in quantum in praejudicium successorum cedere queunt, invalidas declaravit, quocunque indulto, aut privilegio non obstante; nec hujusmodi locationes in Romana Curia, vel extra eam confirmentur.

Synod.

Buscod.

Tit. 20.

c. II.

20. Inde ad cautelam Synodus Buscodensis sub Masio prohibuit, ne Ecclesiarum Rectores pendentes beneficiorum fructus, aut currentes proventus quo-vis praetextu vel vendant, vel elocent, nisi dilata in id tempus pretii, vel mercedis solutione, quo fructus erunt a solo separati, aut annus cessit.

21. Inter alias cautelas et alibi prouisum est, quod locationes praediorum ecclesiasticorum publice praeviis proclamationibus fieri oporteat, nisi propter collusionem incolarum expedire videatur, eas secreto, et e manu, ut ajunt, fieri.

22. In Gallia vetitum est, bona ecclesiastica Ministris Regiis, Magistratis, aliisque nobilibus elocari, ne sub praetextu conductionis a potentioribus, et ditioribus occupentur, aut illorum proventus divertantur. Vetantur ibi et Clerici Decimas, census, praedia, aut terras alienas conducere.

23. Jure communi elocatio, a Beneficiato facta, non protenditur ultra ejus vitam, quia non nisi usufructuario jure

bona Ecclesiae tenet, ut ea ultra istud  
tempus nequaquam elocare queat. L. 9.  
§. 1. ff. Locat.

24. Quorundam tamen locorum con-  
suetudine invaluit, quod Successor be-  
neficii, saltem aliquo tempore stare te-  
neatur locationi per Praedececessorem fa-  
ctae, utpote quia vel auctione publica  
facta, aut Superioris auctoritate confir-  
mata est. Generalius Resignarius, et  
Permutarius Praedececessorum pactis sta-  
re teneuntur.

25. Si Praelatus, tanquam Admini-  
strator, bona Ecclesiae elocavit, utpote  
quia bona ad Conventum, aut Commu-  
nitatem spectant, contractui stare quis-  
que Successor tenetur; sicuti Tutor,  
qui alteri Tutori in officio administra-  
tionis successit.

26. Olim, cum satis perspecta facro-  
rum Administratorum pietas erat, ipsi  
et servos manumittere, et vasa sacra  
redimendorum captivorum causa, quae  
inter incursus barbarorum frequens fuit,  
distrahere, Monasteria, et hospitalia  
condere, aliaque omnia pro ductu con-  
scientiae suae agere potuere. c. 24. XII.  
q. 1.

Cap. 3.  
De Ali-  
enat.

27. Inde fere a saeculo IV. apparuere  
Canones, qui alienationem indiscretam  
rerum ecclesiasticarum vetant. In Con-  
cilio Carthaginensi IV. decretum est,

*ut nullus res Ecclesiae, pro arbitrio suo distrahat.* Refert. c. 39. XVII. q. 4.

28. In Oriente Leo Imp. anno 470 legem edidit, qua Episcopo, vel Oeconomo Constantinopolitanae Ecclesiae vetatur rerum, et possessionum ecclesiasticarum alienatio, *ut, sicut ipsa Religionis, et fidei mater perpetua est; ita ejus patrimonium jugiter servetur iliaesum.* Refert. L. 14. C. de SS. Eccles.

29. Hanc legem, quam Leo ad Constantinopolitanam Ecclesiam restrinxit, Anastasius Imp. posthac ad omnes Ecclesias Constantinopolitani Patriarchatus extendit, donec Justinianus abrogata utraque lege edictum ad omnes Ecclesias, locaque religiosa prorogaverat. Auct. *hoc jus porrect. et seqq. ibi.*

30. In Occidente Symachus Papa huic interdicto solam Romanam Ecclesiam subjecit. Inquit Decretum: *Universis Ecclesiis per Provincias secundum antimarum considerationem, quam proposito religionis convenire Rectores eorum viderint, more servato. Gratianus veterem lectionem evertit. c. 20. XII. q. 2.*

31. Labentibus saeculis hae leges, et regulae tum per Orientem, tum per Occidentem ad omnes Ecclesias extendendae fuerant, quia Ecclesiastici, solum usumfructum naucti earum rerum, saepè sua emolumenta ex his bonis haurienda

mágis, quam successorum, et Ecclesiarum utilitatem spectarunt. c. 18. et seqq. ibi.

32. Inter has auctoritates refert sub nomine Leonis Decretum Gratianus, quo sine exceptione prohibetur, ne quis Episcopus de rebus Ecclesiae suae quidquam donare, vel commutare, vel vendere audeat etc. Eruditi tamen hanc decretalem Leoni I. abjudicant. c. 52. ibi.

33. Jure novo praetensum Decretum Leonis recentiores Pontifices passim suum fecere. Sic Innocentius III. in ea causa diserte ad auctoritatem Leonis provocat. c. 7. et 8. de his, quae sunt a Praelat. fin. Consens. Capit.

34. In Concilio Valentino vulgata est regula, irritam esse Episcoporum donationem, vel venditionem, vel commutationem rei ecclesiasticae absque collaudatione, et subscriptione Clericorum. Juxta crisin Eruditorum hoc Decretum in nullo Concilio Valentino vel Galliae, vel Hispaniae reperitur. Supereft tamen c. 1. d. t.

35. Hodierno usu Episcopi juxta formulam, in Pontificali praescriptam, jurant in sua ordinatione, quod non alienare velint bona mensae suae. Similiter et Beneficiati ad ingressum possessionis jurant, se non alienaturus bona beneficii sui.

36. Juxta leges civiles nomine vetitiae alienationis venditio, donatio, emphyteusis, aut ususfructus constitutio, et specialis hypothecae obligatio exprimitur. His novum jus admiscet et *conditionem*. Quidam praetendunt, legendum esse *conductionem*, utpote longioris temporis. Nonnulli explicant illam conditionem contractui adjectam, qua statutus, causa, et natura praedii v. g. per impositionem tributi, pensionis, servitutis immutari videretur. Rel quis placet voculam illam, quae Librarium vitio irreperere potuit, aut venditioni quondam substituta fuit, expungere.

*c. 5. de Reb. Eccles. non Alien.*

37. Inde ad mentem legum, Canonique res eo recidit, ut Beneficiatus fructibus sui beneficii libere uti, fruique, et ex proventibus vivere possit, ita tamen, ut ipsas res integras conservet, relicturus successoribus, quo et ipsi libere, et plene proventus percipere queant, quia, sicut ipsa Religio perpetua est, ita et ejus patrimonium servari debet illaefum.

*L. 14. C. de SS. Eccl.*

38. Superfunt tamen et alienationis legitimae causae; utpote necessitas, utilitas, et pietas. Ait S. Gregorius: *Et sacrorum Canonum, et legalia statuta permittunt, ministeria Ecclesiae esse pro redemptione captivorum vendenda.* Refert. *c. 14. et 15. XII. q. 2.*

*39. In-*

Cap. 4.  
De Sole-  
mnitate  
Alien.  
S. Greg.  
lib. 6.  
ep. 35.

39. Inter has causas pietas primas fert, quia melius est aurum impendi redimendis captivis, et alendis pauperibus, quam ornandis templis. Clamat S. Bernardus: *O vanitas vanitatum, sed non vanior, quam insanior! fulget Ecclesia in parietibus, et in pauperibus eget.*

S. Bern.  
apel. ad  
Guil.  
c. II.

40. In Decreto Gratiani frequens est locus veterum auctoritatum, quae commendant, et vasa sacra, utcunque pretiosa, et consecrata esse distrahenda, ut eorum pretio necessitati pauperum succurri queat. *Nam Ecclesia non habet aurum, ut servet, sed ut eroget, et in necessitatibus subveniat.* Ref. c. 70. et 71. XII. q. 2.

41. Causa hujus pietatis apud veteres omni exceptione major est: corruptis tamen saeculis illa satis viluit. Queritur S. Bernardus: *Ecclesia suos lapides induit auro, et filios suos nudos deserit: de sumptibus egenorum servitur oculis divitium. Inveniunt curiosi, quo delectentur, et non inveniunt miseri, quo sustententur.*

Ibi.

42. Meminere veteres Canones et aliarum causarum; utpote, si necessitas, vel utilitas Ecclesiae alienationem persuaderet. Quum veteri more tota potestas administrationis penes Episcopum staret, justa causa alienationis Concilio

Hilar.  
ep. 8.

Provinciali dicenda fuit, ut ejus Decreto probaretur. Hilarius Papa saeculo V. in Galliam rescripsit: Praedia ad Ecclesiam pertinentia in alterum non transferantur, nisi prius apud Concilium alienationis ipsius causa doceatur; ut, qui fieri debeat, communis omnium deliberatione tractetur.

43. Succedente nova partitione administrationis successit, quod examen causae ad eos devolveretur, qui alienationem per sua suffragia probare debent, quia praetensum Decretum Leonis requirit totius Cleri tractatum c. 52. XII. q. 2.

44. Hinc, si agatur de bonis spectantibus ad Capitulum, vel Conventum, omnes Canonici, vel Monachi ad sonum campanae convocandi in unum sunt, ut deliberent, an justa, et sufficiens causa sit alienationis? Et quilibet dicat suum suffragium ex animi sententia. Quantum ergo ad tractatum singulis est suum suffragium; quantum vero ad consensum majoris partis sententia spectatur, nisi minor pars possit, et velit causam rationabilem opponere, ut negotium differendum videatur. Si convenerint vel omnes, vel major pars in unam sententiam, tunc instrumentum hujus tractatus, et consensus erigitur, vulgari formula: tales Canonicos, et Monachos N. post longum, et diligentem tractatum

communi consensu confirmasse, quod talis possessio propter talem causam alienetur, et pecunia ad dictam causam convertatur, credentes, hoc utilius Ecclesiae expedire. Hic tractatus, et consensus Capituli Episcopi auctoritate abhinc stipandus est, sive agatur de Ecclesia Cathedrali sive Collegiata, sive et Regulari, non tamen exempta. *c. i. de Reb. Eccl. non Alien.*

45. Si agatur de bonis Ecclesiae, quae non habet Capitulum, aut Conventum, sufficit solus consensus Episcopi, etiam inconsulto Clero Cathedrali. Solet hodie Episcopo porrigi supplex libellus, qui eum plerumque remittit ad Decanum ruralem, ut justam informationem praetensae causae capiat, judicium suum ad Episcopum relaturus: quo accepto Episcopus annuit, vel renuit, nisi uberius examen videatur necessarium. Informatio capienda est juxta. *L. 5. ff. de Reb. eor. qui sub tutel.*

46. Paulus II. praetendit, nulla Ecclesiarum, aut Monasteriorum bona inconsulto Pontifice alienari posse. Hic rigor obtinet in Ecclesiis, aut Monasteriis exemptis. Quippe in aliis Ecclesiis, aut Monasteriis haec lex, quoad hoc punctum, recepta ubique haud est. *Extrav. Com. un. de Reb. Eccl. non Alien.*

47. Et vero, si ipsi exempti habeant alias Ecclesias non exemptas, sibi pleno jure subjectas, earum alienationem sufficit illius Superioris, qui habet jurisdictionem quasi episcopalem, consensu probari, confirmarique.

48. Juxta Pontificale Romanum Episcopi in sua inauguratione spondere jurato debent, quod possessiones ad mensam suam pertinentes haud alienaturi sint, inconsulto Romano Pontifice. Inde, quando hodie ad Pontificem pro licentia alienationis recurritur, solet Papa alicui in partibus committere, ut videat, an expedit illam rem alienari, et ad relationem illius auctoritatem interponere: alias enim alienatio etiam ex auctoritate Papae admissa irritaretur veluti jure non facta. Rescriptum Apostolicum dicitur: *Si in evidentem, qua continet clausulam: si per informationem alienationem in evidentem et urgentem necessitatem factam esse repereris. In Gallia rescriptum motu proprio cum clausula invitis Clericis non admittitur.*

49. Praeter consensum Superioris ad alienationem requiritur, etiam assensus Patroni de iis bonis, quae a Patrone profecta sunt. In Gallia, et alibi eo exemplo oportet in alienatione intervenire et consensum Principis, quia Patronus, vel Protector bonorum ecclesiasticorum habetur. Si ea occasione ad

Regem recurritur, tunc informatio, aut examen causae judicibus loci, aut aliis Regiis Deputatis demandatur: qua facta, si necessitas, aut utilitas appareat, litterae nomine Regis expediuntur, quibus licentia alienandi exprimitur.

50. Tria potissimum inde ad alienationem requiruntur; nimirum legitima causa alienandi, tractatus, seu discussio causae, et consensus tum Superioris, tum Capituli, ubiis desideratur. De consensu oportet constare per publicum instrumentum, cui omnes subscribere debent. Hodie tamen receptum est, quod nomine Capituli praesentibus omnibus subscribat Secretarius, vel Notarius.

51. Reliquae solemnitates, quas Gratianus *ad can. 2. X. q. 2.* copiosius ex legibus civilibus collegit, paucim negliguntur. Maxime enim in his causis hodie spectari solet, an subsit, subfueritque urgens necessitas, vel utilitas Ecclesiae; aut an inde grave damnum Ecclesiae succreverit? Primum ergo fert in alienatione punctum, ut causa alienationis graviter discutiatur, atque in instrumento specifico, omnibus circumstantiis vallata, exprimatur, ut facile probari queat, aut praesumi debeat. Si forma est servata, consensusque Superioris apparet, semper pro utilitate Ecclesiae praesumitur. Solemnitates vero aliae extrinseciae probari debent, quia non

praesumuntur, nisi antiquitate, et longinquitate temporis suffulciantur.

52. Nonnullae alienationes etiam post lapsum notabilis temporis suspectae habentur; utpote quae in familiares, aut Cognatos ipsius Praelati redundasse probantur. Justinianus certis personis, veluti Oeconomo, ejusque propinquis interdixit, res Ecclesiae acquirere. *Auct. quibuscumque de SS. Eccles.* In Germania plerumque subhastatio in illis alienationibus, quae Decreto Superiorum egerint, requiritur.

53. Si nihilominus posthac notabilis laesio Ecclesiae apparet, potest, non obstante quacunque alienatione cum omni solemnitate facta, peti restitutio in integrum, ita tamen, ut expensae in rem utiliter, vel necessario bona fide factae refundantur. *c. i. de Restit. in integr.*

54. Quantum ad causam pauperum restituendam, plerumque patrimoniis Ecclesiarum nihil funestius est, quam luxus, et fastus administratorum. Hinc enim Ecclesiae passim egerint, quia male administrantur. Queritur apud Alexandrum H. B. Petrus Damiani: *Quotidie regales epulae, quotidie apparatus, quotidie nuptiale convivium, et unde refrigerare debuerant indigentes, rubentium tabularum recreant gestatores.*

Damian.  
lib. I.  
ep. 10.

55. Quid ergo? an in morali doctrina per rationes status fastus, luxusque quisunque Cleri excusari potest? Enstimulos Pastorales Bartholomaei a Martyribus: *Dicunt aliquando Pastores: non possumus subditos nostros in obedientia, et officio continere; nisi splendore, et pompa auctoritatem apud eos consequamur.* O caecitatem insignem! *Ministri Christi prudentiores Christo esse volunt.* Christus namque, mediantibus hominibus plenis spiritu suo, id est, spiritu humilitatis, et paupertatis mundum subegit; ac spiritum carnis, et mundi expugnavit: modo vero dicitur, spiritu mundi, id est, nisi Pastores armentur pompa, ac fulgore saecularis potestatis. Quid magis praeposterum potuit excogitari etc. Ecce! *Ejusmodi pompa plus scandalizat subditos, quam aedificat.* Juxta vetus Decretum Concilii Carthaginensis: *Episcopus vilem supellectilem, et mensam, ac viectum pauperem habeat, et dignitatis suae auctoritatem fide, et vitae meritis quaerat.* Quid consulitus his rationibus status? c. 7. D. 41.

Inquit S. Bernardus: *Honorificabis ministerium vestrum non cultu vestium, non equorum fastu, non amplis aedificiis; sed moribus ornatis, studiis spiritualibus, operibus bonis.* Synodus Cameracensis de anno 1565. haec

Stim.  
Past. P. 2.  
c. 6. de  
humil. et  
modest.  
Praelat.

S. Bern.  
ad Henr.  
Senon.  
c. 2.

Conc.  
Camer.  
de vit. et  
honest.  
Cler. c. 2.

monet: *Homini ecclesiastico, quaque dignitate fulgeat, plus afferat laudis frugalitas in mensa, quam sumptus: plus dedecoris exquisitus apparatus, quam simplex: plus molestiae longus accubitus, quam brevis, et naturae sufficiens.* Sit ergo cultus in mensa, et conviviis, alibive in gravitate, et sobrietate, quam in pompa, et deliciis.

---

## T I T V L V S XX.

### *De Hospitalibus, et Locis religiosis.*

#### CAPVT I.

##### *De vario Hospitalium genere.*

S. Hier.  
in epist.  
ad Tit.  
c. i.

1. Corruptis saeculis passim officium hospitalitatis, quam S. Apostolus Episcopo commendat, per luxum et fastum Cleri expunctum videri poterat. Inquit S. Hieronymus: *Ante omnia hospitalitas ex ratione status futuro Episcopo denuntiatur — Episcopus, si omnes non receperit, inhumanus est.*

2. Principio Episcopi partium fuit, pauperibus, viduis, infirmis, peregrinis, orphanis, senibusque prospicere, quibus per Diaconos partem oblationum deductis, quae Clero et fabricae impendenda fuerant, erogavit. Postquam Ec-

clesia statos redditus nacta est, quarta e-  
gentibus cuiuscunque generis assignata  
est, quibus, ut liberalius haberentur,  
extructae sunt ad sublevamen Episcopo-  
rum peculiares domus, quas hospitalia  
vocamus, quasque rexerant Presbyteri,  
et Diaconi, Episcopis rationem admini-  
strationis reddituri. *L. 32. C. de Episc.  
et Cler.*

3. Hospitalium nonnulla privata de-  
votione erecta sunt, quae passim laica-  
lia dicuntur, ut distinquantur ab illis,  
quae jure religiosorum locorum censem-  
tur, quia auctoritate Episcopi ad illum  
pium usum ritu ecclesiastico deputata  
sunt. *Arg. c. 10. de Privil. et ibi Panor-  
mit.*

4. Canonici, et Monachi, quibus vi  
regulæ hospitalitas commendata est,  
caeperant extra clausuram ad portas Mo-  
nasterii hospitalia construere, in quibus  
pauperum curam Monachus, Canonici  
cuse gereret, Abbatii rationem sui of-  
ficii redditurus.

5. Labentibus saeculis quaedam ho-  
spitalia sunt in titulum ecclesiasticum e-  
recta, quae inde solis Clericis sunt con-  
ferenda, sub obligatione impendendi  
proventus honestae suae sustentationi su-  
perfluos secundum leges fundationis in  
usum pauperum. Vetat Clemens I. ho-  
spitalia Clericis in titulum conferri, ni-

Synod.  
Aquisgr.  
c. 146.

*si in fundatione secus constitutum fuerit, seu per electionem sit de Rectore locis hujusmodi providendum. Clem. 2. de Relig. domib.*

6. Nonnulla hospitalia aliquando per viam suppressionis fuerant Monasteriis, aut Capitulis unita, ita scilicet, ut ipsum hospitale una cum dote, ac proventibus sit erectum in Monasterium, aut Capitulum; quo casu ipsa hospitalia sunt quodammodo extincta, aut in Monasterium, seu Capitulum commutata. Saepe tamen suppressio fit cum speciali onere hospitalitatem juxta primaevam eorum fundationem exercendi; quod ex legibus incorporationis, et unionis est hauriendum.

7. Subinde hospitalia simplici unione Monasteriis tribuuntur, ut curam, et administrationem illius suscipiant, cum obligatione hospitalitatem exercendi, et proventus impendendi juxta leges ipsius fundationis. Praecipit Concilium Tridentinum inde, ut impositum onus, officiumque ex ase impleant.

8. Inde a saeculo XII. frequenter hospitalia fuere credita viris, mulieribusque religiosis in communi viventibus, ut ipsi infirmorum, et pauperum curam haberent; ita tamen, ut superintendencia, et primaria quasi administratio penes alios, sive laicos, sive ecclesiasticos staret.

9. Praecipit Concilium Chalcedonense, ut Clerici in Ptochiis, et in Monasteriis, aut Martyriis constituti, sub potestate sint ejus, qui in ea civitate est Episcopus, secundum traditionem SS. Patrum, nec per praesumptionem recedant a suo Episcopo. Refert.  
c. 10. §. 1. XVIII. q. 1.

Cap. 2.  
De Jur.  
Episcop.

10. Leges civiles passim inspectioni Episcopi commendant administrationem Hospitalium, ut eorum bona secundum legem fundationis dispensentur per fidèles ministros. Hinc ejus est, Praefectos hospitalium probare: et si infideles repererit, destituere. L. 42. §. 9. L. 46.  
§. 3. C. de Episc. et Cler.

11. Hoc exemplo monet S. Gregorius Ianuarium, Episcopum Calaritanum, ut ab Administratoribus hospitalium rationes sui officii exigeret. Ut tibi, inquit, singulis quibusque temporibus rationes suas Xenodochi, qui in eis sunt constituti, vel fuerunt, subtiliter reddant.

S. Greg.  
lib. 3.  
ep. 24.

12. Ad Ludovicum Regem ann. 858. e Carisiaco Palatio, quo convenerant, scribunt Episcopi: Sed et Rectoribus Monasteriorum, et Xenodochiorum, id est, hospitalium praecipitet, ut, sicut canonica docet auctoritas, et Capitula Avi, et Patris vestri praecipiunt, Episcopis propriis sint subjecti, et Monasteria, atque hospitalia sibi

Labbae.  
Tom. 8.  
Cone.  
col. 654.

comissa ipsorum regant consilio; quoniam Episcopi paternam sollicitudinem eis secundum ministerium illorum sudebunt impendere.

13. Jure novo e Synodo Romana sub Eugenio II. de anno 826. supereat Decretum de Xenodochiis, et aliis similibus locis, ut per sollicitudinem Episcoporum, in quorum Diaecesi existunt, ad easdem utilitates, quibus constituta sunt, ordinentur. Refert. c. 3. de Relig. pom.

14. Invalescentibus novis exemptionibus Monasteriorum, et Religiosi, Clericique, qui administrationem hospitalium nacti sunt, privilegio exemptionis suum officium ab Ordinariorum jurisdictione liberare satergerunt, ut liberius de illorum proventibus disponere possent. Clem. 2. d. t.

Cone. Trid. sess. 7. c. 15. 15. Ad exemplum Concilii Viennensis S. Synodus Tridentina ad curam Episcoporum revocat, ut hospitalia quae cunque a suis Administratoribus, quo cunque illi nomine censeantur, etiam quomodolibet exemptis, fideliter, et diligenter gubernentur.

Sess. 22. c. 8. 16. Et alibi: Episcopi habeant jus visitandi hospitalia, aliaque pia loca, etiam si praedictorum locorum cura ad laicos pertineat, ac omnia, quae ad Dei cultum, aut animarum salutem, seu pauperes sustentandos instituta

sunt, ipſi ex officio ſuo juxta SS. Canonum statuta cognofcant, et exequantur; non obſtantibus etc. Ergo exemptionis privilegia ab hospitalibus ſublata ſunt.

17. Inquit Concilium: *Quodſi ex conſuetudine, aut ex privilegio, aut ex conſtitutione aliqua locis aliis ad id deputatis ratio reddenda eſſet, tunc cum iis etiam adhibetur Ordinarius; et aliter factae liberationes dictis Administratoribus minime ſuffragentur.*

Ibi. c. 9.

18. Quid amplius? Si hi, qui administrationem hospitalis habent, etiamſi laici ſint, ab Ordinario moniti hospitalitatis munus adhibitis omnibus, ad quae tenentur, neceſſariis, re ipſa obire ceſſaverint; non ſolum per eccleſiaſtas censuras, et alia juris remedia compelli ad id poſſint, ſed etiam hospitalis ipſius administratione, curare perpetuo privari poſſint.

Trid. ſeff.  
25. c. 8.

19. Quantum tamen ad visitationem Epifcopi, exceptit S. Synodus hospitalia, quae immediate ſub ipſa Regum protectione conſiftunt; utpote ut ſine eorum praevia licentia ab Epifcopo non visitentur. Constat ex historia, jam pri-dem Xenodochia quaedam, aliaque pia loca a Fundatoribus immediate protec-tioni Regiae commendata fuiffe. Sy-nodus Regiaticina anno 850. rationes hu-jus propositi exponit: *Hi, qui Mona-*

Synod.  
Regiatic.  
c. 16.

steria, et Xenodochia sub defensione  
sacri Pallatii posuerunt, ideo fecisse  
probantur, quod a nullo melius,  
quam a summis Potestatibus protegen-  
da crediderint; et si ea, contra decre-  
ta institutorum personis, quibus non  
licet, dederint, ipsi coram Deo impu-  
gnatores efficiuntur, qui propugnare  
debuerunt etc.

Ibi c. 15. 20. Frequens tum et fuit, quod Fun-  
datores sua hospitalia per suos haeredes  
administrari voluerint, ita tamen, ut  
ipsis invigilaret Episcopus. Inquit lau-  
data Synodus: *Quae autem sub defen-  
sione quidem sunt Ecclesiae, sed juxta  
institutorum (id est, fundatorum) De-  
creta per haeredes, vel pertinentes,  
qui religiosam vitam duxerint, regi  
debent, procuret Episcopus, ut ab eis  
non negligantur; et si in aliquo ma-  
lae tractationis obnoxii reperiantur,  
ecclesiasticae subjaceant disciplinae.* Ita-  
que jam pridem persuasum fuit, admini-  
strationem laicorum non excludere  
auctoritatem Episcopi, ut hospitalia vi-  
fiter, et rationibus reddendis adsit, pro-  
ut Synodus Tridentina supposuit, aut et  
instauravit.

21. Juxta Interpretes superest tamen  
et post Concilium Tridentinum, quod  
Episcopus vel a computu, vel a visita-  
tione per leges fundationis, aut consti-  
tutiones locorum excludi queat, quia

et Concilium Tridentinum clausulam <sup>Trid. fest.</sup>  
subjicit: *Nisi forte in institutione, et* <sup>22. c. 9.</sup>  
*ordinatione talis Ecclesiae, seu fabri-*  
*cae expressae secus cautum esset.*

22. Hospitalia, privata laicorum au-  
ctoritate erecta, quia profana censem-  
tur, ab auctoritate Episcopi, quoad jus  
visitationis, tum jure communi, tum  
et Tridentino Decreto exempta relin-  
quuntur, ut tamen computibus redden-  
dis adesse possit, nisi secus in fundatio-  
ne, aut ordinatione cautum sit.

23. Moribus locorum plerumque Ma-  
gistratus sibi curam, et inspectionem ho-  
spitalium vindicat, ut Administratores  
laicos instituat, ab iisque rationes an-  
nuas exigat. Reliquum tamen est Epi-  
scopo, si Superiori laici negligentes  
fuerint in exactione rationum, aut cor-  
rectione delinquentium, post monitio-  
nem eorum negligentiam supplere pro  
illa vice.

24. Veteri more plerumque hospitali-  
bus praeerant Diaconi. Sic constat, ve-  
teres Pontifices Diaconias instruxisse  
certis proventibus, ut in iis, et ex iis  
per curam Diaconi Cardinalis pauperes,  
et aegri sustentarentur. Refertur de Gre-  
gorio III., quod Diaconiam SS. Sergii,  
et Bachi instituerit, et concedens omnia,  
quae in usum Diaconiae existunt, sta-  
tuerit perpetuo tempore pro sustenta-

Cap. 3.  
De Prae-  
fect. Ho-  
spital.

tione pauperum in Diaconiae ministerio  
deservire.

S. Greg.  
lib. 3.  
epist. 24.

25. S. Gregorius M. saepius meminit Diaconorum, qui Xenodochiis praeerant. Meminit alibi et Subdiaconi Xenodochio praepositi. In reliquis requirit S. Gregorius, ut, qui hospitalibus, aliisque piis locis praeficiuntur, sive Clerici, sive Laici, tales sint, *qui vita, moribus, atque industria inveniantur esse dignissimi*. Id tamen S. Pontifici in votis stetit, ut potius eligerentur Religiosi, quam saeculares.

26. Invalecente hospitalium diversitate, et multitudine frequenter accidit, quod Religiosis, in communi viventibus, hospitalia committerentur, ut tum bona, pauperum usibus deputata, summa fidelitate, et integritate administrarent, conservarentque, tum et infirmis, pauperibusque insigni charitate, et mansuetudine inservirent, eisque corporaliter, et spiritualiter providerent. Meminit Clemens V. hospitalium militarium Ordinum, et aliorum Religiosorum Ordinum. *Clem. 2. de Relig. domib.*

27. Labentibus saeculis diversi Ordines Religiosi utriusque sexus inclaruere, qui curam, et ministerium diversorum infirmorum profitentur. Nostris moribus saepe accidit, quod his Religiosis cura infirmorum, et directio hospitalis relin-  
qua-

quatur, sed ita, ut computum iis reddant, qui vel secundum leges fundationis, vel consuetudines locorum, vel jus commune locis pii superintendunt.

28. Reliquis pii locis, in quibus vel pupilli educantur, vel infantes recipiuntur, vel senes aluntur, vel peregrini, et hospites foventur, fere ubique praefici solent Administratores, et Rectores laici, oportet inde et eos, fide, pietate, vitae innocentia, industria, integritate, et charitate, esse probatos.

29. Est et in his pii domibus maxi-  
mi momenti, ut, quae ad salutem ani-  
marum pertinent, sedulo curentur. Ju-  
re communi hospitalia quoad curam ani-  
marum sunt subjecta ordinario Pastori  
loci. Inde hospitalia sub regimine laico-  
rum constituta, passim ab Ecclesiis Pa-  
rochialibus dependent, etsi interdum O-  
ratoria, aut Sacella pro commoditate  
pauperum ibidem degentium, ad audi-  
endam Missam, aut alia pia exercitia ob-  
eunda habeant annexa. Alia hospitalia  
vero Religiosorum Ordinum plerumque  
vel ex privilegio, vel longa consuetu-  
dine, vel alio speciali titulo habent pec-  
ciliares Presbyteros, ut tum ipsis Reli-  
giosis, tum ipsis infirmis, pauperibus  
que Sacra menta administrent, aliaque  
pia exercitia praebeant. Praecipit Cle-  
mens V., utrimque veterem usum ob-  
servari. *Clem. 2. de Relig. dom.*

Cap. 4.  
De Ad-  
minist.  
Offic.

30. Hospitalia igitur ab hominibus trium generum reguntur; utpote Administratoribus, Clericis, et Ministris. Ministri aegris, et pauperibus succurrunt, vel sumptibus hospitalium, vel et gratis. Recentiores nonnulli Ordines pecuniae votum emittunt, infirmis pauperibus vel in nosocomiis, vel et domi afflendi. Clerici pauperes, et aegros docent, et Sacramentis beant, quorum stationes in antiquis hospitalibus desierunt in beneficia, in novis vero pro libitu amoveri possunt, ut electioni optimorum locus sit. Administratores bonorum curam gerunt.

31. Corruptis saeculis passim datum est vicio tum Clero saeculari, tum Regulari, quod Hospitalium administracionem naecti Ecclesiastici pios proventus in usus proprios verterint. Praecipit inde Concilium Viennense, ut eorum administratio viris laicis, providis, bonis, et idoneis Patribus familias crederetur, qui, ad instar Tutorum, et Curatorum inventarium confidere, juramentum praestare, et annuas rationes Episcopo reddere tenerentur. *Clem. cit.*

Nov. 123.  
c. 23.  
Nov. 131.  
c. 15.

32. In Gallia leges regiae Ludovici XIV. nonnullas alias cautelas adjererunt. In Germania jus Electorale Saxonicum ab Oeconomis, seu Hospitalium quaestoribus etiam cautionem idoneam exigit. Hamburgi, et Hallae paelscri-

ptum est, ut Oeconomus Hospitalium improles sit, quia nonnunquam Libero- rum causa pauperibus bona, et proven- tus Hospitalis intercipiuntur, aut mi- nuuntur.

33. Inter recentiores corruptelas Ho- spitalium et illud observatum est, quod aliquando numero, et salariis Ministro- rum facultates Hospitalium exaurian- tur, ut fere nihil, vel justo minus ad usus pauperum, et infirmorum supersit. Querebatur anno 1212. Synodus Pari- siensis: *Cum pauci sani possint multis infirmis competentius ministrare, in- dignum illud esse, ut numerus sanorum ibidem manentium excedat nume- rum infirmorum, ut peregrinorum.* Hac occasione nonnullae leges Hospitalium tum numerum, tum et salario ministro- rum definiunt. Inquit Synodus: *Bona etenim ibidem ex fidelium devotione oblata, non sunt sanorum usibus de- putata, sed potius infirmorum.*

34. Si contingit, quod Hospitalia cui- dam certo generi infirmorum, aut pau- perum ex *lege* fundationis sint destina- ta, quorum numerus, vel periculum nostra aetate evanuit, S. Synodus arbi- trio Episcopi reliquit, ut illos pios pro- ventus in alium pium usum, qui eorum institutiōni sit proximior, ac pro loco, et tempore utilior, procul ab omni scrū-

Synod.  
Paris.  
P. 3. c. 9.

Trid. fest.  
25. c. 8.

pulo convertat, ut Administratores an-  
sam captare non possint, Hospitalium  
illorum redditus, et possessiones in pro-  
prios usus vertendi, eo praetextu, quod  
hujus generis pauperes, et infirmi haud  
superfint. Consultius tamen est, ut hu-  
jusmodi commutationes, praesertim, si  
fundatio sit notabilis, fiant utriusque po-  
testatis consensu. In Gallia exeunte sae-  
culo XVII. Ordo S. Lazari plurimos a-  
misit proventus, quibus Ludovicus XIV.  
quaedam Nosocomia restituit, ac dota-  
vit.

Cap. 5.  
De Select.  
Paup. et  
Infirm.  
Conc.  
Mediol.  
V. P. 3.  
Tit. quae  
ad pia  
loc. per-  
tin.

Synod.  
Colon.  
P. II.  
c. 6.

35. Recidit ad officium Administrato-  
rum, ut veros pauperes, ac aegros a  
reliqua turba indignorum mendicabulo-  
rum, histrionum, nebulonumque fecer-  
rant. Ait S. Carolus in Concilio Medio-  
lanensi V. *In hoc pauperum delectu,*  
*non egestatis, inopiaeque solum, sed*  
*morum etiam, ac vitae, probitatisque*  
*ratio habeatur.* Quippe fundatorum in-  
tentio spectat eis succurrere, qui pro-  
babili causa egent.

36. Queritur anno 1536. Synodus Co-  
loniensis, quod in quibusdam locis fit,  
ut neglectis miseris, ac inopibus, qui-  
bus Hospitalia dedicata sunt, ex pri-  
vato affectu Magistrorum, ac Magi-  
strarum, qui hisce Hospitalibus prae-  
sunt, non modo validi, sed et quibus  
victus; et vestitus suppetit, recipian-

*tur, tantum quod illic commodius,  
et in otio vivatur.*

37. Inquit S. Synodus: *Sint autem Ibi. c. 5.  
Mendicantibus validis, utpote qui la-  
bore manuum comparare necessaria vi-  
tae per vires, et valetudinem corporis  
possunt, non solum Hospitalia clausa,  
sed et mendicare publice, ac ostiatim  
penitus interdictum. Et, qui secus a-  
gere comperti fuerint, arceantur, ac  
legalibus, nostrisque constitutionibus  
comprehensis paenit subdantur. Ut-  
lius enim esurienti panis tollitur, si  
de cibo securius justitiam negligat,  
quam eidem frangitur, ut seductus in-  
justitiae acquiescat.*

38. Vaga, et valida mendicitas non-  
nullorum hominum tum Ecclesiae, tum  
Reipublicae perquam pernitirosa, et pe-  
riculosa olim habebatur. Inde Valenti-  
nianus junior legem edidit, qua hi iner-  
tes, et absque ulla debilitate miseri ho-  
mines urbe pelluntur. *L. un. C.d. Men-  
dic. valid.*

39. In Oriente Justinianus Quaestorem instituit, qui in peregrinos, cau-  
fasque adventus inquireret. *Mendican-  
tes vero, inquit, si hujus terrae, ut-  
pote indigenae, fuerint, et corporibus  
quidem validis utuntur, vitae autem  
eis decens non est occasio; hos non fru-  
stra esse pondus terrae permittere, sed  
tradere citius eos operum publicorum*

attinet artificibus ad ministerium. Et infra: laesos autem, vel laesas corpore, aut canitie graves, hos sine molestia esse jubemus in hac nostra civitate, aut pie agere volentibus adscribendos. Refert. Nov. 80. c. 5.

Capit.  
Franc.  
lib. I.  
c. 118.

40. Praecipiunt Capitularia de mendicis: qui per patrias discurrunt, — unusquisque fidelium — suum pauperem de beneficio, aut de propria familia nutriat, et non permittat alii cubi ire mendicando.

Conc. Tu-  
ron. II.  
c. 5.

41. Juxta Decretum Concilii Turonensis II. Unaquaeque civitas pauperes, et egenos incolas alimentis congruentibus pascat; et tam vicani Presbyteri, quam cives unusquisque suum pauperem pascant: quo fiet, ut ipsi pauperes per alias civitates non vagentur.

42. His exemplis et recentiores leges Politices vulgarem, indiscretioremque mendicitatem reprimunt, passim editis edictis, ut peregrini, nisi justam causam sui adventus per litteras testimoniales exhibuerint, a finibus Provinciae arceantur, aut in patriam relegentur. Indigenae vero, si quidem viribus valent ad opera publica, justam mercedem laboris sui merituri adigantur; illis vero, qui vere aegri, aut pauperes sunt, in Hospitalibus provideatur. Ensaluberrimum consilium: Nuper, refert Zypaeus, Aloftenses omnes undique

advenas, validos mendicantes, fossis,  
quae urbem cingunt, purgandis de-  
voverunt, atque ita opus publicum  
minimo sumptu perfecerunt: vitia otio-  
forum minuerunt; quinimo id obti-  
nuerunt, ut brevi eum locum Mendi-  
cantes ut Charybdim vitarent, impro-  
bum laborem declinaturi.

43. Quantum ad disciplinam Eccle-  
siae, decrevit S. Carolus in Concilio  
Mediolanensi IV., ut, ubi Mendicorum  
curae ita consultum non est, ut certo  
quodam pio loco collecti, non mendicati-  
m, victum sibi quaeritent, Episcopi  
provideant, ut Parochi illos, qui intra  
fines suarum curarum sunt, in libro ac-  
curate, ordineque conscribant, explo-  
raturi, quo et unde illi migrant? quod  
vitae christianaæ institutum teneant?  
an, et quantum fidei rudimenta tene-  
ant? an diebus festis saltem Missæ sa-  
crificio, et devote intersint? an, et  
quoties per annum confiteantur? an  
constituto saltem tempore Paschatis sa-  
cram Communionem sumant. His ad-  
dit; Parochi, quos doctrinae christia-  
nae rudes mendicantes vagos viderint,  
festis diebus stata hora ad ejusdem do-  
ctrinae Scholas convenire diligenter  
current, eosdemque instruant.

44. Reliquum officium est Administra-  
torum, ut in hospitalibus honestati pro-  
videatur. Vetant Synodi: *in Hospita-*

Conc.  
Mediol.  
IV. P. 3.  
Tit. quae  
ad pia loc.

Conc.  
Mediol. I.  
de prior.  
loc. admi-  
nistr.

*libus piisque diversoriis, ubi hospita-  
litas exerceatur, mares cum foeminis,  
etiam praetextu matrimonii ne versari  
permittantur.* Haec cautela multo ma-  
gis in Orphanotrophiis, et Brephtro-  
phiis, observanda, quia constat, nimis  
periculosa esse utriusque sexus fami-  
liarem conversationem.

S. Franc.  
Sal. lib. I.  
ep. 5.

45. Consulit S. Franciscus Salesius,  
ut inde singuli dormiant soli, aut non-  
nisi cum illis, quibus merito confidi pos-  
sit. Maximi momenti abhinc est, ut his  
puerorum receptaculis nonnisi morigeri,  
et pii Rectores, et Retrices praeficiantur.

Conc.  
Tolos.  
P. 3. c. 6.

46. Supereft Concilii Tolosani de an-  
no 1590. Decretum, *ut infantes, ubi  
primum per aetatem licuerit, locis iis,  
quibus commode, et per facultates  
fieri poterit, moribus optimis, arti-  
busque, quae sexum deceant, tam ma-  
res, quam faeminae instruantur, do-  
nec eis Deo dante provisum fuerit.*

Cap. 6.  
De Con-  
frat.

47. Nostra aetate sat frequentes sunt  
et aliae piae societas per modum con-  
fraternitatum, quae et ipsae piis locis  
accensentur, quia religionis causa insti-  
tuuntur, ut illi, qui tali Congregationi  
nomen dant, mutuo exemplo, et zelo  
ad quaedam singularia pietatis opera ex-  
citentur. In Concilio Basileensi Ægidi-  
us Carlerius, Decanus Cameracensis,  
haec verba, ut refutaret errores Husi-

tarum. fecit: *Non sunt de se illicitae Confraternitates ipsae, immo honestatis titulum habent, et parere possunt fructum. Nam frater, qui juvatur a fratre, est quasi civitas firma.*

48. Harum quaedam Confraternitatum sunt penitus laicales, id est, quae laicorum directioni subsunt; quibus et aliquando peculiaria Sacella sunt ad divina officia Confraternitatum per Presbyteros a Magistris harum piarum sodalitatum assignandos peragenda. Nonnunquam haec facella, et Altaria, ad eum usum destinata in Ecclesiis Parochialibus, aut Regularium visuntur, quorum totalis directio, et administratio residet penes laicos.

49. Aliae sunt, ad quas quidem laici, veluti sodales, adscribuntur, ita tamen, ut earum omnimoda directio sit penes Ecclesiasticos, sive saeculares, sive Regulares. Harum, et illarum piarum Societatum salubris scopus est, ut fideles per particulares quasdam actiones facilitorem sibi salutis viam concilient.

50. Inde recentioribus constitutionibus in tanta diversitate Confraternitatum id cautum est, ut juxta Concilii Arelatensis de anno 1234. Decretum, *nulla fiat Confraternitas laicorum sine auctoritate, et consensu Episcopi Diaconisani.*

Cone.  
Arel. c. 9.

51. Quippe Episcopi est, examinare statuta, et privilegia Confraternitatum, ut nihil contineant, quod publicis, et necessariis christianis officiis adversetur, vel ipsis Sodalibus periculo salutis esse queat. Concilium Senonense de anno 1524. vetat, ne deinceps juramenta super observatione statutorum praedictarum Confraternitatum aut praestentur, aut exigantur.

Conc.  
Senon.  
c. 30.

Conc.  
Mediol.  
IV.  
Tit. 18.

52. S. Carolus in Concilio Mediolanensi IV. cavet, ut, quo tempore in Basilica Cathedrali, Ecclesiae Parochiali officium celebratur, tunc ne in ulla Confratriae, Scholaeve Oratoriis civitatis, aut loci illius ab eisdem Confratribus recitari liceat officia, sed vel ante, vel post recitentur.

53. Decreto Concilii Tridentini Episcopi etiam tanquam S. Ap. Delegati, habent jus visitandi Confraternitates laicorum, etiam, quas Scholas, sive quo-cunque alio nomine vocant, ac omnia, quae ad Dei cultum, aut animarum salutem, seu pauperes sustentandos instituta sunt; etiamsi in Ecclesiis Regularium exemptorum illae Scholae, Confraternitesque, earumque Capellae erectae sint, exerceantur, repressis abusibus, quos aut superstitione, aut ignorantia, turpis quaestus causa, novellis devotiunculis saepius aspergit.

\* 54. Pastorum zelo quam maxime dignum est; populum ad solidiora Christianae pietatis exercitia, cujuscunque sodalitii titulo instruere, et instituere? S. Pius V. pro educatione, et instructione christiana puerorum praecepit Ordinariis, *ut in suis respective Diaecesisbus, tot Societates, seu Confraternitates, quot ad hoc SS. opus exercendum opportuna videbuntur, auctoritate Apostolica erigant, et instituant.* S. Carolus inter reliquas unam Sodalitatem, quae odiis, et dissidiis componendis invigilaret, in Concilio Mediolanensis IV. proposuit. *Ut odiis, inquit, dissidiis, atque inimicitiis occurratur, rursusque paci, cuius fideles imprimis amantissimi esse debent, tot sanctissimis vinculis inter se juncti, consulatur: id praeter cetera Episcopi paterna sollicitudine current in sua urbe, ac Diaecesi aliquam hominum, qui morum gravitate, spectata integritate, et auctoritate praestantiores sunt, confratriam — instituere: cuius officium sit, discordiae flamas restinguere, dissidia amovere, concordiam inire, pacemque inter omnes conciliare.* Quid salubrius est his, aliisque spiritualis, corporalisque misericordiae christianis officiis, utpote quibus infallibile aeternae electionis praesagium suffragatur? *Si consolentur*

S. Pius V.  
Bull. 137  
in Bull.  
Rom.

Cone.  
Mediol.  
IV. P. IV.  
Tit. 12.

Int. op.  
S. Prosp.  
de vita  
contempl.  
L. I. c. 25.

afflictos, pascant egenos, vestiant nudos, redimant captivos, suscipiant peregrinos, si errantibus viam salutis ostendant, desperatis spem veniae consequendae promittant — quis sc̄ erit alienus a fide, ut dubitet, tales contemplativae virtutis esse participes.

---

## TITVLVS XXI.

### *De Sepulturis.*

#### CAPVT I.

##### *De Exequiis.*

S. Aug.  
de civit  
Dei lib. I.  
c. 13.

1. Inter christianaे misericordiae officia recensetur et sepultura defunctorum. Ait S. Augustinus: *Ipse quoque Dominus, die tertio resurrecturus, religiæ mulieris bonum opus praedicat, praedicandumque commendat, quod unguentum pretiosum super membra ejus effuderit, atque hoc ad eum sepeliendum fecerit. Et laudabiliter commemorantur in Evangelio, qui corpus ejus de cruce acceptum diligenter, atque honorifice tegendum, sepeliendumque curarunt.*

2. Sunt sepulturae christianaे diversi ritus, quorum nonnullos a Gentilibus, alios a Judaeis missa superstitione, aut

vanitate, adoptavit Ecclesia. Nec id vi-  
tio est; quippe juxta S. Augustinum :  
*Nos non propter superstitionem pro-  
fanorum debemus — fugere, si quid  
inde utile ad intelligendas scripturas  
rapere potuerimus.*

Lib. 2. de  
doctr.  
Christian.

3. Quum veteri more corpora defun-  
ctorum passim patenter deferrentur ad  
sepulchra; componere ea ad modestiam  
placuit. Hinc mox ab obitu oclusi sunt  
oculi, compressa labia, corpus ablutum,  
et decenti vestitu obvolutum. Super-  
sunt haec plus, minusque et hodie, etsi  
corpora plerumque loculis operiuntur.  
Praecipit Rituale Romanum Pauli V.,  
ut quisque Clericus sacris vestibus sui  
Ordinis amictus tumulo tradatur, quod  
nostra aetate, nostrisque Provinciis  
quoad Episcopos, Abbates, et alibi quo-  
ad Sacerdotes observatur. In reliquis  
successit, quod loculus velo nunc nigro,  
idque magis, vel minus pretioso pro  
defunctorum conditione, aliquando ap-  
positis insignibus, tectus exponatur, ex-  
porteturque.

4. Antiquitus sat vulgare fuerat, quod  
corpora sub vesperam efferrentur. Hac  
occasione consuetum fuit sepulturis fa-  
ces, et cereos adhibere. In veteribus  
monumentis frequens fit mentio lumi-  
num, et lampadum in sepulturis tum  
Gentilium, tum Judaeorum, tum et  
maxime Christianorum, utpote in si-

S. Chrys. gnum laetitiae. Ait S. Chrysostomus:  
hom. 4.  
in ep. ad Dic mihi, quid sibi volunt istae ful-  
Hebr. gentes lampades. An non defunctos  
tanquam Athletas deducimus?

Ibi.

5. Ad signum laetitiae spectat et can-  
tus ecclesiasticus in sepulturis Christia-  
nis. Et quidem sat diu superfuit, quod  
in exequiis defunctorum *Alleluja* audi-  
retur. Inquit S. Chrysostomus: *Quid  
etiam Hymni? An non Deum glorifi-  
camus, et gratias agimus, quod eum,  
qui excessit, coronaverit? Quod a la-  
boribus liberaverit? Quod abjecto me-  
tu eum apud se habeat? Nonne ideo  
sunt Hymni? Nonne ideo Psalmodiae?  
Haec omnia sunt laetantium.*

6. Gentilis luctus alienus est a fune-  
ribus Christianorum, cum sciamus, eos  
non amitti, sed praemitti, recedentes  
praecedere, ut proficiscentes, ut na-  
vigantes solent: desiderare eos deberi,  
non plangi: nec accipiendas hic esse  
atras vestes, quando ibi illi indumenta  
alba jam sumpserint. Fragmentum ex-  
tat c. 25. §. 1. XIII. q. 2.

7. Concilium Toletanum de ann. 1473.  
per trimestre a perceptione fructuum su-  
spendit Clericos, qui pro obitu suorum  
propinquorum ulterius luctuosas vestes  
induere praesumpserint, quia ex senten-  
cia Christi, qui credit, etiam nisi mor-  
tuus fuerit, vivit.

Conc.  
Tolet.  
c. 8.

8. Saluberrimus tamen locus supereft  
piis suffragiis. Olim corpus sub vespe-  
ram ad Ecclesiam delatum, ibidem tota  
nocte expositum quiescebat, ad quod fi-  
deles orando excubabant. Inde supereft  
hodiernum officium defunctorum, quod  
Vigiliis, et Nocturnis, laudibusque con-  
stat.

9. Praesente funere celebrabatur et  
Missa. Hoc exemplo praecipit Rituale Ro-  
manum, ut *Missa praeſente corpore  
defuncti*, quantum fieri potest, cele-  
bretur pro eo, antequam sepulturae  
tradatur. Quondam in lugubri Missa  
peculiaris praefatio, et oratio infra a-  
ctionem dicenda illa fuit: *Hanc igitur  
oblationem, quam tibi pro anima fa-  
muli tui offerimus, quem hodie carnali  
corruptionē liberasti, quaeſumus Do-  
mine, placatus accipias, et, quidquid  
humanae conditionis obreptione con-  
traxit, expediās; ut tuis purificata  
remediis ad gaudium ſempiternum per-  
veniat etc.*

10. Finita Missa notantur orationes,  
et responsoria dicenda ad corpus defun-  
cti, antequam terrae mandetur. Haec  
rursus multum cum hodiernis conve-  
niunt. Recentius institutum referunt re-  
liqui ritus thurificationis, et aspersionis  
super corpus defuncti. Aliquando enim  
nihil tam varium fuit, quam diversa-

rum Ecclesiarum diversus rituum, et  
precum usus.

11. Reliqua pompa funebris ad arbitrium testatorum, aut haeredum recedit. Inquit S. Augustinus: *Pompa funebris, agmina exequiarum, sumptuosa diligentia sepulturae, opulenta monumentorum constructio vivorum sunt qualiacunque solatia, non adjutoria mortuorum.*

12. Pompam funebrem insequebantur sacrificia, oblationes, et eleemosynae aliaque pia suffragia, quae nonnunquam et die III., VII., XXX., aut XL. repetebantur. Juxta S. Augustin.: *prosunt illa defunctis, sed talibus, qui ita vixerunt ante mortem, ut possint eis haec utilia esse post mortem.*

13. Praecipit Rituale Romanum, ut *in his praestandis, qua pars est modestia, ac devotione, ita se habeant Parochi, aliquique Ministri, ut ad defunctorum salutem, simulque vivorum pietatem, quemadmodum vere sunt, non ad quaestum, ejusmodi ritus institui esse videantur.*

14. Quid aequius Concilii Remensis de anno 1583. Decreto? *Quantum, inquit, attinet ad christianam sepulturam, quam nec superbam, nec negligetam esse decet, aut despectam, Paraceti in hanc officii sui partem diligenter*

S. Aug.  
de Verb.  
Apost.  
se m. 32.  
hodie  
172.

De cur.  
pro mort.  
c. 18.

Rit. Rom.  
de Exeq.

Conc.  
Rem.  
de Sepult.

genter incumbant, ut piorum funera  
christianae simplicitatis, ac modestiae  
limites non excedant.

15. Hac occasione nonnunquam locus  
est auctoritati civili ad reprimendas in-  
justas exactiones, aut restringendas su-  
perfluas expensas; utpote si res egre-  
diatur justam sumptus rationem. Arg.

L. 14. §. 6. ff. de Relig. et Sumpt. Fun.

16. Inter alia veteres leges carent, Cap. 2.  
ne defunctorum corpora in civitatibus De loc.  
sepelirentur. Inquit Theodosius junior : Sepult.

*Omnia, quae super terram urnis clau-  
sa vel sarcophagis corpora detinentur,  
extra urbem delata, per vias publicas  
ponantur, ut et humanitatis instar  
(id est humanae fragilitatis, et morta-  
litatis effigiem) exhibeant praetereun-  
tibus, et relinquant incolarum domi-  
cilio sanctitatem; utpote puritatem, ne  
faetore cadaverum vivorum corpora in-  
ficerentur. L. 6. C. Th. de Sepulchr.  
violat. et ibi Gothofred.*

17. His subdit Imperator : *Ac ne ali-  
cujus fallax, ac arguta solertia ab hu-  
jus se praecepti intentione subducat,  
atque Apostolorum, vel Martyrum  
sedem humanis corporibus aestimet esse  
concessam, ab his quoque, ut a reli-  
quo civitatis solo, noverint se, at-  
que intelligent esse submotos. En ve-  
terem obtentum, quum invalescente*

Religione passim SS. Apostolorum, vel Martyrum corporibus, vel Reliquiis intra urbem Ecclesiae, et altaria superstruerentur, reliquis Christianis votum passim stetit, merendi intra urbem sepulturam, ut eorum corpora in illis memoriis SS. Martyrum quiescerent.

S. Aug.  
lib. 2. Re-  
tract.  
cap. 64.

18. Ex sententia S. Augustini: *Profecto etiam provisus sepeliendis corporibus apud memorias SS. Martyrum locus bonaæ affectionis humanae est erga funera suorum; quoniam, si nonnulla religio est, ut sepeliantur, non potest nulla esse, quando, ubi sepeliantur, attenditur.*

S. Chrys.  
hom. 26.  
in 2. ad  
Cor.

19. Hinc et ipsi Imperatores eligeant in liminibus SS. Martyrum inhumari. Juxta S. Chrysostomum: *Imperatores pro magno habuere, si juxta Apostolorum saltem vestibula corpora ipsorum sepelirentur, fierentque Reges Piscatorum Janitores.*

Nov.  
Leon.  
c. 3.

20. His, aliisque exemplis consuetudo veteres leges abolevit. Unde in Oriente Leo sapiens plenam libertatem cuique fecit, intra, vel extra civitatem eligendi sepulturam, quia diurna consuetudo passim veteres leges oppressit. Sic sensim sepulchra urbana invaluerunt.

21. Quantum ad sepulturas Ecclesiarum, supereft inter vetera Decreta Concilii Moguntini lex, *ut nullus mortuus intra Ecclesiam sepeliatur, nisi E-*

*piscopi, Abbates, aut digni Presbyteri, vel fideles laici; utpote juxta interpretationem S. Theodolphi Aurelianensis, si per vitae meritum, talem vivendo suo corpori defuncto locum acquisiverunt.*

22. Juxta Decretum Concilii Nantensis: *Prohibendum est etiam secundum Majorum instituta, ut in Ecclesia nullatenus sepeliantur, sed in atrio, aut porticu, aut in exhedris Ecclesiae; intra Ecclesiam vero, et prope altare, ubi corpus, et sanguis Domini conficitur, nullatenus sepeliantur.* Refert sub aliena epigraphe Gratian. c. 15.

XIII. q. 2.

23. Praevalente remissione veteris disciplinae, praecipit anno 1581. Concilium Rothomagense, *ut non adeo promiscui, ut nunc fit, mortui sepeliantur in Ecclesiis, ac ne quidem ditiores; ne is honor detur pecuniis potius, quam gratiis Spiritus sancti; sed hoc servetur Deo sacrificis specialiter hominibus, eo quod prae aliis eorum corpora tempa sint Christi, et Spiritus sancti, et aliis in sublimitate, et dignitate, tam ecclesiastica, quam saeculari constitutis; quandoquidem et isti Dei ministri sunt, atque organa Spiritus sancti: aliis insuper, qui nobilitate, vel virtutibus, vel meritis*

Conc.  
Rothom.  
de curat.  
offic.

*erga Deum, et Rempublicam fulgent.  
Caeteri pie, et religiose in caemeteriis,  
ad hoc dedicatis sepulturae tradan-  
tur.*

24. Caemeteria graece, latine dormitoria appellantur; quia Paulus de mortuis fidelibus propter fidem resurrectionis veluti de dormientibus loquitur. Invaluit eorum pius, ac communis usus exemplo veteri atrii, quod Ecclesia sepulturis fidelium obtulit. Jam aevo Gregorii Turonensis sepulturae fidelium sacra benedictione parabantur. Caemeterii tamen consecratio antiquior non est Ecclesiarum inauguratione, quarum una, eademque videtur fuisse. Arg. c.7. de Consecr. Eccl. vel Altar.

25. Bonifacius VIII. inter caemeterium contiguum, et remotius distinxit. Forte eodem tempore singularis benedictio remotiori caemeterio impendi caepit. c. un. ibi in 6. Hodie Rituale Romanum specialem formam benedicendi caemeterii definit; unde fit, ut locis religiosis accenseatur.

Cap. 3.  
De Di-  
vers. spec.  
Sepult.

26. Primis Ecclesiae saeculis fideles, qui ditiores erant, passim in propriis fundis, pauperes in campis subterraneis sepeliri confueverant. Supersunt nobis ex veterum exemplis inde sepulchra Majorum familiaria, haereditariaque. c. 2. et 3. XIII. q. 2.

27. His exemplis et novo jure deci-  
sum est, mulierem in sepulchro mariti  
esse timulandam; et quidem, si plures  
habuerit maritos, cum ultimo, cuius  
domicilium, et honorem retinet, esse  
sepeliendam. *c. 3. de Sepult. in 6.* Hinc  
et filii cum suis Majoribus sunt sepelien-  
di. *c. 4. ibi in 6.*

28. Monachi, ut suam familiam; ita  
et sepulturam habent in Conventu, adeo,  
ut nequidem aliam eligere possint. *c. 5.*  
*de Sepult. in 6.* His accensentur et Ob-  
lati, siquidem plene oblati sint. *c. 10.*  
*X. ibi.* Atque tales censentur, qui se,  
et sua in Monasterium eo effectu tradi-  
derunt, ut, vinculo regularis obedien-  
tiae adstricti, ex bonis Communitatis  
alantur. Sunt enim et alii Oblati; utpo-  
te qui sua aut sibi retinent, aut non nisi  
in ultima aegritudine se, et sua Mona-  
sterio adscribunt, ut in habitu monasti-  
co, veluti signo poenitentiae decedere  
videantur. *c. 4. de Sepult.*

29. Exceptis igitur Monachis reliqui  
vel in sepulturis Majorum, vel in cae-  
meteriis Parochialibus conduntur, nisi  
ultra aliam sepulturam elegerint. Quip-  
pe cuique integrum est eligere sepultu-  
ram, tametsi aliena sit. Haec libertas  
et Conjugi, et filiisfamilias est, si pu-  
beres sint. Pro filio impubere Pater eli-  
gere potest, si ita habeat consuetudo.  
*c. 4. de Sepult in 6.*

30. Veteri more omni invidia vacabat, si quis vel in Monasterio, vel in Ecclesia Cathedrali, aut Parochiali sepeliri elegisset. Tunc enim nullum privilegium, vel Jus Parochiali, aut Cathedrali Ecclesiae prae aliis piis locis fuit. *c. 6. XIII. q. 2.* Ast cum hujus generis sepulturas maxima oblationes aliquando sequerentur, sepulturae in aedibus Monasteriorum electae aegris oculis a Parochis, et Canonicis Cathedralibus, qui tanto fructu privabantur, sunt notatae. Quare novo jure statutum est, quartam funeralium, veluti legitimam Parochiali Ecclesiae esse reddendam, si alibi sepultura fuisset electa. *c. 8. et pasim. de Sepult.* Aliquando alias locus sepulturae eligi non potuit, nisi aut in Conventu religioso, aut in caemeterio benedicto. *c. 3. ibi.* Sed Bonifacius VIII. declaravit, locum etiam minus religiosum, veluti Oratorium, aut Sacellum pro sepultura eligi posse. *c. 2. §. 1. eod. in 6.*

31. Inter ea tempore ebulliere motiones nonnullorum Religiosorum, qui freti privilegio, quod apud eos sepultura eligi posset, diversis artibus laicos sollicitarunt, ut in eorum Conventu sepeliri eligerent. Repressit tam degeneres ausus Regularium Bonifacius VIII adjectis poenis. *c. 1. de Sepult. in 6.* Atque Clemens V. declaravit, hujusmodi

transgressores dictas poenas ipso facto incurrere, nec ab alio, quam a Sede Apostolica absolvvi posse. *Clem. 3. de Paen.*

32. Si nulla sit sepultura electa, Parochi officium est, defunctis Parochianis suis sepulturam parare, adeo, ut, si quis eorum alibi sepultus fuerit, per actionem spolii corpus vindicare possit. *c. 5. de Sepult.* Praecipit hinc Papa, ut, si quisquam Parochianorum alibi defunctus fuerit, ejus cadaver ad sepulturam propriae Parochiae remittatur, si id facile fieri possit. *c. 3. ibi in 6.* Passim tamen habet consuetudo, quod quisque, ubi moritur, ibi et sepulturae tradatur. Quippe hoc modo multae lites praecaventur.

33. Reliquis juris veteris, recentiorisque auctoritatibus irremissibiliter cavitur, ne pro sepultura pretium exigitur. Veteri more in magnis civitatibus funera per Clericos, quos Copiatis, Parabolanos, fossoresque dixerunt, exportabantur, humabanturque, quibus hodie alicubi Alexiani successisse videntur. Supersunt nobis veteres leges, quae eorum ministrorum tum numerum, tum officium definiunt, tum et iis sumptum assignant, ut sepulturae Constantinopoli gratis praestarentur. *Nov. 59.*

Cap. 4.  
De Exaſt.  
Sepult.

34. In Oriente, cum publici proveniunt funebres in alios usus detorquerentur, Leo sapiens decrevit, ut, quae

de his jam olim a Justiniano edita constitutio est, immota, et inviolata permaneat. *Nov. Leon.* 12.

35. In Occidente, praevalente veterum legum contemptu, vigilavit S. Gregorius: *Hoc autem vitium, inquit, et nos, postquam Deo auctore ad Episcopatus honorem accessimus, de Ecclesia nostra omnino vetuimus, et per pravam denuo consuetudinem nequaquam usurpare permisimus etc.* Ref. c. 12. XIII.  
q. 2.

36. Supersunt in Decreto et reliquae anteriores, posterioresque auctoritates, quae vetant pro sepultura ecclesiastica vel pretium, vel praemium extundi, quia et hoc Religionis officium est gratis praestandum. c. 13. 14. 15. ibi.

37. Haec argumenta et novo jure reluent, rejecta consuetudine, si quae contraria inolevit, quia horribile nimis est, quod in quibusdam Ecclesiis locum venalitas perhibetur habere. c. 8.  
9. *de Simon.* c. 13. *de Sepult.*

38. Supressis exactionibus, locus tamen relinquitur sponteis oblationibus. Hinc tum veteres, tum recentiores auctoritates excusant, quod accipiatur, si quid vel a defuncto, vel ab haeredibus, proximisque defuncti occasione sepulturae *sponte, et gratis* oblatum fuerit. Haec enim a primis Ecclesiae saeculis pia, et laudabilis consuetudo invaluit,

in faneribus oblationes pro mortuis faciendi. Inquit Hincmarus Remensis: *Si quid autem Ecclesiae, vel Altari — GRATIS oblatum fuerit a devotis qui- buslibet, cum benignitate recipere non vetamus.* Et alibi: *Si autem aliquid quisquam GRATIS offerre voluerit, post sepultum corpus hoc suscipi non veta- mus.*

Hincm.  
Capit.  
lib. 1.  
c. 2. lib. 3.  
c. 2.

39. Quum Albigenenses et has oblationes Clero, Apostolicae paupertatis obtentu, invidenter, rescripsit Innocentius III., pias consuetudines (*utpote in via simplicis oblationis*) esse servandas, repressis per quemque Episcopum loci illis, qui *malitiose*, videlicet per fermentum haereticae pravitatis, laudabilem consuetudinem convellere nituntur. c. 42. *de Simon.*

40. Quid clarius? Distinquit Innocentius III. ab exactioribus cujuscunque generis usum piarum oblationum, quia istae gratis, et sponte praebentur. Hoc enim solo titulo vetus, et laudabilis consuetudo in veteribus, recentioribusque decretis relucet, quam tamen aliquando haeretici convellere nitebantur, ut Clerum cogerent ad vicitandum ex foliis Decimis.

41. Postquam vero Decimae personales passim desierunt, ut Decimae praediales multis locis ad Monasteria, et Capitula devolutae sunt, nonnullis Pa-

storibus, qui aliunde justo reditu destitui videbantur, per discretam taxationem earum oblationum etiam in via exactionis de congrua portione definienda, vel supplenda providendum fuit. Absit vero, ut haec vel causa, vel via suffragari possit reliquis Pastoribus, qui vel integris Decimis laetantur, vel aliunde sufficienti reditu sunt instructi? Enim vero his nec vetus, nec laudabilis consuetudo, utpote titulo, et ratione destituta, in eo genere suffragatur. Concilium Colonense de ann. 1536. diserte Parochos, quibus sufficientes Decimae sunt, dispunxit ab egentibus Pastoribus, praecipiendo, *ut laudabiles consuetudines pro Parochorum sustentatione, per viam taxationis, et exactionis, in civitate Colonensi introductae observarentur, donec ipsis Parochis de vietu magis sufficienti fuerit provisum.*

42. Et vero procul dubio praestaret, quod utraque potestas vel per collationes Decimatorum, vel per quamcumque aliam viam tenuioribus Pastoribus de congrua portione consulteret, ut nullus locus tam funestarum plerumque exactionum, et extortarum oblationum superesset. Quae enim illa pia, vel laudabilis consuetudo, neque sine mercede fieri defunctorum exequias? Ref. Nov. 59. praef. in fin.

Cone.  
Colon.  
P. 8. c. 7.

43. Id reliquum est, quod moneantur Parochi, aliique Sacerdotes, ut in horum jurium exactione omnis avaritiae, et cupiditatis speciem sollicite carere debeant. Praecipit Rituale Romanum, *ut Parochi, aliique Sacerdotes, missis reliquis corruptelis, iis eleemosynis contenti sint, quae aut probata consuetudine dari sponte solent, aut Ordinarius assentiente Principe constituerit.*

44. Novo jure passim Pontifices novellis religiosis Ordinibus privilegium concessere, quod in eorum Ecclesiis libere sepultura eligi posset, adjecta ea cautela, ut *salva esset justitia Ecclesiarum (Parochialium) a quibus corpora assumuntur.* Haec cautela tum juri eomuni, tum privilegiis reliquis inscripta est, ut nulla fere authentica Bulla proferri possit, ea conditione destituta. c. 9. *de Sepult.*

Cap. 5.  
De Jur.  
Paroch.

45. Nostro usu haec justitia Parochialis Ecclesiae principaliter consistit in exequiis celebrandis. Hinc fit, quod Clerus Parochiae, in qua quis deceperit, tollat cadaver, eoque ad Ecclesiam Parochiale delato, et Missa pro defuncto peracta, Parochus Clero comitante exhibeat corpus Superiori ejus loci, in quo sepeliri elegit.

46. Sensim tamen invaluit, quod exequiae Parochiales absente funere age-

rentur, quia corpus defuncti directe defertur ad locum sepulturae; modo tamen Missa, sive exequiae pro defuncto in Ecclesia Parochiali celebrarentur: atque id genus exequiarum in Ecclesia Parochiali celebrandum est, quod respondeat Officio funebri ad ipsam inhumationem in loco electae sepulturae praescripto.

47. Ecclesia Parochialis veluti mater spectatur, ut per illas exequias ab ea veluti ultimum vale defunctus recipiat. Abhinc et exemplo matris in partem haereditatis, veluti jure legitimae, vocatur, si haec ad extraneos ex dispositione Liberorum transeat. Hoc titulo quarta pars funeralium, reliquarumque piarum obventionum, quae occasione sepulturae alibi electae extraneis Ecclesiis obtigerunt, Parochiali Ecclesiae veluti legitima vindicatur. Placuit hanc portionem quartam, vel canonicam dicere, etsi pro locorum, et temporum diversitate diversa esse queat. Sic haec novi juris argumentis alicubi in triente c. 1. alibi in dimidietate c. 2. plerumque in quarta consistit. c. 8. Standum ergo est in determinatione hujus portio-  
nis loci, aut viciniae consuetudini. c. 9.  
*de Sepult.*

48. Declarat Clem. V., *ut dictorum Ordinum Fratres de obventionibus, et omnibus tam funeralibus, quam quibus-*

cunque, et in quomodo cunque relictis distincte, vel indistincte ad quos cunque certos, vel determinatos usus, de quibus etiam quarta, sive canonica portio dari, sive exigi non consuevit, vel non debet de jure, nec non de datis, vel qualiter cunque donatis in morte, seu mortis articulo in infirmitate donantis, vel dantis, de qua decesserit, quomodo cunque directe, vel indirecte Fratribus ipsis vel aliis pro eisdem quartam partem (quam Apostolica auctoritate taxamus, et etiam limitamus) Paraecialibus Sacerdotibus, et Ecclesiarum Rectoribus, seu Curatis largiri integre teneantur. Refert. Clem. 2. ibi.

49. Spectat ergo haec quarta obventiones praecise electae sepulturae, ut in hanc quartam haud imputentur oblationes, quae ipsi Ecclesiae Parochiali in, et pro funere fiant. Nam de hisce relictis nihil dicit Papa.

50. Juxta Tridentinum Decretum : Trid. sess. Quibus cunque in locis jam ante annos quadraginta quarta, quae funeralium dicitur, Cathedrali, aut Parochiali Ecclesiae solita esset persolvi, ac postea fuerit ex quocunque privilegio aliis Monasteriis, Hospitalibus, aut quibus cunque plus locis concessa, eadem posthac integro jure, et eadem

25. c. 13.

portione, qua antea solebat, Cathedrali, seu Parochiali Ecclesiae persolvatur; non obstantibus concessionibus, gratiis, privilegiis, etiam Mari magno nuncupatis, aut aliis quibuscunque.

51. Passim tamen consuetudo hanc quartam funerariam vel minuit, vel remisit. Nostris moribus nonnullae Ecclesiae sibi nihil, nisi primas exequias retinent? In aliis vero Ecclesiis, ubi electa est sepultura, Parochus ad deducendum funus cum suo Clero invitatur, ut officio funebri, ad sepulturam celebrando, intersit, percepturus quartam partem funeralium, quae circa funus adhibentur, praeteritis reliquis obventionibus.

52. Alibi est et locus concordatis, et pactis, quibus hae obventiones vel remittuntur, vel minuuntur. Statuit Bonifacius VIII., *hujusmodi compositiones, et pacta cum Praelatis, Capitulis, et Rectoribus, et Personis predictis ab ipsorum Fratrum conventionalibus Prioribus, seu Guardianis facta, vel approbata, de suorum Conventuum consilio, et assensu (dum tandem alias sunt licita, et honesta) debere ab ipsis Fratribus, in locis, in quibus fuerint facta, perpetuo, inviolabiliter observari: non obstante, quod Magistri, vel Ministri, aut Prioris generalium, vel provincialium*

*praedictorum non intervenerit in eisdem assensu etc.* Refert. c. 3. de Paet. in 6.

53. Interea saepe vitio fuit religiosis Ordinibus, quod, freti suis privilegiis nonnunquam indignos ad sepulturam ecclesiasticam reciperent. Nam veteri, novoque jure fixa est regula, esse et post mortem indignos sepulturae, tot precibus, et suffragiis stipatae, communione, quibus in vita non communica-  
vimus. c. 1. XXIV. q. 2. c. 12. de Sep-  
pult. c. 5. de Privil.

54. Hinc Pagani, Judaei, haeretici, Schismatici, et ipsi infantes S. Baptismo destituti a sepultura ecclesiastica arcentur. Juxta veterem Regulam Synodi Aurelianensis, *Ecclesiam, in qua Paganus sepultus est, non liceat consecrare, neque Missas in ea celebrare, sed jactari foras, et mundari oportet.* Refert. c. 27. D. 1. de Consecr.

55. His accensentur excommunicati, si quidem, spreta poenitentia, in censura decesserint; sed praevalente farra-  
gine censorum placuit, Decretum re-  
stringere ad eos excommunicatos, qui sunt notorii percussores Clericorum, aut fuerint publice denuntiati, aut no-  
minatim interdicti.

56. Aliquando de poenitentibus de-  
functis ainceps quaestio fuit. Praeplacuit tamen jam et olim indulgentia. c. 30.

Cap. 6.  
De Privil.

Mart. V.  
Bull. ad  
evit.  
scand.

*et 31. XIII. q. 2.* Supereft tamen veteris rigoris et novo jure multiplex exemplum. Concilium Lateranense IV. sepultura indignos pronuntiat, qui praeceptum annuae Confessionis, Paschalisque Comunionis neglexerint. *c. 12. de Poenit. et Remiss.* Pronuntiat indignos sepultura et eos, qui in Torneamentis decefferint. *c. 1. de Torneam.* Juxta Concilium Tridentinum et ii indigni sepultura sunt ecclesiastica, qui duellum inierunt, si in ipso confictu decefferint. *Trid. sess. 25. c. 19.* Alibi Raptore, et violatores Ecclesiarum privantur sepultura ecclesiastica, nisi satisdent de satisfaciendo. *c. 12. de Raptor.* Denique usurarii manifesti excluduntur, nisi de reddendis usuris idonee caverint. *c. 2. de Usur. in 6.* Reliquorum manifestorum, et publicorum peccatorum, qui sine omni poenitentia, et saepe in ipso peccato perierint, aliunde desperata est causa. *c. 2. de Furt.*

57. Praecipit Innocentius III., ut, si contingat, indignos ad sepulturam ecclesiasticam quocunque casu fuisse receptos, eorum corpora, si discerni queant, exhumentur, et ab ecclesiastica sepultura procul, auctoritate Superioris causa cognita, jacentur. *c. 12. d. Sepult.*

\* 58. Abhinc in morali doctrina, quod ad conciliandam justam reverentiam uberioris

rius supereft argumentum, quam expendere, christiana funera esse vera religionis officia? Inquit S. Ambrosius: *Nemo potest indignari, quia humanis fidelium reliquiis spatialaxata sunt: nemo potest dolere, quia in sepulturis Christianorum requies defunctorum est.* — *In his vasā etiam initiata Ecclesiae confringere, conflare, vendere licet.* Refert. c. 70. XII. q. 2. Quid differtius sententia S. Augustini? Nec, inquit, contemnenda, aut abjicienda sunt corpora defunctorum maximeque iustorum, atque fidelium, quibus tanquam organis, et vasī ad omnia bona opera usus est Spiritus sanctus. Si enim paterna vestis, et annulus, ac si quid hujusmodi, tanto carius est posteris, quanto erga Parentes major affectus; nullo modo spernenda sunt corpora, quae utique multo familiarius, atque conjunctius, quam quaelibet indumenta, gestamus. Haec enim non ad ornamentum, vel adjutorium, quod adhibetur extrinsecus, sed ad ipsam naturam hominis pertinent. Unde et antiquorum iustorum funera officiosa pietate curata sunt, et exequiae celebratae, et sepultura provisa: ipsisque, dum viverent, de sepeliendis, vel transferendis suis corporibus filiis mandaverunt; et Tobias sepeliendo mortuos Deum promeruisse, teste Ange-

S. Aug.  
de civit.  
Dei lib. I.  
c. 13.

*lo, commendatur. Ipse quoque Dominus die tertio resurrecturus, religiae mulieris bonum opus praedicat, praedicandumque commendat. — Et laudabiliter commemorantur in Evangelio, qui corpus ejus, de cruce acceptum, diligenter, atque honorifice tegendum, sepeliendumque curarunt. Et alibi: Corpori — humando quidquid impenditur, non est praefidum salutis, sed humanitatis officium. Juxta Surium refert Metaphrastes: S. Martianus, Presbyter, et Oeconomus magnae Ecclesiae Constantinopolitanae noctu — obiens plateas, et civitatis angiportus, hujus quoque curam gerebat. Sicubi invenisset mortuum prae nimia paupertate abjectum, et cuius nemo curam gereret, et, quem talem vidisset, tanquam magnum aliquod lucrum asscutus, eum lubenter videbat; cumque eum libenter lavisset, et induisset, et alia justa pro more ei fecisset; deinde etiam mortuum tanquam vivum alloquebatur: agedum, dicens, si quoque particeps nobiscum ejus, quae est in Christo, charitatis. Quae cum diceret, habebat aliquando eum, qui jacebat, audientem; surgebat enim, o miraculum, quod verbis non potest explicari! et bonum amplectebatur Martianum — deinde sic mortuus, rursus erat mortuus.*

Sur. ad  
diem  
10. Jan.

# CONSPECTUS.


## III. PARTIS.


### DE BONIS ECCLESIASTICIS.

	Pag.
<i>Titulus I. de beneficiis.</i>	25
<i>Titulus II. de aetate, et qualitate Beneficiandorum.</i>	45
<i>Titulus III. de Pluralitate beneficiorum.</i>	61
<i>Titulus IV. de ordinaria beneficiorum provisione.</i>	87
<i>Titulus V. de concursu ad Parochiales Ecclesias.</i>	105
<i>Titulus VI. de reservationibus Apostolicis.</i>	121
<i>Titulus VII. de Provisionibus Apostolicis.</i>	144
<i>Titulus VIII. de Jure Patronatus.</i>	171
<b>SECTIO II. de Regalia.</b>	202
<i>Titulus IX. de institutione, et possessione beneficiorum.</i>	215
<i>Titulus X. de resignatione, et permutatione beneficiorum.</i>	235
<i>Titulus XI. de Pensionibus ecclesiasticis.</i>	258
<i>Titulus XII. de Unionibus beneficiorum.</i>	284
<i>Titulus XIII. de Simonia circa beneficia.</i>	302
<i>Titulus XIV. de acceptione Personarum in provisione beneficiorum.</i>	336

<i>Titulus XV. de bonis temporalibus Ecclesiae.</i>	348
<i>Titulus XVI. de Decimis, et oblationibus.</i>	367
<i>Titulus XVII. de portione congrua Pastorum.</i>	395
<i>Titulus XVIII. de immunitate ecclesiasticorum bonorum.</i>	411
<i>Titulus XIX. de administratione, et alienatione bonorum ecclesiasticorum.</i>	423
<i>Titulus XX. de Hospitalibus, et locis religiosis.</i>	440
<i>Titulus XXI. de sepulturis.</i>	460







74

